

SAMOA

Faatulagaga o Aiaiga

**VAEGA I
FAATOMUAGA**

1. Igoa puupuu ma le amataga
2. O le Tulafono e noatia ai le Malo
3. Faamatalaina o uiga o upu
4. Noataga ua faaee atu e Tulafono po o Tulafono faafoe

**VAEGA II
SOLITULAFONO
FAAVA O MALO MA
SOLIGATULAFONO E
FAASAGA I LE PULEGA O
LE FAAMASINOGA
AMIOTONU**

5. Fasiotia o se vaega toatele o tagata
6. Solitulafono e faasaga i tagata soifua
7. Solitulafono o taua
8. Faamatalaina o uiga o mataupu 6, 7 ma le 8 o le Tulafono

9. Puipuiga i soligatulafono i lalo o fuaiupu 5, 6 po o le 7
10. O le usitaia o faatonuga a i latou i tulaga tofi maualuga e le avea o se puipuiga i soligatulafono i lalo o fuaiupu 5, 6 po o le 7
11. O matafaioi tauave a Taitaiiau faa-fitafita ma isi o lo o umia tofiga maualuga
12. O le Puleaga faa-Faamasinoga lē tumau mo soligatulafono i lalo o fuaiupu 5, 6 po o le 7
13. O le Puleaga faa-Faamasinoga e faia ai faamasinoga o soligatulafono i lalo o fuaiupu 5, 6 po o le 7
14. Tali atu i le moliaga sa solofua pe sa faamaonia muamua
15. Tapulaa i le faaooina atu o mataupu i le faamasinoga
16. E manaomia le maliega a le Loia Sili mo moliaga i lalo o fuaiupu 5, 6 po o le 7
17. Faiga tauvatea a faamasino ma isi tulaga faapena

18. Faiga e faaoloataua ai
Faamasino ma isi tulaga
faapea
19. Faiga tauvaleyalea ma faiga
faaoloataua a tagata ofisa o le
Faamasinoga a le Lalolagi
mo Solitulafono Faava o
Malo
20. Faamatalaga molimau sese
21. Faamatalaga molimau pepelo
i luma o le Faamasinoga a le
Lalolagi mo Solitulafono
Faava o Malo
22. Taupulepulega e
faalēaogāina le faamasinoga
tonu i le Faamasinoga a le
Lalolagi mo Solitulafono
Faava o Malo
23. Faalavelaveina o tagata
molimau po o tagata ofisa
24. O pulega faa-faamasinoga e
suesue ai soligatulafono i
lalo o fuaiupu 17 e oo i le 23
25. Faamasinoga o
soligatulafono e faia i fafo
atu o Samoa
26. E manaomia le maliega a le
Loia Sili mo moliaga i lalo o
fuaiupu 17 e oo i le 23

**VAEGA III
AIAIGA LAUTELE E
FAASINO I TALOSAGA
MO FESOASOANI**

27. Faaogāina
28. Talosaga mo fesoasoani
29. O le faia o Talosaga
30. Agatapuia o talosaga
31. Faatinoga o talosaga
32. Puipuiga mausali o Malo po
o Tau le va o Malo
33. O le tali atu i talosaga
34. Faatalalanoaga

**VAEGA IV
PUEINA FAA-PAGOTA MA
LE TOE FAAFOI O TAGATA
I LE FAAMASINO A LE
LALOLAGI MO
SOLITULAFONO
FAAVA O MALO**

35. Faaogāina o lenei Vaega
36. Talosaga mo le pueina faa-
pagota ma le toe faafoi
37. Aia tatau a le tagata ua
pueina faa-pagota
38. Teena le talosaga mo le
pueina faa-pagota ma le toe
faafoi
39. Tolopoina o le faatinoga o
talosaga mo le pueina faa-
pagota ma toe faafoi
40. Talosaga faafinau
41. E le aveva tulaga aloaia e fai
ma pa puipui i le pueina ma
le tuuina atu
42. Pueina i luga o tuutuuga
43. Tagata ua pueina i luga o se
tusi poloaiga le tumau
44. Talosaga mo le tatalaina i tua
i luga o puipuiga
45. Faamasinoga o le toe faafoi
46. E le suesueina e le
Faamasino le aloaia o le tusi
poloaiga
47. Toe faafoi e ala i se maliega
48. Aloaia o le poloaiga e
faaooina atu ai
49. Taualumaga pe afai e teena e
le Faamasino le poloaiga
50. Faasaolotoina o le tagata ua
lē o faaooina atu
51. Faasaolotoina o le tagata e lē
o toe manaomia ona toe
faafoi
52. Talosaga mo le toe faafoi lē
tumau

53. Talosaga i le Faamasinoga a le Lalolagi mo Solitulafono Faava o Malo mo le uia o isi atunuu
54. Tuusaunoaga o manaoga o le mataupu 101 o le Tulafono

**VAEGA V
TALOSAGA MO ISI ITUAIGA
O FESOASOANI**

55. Faaaogāina o lenei Vaega
56. Fesoasoani i le faailoaina po o le faailoagofieina o tagata po o meataitasi
57. Fesoasoani i le faamauina o faamatalaga molimau
58. Fesoasoani i le tuuina atu o pepa aloaia ma mataupu
59. Tulafono e talafeagai i ai
60. Fesoasoani i le suesueina o tagata
61. Fesoasoani i le faatulagaina o le auina atu o pepa aloaia
62. Fesoasoani i le faafaigofieina o le auai o tagata molimau i le lotofuatiifo
63. E manaomia le maliega
64. E mafai e le Minisita ona faafaigofie le auai ai
65. Fesoasoani i le faafaigofieina ona fesiitai lē tumau o le pagota
66. E manaomia maliega ma e mafai ona saili ni faamaoniga
67. E mafai e le Minisita ona faatulaga fesiitaiga
68. Aafiaga o le fesiitaiga i le faasalaga o le pagota
69. Fesoasoani i le suesueina o nofoaga po o fale
70. Fesoasoani e aofia i le sailia ma le faoa faamalasia
71. Fesoasoani e aofia ai le faaaogāina o isi taualumaga o suesuega tau lotoifale

72. Fesoasoani i le puipuia o tagata afaina ma tagata molimau ma le faasaoina o faamatalaga molimau
73. Talosaga mo fesoasoani i le taofia ma le faoa faamalasia o meatotino e fesoatai i solitulafono
74. Isi ituaiga o fesoasoani
75. Teena o le talosaga
76. Puipugamalu o le atunuu
77. Tolopoina o le faatinoga o talosaga mo fesoasoani
78. Taulumaga a o lumanai ai le teena o fesoasoani
79. Faamautu ma faamaonia le tulaga moni o meafaitino
80. Faaoina atu o meafaitino i le Faamasinoga a le Lalolagi mo Solitulafono Faava o Malo
81. Tusi faamaonia e tuuina atu e le Minisita
82. E mafai e le Minisita ona talosagaina fesoasoani mai le Faamasinoga a le Lalolagi mo Solitulafono Faava o Malo

**VAEGA VI
FAAMAMALUINA O
FAASALAGA MA POLOAIGA A
LE FAAMASINOGA A LE
LALOLAGI MO
SOLITULAFONO FAAVA O
MALO I TOTONU O SAMOA**

83. Faaaogāina o lenei Vaega
84. E mafai e Samoa ona galue o se Atunuu e faamamaluina
85. Talosaga ina ia faatinoina le faasalaga i totonu o Samoa
86. Ia taofia i le falepuipui le pagota

87. Fesiitai atu o le pagota i le Faamasinoga a le Lalolagi mo Solitulafono Faava o Malo mo toe iloiloga o le faasalaga
88. Fesiitai atu o le pagota i se isi Atunuu e faamaea ai le faasalaga
89. Taulumaga pe a maea ona faatino le faasalaga
90. Poloaiaga e aveesea ai
91. O le faatuai o le aveesea
92. Tulafono faafoe faapitoa i nisi tulaga
93. E le manaomia pemitā o le ulufale mai o tagata
94. Faaogāina i tagatanuu o Samoa
95. Faamamaluina o sala tupe
96. Faamamaluina o poloaiaga e faalēaogāina ai
97. Faaliliuina o faaputugatupe faamaonia i le Faamasinoga a le Lalolagi mo Solitulafono Faava o Malo
98. Poloaiaga mo le faalēaogāina o meatotino i luga o moliaga ua faamaonia faaletulafono e le Faamasinoga a le Lalolagi mo Solitulafono Faava o Malo
99. Faamamaluina o poloaiaga mo tau i tagata ua afaina
100. Fesoasoani i le faamamaluina o le poloaiaga e taofia ai

**VAEGA VII
TAUALUMAGA A LE
FAAMASINOAGA A LE
LALOLAGI MO
SOLITULAFONO FAAVA O
MALO I TOTONU O SAMOA**

101. E mafai e le Faafoe Moliaga ona faafoe ni suesuega i totonu o Samoa
102. Taulumaga a le

- Faamasinoga a le Lalolagi mo Solitulafono Faava o Malo i totonu o Samoa
103. Malosiaga o le Faamasinoga a le Lalolagi mo Solitulafono Faava o Malo a o feagai ma taualumaga i totonu o Samoa
104. E mafai e le Faamasinoga a le Lalolagi mo Solitulafono Faava o Malo ona faafoe tautoga i totonu o Samoa
105. O poloaiaga ua faia e le Faamasinoga a le Lalolagi mo Solitulafono Faava o Malo e le noatia i toe iloiloga
106. Malosiaga e taofia ai pagota a le Faamasinoga a le Lalolagi mo Solitulafono Faava o Malo i falepuipui i totonu o Samoa
107. Aveesea o pagota a le Faamasinoga a le Lalolagi mo Solitulafono Faava o Malo

**VAEGA VIII
TULAGA FAALETULAFONO O
LE FAAMASINOAGA A LE
LALOLAGI MO
SOLITULAFONO FAAVA O
MALO MA TULAGA ALOAIA
MA PUIPUIGA MAUSALI O
TAGATA MAUTOFI O LE
FAAMASINOAGA A LE
LALOLAGI MO
SOLITULAFONO FAAVA O
MALO**

108. Tagata e feagai ma mataupu faaletulafono ma tulaga aloaia ma puipuiaga mausali

**VAEGA IX
AIAIGA ESEESE**

109. Tulafono Faatonutonu
110. Teuteuga Faatupulaia

Faamatalaga 1

2007, Nu. 26

O SE TULAFONO e mafai ai e Samoa ona faatino ma aloaia ona noataga i lalo o le Tulafono faia i Roma o le Faamasinoga a le Lalolagi mo Solitulafono Faava o Malo, ma mo mataupu e faasino i ai. [9 Novema 2007]

UA FAIA e le Fono Aoao Faitulafono a Samoa i totonu o le Palemene ua potopoto e faapea:

1. Igoa puupuu ma le amataga-(1) E mafai ona taua leni Tulafono o le Tulafono o le Faamasinoga a le Lalolagi mo Solitulafono Faava o Malo 2007.

(2) O leni Tulafono e tatau ona amata faamamaluina i se aso ua filifilia e le Minisita.

(3) O le Faasilasilaga o le amata faamamaluina o leni Tulafono e tatau ona lomia faasalalau i le gagana Samoa ma le gagana Peretania i totonu o le Savali ma se isi nusipepa o lo o faasalalauina i totonu o Samoa.

2. O le Tulafono e noatia ai le Malo – O leni Tulafono e tatau ona noatia ai le Malo.

3. Faamatalaina o uiga o upu-(1) I totonu o leni Tulafono, ae vagana ai ua manaomia e le mataupu se isi uiga e ese ai –

“faamasinoga” o lona uiga o le Faamasinoga Sili;

“solitulafono i totonu o puleaga faa-faamasinoga o le Faamasinoga a le Lalolagi mo Solitulafono Faava o Malo” o lona uiga:

(a) o se solitulafono lea e i ai le puleaga faa-faamasinoga a le Faamasinoga a le Lalolagi mo Solitulafono Faava o Malo i lalo o le mataupu 5 o le Tulafono; po o

(b) o se soligatulafono e faasaga i le puleaga o le faamasinoga tonu lea o lo o i ai le puleaga faa-faamasinoga a le Faamasinoga a le Lalolagi mo

Solitulafono Faava o Malo i lalo o le mataupu 70
o le Tulafono;

“Faamasinoga a le Lalolagi mo Solitulafono Faava o Malo”
o lona uiga o le Faamasinoga a le Lalolagi mo
Solitulafono Faava o Malo ua faavaeina i lalo o le
Tulafono;

“pagota a le Faamasinoga a le Lalolagi mo Solitulafono
Faava o Malo” o lona uiga o se tagata o Ia lea ua
faaeina atu i ai e le Faamasinoga a le Lalolagi mo
Solitulafono Faava o Malo se faasalaga e nofosala ai i le
falepuipui ma e aofia ai se tagata ua taofia i le falepuipui
i le talosaga a le Faamasinoga a le Lalolagi mo
Solitulafono Faava o Malo a o faagasolo se taualumaga
a le Faamasinoga a le Lalolagi mo Solitulafono Faava o
Malo i totonu o Samoa;

“faamasino” o lona uiga o se faamasino o le Faamasinoga
Sili;

“Minisita” o lona uiga o le Minisita o Faamasinoga;

“Vaega o le Faamasinoga o Uluai Suesuega” o lona uiga o
le Vaega o le Faamasinoga o Uluai Suesuega o le
Faamasinoga a le Lalolagi mo Solitulafono Faava o
Malo;

“meatotino” o lona uiga o meatotino feaveai ma meatotino e
le feaveaia o ituaiga uma taitasi ua faamatalaina, i totonu
o Samoa po o se isi nofoaga po o meatotino faitino pe
leai ma e aofia ai se aia i so o sea meatotino feaveai pe
le feaveaia;

“Faafoe Moliaga” o lona uiga o le Faafoe Moliaga o le
Faamasinoga a le Lalolagi mo Solitulafono Faava o
Malo;

“poloaiaga e taofia ai” o lona uiga o se poloaiaga e taofia ai so
o se tagata mai lona tagofiaina o meatotino ua faamaoti
mai i totonu o le poloaiaga e ese mai ai i tuutuuga ma
tuusaunoaga ua faamaoti mai i totonu o le poloaiaga;

“Tulafono Faafoe” o lona uiga o Tulafono Faafoe o
Taualumaga ma Faamatalaga molimau ua faaaogāina i
lalo o le mataupu 51 o le Tulafono;

“poloai e faoa faamalosia ai” o lona uiga o se poloai e faatagaina ai se leoleo e saili ai so o se meatotino ma faoa faamalosia lea meatotino pe afai e maua po o so o se isi lava meatotino ua talitonu le leoleo i luga o mafuaaga talafeagai e mafai ona fesootai atu i le talosaga mai a le Faamasinoga a le Lalolagi mo Solitulafono Faava o Malo;

“Tulafono” o lona uiga o le Tulafono faia i Roma o le Faamasinoga a le Lalolagi mo Solitulafono Faava o Malo ua faatulaga mai i le Faamatalaga 1 o lenei Tulafono;

“Vaega o le Faamasinoga o Iloiloga o Mataupu i luma o le Faamasinoga” o lona uiga o le Vaega o le Faamasinoga o Iloiloga o Mataupu i luma o le Faamasinoga a le Lalolagi mo Solitulafono Faava o Malo;

“tulafono o feagaiga faava o malo” o lona uiga o se feagaiga, maliega po o se isi maliega faava o malo lea e avea ai Samoa ma sona vaega ma o lo o faamamaluina i le taimi nei.

4. Noataga ua faaee atu e Tulafono po o Tulafono Faafae

– Afai ua faaee atu pe tuuina atu e so o se aiaiga o le Tulafono, po o Tulafono Faafae se malosiaga po o tiute tauave i luga o, po o ua faamatuu atu se galuega tauave i, se Malo e aofia ai ae le faatapulaaina i se malosiaga, tiute tauave po o galuega tauave e faasino i le faatinoga o se talosaga mo fesoasoani mai le Faamasinoga a le Lalolagi mo Solitulafono Faava o Malo, e mafai i lena malosiaga, tiute tauave po o galuega tauave, ae vagana ai e ese ai aiaiga i totonu o lenei Tulafono, ona faataunuu, faatino ma faamatuu atu e le Minisita e avea ma sui o le Malo o Samoa.

VAEGA II
SOLITULAFONO MA SOLIGATULAFONO
FAAVA O MALO E FAASAGA I LE PULEGA
O LE FAAMASINOVA AMIOTONU

5. Fasiotia o se vaega toatele o ituaiga o tagata-(1) O tagata taitoatasi uma, o Ia lea o lo o i totonu o Samoa po o se isi nofoaga –

(a) ua fasiotia se vaega toatele o tagata; po o

(b) ua taupulepule pe malilie faatasi ma so o se tagata ina ia fasiotia se vaega toatele o ituaiga o tagata, po o le faia o lena fasiotiga tagata i totonu o Samoa po o se isi nofoaga,

e tatau ona faamaonia lona nofosala i se soligatulafono ma e tatau ona noatia, i se moliaga ua faamaonia faaletulafono i se faasalaga ua faamaotiina mai i totonu o le faafuaiupu (3).

(2) Mo faamoemoega o lenei fuaiupu, “o le fasiotia o se vaega toatele o ituaiga o tagata” o se gaoioiga lea ua faamaoti mai i le mataupu 6 o le Tulafono ma e aofia ai so o se isi lava gaoioiga lea e faapea, i le taimi ma le nofoaga sa faia ai, ua aofia i le fasiotia o se vaega toatele o ituaiga o tagata e tusa ai o le tulafono faava o malo o tu ma aganuu po o le tulafono o feagaiga faava o malo po o e tusa ai o lona tulaga faasolitulafono e faasino i taiala faavae masani o tulafono ua aloaia e tagata lautele o atunuu, pe ua usitaia ai pe leai le tulafono o lo o faamamaluina i lea taimi ma i le nofoaga sa faia ai le soligatulafono.

(3) So o se tagata o ia lea ua faamaonia faaletulafono lona moliaga i lalo o le faafuaiupu (1) e tatau ona faasalaina i le nofosala i le falepuipui mo le olaga atoa.

6. Solitulafono e faasaga i tagata soifua-(1) O tagata taitoatasi uma o i latou ia, i totonu o Samoa po o se isi nofoaga, ua faia se solitulafono e faasaga i tagata soifua e tatau ona faamaonia faaletulafono o latou moliaga ma e tatau ona noatia, i luga o se moliaga ua faamaonia faaletulafono ina ua maea le

faamasinoga na molia ai, i se faasalaga ua faamaoti mai i totonu o le faafuaiupu (3).

(2) Mo faamoemoega o leni fuaiupu, “o le solitulafono e faasaga i tagata soifua” o se gaoioiga lea ua faamaoti mai i totonu o le mataupu 7 o le Tulafono ma e aofia ai so o se isi lava gaoioiga lea, i le taimi ma le nofoaga sa faia ai, o lo o aofia i se solitulafono e faasaga i tagata soifua e tusa ai o tulafono faava o malo o tu ma aganuu po o le Tulafono o feagaiga faava o malo po o e tusa ai o lona tulaga faa-solitulafono e faasino i taiala faavae masani o tulafono ua aloaia e tagata lautele o atunuu, pe ua usitaia ai pe leai le tulafono o lo o faamamaluina i taimi ma i le nofoaga sa faia ai lea soligatulafono.

(3) So o se tagata o Ia lea ua faamaonia faaletulafono le moliaga i lalo o le faafuaiupu (1) e tatau ona faasalaina i se vaitaimi aupito mauuluga e nofosala ai i le falepuipui mo le olaga atoa.

7. Solitulafono o Taa-(1) O tagata taitoatasi uma o Ia lea ua faia se solitulafono o taua, i totonu o Samoa po o se isi nofoaga, e tatau ona faamaonia lana soligatulafono ma e tatau ona noatia, i se moliaga ua faamaonia faaletulafono ina ua maea le faamasinoga na molia ai, i le faasalaga ua faamaoti mai i totonu o le faafuaiupu (3).

(2) Mo faamoemoega o leni fuaiupu, o “solitulafono o taua” o lona uiga o se gaoioiga ua faamaoti mai i totonu o le mataupu 8(2) o le Tulafono ma so o se isi lava gaoioiga ua faia a o faagasolo feeseeseaiga e faaogāina ai auupega, i le taimi lea ma le nofoaga e faia ai, ua faia ai se solitulafono o taua e tusa ai o le tulafono faava o malo o tu ma aganuu po o le tulafono o feagaiga faava o malo e faatatau i feeseeseaiga e faaogā ai auupega, pe ua usitaia ai pe leai le tulafono o lo o faamamaluina i lea taimi ma i le nofoaga sa faia ai le soligatulafono.

(3) So o se tagata o Ia lea ua faamaonia faaletulafono ona moliaga i lalo o le faafuaiupu (1) e tatau ona faasalaina i le vaitaimi aupito mauuluga e nofosala ai i le falepuipui mo le olaga atoa.

8. Faamatalaina o uiga o mataupu 6, 7 ma le 8 o le Tulafono – I le faamatalaina ma le faaaogāina o aiaiga o mataupu 6, 7 ma le 8 o le Tulafono, e tatau i le Faamasinoga ona amanaia so o se vaega o Solitulafono ua faaaogā ma teuteuina i lalo o le mataupu 9 o le Tulafono.

9. Puipuiga i soligatulafono i lalo o fuaiupu 5, 6 po o le 7-
(1) E mafai e se tagata ua molia i se soligatulafono i lalo o fuaiupu 5, 6 po o le 7, ona faalagolago i luga o so o se puipuiga, faatagaga po o se faamaoniga ua mafai ona ia avanoa i ai i lalo

o le tulafono a Samoa po o i lalo o tulafono faava o malo, e aofia ai ae le faatapulaaina i puipuiga i lalo o Mataupu 31 ma le 32 o le Tulafono.

(2) I le tulaga ua le ogatasi ai aiaiga o tulafono a Samoa ma se taiala faavae po o aiaiga o tulafono faava o malo po o mataupu 31 ma le 32 o le Tulafono, e tatau ona tumau pea le aloaia o taiala faavae po o aiaiga o tulafono faava o malo.

10. O le usitaia o poloaiga a i latou e umia tofi maualuga e le avea o se puipuiga mai soligatulafono i lalo o fuaiupu 5, 6 po o le 7-(1) E ese mai i le fuaiupu 9, e le tatau ona avea ma puipuiga i se soligatulafono i lalo o fuaiupu 5, 6 po o le 7 mo se tagata ua molia i se soligatulafono e tautino aloaia ai e faapea ua faia e le tagata le gaoioiga ma avea ai sea gaoioiga o le soligatulafono e tusa ai o se poloaiga a le Malo po o se tagata e umia se tofi maualuga, pe o se tulaga faa-fitafita po o se tulaga tau le va o tagata seia vagana ai –

(a) o le tagata sa i lalo o ni noataga faaletulafono e usitaia poloaiga a le Malo po o se tagata e umia se tofi maualuga o lo o fesiligia;

(b) e le i iloa e lea tagata e faapea o le poloaiga e le tusa ai ma le tulafono; ma

(c) e le i faailoa manino mai e faapea o le poloaiga e le tusa ai ma le tulafono.

(2) Mo faamoemoega o leni fuaiupu, o poloaiga ina ia fasiotia ni vaega toatele o ituaiga o tagata po o se solitulafono e

faasaga i tagata soifua, e tatau ona avea e faapea ua faaalua manino e le tusa ai ma le tulafono.

11. Matafaioi tauave a Taitai-au faa-fitafita ma isi tagata e umia tofi maualuga-(1) O se taitaiu faa-fitafita po o se tagata ua aloaia lona galue e avea o se taitaiu faa-fitafita, e tatau ona fitoitonu i ai se soligatulafono i lalo o fuaiupu 5, 6 po o le 7 ua faia e ni vaegaau i lalo o le taitaiga ma pulega aloaia a lenei tagata po o i le tulaga e mafai ai, i lalo o le pule faataga ma pulega aloaia a lena tagata, ona o se mafuaaga o le lē mafai e lena tagata ona faatino le pulea lelei o ia vaegaau pe afai –

- (a) sa iloa lava e le tagata, po o e tusa ai o tulaga aliaie mai i lea taimi, sa tatau ona iloa ua faia pe o le a faia e lea vaegaau sea soligatulafono; ma
- (b) ua le mafai e le tagata ona faia fuafuaga uma e tatau ona talafeagai i lona puipuia mai po o le taofiofia ai le faia po o le tuuina atu o le mataupu i pulega agavaa mo suesuega po o moliaga.

(2) E tusa ai o sootaga a ē umia tofi maualuga ma ē galulue lagolago i ai e le o faamatalaina i le faafuiauupu (1), e tatau i ē umia tofi maualuga ona nafa ma soligatulafono ua faia e i latou e galulue lagolago mo i lalo o fuaiupu 5, 6 po o le 7 i lalo o le pulega ma le faafoega lelei a le tagata, ona o se taunuuga o le lē mafai e lea tagata ona faatino le pulega o ia tagata galulue lagolago pe afai –

- (a) sa iloa e le tagata, po o ua le amanaia ma lona iloa faamatalaga ia o lo o faaalua manino mai ai, e faapea sa faia po o o le a faia e tagata galulue lagolago lea soligatulafono;
- (b) o soligatulafono e uiga i gaoioiga ia e aofia i matafaioi ma le pulega a lē umia le tofi maualuga; ma
- (c) ua le mafai e le tagata ona faia fuafuaga uma e tatau ma talafeagai i lona malosiaga e taofia ai pe puipuia mai ai le faia po o le tuuina atu o le mataupu i pulega agavaa mo suesuega ma moliaga.

(3) E tatau i se tagata o lo o nafa ma se soligatulafono i lalo o lenei fuaiupu mo se soligatulafono i lalo o fuaiupu 5, 6 po o le 7, mo faamoemoega o lenei Vaega o lenei Tulafono, ona faatatauina e faapea sa fesoasoani, lagolago, fautuaina po o le faataunuaina le faia o lenei soligatulafono.

12. O le Pulega faa-Faamasinoga le tumau mo soligatulafono i lalo o fuaiupu 5, 6 po o le 7 – E mafai ona faia taulumaga mo se soligatulafono i lalo o le fuaiupu 5, 6 po o le 7 pe afai o le gaoioiga po o le gaoioiga e le i faia o lo o aofia ai i le soligatulafono ua tuuaia e faapea sa faia –

- (a) i le aso po o ina ua tuanai le aso lea sa amata faamamaluina ai lenei Tulafono; po o
- (b) i le aso po o ina ua tuanai le aso 1 o Iulai, 2002 ma a o lumanai ai le aso lea e amata faamamaluina ai lenei Tulafono.

13. O le puleaga faa-faamasinoga e faia ai faamasinoga o soligatulafono i lalo o fuaiupu 5, 6 po o le 7-(1) Afai ua faia se gaoioiga e aofia ai se soligatulafono i lalo o fuaiupu 5, 6 po o le 7, e mafai ona faia taulumaga e faasaga i lenei tagata mo lenei soligatulafono i totonu o Samoa, pe afai –

- (a) o le soligatulafono ua faia i totonu o Samoa;
- (b) o le tagata o se tagatanuu po o se tagata nofomau o Samoa;
- (c) o le tagata ua faia le soligatulafono e faasaga i se tagatanuu po o se tagata nofomau o Samoa; po o
- (d) o lo o i ai pea le tagata i totonu o Samoa, i le tuanai ai o le faia o le soligatulafono.

14. Tali atu i le moliaga sa solofua pe sa faamaonia muamua-(1) Afai ua tuuaia se tagata i le faia o se gaoioiga e aofia ai se soligatulafono i lalo o fuaiupu 5, 6 po o le 7 ma o lenei tagata ua faamasinoina ma suesueina e se faamasinoga i se isi malo i fafo atu o Samoa e tusa ai ma lenei soligatulafono, i se faiga lea e faapea, a na faamasino ma suesueina lea tagata i totonu o Samoa mo lenei soligatulafono, e ono mafai e le tagata ona tali atu i se moliaga sa solofua, pe sa faamaonia muamua pe

sa faamagaloina, e tatau ona faatatauina e faapea o lea tagata sa suesueina ma faamasinoina.

(2) E ui lava i le faafuaiupu (1), e le tatau ona faatatauina se tagata e faapea sa suesueina e pei ona aiaia ai i totonu o lena faafuaiupu, pe afai ua uma ona faamasinoina ma suesueina lea tagata i totonu o se faamasinoga i fafo atu o Samoa ma o tualumaga o lena faamasinoga –

- (a) sa mo le faamoemoe e puipuia mai ai lena tagata mai ni noataga tau solitulafono; po o
- (b) sa le faafoeina i se isi faiga e ese ai i se faiga tutoatasi po o le lē faaituau e tusa ai ma tulaga faataatitia masani o tualumaga e tatau ona faia e pei ona aloaia e tulafono faava o malo, ma faafoe i se faiga e faapea, i tulaga e aliae mai, sa le ogatasi ma se faamoemoe ina ia faamasinoina lea tagata i le faamasinoga amiotonu.

15. Tapulaa i le faaooina atu o mataupu i le faamasinoga

– O solitulafono i totonu o puleaga faa-faamasinoga a le Faamasinoga faava-o-malo o Solitulafono e le tatau ona noatia i so o se tulafono e faasino i tapulaa o tualumaga amata i se faamasinoga o tulafono.

16. E manaomia le maliega a le Loia Sili mo moliaga i lalo o fuaiupu 5, 6 po o le 7-(1) E leai se tualumaga mo se soligatulafono i lalo o fuaiupu 5, 6 po o le 7 o lena Tulafono e tatau ona faia i so o se faamasinoga i totonu o Samoa seia vagana ai ua i ai le maliega a le Loia Sili.

(2) E ui lava i so o se mea i le faafuaiupu (1), e mafai ona pueina faa-pagota se tagata ua molia i se soligatulafono i lalo o fuaiupu 5, 6 po o le 7, po o e mafai ona tuuina atu ma faatino se tusi poloaiga mo le pueina o le tagata, ma e mafai ona taofia le tagata i le falepuipui po o le tatalaina i luga o se puipuiga, tusa lava po o e lē i maua se maliega a le Loia Sili mo le faia o tualumaga e faasaga i lena tagata mo lena soligatulafono, peitai e leai nisi laasaga e tatau ona toe faia i totonu o tualumaga seia vagana ua maua mai lena maliega.

(3) E na o le Loia Sili e mafai ona faafoeina taualumaga mo se soligatulafono i lalo o fuaiupu 5, 6 po o le 7 po o so o se tagata ua galue e suitulaga i le Loia Sili.

17. Faiga tauvalea a Faamasino ma isi tulaga faapena-(1)

O se Faamasino o ia lea, i Samoa po o se isi nofoaga, ua taliaina pe mauaina i se faiga tauvalea, po o ua malie pe ua ofo e talia pe taumafai ia maua, se faaoloataua mo i latou lava po o so o se isi tagata e tusa ai o se gaoioiga –

(a) ua faia po o ua le faia e lena Faamasino i lona tulaga faa-Faamasino; po o

(b) ua faia po o ua lē faia e lena Faamasino i lona tulaga faa-Faamasino, e tatau ona faamaonia le nofosala i se soligatulafono ma e tatau ona noatia, i luga o se moliaga ua faamaonia faaletulafono i le maea ai o le faamasinoga na molia ai, i le nofosala i le falepuipui mo se vaitaimi e le silia le 7 tausaga.

(2) O se Faamasino, Resitara, Sui Resitara, Loia Sili, Loia Sili Fesoasoani, po o le Faafoe Moliaga po o le Sui Faafoe Moliaga o ia lea, i totonu o Samoa po o se isi nofoaga, ua taliaina pe mauaina i se faiga tauvalea, pe ua ia ioe po o ua ia ofo e talia pe taumafai e maua, se faaoloataua mo ia lava po o so o se isi tagata e tusa ai o se gaoioiga:

(a) ua faia po o e lē i faia e lena Faamasino, Resitara, Sui Resitara, Loia Sili, Loia Sili Fesoasoani, po o le Faafoe Moliaga po o le Sui Faafoe Moliaga; po o

(b) ua faia po o e lē i faia e lena Faamasino, Resitara, Sui Resitara, Loia Sili, Loia Sili Fesoasoani po o le Faafoe Moliaga po o le Sui Faafoe Moliaga i le tulaga aloaia o lena tagata (e ese mai i se gaoioiga po o se gaoioiga ua lē faia lea e faatatau i ai le faafuaiupu (1)),

e tatau ona faamaonia lona nofosala i se soligatulafono ma e tatau ona noatia, i se moliaga ua faamaonia faaletulafono i le maea ai o le faamasinoga e molia ai, i le nofosala i le falepuipui mo se vaitaimi e le silia le 3 tausaga.

(3) I totonu o lenei fuaiupu ma i totonu o fuaiupu 18 ma le 23 –

“Sui Resitara” o lona uiga o le Sui Resitara o le Faamasinoga a le Lalolagi mo Solitulafono Faava o Malo;

“Faamasino” o lona uiga o se Faamasino o le Faamasinoga a le Lalolagi mo Solitulafono Faava o Malo;

“Resitara” o lona uiga o le Resitara o le Faamasinoga a le Lalolagi mo Solitulafono Faava o Malo;

“Faafoe Moliaga” o lona uiga o le Faafoe Moliaga a le Faamasinoga a le Lalolagi mo Solitulafono Faava o Malo; ma

“Sui Faafoe Moliaga” o lona uiga o le Sui Faafoe Moliaga a le Faamasinoga a le Lalolagi mo Solitulafono Faava o Malo.

18. Faiga e faaoloataua ai Faamasino ma isi tulaga faapena-(1) O tagata taitoatasi uma, o ia lea, i Samoa po o i se isi nofoaga, ua ia tuuina atu pe ofoina atu, po o ua malie e tuuina atu, se faaoloataua i so o se tagata i le faamoemoe e faatosina se Faamasino e tusa ai o so o se gaoioiga po o se gaoioiga ua le faia e lena Faamasino i le tulaga faa-Faamasino o lena Faamasino, e tatau ona faamaonia lona nofosala i se soligatulafono ma e tatau ona noatia, i se moliaga ua faamaonia faaletulafono i le maea ai o le faamasinoga ua molia ai, i le nofosala i le falepuipui mo se vaitaimi e le silia le 3 tausaga.

(2) O tagata taitoatasi uma o ia lea, i Samoa po o i se isi nofoaga, ua tuuina atu pe ua ofo atu i se faiga tauvlea, pe ua malie e tuuina atu, se faaoloataua i so o se tagata ma le faamoemoe e faatosina se Faamasino po o le Resitara, po o le Sui Resitara, le Loia Sili, Loia Sili Fesoasoani, po o le Faafoe Moliaga po o le Sui Faafoe Moliaga po o e tusa ai o se gaoioiga po o se mea ua le faia e lena Faamasino, Resitara, Sui Resitara, Loia Sili, Loia Sili Fesoasoani, le Faafoe Moliaga po o le Sui Faafoe Moliaga i lona tulaga tofi (e ese mai nai se gaoioiga po o se mea ua le faia lea e faaogā i ai le faafuaiupu (1)), e tatau ona faamaonia le nofosala i se soligatulafono ma e tatau ona noatia i se moliaga ua faamaonia faaletulafono i le maea ai o le

faamasinoga ua molia ai, i le nofosala i le falepuipui mo se vaitaimi e le silia le 3 tausaga.

19. Faiga tauvalea ma faiga faaoloataua a tagata ofisa o le Faamasinoga a le Lalolagi mo Solitulafono Faava o Malo-

(1) O se tagata ofisa o le Faamasinoga a le Lalolagi mo Solitulafono Faava o Malo o ia lea, i Samoa po o se isi nofoaga, ua ia taliaina pe ua maua i se faiga tauvalea, po o ua malie pe ofoina e talia po o le taumafai ia maua se faaoloataua mo i latou lava po o so o se isi tagata e tusa ai o lea gaoioiga –

(a) ua faia po o ua le faia e lea tagata ofisa i lona tulaga aloaia; po o

(b) ina ia faia pe leai foi, e lea tagata i lona tulaga aloaia, e tatau ona faamaonia lona nofosala i se soligatulafono ma e tatau ona noatia, i se moliaga ua faamaonia faaetulafono i le maea ai o le faamasinoga ua molia ai, i le nofosala i le falepuipui mo se vaitaimi e le silia le 3 tausaga.

(2) O tagata taitoatasi uma o ia lea, i Samoa po o i se isi nofoaga, ua ia tuuina atu pe ofoina atu i se faiga tauvalea, po o ua ioe e tuuina atu, se faaoloataua i so o se tagata mo le faamoemoe ina ia faatosina se tagata ofisa o le Faamasinoga a le Lalolagi mo Solitulafono Faava o Malo e tusa ai o se gaoioiga po o se gaoioiga ua le faia e lona tagata ofisa i lona tulaga aloaia e tatau ona nofosala i se soligatulafono ma e tatau ona noatia, i se moliaga ua faamaonia faaetulafono i le maea ai o le faamasinoga e molia ai, i le nofosala i le falepuipui mo se vaitaimi e le silia le 3 tausaga.

(3) I lenei fuaiupu ma le fuaiupu 23, “tagata ofisa o le Faamasinoga a le Lalolagi mo Solitulafono Faava o Malo” o lona uiga o se tagata ua faafaigaluegaina i lalo o le Mataupu 44 o le Tulafono.

20. Faamatalaga molimau sese-(1) O tagata taitoatasi uma o ia lea ua tuuina atu faamatalaga molimau sese mo faamoemoe o se taualumaga i luma o le Faamasinoga a le Lalolagi mo Solitulafono Faava o Malo po o e tusa ai o se talosaga ua faia e le Faamasinoga a le Lalolagi mo Solitulafono Faava o Malo lea o lo o aofia ai se faamatalaga e faapea, afai sa

faia i se taualumaga faa-faamasinoga i totonu o Samoa e avea ma faamatalaga molimau i luga o se tautoga, o le a faia ai le solitulafono o le tauto pepelo, e tatau ona avea e faapea ua tuuina atu se faamatalaga molimau sese.

(2) O tagata taitoatasi uma o ia lea, i Samoa po o i se isi nofoaga, ua ia tuuina atu faamatalaga molimau sese, e tatau ona faamaonia le soligatulafono ma e tatau ona noatia, i se moliaga ua faamaonia faaletulafono i le maea ai o le faamasinoga ua molia ai, i le nofosala i le falepuipui mo se vaitaimi e le silia le 2 tausaga.

21. Faamatalaga molimau pepelo i luma o le Faamasinoga a le Lalolagi mo Solitulafono Faava o Malo – O tagata taitoatasi uma o ia lea, i Samoa po o i se isi nofoaga, i le faamoemoe e taitaisese le Faamasinoga a le Lalolagi mo Solitulafono Faava o Malo, ua ia faia faamatalaga molimau pepelo e ala i so o se auala e ese mai i lo le tuuina atu o faamatalaga molimau sese, e tatau ona faamaonia le soligatulafono ma e tatau ona noatia, i se moliaga ua faamaonia faaletulafono i le maea ai o le faamasinoga ua molia ai, i le nofosala i le falepuipui mo se vaitaimi e lē silia le 3 tausaga.

22. Taupulepulega ina ia faalēaogāina le faamasinoga tonu i le Faamasinoga a le Lalolagi mo Solitulafono Faava o Malo – O tagata taitoatasi uma o ia lea, i Samoa po o se isi nofoaga, e faasino i so o se taualumaga, talosaga, po o isi mataupu ua faasinomia i totonu o le Tulafono, ua taupulepule ina ia faalavelaveina, taofia, faaleagaina, po o le faalēaogāina o le faagasologa o le faamasinoga tonu, e tatau ona faamaonia le soligatulafono ma e tatau ona noatia, i se moliaga ua faamaonia faaletulafono i le nofosala i le falepuipui mo se vaitaimi e le silia le 3 tausaga.

23. Faalavelaveina o tagata molimau po o tagata ofisa – O tagata taitoatasi uma o ia lea, i Samoa po o se isi nofoaga –

- (a) ua vaoia pe taumafai e vavao so o se tagata, e ala i le taufaamata'u, faamalosi, se faiga e faaoloataua ai po o isi auala, mai le tuuina atu o faamatalaga

molimau mo faamoemoega o se tualumaga i luma o le Faamasinoga a le Lalolagi mo Solitulafono Faava o Malo, po o e fesootai ma se talosaga ua faia e le Faamasinoga a le Lalolagi mo Solitulafono Faava o Malo; po o

(b) le faia o se faiga taufaamatau pe faaogāina se faiga faamalosi e faasaga i so o se Faamasino, o le Resitara, po o le Sui Resitara, le Loia Sili, po o le Loia Sili Fesoasoani, o le Faafoe Moliaga po o le Sui Faafoe Moliaga po o so o se tagata ofisa o le Faamasinoga a le Lalolagi mo Solitulafono Faava o Malo mo le faamoemoe e faatosina pe faasalaina lena tagata, e tusa ai o se gaioiga –

(i) ua faia pe leai foi e lena tagata po o so o se Faamasino, le Resitara, se Sui Resitara, le Loia Sili, po o le Loia Sili Fesoasoani, o le Faafoe Moliaga po o se Sui Faafoe Moliaga po o so o se tagata ofisa o le Faamasinoga a le Lalolagi mo Solitulafono Faava o Malo, i lona tulaga aloaia; po o

(ii) ua faia pe leai foi e lena tagata po o so o se Faamasino, le Resitara, le Sui Resitara, le Loia Sili, po o le Loia Sili Fesoasoani, o le Faafoe Moliaga po o se Sui Faafoe Moliaga po o so o se tagata ofisa o le Faamasinoga a le Lalolagi mo Solitulafono Faava o Malo, i lona tulaga aloaia; po o

(c) ua taumafai ma le loto i ai i so o se isi auala e faalavelaveina ai, taofia, faaleaga pe faalēaogāina le faagasologa o le faamasinoga tonu, e faasino i so o se tualumaga, talosaga, po o isi mataupu ua faasinomia i totonu o le Tulafono,

e tatau ona faamaonia le soligatulafono ma e tatau ona noatia, i se moliaga ua faamaonia faaetutulafono i le maea ai o le faamasinoga ua molia ai, i le nofosala i le falepuipui i se vaitaimi e lē silia le 3 tausaga.

24. O Puleaga faa-faamasinoga e suesue ai soligatulafono i lalo o fuaiupu 17 e oo i le 23-(1) Afai o se gaoioiga e aofia ai se soligatulafono i lalo o fuaiupu 17 e oo i le 23 ua faia e so o se tagata i fafo atu o le teritori o Samoa, e mafai ona faia tualumaga e faasaga i lena tagata mo lena soligatulafono i totonu o Samoa, pe afai –

- (a) ua faia le soligatulafono i totonu o Samoa;
- (b) o le tagata o ia o se tagatanuu po o se tagata nofomau o Samoa;
- (c) ua faia e le tagata se soligatulafono e faasaga i so o se tagatanuu po o se tagata nofomau o Samoa; po o
- (d) o lea tagata, ina ua maea ona faia le soligatulafono, o lo o i ai pea i totonu o Samoa.

25. Faamasinoga o soligatulafono e faia i fafo atu o Samoa – Afai o se gaoioiga e aofia ai se soligatulafono i lalo o lenei Vaega o lenei Tulafono ua tuuaia ai e faapea sa faia e se tagata i fafo atu o le teritori o Samoa, e mafai ona faia tualumaga e faasaga i sea tagata mo lena soligatulafono i so o se faamasinoga i totonu o Samoa ua i ai le puleaga faa-faamasinoga e faia ai le faamasinoga e faasino i ia soligatulafono, ma e tatau i sea faamasinoga ona i ai malosiaga uma e faia ai le faamasinoga e faasino i sea soligatulafono e faapei ai sa faia le soligatulafono i totonu o tapulaa o le atunuu o le puleaga faa-faamasinoga.

26. E manaomia le maliega a le Loia Sili mo moliaga i lalo o fuaiupu 17 e oo i le 23-(1) E leai se tualumaga mo se soligatulafono i lalo o fuaiupu 17 e oo i le 23 e tatau ona amatalia i so o se faamasinoga i totonu o Samoa seia vagana ai ua i ai le maliega a le Loia Sili.

(2) E ui lava i so o se mea i totonu o le faafuaiupu (1), e mafai ona pueina faa-pagota se tagata ua molia i se soligatulafono i lalo o fuaiupu 17 e oo i le 23, po o e mafai ona tuuina atu ma faatino se tusi poloaiga mo le pueina faa-pagota o le tagata, ma e mafai ona taofia le tagata i le falepuipui po o le tatalaina i tua e ala i se puipuiga, tusa lava pe le i maua le

maliega a le Loia Sili mo le amatalia o taualumaga e faasaga i lena tagata mo lena soligatulafono, peitai e lē tatau ona faia nisi laasaga i taualumaga seia vagana ai ua maua lena maliega.

**VAEGA III
AIAIGA LAUTELE E FAASINO I
TALOSAGA MO FESOASOANI**

27. Faaaogāina-(1) O lenei Vaega o lenei Tulafono e tatau ona faaaogāina i talosaga taitasi uma mo fesoasoani ua maua i lalo o Vaega IV, V ma le VI.

(2) O Vaega IV, V ma le VII e tatau ona faaaogāina i talosaga taitasi uma ua faia e le Faamasinoga a le Lalolagi mo Solitulafono Faava o Malo, tusa lava po o gaoioiga o lo o suesueina po o noatia i moliaga ua tuuaia ai e faapea sa faia a o lumanai ai po o ina ua tuanai le aso e amata faamamaluina ai lenei Tulafono.

(3) O le Vaega VI e tatau ona faaaogāina i le faamamaluina o faaiuga e faasala ai, faasalaga po o poloaiga a le Faamasinoga

a le Lalolagi mo Solitulafono Faava o Malo, tusa lava pe sa faia le soligatulafono lea e faatatau i ai le faaiuga e faasala ai, faasalaga po o poloaiga e faasino i ai, a o lumanai ai po o le tuanai ai o le aso lea e amata faamamaluina ai lenei Tulafono.

(4) O le Vaega VII e tatau ona faaaogāina i suesuega taitasi uma po o taualumaga a le Faamasinoga a le Lalolagi mo Solitulafono Faava o Malo pe o le soligatulafono ua tuuaia ai po o le soligatulafono lea e faatatau i ai le suesuega po o le taualumaga sa faia a o lumanai ai po o le tuanai ai o le aso lea e amata faamamaluina ai lenei Tulafono.

28. Talosaga mo fesoasoani – O se talosaga mo fesoasoani o se talosaga lea ua faia e le Faamasinoga a le Lalolagi mo Solitulafono Faava o Malo i le Minisita, e tusa ai o se suesuega po o se moliaga lea o lo o faafoeina e le Faafoe Moliaga po o lo o fuafua e faafoe se moliaga e faasino i se solitulafono o lo o aofia i le puleaga faa-faamasinoga a le Faamasinoga a le Lalolagi mo Solitulafono Faava o Malo, mo:

(a) fesoasoani e tusa ai ma so o se mea e tasi po o le sili atu ua taua mulimuli ane e faapea –

(i) o le pueina faa-pagota le tumau, pueina faa-pagota, ma le toe faafoi i le Faamasinoga a le Lalolagi mo Solitulafono Faava o Malo o se tagata lea e faasino i ai le tusi poloaiga e pueina ai faa-pagota po o le tuuina atu o se faaiuga o se moliaga ua faamaonia faaletulafono;

(ii) o le faailoagofieina ma le nofoaga o lo o i ai tagata po o le nofoaga o lo o i ai mea taitasi;

(iii) le tusia o faamatalaga molimau, e aofia ai faamatalaga molimau e faia e ala i se tautoga, ma le tuuina atu o faamatalaga molimau, e aofia ai manatu ma lipoti a tagata tomai faapitoa e talafeagai i le Faamasinoga a le Lalolagi mo Solitulafono Faava o Malo;

(iv) le fesiligia o so o se tagata o lo o suesueina po o molia;

(v) le tuuina atu o pepa aloaia, e aofia ai pepa aloaia a le faamasinoga;

(vi) le faafaigofieina o le auai o tagata e aunoa ma le tauanauina (e ese mai i pagota) e avea o tagata molimau po o tagata tomai faapitoa i luma o le Faamasinoga a le Lalolagi mo Solitulafono Faava o Malo;

(vii) le fesiitaiga le tumau o pagota;

(viii) le suesueina o nofoaga po o fale, e aofia ai le toe eliina i luga o tino maliu ma suesuega o tuugamau;

(ix) le faatinoga o sailiiliga ma le faoa faamalosia;

(x) le tuuina atu o faamaumauga ma pepa aloaia, e aofia ai faamaumauga aloaia ma pepa aloaia;

(xi) le puipuiga o tagata ua afaina ma tagata molimau ma le faasaoina o faamatalaga molimau;

(xii) le faailoagofieina, tulituliloaina ma le taofia, po o le faoa faamalosia o tupe maua mai i solitulafono mo le faamoemoe o le faalēaogāina mulimuli ane, e aunoa ma le afaina o aia tatau o isi vaega faamaoni; ma

(b) so o se isi ituaiga o fesoasoani e lē o faasaina i le tulafono a Samoa i le manatu e faafaigofieina ai suesuega ma moliaga o solitulafono o lo o aofia i le puleaga faa-faamasinoga a le Faamasinoga a le Lalolagi mo Solitulafono Faava o Malo ma le faamamaluina o poloaiga a le Faamasinoga a le Lalolagi mo Solitulafono Faava o Malo ia e faia ina ua tuanai ai le faamaonia faaetulafono o moliaga mo ia solitulafono.

29. O le faia o talosaga-(1) I le noatia ma le fai fuafua i le faafuaiupu (2), e tatau ona faia se talosaga i se faiga tusitusia mo fesoasoani, i se faiga tuusao i le Minisita.

(2) O se talosaga mo le pueina le tumau i lalo o le mataupu 92 o le Tulafono po o se talosaga faanatinati mo isi ituaiga o fesoasoani i lalo o le mataupu 93 o le Tulafono, e mafai ona faia i le faaogāina o so o se faiga e mafai ai ona auina atu se faamaumauga tusitusia.

(3) Afai o se talosaga ua faia mo le faaooina atu o pepa aloaia e lagolagoina ai, e tatau ona faaogā lenei Tulafono, e faapei ai o ia pepa aloaia sa auina atu o uluai pepa aloaia ia ma se ata o pepa aloaia e tatau ona taliaina e ave ma faamatalaga molimau.

(4) Afai ua faia se talosaga e tusa ai o le faafuaiupu (2), e tatau foi ona tuuina atu mulimuli ane se talosaga tusitusia i lalo o le faafuaiupu (1).

30. Agatapuia o talosaga – O se talosaga mo fesoasoani ma so o se pepa aloaia po o se vaega o se pepa aloaia e lagolagoina ai le talosaga, e tatau ona tausia i agatapuia e so o se tagata o lo

o ia tagofia le talosaga atoa po o sona vaega, seia vagana ai i le tulaga lautele e faapea o le faailoaina atu o le talosaga e talafeagai mo le faatinoga o le talosaga.

31. Faatinoga o talosaga – E tatau ona faatinoina se talosaga mo fesoasoani i le auala ua faamaotiina i totonu o le talosaga, e aofia ai le mulimulitaia o so o se faatulagaga o lo o faamanoina mai i totonu ma faatagaina ai le auai o tagata ua faamaoti mai i totonu o le talosaga i le taualumaga o le faatinoga, seia vagana ai o le faatinoga ua faia i lea auala, ua faasaina i lalo o tulafono a Samoa.

32. Puipuiga mausali o Malo po o e Tau le Va o Malo-(1)
So o se puipuiga mausali o malo po o tau va o malo o lo o i ai i se tagata po o nofoaga ma fale e ala i se sootaga ma Atunuu Auai i le Tulafono o le Faamasinoga a le Lalolagi mo Solitulafono Faava o Malo, e le taofia ai taualumaga i lalo o lenei Tulafono, e faasino i lena tagata.

(2) Afai ua manatu le Minisita e faapea o se talosaga mo le pueina faa-pagota le tumau, pueina faa-pagota ma le toe faafoi po o isi fesoasoani, e manaomia ai Samoa ina ia faia se gaoioiga e le ogatasi ma ana noataga i lalo o tulafono faava o malo e tusa ai o le puipuiga mausali o Malo po o Tau Va o Malo o se tagata po o se meatotino a se isi malo lea e lē o se vaega o le Tulafono, e tatau i le Minisita ona faatalanoa le Faamasinoga a le Lalolagi mo Solitulafono Faava o Malo ma talosaga se faaiuga pe faaaogā le mataupu 98(1) o le Tulafono.

(3) Afai ua manatu le Minisita e faapea o se talosaga mo le pueina faa-pagota le tumau po o le pueina faa-pagota ma toe faafoi e manaomia ai Samoa ina ia faia se gaoioiga e le o gatasi ma ana noataga i lalo o se maliega faava o malo ma se malo lea e le o se vaega o le Tulafono lea e tusa ai o le maliega a le malo o lo o auina atu o lo o manaomia e toe faafoi se tagata o lena Malo i le Faamasinoga a le Lalolagi mo Solitulafono Faava o Malo, e tatau i le Minisita ona faatalanoa le Faamasinoga a le Lalolagi mo Solitulafono Faava o Malo ma talosaga mo se faaiuga pe e faaaogā le mataupu 98(2) o le Tulafono.

33. O le tali atu i talosaga-(1) E tatau i le Minisita ona logoina le Faamasinoga a le Lalolagi mo Solitulafono Faava o Malo e aunoa ma le faatuai i mafuaaga e le tatau ai, e uiga i le tali atu a le tagata i se talosaga mo fesoasoani ma le taunuuga o so o se gaioiga ua uma ona faia e faatino ai le talosaga.

(2) A o le i faia se faaiuga e tolopo pe teena ai se talosaga, e tatau i le Minisita ona faatalanoa le Faamasinoga a le Lalolagi mo Solitulafono Faava o Malo ina ia faamautuina pe o le fesoasoani o lo o sailia e faaono mafai ona tuuina atu i le noatia ma le fai fuafua i tuutuuga po o i se aso mulimuli ane po o i se isi faiga e mafai ai.

(3) Afai ua faia e le Minisita se faaiuga, e tusa ai ma le Tulafono ma lenei Tulafono, ina ia teena pe tolopo le fesoasoani o lo o talosagaina, i lona atoaga po o sona vaega, sa tatau ona faatulaga i totonu o le faasilasilaga i le Faamasinoga a le Lalolagi mo Solitulafono Faava o Malo, mafuaaga mo lea faaiuga.

(4) Afai e le mafai ona faatino le talosaga mo fesoasoani ona o so o se isi mafuaaga, e tatau i le Minisita ona faatulaga i totonu o faasilasilaga i le Faamasinoga a le Lalolagi mo Solitulafono Faava o Malo, mafuaaga ua lē mafai ai ona faatino le talosaga.

34. Faatalatalanoaga-(1) Afai ua maua e le Minisita se talosaga i lalo o lenei Vaega e faatatau i le tulaga lea e faailoagofie ai e le Minisita ni faafitauli ia e mafai ona faalavelaveina ai pe taofia ai le faatinoga o le talosaga, e tatau i le Minisita ona faatalatalanoa le Faamasinoga e aunoa ma le faatuai ina ia foia le mataupu.

(2) O faafitauli ua faailoa mai i lalo o le faafuaiupu (1) e mafai ona aofia ai:

- (a) faamatalaga le atoatoa ina ia faatino ai le talosaga;
- (b) i le tulaga o se talosaga mo le toe faafoi, e le o mafai ona maua le tagata o lo o sailia po o e faapea o le suesuega o lo o faafoeina ua faia ai se faaiuga e faapea o le tagata o lo o i totonu o Samoa e manino lava e le o le tagata lea o lo o taua lona igoa i totonu o le tusi poloaiga; po o

- (c) le tulaga moni e faapea o le faatinoga o le talosaga i lona tulaga o lo o i ai nei o le a manaomia ai le Malo o lo o talosagaina ina ia solia se noataga tau feagaiga sa i ai muamua lea sa faia e tusa ai o le isi Malo.

**VAEGA IV
PUEINA FAA-PAGOTA MA LE TOE FAAFOI O
TAGATA I LE FAAMASINOGA A LE LALOLAGI MO
SOLITULAFONO FAAVA O MALO**

35. Faaaogāina o lenei Vaega – O lenei Vaega o lenei Tulafono e faaaogā i talosaga mo fesoasoani mai le Faamasinoga a le Lalolagi mo Solitulafono Faava o Malo, mo le pueina faa-pagota ma le toe faafoi, po o le pueina faa-pagota le tumau o se tagata.

36. Talosaga mo le pueina faa-pagota ma le toe faafoi-(1)
I le noatia ma le fai fuafua i fuaiupu 38 ma le 39, afai ua maua e le Minisita se talosaga mo le pueina faa-pagota ma le toe faafoi o se tagata ua tuuaia e faapea ua ia faia se solitulafono i totonu o le puleaga faa-faamasinoga o le Faamasinoga a le Lalolagi mo Solitulafono Faava o Malo po o o ia lea ua faaee atu i ai se faaiuga i se moliaga ua faamaonia faaletulafono e le Faamasinoga a le Lalolagi mo Solitulafono Faava o Malo, e tatau i le Minisita, pe afai ua faamalieina e faapea o lo o lagolagoina le talosaga i le faamatalaga ma pepa aloaia o lo o manaomia e le mataupu 91 o le Tulafono –

- (a) faaoo atu le talosaga ma so o se pepa aloaia e lagolago ai i se Faamasino; ma
(b) logoina le Loia Sili.

(2) I le mauaina o se talosaga i lalo o le faafuuiupu (1)(a) e tatau i se Faamasino –

- (a) pe afai o lo o aumai faatasi le talosaga ma se tusi poloaiga o le pueina sa tuuina atu e le Faamasinoga a le Lalolagi mo Solitulafono Faava o Malo, e faamaonia ai le tusi poloaiga mo

le faatinoga e se leoleo i so o se vaega lava o Samoa; po o

- (b) afai o le manaoga ua aumaia faatasi ma se faaiuga o le moliaga a le Faamasinoga a le Lalolagi mo Solitulafono Faava o Malo, ia tuuina atu se tusi poloaiga mo le pueina o le tagata lea o lo o faatatau i ai le faaiuga, mo le faatinoga e se leoleo i so o se vaega o Samoa.

37. Aia tatau a se tagata ua pueina faa-pagota-(1) O se tagata ua pueina faa-pagota i lalo o se tusi poloaiga sa maua e tusa ai ma le fuaiupu 36 po o e tusa ai o se faatonuga i lalo o le fuaiupu 42, e tatau ona aumaia i luma o le Faamasino i totonu o le 48 itula.

(2) E mafai e le Faamasino, i le faitalia a le Faamasino lava ia, po o i le talosaga a le tagata, ona faia se faaiuga –

- (a) pe sa pueina le tagata e tusa ai ma le tulafono ina ia tusa ai o le tusi poloaiga po o le faatonuga; ma
(b) pe sa aloaia le aia tatau a le tagata a o faagasolo lona pueina faa-pagota.

(3) I le faia o se faaiuga i lalo o le faafuaiupu (2) e tatau i le Faamasino ona faaaogā taiala faavae talafeagai i toe iloiloga faa-faamasinoga.

(4) Afai ua faia e le Faamasino se faaiuga e faapea –

- (a) sa le pueina le tagata e tusa ai ma le tulafono; po o
(b) sa le aloaia aia tatau a le tagata,

e tatau i le Faamasino ona faia se faaaliga manino i lena tulaga faatasi ai ma so o se faamatalaga e faamalamalama ai e manaomia peitai e faaono le mafai ona tuuina atu ai so o se ituaiga o fesoasoani.

38. Teena o le talosaga mo le pueina faa-pagota ma le toe faafoi-(1) E tatau i le Minisita ona teena se talosaga mo le pueina faa-pagota ma le toe faafoi, i so o se taimi a o lumanai ai le toe faafoiina o le tagata, pe afai –

- (a) ua faia e le Faamasinoga a le Lalolagi mo Solitulafono Faava o Malo se faaiuga e faapea o

le mataupu lea e faasino i ai le talosaga e le mafai ona taliaina i luga o so o se mafuaaga; po o

(b) ua fautuaina e le Faamasinoga a le Lalolagi mo Solitulafono Faava o Malo e le o i ai sona faamoemoe e faagasolo le talosaga mo so o se mafuaaga, e aofia ai ae le faatapulaaina i se faaiuga a le Faamasinoga a le Lalolagi mo Solitulafono Faava o Malo lea e faapea e faatatau le mataupu 98 o le Tulafono i le faatinoga o le talosaga.

(2) E mafai e le Minisita ona teena se talosaga mo le pueina faa-pagota ma le toe faafoi o se tagata, i so o se taimi a o lumanai ai le toe faafoi o se tagata pe afai –

(a) o lo o i ai se talosaga faafinai mai se Malo e tasi po o le sili atu foi e le o avea o se vaega auai i le Tulafono mo le aumaia ma le toe tuueseina atu o le tagata mo le amio lava e tasi e avea ai e faapea sa faia ai se solitulafono lea o lo o saili ai e le Faamasinoga a le Lalolagi mo Solitulafono Faava o Malo le toe faafoi o le tagata ma ua faia se faaiuga ina ia tuueseina atu i se Malo e tusa ai ma le mataupu 90 o le Tulafono ma le fuaiupu 40; po o

(b) o lo o i ai se talosaga faafinai mai se Malo e tasi po o le sili atu e le o se atunuu auai i le Tulafono mo le aumaia ma tuueseina atu o le tagata mo se amioga e ese mai i lea na aofia i le solitulafono lea o lo o talosaga ai le Faamasinoga a le Lalolagi mo Solitulafono Faava o Malo i le toe faafoi o le tagata ma faia se faaiuga e tuueseina atu ai i se Malo e tusa ai ma le fuaiupu 90 o le Tulafono ma le fuaiupu 40.

(3) Afai ua filifili le Minisita e teena se talosaga mo le pueina faa-pagota ma le toe faafoi e tusa ai ma le faafuaiupu (1) po o le (2), ina ua maea ona faaooina atu e le Minisita se talosaga i lalo o le fuaiupu 36, e tataui i le Minisita ona logoina le Faamasino, o ia lea e tataui ona ia faalēaogāina so o se tusi poloaiga po o poloaiga e faaooina atu ai ua tuuina atu e le

Faamasino ma faamautu le tatalaina i tua o le tagata mai le falepuipei po o aiaiga ua faatonuina e faasino i le tatalaina i tua e ala i se puipuiga ua tulai mai i lena tusi poloaiga po o poloaiga.

39. Tolopoina o le faatinoga o talosaga mo le pueina faa-pagota ma le toe faafoi-(1) E mafai e le Minisita ona tolopo le faatinoga o se talosaga mo le pueina faa-pagota ma le toe faafoi i so o se taimi a o lumanai ai le toe faafoi o le tagata pe afai –

- (a) o lo o tatali se faaiuga e taliaina ai i luma o le Faamasinoga a le Lalolagi mo Solitulafono Faava o Malo;
- (b) o le a faalavelave le talosaga i se suesuega po o se moliaga i totonu o Samoa e aafia ai se soligatulafono e ese ai i le soligatulafono lea o lo o talosaga ai mo le toe faafoi o se tagata i le Faamasinoga a le Lalolagi mo Solitulafono Faava o Malo;
- (c) o lo o faatalanoaina e le Minisita le Faamasinoga a le Lalolagi mo Solitulafono Faava o Malo i lalo o le fuaiupu 32 pe faaogaina le mataupu 98 o le Tulafono pe lei i le faatinoga o le talosaga.

(2) Afai ua tolopo le faatinoga o le talosaga mo le pueina faa-pagota ma le toe faafoi o se tagata i lalo o le faafuiauupu (1)(a) ma ua faia se faaiuga a le Faamasinoga a le Lalolagi mo Solitulafono Faava o Malo e faapea ua taliaina le mataupu, e tatau i le Minisita ona faagasolo le faatinoga o le talosaga i se taimi vave lava e mafai ai pe a maea le faia o le faaiuga a le Faamasinoga a le Lalolagi mo Solitulafono Faava o Malo.

(3) Afai ua tolopo le faatinoga o le talosaga mo le pueina faa-pagota ma le toe faafoi o se tagata i lalo o le faafuiauupu (1)(b), e tatau i le Minisita ona faatalalanoa le Faamasinoga a le Lalolagi mo Solitulafono Faava o Malo ma faalia lona maliega i le umi o le taimi mo le tolopoina o le faatinoga o le talosaga e tusa ai ma le mataupu 94 o le Tulafono, ma e tatau i le Minisita ona faagasolo le faatinoga o le talosaga ina ua uma ona faalēaogaina lena vaitaimi, seia vagana ai ua malilie faatasi

i ai ma le Faamasinoga a le Lalolagi mo Solitulafono Faava o Malo i se isi faiga e ese ai.

(4) Afai ua tolopo le faatinoga o le talosaga mo le pueina faa-pagota ma le toe faafoi o se tagata i lalo o le faafuaiupu (1)(c) ma ua faia e le Faamasinoga a le Lalolagi mo Solitulafono Faava o Malo se faaiuga ina ia faagasolo le talosaga, e tatau i le Minisita ona faagasolo le faatinoga o le talosaga i se taimi vave lava e mafai ai ina ua maea le faaiuga a le Faamasinoga a le Lalolagi mo Solitulafono Faava o Malo.

(5) Afai ua faia se faaiuga a le Minisita e tolopo le faatinoga o se talosaga mo le pueina faa-pagota ma le toe faafoi o se tagata e tusa ai ma lenei fuaiupu ina ua maea ai ona faaoo atu e le Minisita se talosaga i lalo o le fuaiupu 36, e tatau i le Minisita ona –

(a) logoina le Faamasino e uiga i le tolopoina ma e tatau i le Faamasino ona tolopo so o se taualumaga o lo o faatalia seia tuuina atu se isi faasilasilaga e le Minisita; ma

(b) logoina le Faamasino i le taimi talafeagai pe faagasolo le faatinoga o le talosaga pe leai; ma e tatau i le Faamasino ona faagasolo e tusa ai ma le faatinoga o le talosaga po o le faasaoloto le tagata.

(6) O se faaiuga a le Minisita e tolopo le faatinoga o le talosaga o le a le tatau ai ona aafia le tulaga aloaia o so o se gaioiga e faapea ua uma ona faia po o so o se tusi poloaiga po o poloaiga ua faia i lalo o lenei Vaega o lenei Tulafono a o lumanai ai le faaiuga, ma o so o sea tusi poloaiga po o poloaiga e tatau ona tumau pea ona faamamaluina seia vagana ai ua faalēaogāina e le Faamasino e tusa ai ma faafuaiupu (5)(b).

40. Talosaga faafinai-(1) Afai ua maua mai i le Faamasinoga a le Lalolagi mo Solitulafono Faava o Malo se talosaga mo le pueina faa-pagota ma le tuuina atu o se tagata ma pe afai foi e talosagaina e se Malo po o ni Malo e sili atu, le toe faafoia o le tagata solitulafono i le atunuu na faia ai le solitulafono mo le amioga tutusa lea e faapea ua tuufaatasia ai le solitulafono lea e sailia ai e le Faamasinoga a le Lalolagi mo

Solitulafono Faava o Malo le toe faafoi atu o le tagata, o le Minisita –

- (a) e tatau ona ia faailoa atu i le Faamasinoga a le Lalolagi mo Solitulafono Faava o Malo ma le Malo o talosaga, o lena faamatalaga moni; ma
- (b) e tatau ona fuafuaina pe toe faafoi atu i le Faamasinoga a le Lalolagi mo Solitulafono Faava o Malo po o le Malo o lo o talosaga, le tagata e toe faafoi.

(2) Afai ua faia se talosaga e se Atunuu o lo o avea ma atunuu auai i le Tulafono, mo le toe faafoia o le tagata solitulafono i le atunuu na faia ai le solitulafono mo le amioga tutusa lea e faapea ua tuufaatasia ai le solitulafono lea e sailia ai e le Faamasinoga a le Lalolagi mo Solitulafono Faava o Malo le toe faafoi atu o le tagata, e tatau ona ave le faamuamua i le talosaga mai le Faamasinoga a le Lalolagi mo Solitulafono Faava o Malo, pe afai ua uma ona fuafuaina e le Faamasinoga a le Lalolagi mo Solitulafono Faava o Malo i lalo o le Mataupu 18 po o le 19 o le Tulafono e faapea ai e taliaina le mataupu, ma afai o se faaiuga e taliaina ai o lo o faatali i luma o le Faamasinoga a le Lalolagi mo Solitulafono Faava o Malo, e leai se tagata e tatau ona toe aumaia pe tuueseina o se tagata solitulafono i le atunuu na faia ai le solitulafono, seia vagana ua faia e le Faamasinoga a le Lalolagi mo Solitulafono Faava o Malo, se faaiuga i luga o le taliaina ma fuafuaina ai e faapea o le mataupu ua le taliaina.

(3) Afai o se talosaga ua faia e se Malo e le o se vaega auai i le Tulafono, mo le toe faafoia o se tagata solitulafono i le atunuu na faia ai le solitulafono mo le amioga lava lea e faapea ua tuufaatasia ai le solitulafono lea e sailia ai e le Faamasinoga a le Lalolagi mo Solitulafono Faava o Malo le toe faafoi atu o tagata, e tatau ona ave le faamuamua i le talosaga mo le pueina faa-pagota ma le tuuina atu o le tagata, mai le Faamasinoga a le Lalolagi mo Solitulafono Faava o Malo, pe afai o Samoa e le o i lalo o se noataga faava o malo e toe faafoia ai se tagata solitulafono i le Malo talosaga ma ua maea foi ona iloiloaina e le Faamasinoga a le Lalolagi mo Solitulafono Faava o Malo i lalo

o le Mataupu 18 po o le 19 o le Tulafono e faapea ua taliaina le mataupu.

(4) Afai o se talosaga ua faia e se Atunuu e le o se vaega auai i le Tulafono, mo le toe faafoia o se tagata solitulafono i le atunuu ua faia ai le solitulafono mo le amioga lava lea e pei o lea ua tuufaatasia ai le solitulafono lea e sailia ai e le Faamasinoga a le Lalolagi mo Solitulafono Faava o Malo le toe faafoi atu o le tagata, ma o Samoa ua i lalo o se noataga faava o malo e toe faafoia ai se tagata solitulafono i le Atunuu o lo o talosaga, ma ua maea foi ona iloiloaina e le Faamasinoga a le Lalolagi mo Solitulafono Faava o Malo i lalo o le Mataupu 18 po o le 19 o le Tulafono e faapea ua taliaina le mataupu, e tatau i le Minisita ona fuafuaina pe toe faafoi atu le tagata i le Faamasinoga a le Lalolagi mo Solitulafono Faava o Malo po o le aumaia po o le tuueseina atu i le teritori na faia ai le solitulafono, ina ua maea iloiloaina o faamatalaga moni uma e talafeagai, e aofia ai ae le faatapulaaina i, aso e faasino i talosaga, aia a Atunuu o lo o talosaga ia aofia ai, pe afai foi e talafeagai, pe o le solitulafono na faia i totonu lava o le atunuu, le tagatanuu o tagata ua afaina ma le tagata na sailia ina ia toe faafoi, ma le avanoa o le toe faafoi mulimuli ane i le va o le Faamasinoga a le Lalolagi mo Solitulafono Faava o Malo ma le Atunuu o lo o talosaga.

(5) Afai o se talosaga mo le pueina faa-pagota ma le toe faafoi atu ua maua mai i le Faamasinoga a le Lalolagi mo Solitulafono Faava o Malo ma ua talosagaina foi e se Malo po o ni Malo e sili atu i lo le tasi le toe aumaia po o le tuueseina atu o le tagata mo amioga e ese mai nai lo ia na tuufaatasia ai le solitulafono lea e sailia ai e le Faamasinoga a le Lalolagi mo Solitulafono Faava o Malo le faafoi atu o le tagata, e tatau ona ave le faamuamua i le talosaga mai le Faamasinoga a le Lalolagi mo Solitulafono Faava o Malo pe afai e le o i lalo Samoa i se noataga faava o malo e toe aumaia po o le tuueseina atu o le tagata i so o se Atunuu o lo o talosaga.

(6) Afai o se talosaga mo le toe faafoi ua maua mai i le Faamasinoga a le Lalolagi mo Solitulafono Faava o Malo ma ua talosagaina foi e se Malo po o ni Malo e sili atu, le toe aumaia po o le tuueseina atu o le tagata mo amioga e ese mai nai lo ia

ua tuufaatasia ai le solitulafono lea e sailia ai e le Faamasinoga a le Lalolagi mo Solitulafono Faava o Malo le toe faafoi o le tagata, ona o lo o i ai Samoa i lalo o se noataga faava o malo e aumaia po o le tuueseina atu se tagata i se Malo po o ni Malo e sili atu o lo o talosaga, e tatau i le Minisita ona fuafuaina pe tuuina atu i le Faamasinoga a le Lalolagi mo Solitulafono Faava o Malo le tagata po o le aumaia po o le tuueseina atu i le Atunuu o lo o talosaga, ina ua maea ai ona iloilo ina faamatalaga moni uma e talafeagai ua faasinomia i totonu o le faafuaitupu (4) e faapena foi ma le uiga moni talafeagai ma le mamafa o le amioga ua fesiligia.

41. E le avea le Tulaga aloaia e fai ma pa puipui i le pueina ma le tuuina atu – I le noatia ma le fai fuafua i le Fuaitupu 32, o le i ai o so o se puipuiga mausali po o le tulafono faafoe o faagasologa faatulagaina faapitoa o faapipiina i lalo o tulafono faale-atunuu po o tulafono faava o malo, i se tagata, e le tatau ona avea ma mafuaaga o le:

- (a) teena po o le tolopoina o se talosaga a le Faamasinoga a le Lalolagi mo Solitulafono Faava o Malo mo le pueina faa-pagota ma le toe faafoi atu o lena tagata; po o
- (b) taofia e faapea, o lena tagata ua le agavaa mo le pueina faa-pagota ma le toe faafoi atu i le Faamasinoga a le Lalolagi mo Solitulafono Faava o Malo.

42. Pueina i luga o Tuutuuga-(1) Afai ua mauaina e le Minisita se talosaga mai le Faamasinoga a le Lalolagi mo Solitulafono Faava o Malo mo le pueina faa-pagota le tumau o se tagata i lalo o le Mataupu 92 o le Tulafono, e tatau i le Minisita, pe afai ua faamalieina e faapea o lo o lagolagoina le talosaga i faamatalaga o lo o manaomia e le parakalafa (2) o le Mataupu 92 o le Tulafono, ma faaoo atu le talosaga ma so o se pepa aloaia e lagolagoina ai, i le Komesina o Leoleo faatasi ai ma se faatonuga mo le pueina faa-pagota o le tagata.

(2) E tatau i le Minisita ona faaoo atu se ata o le faatonuga i le Loia Sili.

(3) Afai ua maua e le Komesina o Leoleo se faatonuga mai le Minisita, i lalo o le faafuaiupu (1), e tatau i le Komesina ona faatonuina le leoleo ina ia faatino le faatonuga.

(4) E tatau i le Komesina o Leoleo, ina ua maea ona faatino le faatonuga, ona logoina i le Minisita ma le Loia Sili e faapea ua maea ona faatinoina o le faatonuga.

(5) Afai sa pueina faa-pagota le tumau se tagata i luga o ni tuutuuga i lalo o lenei fuaiupu, ma ua mauaina e le Minisita se talosaga aloaia mo le pueina faa-pagota ma le toe faafoi atu, e pei ona aiaia ai i le Mataupu 91 o le Tulafono, e tatau i le Minisita ona vave auina atu se faasilasilaga i le Faamasino ma faagasolo le faaooina atu o le talosaga e tusa ai o le fuaiupu 36.

(6) E tatau i le Faamasino ona auina atu o so o se tautinoga ua faia i lalo o le faafuaiupu (4) i le Minisita, ma e tatau i le Minisita ona ia faaooina atu lea tautinoga i le Faamasinoga a le Lalolagi mo Solitulafono Faava o Malo.

43. Tagata ua pueina faa-pagota i luga o se tusi poloaiga

le tumau –(1) Afai ua pueina i se tulaga le tumau se tagata i lalo o le fuaiupu 42, e le tatau i le Faamasino ona faagasolo i lalo o le fuaiupu 45, seia vagana -

(a) ua mauaina e le Faamasino se faasilasilaga mai le Minisita e faapea o le talosaga mo le toe faafoi atu ma pepa aloaia e lagolagoina ai o lo o manaomia i lalo o le Mataupu 92 o le Tulafono ua maea ona mauaina e le Minisita se faasilasilaga; ma

(b) ua maea ona faao atu pepa aloaia talafeagai i le Faamasino e le Minisita, i lalo o le fuaiupu 42 (5).

(2) A o faatalia le mauaina mai o le faasilasilaga ma pepa aloaia i lalo o le faafuaiupu (1), e mafai e le Faamasino ona tolopo tualumaga mai lea taimi i lea taimi.

(3) Afai e le i mauaina e le faamasino le faasilasilaga ua faamaotiina mai i totonu o le faafuaiupu (1)(a) i totonu o le 60 aso mai le aso o le pueina le tumau o le tagata, e tatau i le Faamasino ona tatala i tua le tagata mai le nofo puipua po o i luga o le puipua e tatala ai i tua seia vagana ua faamalieina e

faapea o le vaiataimi o le tuuina atu o le faasilasilaga, e tatau ona toe faaopoopoina, ina ia tusa ai ma le faia o le faamasinoga amiotunu.

(4) E ui lava i le faafuaiupu (4), e mafai e se tagata o ia lea ua pueina faa-pagota i se tulaga le tumau, ona ioeina le toe faafoi atu o ia, a o lumanai ai le faamutaina o le 60 aso, ma i lea tulaga, e tatau i le Minisita ona faagasolo le toe faafoi atu o le tagata i le Faamasinoga i se taimi vave e mafai ai.

(5) O le tatalaina i tua o se tagata i lalo o le faafuaiupu (3) e tatau ona faia e aunoa ma le aafia ai o so o se taualumaga mulimuli ane lea e ono mafai ona aumaia mo le pueina faa-pagota ma le toe faafoi atu o le tagata i le Faamasinoga a le Lalolagi mo Solitulafono Faava o Malo, pe o faamatalaga moni ia ma soligatulafono pe leai.

44. Talosaga mo le tatalaina i tua i luga o puipuiga-(1) O se tagata ua aumaia i luma o se Faamasino i lalo o le fuaiupu 42, e mafai ona ia faia se talosaga mo le tatalaina i tua.

(2) Afai ua faia se talosaga mo le tatalaina i tua, i lalo o le faafuaiupu (1), e tatau i le Faamasino ona tolopo le fofogaina o le talosaga ma ia logoina le Minisita.

(3) E tatau i le Minisita, ina ua ia mauaina se faasilasilaga i lalo o le faafuaiupu (2), ona vave faatalanoa le Faamasinoga a le Lalolagi mo Solitulafono Faava o Malo ina ia maua mai so o se fautuaga mai le Vaega o le Faamasinoga o Uluai Suesuega ua faia a o le i faia le faamasinoga i lalo o le Mataupu 59(5) o le Tulafono, ma e tatau ona faaooina atu na fautuaga i le Faamasino.

(4) E tatau i le Faamasino ona tuuina atu atoatoa iloiloga i so o se fautuaga ua faaooina atu i le Faamasino i lalo o le faafuaiupu (3) a o le i faia se faaiuga i le talosaga mo le tatalaina i tua.

(5) Afai e le i mauaina mai ni fautuaga mai le Faamasinoga a le Lalolagi mo Solitulafono Faava o Malo i totonu o le fitu aso talu ona logoina le Minisita i le talosaga mo le tatalaina i tua, e mafai e le Faamasino ona faagasolo le fofogaina o le talosaga.

(6) E le tatau i se Faamasino ona tatalaina i tua se tagata ua aumai i luma o le Faamasino i lalo o le Fuaiupu 42 mo le tatalaina i tua, seia vagana ai ua faamalieina le Faamasino e faapea i le amanaia ai o solitulafono ua tuuaia ai sa faia e lena tagata, e i ai tulaga aliae faanatinati ma ua tatau ai ona tatalaina i tua le tagata i luga o puipuiga, ma e faapea o lo o lava tulaga e puipuia ai ina ia faamautinoa ai e mafai e Samoa ona faataunuu ana noataga i lalo o le Tulafono ina ia toe faafoi sea tagata i le Faamasinoga a le Lalolagi mo Solitulafono Faava o Malo.

45. Faamasinoga o le toe faafoi-(1) O se tagata o ia lea ua pueina faa-pagota i lalo o le fuaiupu 36 po o le 42, ma ua aumaia i luma o le Faamasino, e tatau ona faamalieina i latou e faapea:

- (a) o lo o i ai le tusi poloaiga mo le pueina faa-pagota na tuuina atu e le Faamasinoga a le Lalolagi mo Solitulafono Faava o Malo po o o se faaiuga i luga o se moliaga ua faamaonia faaletulafono e le Faamasinoga a le Lalolagi mo Solitulafono Faava o Malo, e tusa ai o lena tagata; ma
- (b) o le tusi poloaiga po o le faaiuga e faasino i le tagata i luma o le Faamasino.

(2) E tatau i le Faamasino, ina ua faamalieina o ia i mataupu ua faasinomia i totonu o parakalafa (a) ma le (b) o le faafuaiupu (1) e tusa ai o le tagata ua pueina faa-pagota, i le noatia ma le fai fuafua i le fuaiupu 43, ona tuuina atu se poloaiga e faaoo atu ai lena tagata e tusa ai o le Mataupu 59(7) o le Tulafono.

(3) Afai ua tuuina atu e le Faamasino se poloaiga e tuuina atu ai i lalo o le faafuaiupu (2), e tatau i le Faamasino ona:

- (a) faaooina atu le poloaiga e tuuina atu ai i le Komesina o Leoleo mo le faataunuuina;
- (b) tuu atu le tagata ia nofo puipuia a o faatali le faataunuuina o le poloaiga e tuuina atu ai e le Komesina o Leoleo.
- (c) auina atu se ata o le poloaiga e tuuina atu ai i le Minisita; ma

- (d) ia faailoa i le tagata i le gagana masani o ana aia tatau e faia ai se talosaga i le Faamasinoga Sili mo se pule faataga e ala i se faasilasilaga e poloaia ai se tagata e tulai i luma o le faamasinoga.
- (4) Afai o se tagata o ia lea e faasino i ai se poloaiga e faaoo atu ai -
- (a) o lo o falepuipui, e tatau i le Faamasino ona poloaia le faaauauina pea o le faasalaga o le tagata i lalo o le poloaiga e faaoo atu ai ma faailoa atu i le Komesina o Falepuipui ma le Tagata e Vaaia le falepuipui, e uiga i lea poloaiga e faaoo atu ai; po o
- (b) ua le o falepuipui, e tatau i le Faamasino, i le noatia ai i so o se isi poloaiga e tusa ai o le puipuiga e tatalaina ai i tua, ona taofia le tagata i le falepuipui ma e tatau ona faailoa i le Komesina o Falepuipui ma le Tagata e vaaia le falepuipui.
- (5) I le noatia ma le fai fuafua i le faafuaiupu (6), e tatau i le Komesina o Leoleo ona faia fuafuaga faatasi ma le Faamasinoga a le Lalolagi mo Solitulafono Faava o Malo mo le faataunuuna o le poloaiga e faaoo atu ai i se taimi vave e mafai ai, ma e tatau ona faailoa atu i le Minisita e uiga i le tagata ua toe faafai i le Faamasinoga a le Lalolagi mo Solitulafono Faava o Malo po o le malo o lo o faamamaluina, i le faatinoga o le poloaiga e faaoo atu ai se tagata.
- (6) I le noatia ai ma le fai fuafua i le fuaiupu 47, e le tatau i le Komesina o Leoleo ona faia ni fuafuaga ma le Faamasinoga a le Lalolagi mo Solitulafono Faava o Malo mo le faatinoga o le Poloaiga e faaoo atu ai -
- (a) seia vagana ai ua maea le faamutaina o le vaitaimi ua faatonuina e le tulafono, mo le faia e le tagata ua faasino i ai le poloaiga e faaoo atu ai, se talosaga mo se faasilasilaga e poloaia ai se tagata e oo atu i luma o le faamasinoga;
- (b) pe afai o se talosaga mo se faasilasilaga e poloaia ai se tagata e oo atu i luma o le faamasinoga ua faia e sea tagata i totonu o sea vaitaimi, seia vagana

ai ua maea ona faia le faaiuga mulimuli o le talosaga.

(7) O se poloaiga e faaoo atu ai ua tuuina atu i lalo o lenei fuaiupu, o se pule faataga atoatoa lea mo le taofia o le tagata ua faamaoti mai i totonu o le poloaiga, seia oo ina faaooina atu le tagata i le Faamasinoga a le Lalolagi mo Solitulafono Faava o Malo.

(8) I le fuafuaina pe faia se poloaiga e faaoo atu ai i lalo o lenei fuaiupu -

(a) e le tatau ona manaomia e le Faamasino ni faamatalaga molimau e faavaeina ai e faapea, o le faamasinoga o le tagata mo le soligatulafono lea ua tuuina ai le tagata e faapea ua na faia ma ua faamaonia i luma o le Faamasinoga a le Lalolagi mo Solitulafono Faava o Malo po o e ono faamaonia i lalo o le tulafono a Samoa pe afai o le gaoioiga ua tuufaaatasia ai sea solitulafono na faia lava i totonu o Samoa; ma

(b) e tatau ona mauaina e le Faamasino ni faamatalga molimau e faasino i, po o ua uma ona faamasinoina i luga o, so o se talosaga a le tagata e faapea ua uma ona faamasinoina muamua le tagata pe na faamaonia faaetutulafono se solitulafono mo le amioga lea e sailia ai e le Faamasinoga a le Lalolagi mo Solitulafono Faava o Malo le toe faafoi atu o le tagata.

(9) Afai e faia e se tagata se talosaga, i lalo o le faafuuiupu (8)(b), e tatau i le Faamasino ona fautuaina le Minisita i lenei talosaga ma o le Minisita e tatau ona ia tuuina atu o lenei faamatalaga i le Faamasinoga a le Lalolagi mo Solitulafono Faava o Malo.

46. E le susesueina e le Faamasino le aloaia o le tusi poloaiga-(1) I tualumaga i lalo o lenei Vaega o lenei Tulafono, e le tatau i le Faamasino ona susesueina i, mauaina o so o se faamatalaga molimau e uiga i, po o le faia o so o se faaiuga e tusa o, le aoga o so o se tusi poloaiga po o se poloaiga na tuuina atu pe na faia e le Faamasinoga a le Lalolagi mo Solitulafono Faava o Malo.

47. Toe faafoi atu e ala i se maliega-(1) E mafai e se tagata i so o se taimi ona logoina se Faamasino e faapea ua malie le tagata ina ia tuuina atu o ia i le Faamasinoga a le Lalolagi mo Solitulafono Faava o Malo, mo se solitulafono po o ni solitulafono ia o lo o sailia ai e le Faamasinoga a le Lalolagi mo Solitulafono Faava o Malo le toe faafoi atu o le tagata.

(2) E mafai e le Faamasino ona taliaina le faasilasilaga o le maliega i lalo o le faafuaiupu (1) pe afai -

(a) ua i luma o le Faamasino le tagata ina ua tuuina atu le faasilasilaga o le maliega e toe faafoi atu ai; ma

(b) ua faamalieina le Faamasino e faapea ua loto malie lava le tagata i le toe faafoi atu, ma le iloa atoatoa o ona aafiaga e mulimuli mai ai.

(3) E leai se mea i totonu o lenei fuaiupu e tatau ai ona faapea o le puipuia o se tagata, e tusa ai o le faia e le Faamasino o se poloaiga e faaoo atu ai, mai le logoina mulimuli ane o le Minisita e faapea ua malie le tagata i le toe faafoi atu o ia.

(4) Mo le aloese mai ai i se masalosaloga o se tagata ua pueina faa-pagota i lalo o se tusi poloaiga le tumau, e mafai ona tuuina atu lona maliega e toe faafoi ai ae le i mauaina se talosaga e toe faafoi ai, ma i lea tulaga e mafai e le Faamasino ona faia se poloaiga i lalo o le faafuaiupu (5).

(5) Afai o le maliega e toe faafoi atu ai ua uma ona tuuina atu, e tatau i le Faamasino ona faia i lea lava taimi se poloaiga e faaoo atu ai i luga o aiaiga tutusa e pei ona i ai i le fuaiupu 45(2), ma aiaiga o fuaiupu 45 ma le 46 e pei ona tatau ona faaogāina i ai.

48. Aloaia o le poloaiga e faaooina atu ai-(1) O se poloaiga e faaoo atu ai ua ave ma pule faataga atoatoa e maua ai e so o se tagata, le tagata ua faasino i ai le poloaiga, e taofia ai le tagata ua falepuipui ma auina atu le tagata i le nofoaga lea o le a faaooina atu i ai le tagata i le puipuiga malu a le Faamasinoga a le Lalolagi mo Solitulafono Faava o Malo po o i le malo o lo o faamamaluina, e tusa ai ma faatulagaga ua faia e le Komesina o Leoleo.

(2) O se tagata o ia lea ua faasino i ai se poloaiga e faaoo atu ai ua faamamaluina, e tatau ona faatatauina e faapea ua i ai o ia i se puipuiga malu faaetulafono, e faatali ai lona faaooina atu i lalo o le poloaiga.

(3) Afai o se tagata ua sola, po o o lo o soona fealuai solo i se uiga e le tusa ai ma ala o le tulafono, o ia lea ua faasino i ai le poloaiga e faaoo atu ai ua faamamaluina, e mafai ona pueina faa-pagota lea tagata e aunoa ma se tusi poloaiga ma aveina atu i le nofoaga lea ua manaomia ia i ai le tagata, po o le aveaina i ai.

49. Tualumaga pe afai e teena e le Faamasino le poloaiga-(1) Afai ua teena e le Faamasino le faia o se poloaiga e faaoo atu ai, i lalo o le fuaiupu 45, e tatau i le Faamasino ona faia o se poloaiga e toe taofia ai le tagata ua pueina ia malupuipua mo le sefulu fa aso, ma e tatau ona logoina le Minisita i le faaiuga a le tagata ma mafuaaga ua faia ai.

(2) E mafai e le Minisita ona talosaga i le Faamasinoga o Talosaga, po o le a lava le tulaga e i ai, e faasaga i le faaiuga a le Faamasino ua teena ai le faia o se poloaiga e faaoo atu ai.

(3) Afai ua faailoa i le Faamasino e faapea o se talosaga ua faia e faasaga i le faaiuga, o le poloaiga e faaoo atu ai ua toe taofia ai le tagata ua pueina faa-pagota, e tatau ona faaauauina pea lona faamamaluina seia vagana ai ua iloiloina le talosaga ma ua tatala i tua le tagata po o ua faatinoina le poloaiga e faaoo atu ai.

(4) Afai ua talia se talosaga e le Faamasinoga o Talosaga, e mafai e le Faamasinoga o Talosaga ona faia se poloaiga e faaoo atu ai po o le toe tuuina atu o le mataupu i le Faamasino ina ia faia o se poloaiga e faaooina atu ina ia tusa ai ma le faaiuga a le Faamasinoga Sili.

(5) Afai ua faalēaogāina le talosaga e le Faamasinoga o Talosaga, e tatau ona faasaolotoina le tagata e tusa ai ma le faaiuga a le Faamasinoga Sili.

50. Faasaolotoina o le tagata ua le faaooina atu-(1) Afai o le tagata o ia lea e faatino i ai se poloaiga e faaooina atu ua faia, ua le tuuina atu i lalo o le poloaiga i totonu o le 60 aso ina ua

tuanai le faamutaina o le vaitaimi ua faatonuina e le tulafono mo le faia o se talosaga mo se faasilasilaga e manaomia ai le aumaia o se tagata ia tulai i luma o se faamasino po o, pe afai o sea talosaga ua faia i totonu o le 60 aso, ina ua tuanai ai le filifiliga faaiu o le talosaga, o lena tagata po o so o se tasi ua faatagaina aloaia e lea tagata, e mafai ona faia o se talosaga i le Faamasino sa faia le poloaiga e faaoo atu ai, mo le faasaolotoina o lea tagata.

(2) E tatau i le Faamasino ona poloaia le faasaolotoina o se tagata, i luga o se talosaga ua faia i lalo o lena fuaiupu, seia vagana ai ua faaalua se mafuaaga talafeagai mo le faatuai.

(3) O le faasaolotoina o se tagata i lalo o le faafuaiupu (2) e tatau ona faia e aunoa ma le aafia ai i so o se tualumaga e mulimuli mai e ono mafai ona tuuina mai mo le pueina ma le toe faafoi o le tagata i le Faamasinoga a le Lalolagi mo Solitulafono Faava o Malo, tusa lava pe mo faamatalaga moni e tutusa ma soligatulafono po o le leai foi.

51. Faasaolotoina o le tagata ua le toe manaomia le toe faafoi-(1) Afai ua faailoa e le Faamasinoga a le Lalolagi mo Solitulafono Faava o Malo i le Minisita e faapea o le tagata ua pueina i luga o le talosaga a le Faamasinoga a le Lalolagi mo Solitulafono Faava o Malo, ua le toe manaomia le toe faafoiina e tatau i le Minisita ona faailoa atu i le Faamasino o lena faamatalaga moni ma e tatau i le Faamasino, ina ua ia mauaina o lea faaaliga, ona faia o se poloaiga mo le faasaolotoina o lea tagata.

(2) O le faasaolotoina o se tagata i lalo o le faafuaiupu (1) e tatau ona faia e aunoa ma se aafiaga i so o se tualumaga e mulimuli mai e ono mafai ona tuuina mai mo le pueina faa-pagota ma le toe faafoi o le tagata i le Faamasinoga a le Lalolagi mo Solitulafono Faava o Malo, tusa lava pe mo faamatalaga moni lava ia ma soligatulafono po o le leai foi.

52. Talosaga mo le toe faafoi le tumau-(1) Afai o se talosaga a le Faamasinoga a le Lalolagi mo Solitulafono Faava o Malo mo le pueina faa-pagota ma le toe faafoi o se tagata, e faasino i se solitulafono o lo o talafeagai ma le puleaga faa-

faamasinoga a le Faamasinoga a le Lalolagi mo Solitulafono Faava o Malo, peitai ua noatia le tagata i tualumaga mo se soligatulafono e ese ai i totonu o Samoa, lea e le i faia i ai se faaiuga po o e noatia i le faataunuaina o se faasalaga i le nofosala i le falepuipui ua faaeeina atu e se faamasinoga i totonu o Samoa mo se isi soligatulafono ese, e mafai e le Minisita ona faatagaina le fesiitai atu i se faiga le tumau o lena tagata i le Faamasinoga a le Lalolagi mo Solitulafono Faava o Malo.

(2) E mafai e le Minisita, a o le i faia le faatagaga i lalo o le faafuaiupu (1), ona sailia se faamaoniga e noatia ai mai le Faamasinoga a le Lalolagi mo Solitulafono Faava o Malo, e faapea o lena tagata e tataua ona toe faafoi ina ua maea o tualumaga i luma o le Faamasinoga a le Lalolagi mo Solitulafono Faava o Malo po o le faataunuaina o le faasalaga ua faaeeina atu e le Faamasinoga a le Lalolagi mo Solitulafono Faava o Malo, po o le a lava e tulaga e i ai.

(3) E tataua ona faaogāina faafuaiupu (2), (3), (4) ma le (5) o le fuaiupu 67, i se faatagaga i lalo o le faafuaiupu (1) faatasi ma so o se suiga talafeagai.

53. Talosaga i le Faamasinoga a le Lalolagi mo Solitulafono Faava o Malo mo le uia o isi atunuu-(1) I le noatia ma le fai fuafua i le faafuaiupu (4), pe afai e mauaina e le Minisita se talosaga mai le Faamasinoga a le Lalolagi mo Solitulafono Faava o Malo mo le ui atu i Samoa o se tagata -

- (a) ona ua toe faafoi pe ua fesiitai atu e se isi malo i le Faamasinoga a le Lalolagi mo Solitulafono Faava o Malo;
 - (b) ona ua fesiitai atu mai le Faamasinoga a le Lalolagi mo Solitulafono Faava o Malo i le Malo o lo o faamamaluina;
 - (c) ona ua fesiitai atu i po o mai le Malo o lo o faamamaluina, ona o se toe iloiloga, po o isi taimi e tulai ai le tagata i luma o le Faamasinoga a le Lalolagi mo Solitulafono Faava o Malo,
- e tataua i le Minisita ona maua lona avanoa i le talosaga mo le uia o se atunuu, ma o le a faatatauina le tagata e faapea, a o

faagasolo le uia o se atunuu e le tagata, o le a i ai se puipuiga malu faaletulafono ma e mafai ona taofia i so o se ofisa o Leoleo, falepuipui po o so o se isi lava nofoaga e taofia ai, lea e mafai ona atofaina e le Minisita, ina ua maea faatalanoaga ma isi Minisita talafeagai.

(2) Afai ua oo mai se tagata ua faasinomia i totonu o le faafuaiupu (1) i Samoa e aunoa ma se maliega e uia ai, e mafai e se leoleo i luga o se talosaga a se tagata ofisa o lo o ia te ia le puipuigamalu o le tagata o lo o feaveai, ona taofia le tagata o lo o i ai i le puipuigamalu mo se vaitaimi aupito maualuga e 96 itula, a o le i mauaina e le Minisita se talosaga i lalo o le faafuaiupu (1).

(3) E le manaomia se faatagaga mo le uia o se teritori, pe afai o le tagata o lo o feaveai i le vaalele ma ua fuafuaina e lē tulauleele i le atunuu o Samoa.

(4) E mafai e le Minisita ona teena se talosaga mo le uia pe afai e manatu le Minisita o le uia o Samoa o le a ono faalavelaveina ai pe faatuai ai le toe faafoi po o le fesiitai atu o le tagata ua feaveaiina, tusa lava po o aiaiga i le faafuaiupu (1).

(5) Pe afai e tulauleele se tasi e aunoa ma se fuafuaga tatau i le teritori o Samoa, e mafai e le Minisita ona manaomia le Faamasinoga a le Lalolagi mo Solitulafono Faava o Malo e tuuina atu se talosaga i lalo o le faafuaiupu (1), mo le uia e le tagata ua feaveaiina i se taimi vave lava e talafeagai ai ona faatino.

54. Tuusaunoaga o manaoga o le Mataupu 101 o le Tulafono – Afai o se tagata ua toe faafoi i le Faamasinoga a le Lalolagi mo Solitulafono Faava o Malo i lalo o lenei Vaega o lenei Tulafono ma ua talosagaina e le Faamasinoga a le Lalolagi mo Solitulafono Faava o Malo le tuusaunoaga o manaoga o le parakalafa (1) o le mataupu 101 o le Tulafono e faasino i lenei tagata, e tatau i le Minisita, i lona amanaia o faamatalaga ua tuuina atu e le Faamasinoga a le Lalolagi mo Solitulafono Faava o Malo e faasino i lenei tagata, ona taumafai e ioe atu i le tagata o lo o faapea ona faasaga i ai taualumaga, faasala pe taofia mo se amio ua faia a o lumanai ai le toe faafoi, e le o le amio e tulai

mai ai se solitulafono lea e faapea ai ua toe faafoi ai lea tagata i le Faamasinoga a le Lalolagi mo Solitulafono Faava o Malo.

VAEGA V TALOSAGA MO ISI ITUAIGA O FESOASOANI

55. Faaaogāina o lenei Vaega – O lenei Vaega o le Tulafono e faaaogāina i talosaga mo fesoasoani e le Faamasinoga a le Lalolagi mo Solitulafono Faava o Malo, e ese mai na i lo talosaga mo le pueina faa-pagota ma le toe faafoi, po o le pueina faa-pagota le tumau, o lena tagata.

56. Fesoasoani i le faailoaina po o le faailoagofieina o tagata po o meataitasi-(1) Afai ua talosagaina e le Faamasinoga a le Lalolagi mo Solitulafono Faava o Malo se fesoasoani i le sailiga, po o le faamautinoaina ma le sailia, o se tagata po o se meataitasi o lo o talitonuina o lo o i totonu o Samoa, e tatau i le Minisita ona tuuina atu le pule faataga mo le talosaga ina ia faagasolo ma tuuina atu le talosaga i le Loia Sili, pe afai e i ai ni mafuaaga talafeagai e talitonuina ai o le tagata o ia lea, po o le meataitasi lea e faasino i ai le talosaga, o lo o i ai i po o e mafai ona i ai i totonu o Samoa.

(2) Afai ua faatagaina ma tuuina atu le talosaga e le Minisita i lalo o le faafuaiupu (1), e tatau i le Loia Sili, e aunoa ma le faatuai ona -

(a) faaaogā ana taumafaiga aupito sili e sailia ai po o, le a lava le tulaga e i ai, faailoagofie ma sailia, le tagata lea po o se meataitasi lea e faasino i ai le talosaga; ma

(b) fautuaina le Minisita i le taunuuga o na taumafaiga.

(3) E le mafai ona avea lenei fuaiupu e tuuina atu ai i so o se tagata se malosiaga e ulufale ai i meatotino ina ia sailia ai se tagata po o se meataitasi.

57. Fesoasoani i le faamauina o faamatalaga molimau-(1) Afai ua talosagaina e le Faamasinoga a le Lalolagi mo Solitulafono Faava o Malo le fesoasoani i le faaaogāina o faamatalaga molimau, e tatau i le Minisita ona tuuina atu le pule

faataga mo le talosaga i se Faamasino, pe afai e i ai ni mafuaaga talafeagai e talitonuina ai e faapea, o faamatalaga molimau e mafai lava ona faia i totonu o Samoa.

(2) Afai ua faatagaina ma tuuina atu le talosaga e le Minisita i lalo o le faafuuiupu (1), e tatau i le Faamasino ona tuuina atu se poloaiga e faamalosia ai le tagata molimau ina ia auai atu i se taimi ma se nofoaga ua faamaotiina e faia ai se faamatalaga molimau a lea tagata.

(3) E tatau i le Faamasino, pe afai ua talosagaina faapea e le Faamasinoga a le Lalolagi mo Solitulafono Faava o Malo ona faatagaina se sui o le Faamasinoga a le Lalolagi mo Solitulafono Faava o Malo po o se sui o le tagata lea e faasino i ai le talosaga, ina ia auai i le faia o faamatalaga molimau ma ia tuuina atu fesili i le tagata molimau.

(4) I le faia ai o faamatalaga molimau i lalo o lenei fuaiupu, e tatau i le Faamasino ona faia faapea i le faiga ua faamaotiina i totonu o le talosaga mo fesoasoani na faia e le Faamasinoga a le Lalolagi mo Solitulafono Faava o Malo ma ina ia tusa ai ma taualumaga ua faatulagaina i lalo o tulafono a Samoa.

(5) E tatau i le Faamasino o faia faamatalaga molimau i lalo o lenei fuaiupu ona -

- (a) faamaonia e faapea o le faamatalaga molimau sa faia i luma o le Faamasino ma o tagata o lo o taua suafa i totonu o le tusi faamaonia sa auai i le taimi na faia ai faamatalaga molimau; ma
- (b) ia faia le faamatalaga molimau faatasi ai ma le tusi faamaonia ina ia tuuina atu i le Minisita.

58. Fesoasoani i le tuuina atu o pepa aloaia ma mataupu

-(1) Afai ua talosagaina e le Faamasinoga a le Lalolagi mo Solitulafono Faava o Malo se fesoasoani i le tuuina atu o pepa aloaia po o mataupu faamauina, e tatau i le Minisita ona tuuina atu le pule faataga mo le talosaga ina ia faaauau ma tuuina atu le talosaga i se Faamasino, pe afai e i ai i le Minisita ni mafuaaga talafeagai e talitonuina ai e faapea, o pepa aloaia po o mataupu faamauina e mafai ona faia i totonu o Samoa.

(2) Afai ua faatagaina ua tuuina atu le talosaga e le Minisita i lalo o le faafuaiupu (1), e tatau i le Faamasino ona tuuina atu se poloaiga mo le tuuina mai o pepa aloaia po o mataupu.

(3) E mafai i le poloaiga ona aiaia ai mo so o se ituaiga o faamaoniga po o le tulaga moni atoatoa o le pepa aloaia po o le mataupu e pei ona manaomia e le Faamasinoga a le Lalolagi mo Solitulafono Faava o Malo ma e mafai ona faamaotiina o so o se isi lava aiaiga ma tuutuuga e ono talafeagai i tulaga ua aliae mai.

(4) Afai o pepa aloaia ma mataupu ua tuuina mai ua atoatoa lona tulaga moni ma faamaonia e pei ona manaomia e le poloaiga ua faia i lalo o le faafuaiupu (3), e tatau i le Faamasino ona faia o ia mea ina ia auina atu i le Minisita, faatasi ai ma se faamatalaga tusia e sainia e le Faamasino e faapea na tuuina atu lava i le Faamasino ia pepa.

59. Tulafono e talafeagai i ai-(1) O le a avea Tulafono ma Tulafono Faafae e fai ma tulafono e talafeagai mo le faia o faamatalaga molimau i lalo o le fuaiupu 57 po o le tuuina atu o pepa aloaia po o mataupu i lalo o le fuaiupu 58 seia vagana ai ua poloaia e le Faamasino e faapea, e tatau ona faia le faamatalaga molimau ina ia tusa ai ma tulafono a Samoa.

(2) E ui lava i le faafuaiupu (1) e tatau ona i ai i se tagata ua faamalosi ona tuuina atu o faamatalaga molimau po o le tuuina atu o pepa aloaia, tulaga aloaia tutusa e faapei ai o le suesuega po o taulumaga sa faia i lalo o tulafono a Samoa ma e tatau ona faaogāina tulafono a Samoa e faasino i le lē faailoaina atu o faamatalaga, e aofia ai faamatalaga o le puipuiga o le atunuu.

(3) E leai se mea e tasi i totonu o le faafuaiupu (1) e tatau ai ona avea e faapea o lo o manaomia se tagata ina ia tuuina atu se faamatalaga molimau pe tali atu i so o se fesili pe tuuina atu so o se pepa aloaia po o se mataupu e faapea ai e le mafai ona faamalosi se tagata e tuuina atu pe tali atu po o le tuuina atu i totonu o se suesuega o lo o faia e le Faafae Moliaga po o i totonu o so o se taulumaga i luma o le Faamasinoga a le Lalolagi mo Solitulafono Faava o Malo.

60. Fesoasoani i le suesueina o tagata-(1) Afai ua talosagaina e le Faamasinoga a le Lalolagi mo Solitulafono Faava o Malo se fesoasoani i le suesueina o se tagata o ia lea o lo o suesueina po o ua molia e le Faamasinoga a le Lalolagi mo Solitulafono Faava o Malo, e tatau i le Minisita ona tuuina atu se pule faataga mo le talosaga ina ia faaauau pea ma ia tuuina atu le talosaga i le Loia Sili pe afai e i ai i le Minisita ni mafuaaga talafeagai e talitonuina ai e faapea o lo o i ai pea le tagata i po o e ono i ai i totonu o Samoa.

(2) Afai ua faatagaina ma auina atu e le Minisita le talosaga i lalo o le faafuaiupu (1), o le a i le Loia Sili, e aunoa ma le faatuai ona -

- (a) faaaogā o ana taumafaiga sili ona lelei e faia ai le suesuega o lo o faapea ona talosagaina e le Faamasinoga a le Lalolagi mo Solitulafono Faava o Malo;
- (b) faamautinoaina o tali i fesili na tuuina mai o lo o faamauina i se faiga tusitusia ma faia o so o se isi lava lipoti i luga o le suesuega e pei ona ia manatu e talafeagai i tulaga ua aliae mai; ma
- (c) ia fautuaina le Minisita i le taunuuga o na taumafaiga ma, pe afai e talafeagai, ia tuuina atu le faamaumauga ma so o se lipoti o le suesuega i le Minisita.

(3) E tatau i se tagata ua suesueina i lalo o lenei fuaiupu, tusa lava pe i ai se mea e feteenai i totonu o so o se isi lava tulafono, ona agavaa i aia tatau uma ua faasinomia i totonu o le mataupu 55(2) o le Tulafono.

61. Fesoasoani i le faatulagaina o le auina atu o pepa aloaia-(1) Afai ua talosagaina e le Faamasinoga a le Lalolagi mo Solitulafono Faava o Malo se fesoasoani i le faatulagaina o le tuuina atu o pepa aloaia i totonu o Samoa, e tatau i le Minisita ona tuuina atu le pule faataga mo le faaauauina o le talosaga ma ia tuuina atu le talosaga i le Loia Sili, pe afai e i ai i le Minisita o ni mafuaaga talafeagai e talitonuina ai o lena tagata po o se faalapotopotoga e tuuina atu i ai pepa aloaia o lo o i ai po o e ono i ai i totonu o Samoa.

(2) Afai ua faatagaina ma tuuina atu e le Minisita le talosaga i lalo o le faafuaiupu (1), e tatau i le Loia Sili i Samoa, e aunoa ma le faatuai ona –

(a) faaaogāina ana taumafaiga e sili ona lelei ina ia mafai ona tuuina atu o pepa aloaia -

(i) ina ia tusa ai ma so o se taualumaga ua faamaotiina mai i totonu o le talosaga; po o

(ii) pe afai o lena taualumaga o le a avea faasolitulafono ona fai pe ua le talafeagai i totonu o Samoa, po o pe afai e leai se taualumaga o faamaotiina mai, ina ia tusa ai ma le tulafono a Samoa; ma

(b) auina atu i le Minisita –

(i) se tusi faamaonia e uiga i le faatinoga, pe afai ua maea ona tuuina atu le pepa aloaia; po o

(ii) o se faamatalaga o mafuaaga na le mafai ai le faatinoga, pe afai e le i tuuina atu le pepa aloaia.

(3) O pepa aloaia, i totonu o lenei fuaiupu, ua aofia ai -

(a) se tusi samania e manaomia ai se tagata ina ia tulai e avea ma tagata molimau; ma

(b) se tusi samania ua tuuina atu i lalo o le mataupu 60(7) o le Tulafono i se tagata ua tuuaia.

62. Fesoasoani i le faafaigofieina o le auai o tagata molimau i le lotofuatiaino-(1) Afai ua talosagaina e le Faamasinoga a le Lalolagi mo Solitulafono Faava o Malo se fesoasoani i le faafaigofieina o le aumaia o tagata e molimau i le lotofuatiaino i luma o le Faamasinoga a le Lalolagi mo Solitulafono Faava o Malo, e tatau i le Minisita ona tuuina atu le pule faataga mo le faaaauuina o le talosaga ma tuuina atu le talosaga i le Loia Sili, pe afai ua faamalieina le Minisita e faapea o lo o i ai mafuaaga talafeagai e talitonuina ai e faapea o le tagata molimau o lo o i ai, po o e mafai ona i ai i totonu o Samoa.

(2) I totonu o lenei fuaiupu ma i fuaiupu 63 ma le 64, “tagata molimau” ua aofia ai se tagata o ia lea e mafai ona

tuuina atu faamatalaga molimau i le tulaga o le potu faapitoa; peitai, e le aofia ai -

- (a) se tagata ua tuuaina i se solitulafono i totonu o taualumaga o lo o faasino i ai le talosaga; po o
- (b) se pagota o lo o taofia e faasino i se soligatulafono e faasaga i le tulafono a Samoa.

63. E manaomia le maliega – E tatau i le Loia Sili i lalo o le fuaiupu 62, ona faia ia suesuega e pei ona talafeagai ai, ina ia mautinoa po o ua malie le tagata o lo o fuafua e molimau e tuuina atu faamatalaga molimau pe fesoasoani i le Faamasinoga a le Lalolagi mo Solitulafono Faava o Malo.

64. E mafai e le Minisita ona faafaigofie le auai ai-(1) E mafai e le Minisita ona fesoasoani i le faia o faatulagaga e faafaigofie ai le auai mai o se tagata molimau i luma o le Faamasinoga a le Lalolagi mo Solitulafono Faava o Malo pe afai ua faamalieina le Minisita e faapea -

- (a) ua malie le tagata molimau e faaaogā i le lumanai, i le tuuina atu o le faamatalaga molimau po o le fesoasoani ua talosagaina; ma
- (b) ua tuuina atu e le Faamasinoga a le Lalolagi mo Solitulafono Faava o Malo so o se tulaga mautinoa ua talosagaina e le Minisita e tusa ai o le tagata molimau e aofia ai ae le faatapulaaina i se tulaga mautinoa e faapea ai e le molia pe taofia e le Faamasinoga a le Lalolagi mo Solitulafono Faava o Malo o le tagata molimau e tusa ai o so o se gaoioiga ua faamaotiina po o se gaoioiga tuua sa tulai mai a o le i tuua Samoa e le tagata molimau.

(2) E mafai e le Minisita ona -

- (a) faamaonia ma faia tuutuuga mo le malaga atu o le tagata molimau i le Faamasinoga a le Lalolagi mo Solitulafono Faava o Malo ae totogi e le Faamasinoga a le Lalolagi mo Solitulafono Faava o Malo, e aofia ai ae le faatapulaaina i, le mauaina o sea faamaoniga, pule faataga, ma

faatagaga e pei ona manaomia mo lena faamoemoe, e aofia ai, le mataupu i se tagata o ia lea e ui ina le noatia ina ia taofia i totonu o se falepuipui ua noatia lava i se faasalaga –

(i) o fesuiaiga, faamatuu atu, po o le taofia o aiaiga o le tatalaina i tua mai le falepuipui o se tagata; po o

(ii) o fesuiaiga, faalēaogāina, po o le taofia o se faasalaga o se tagata; ma

(b) le faia o so o sea gaoioiga mo faamoemoega o le faafuaiupu (1) e pei ona manatu le Minisita ua talafeagai ai.

65. Fesoasoani i le faafaigofieina ona fesiitai le tumau o le pagota – Afai ua talosagaina e le Faamasinoga a le Lalolagi mo Solitulafono Faava o Malo se fesoasoani i le faafaigofieina o le fesiitai atu le tumau o se pagota i le Faamasinoga a le Lalolagi mo Solitulafono Faava o Malo, o ia lea o lo o faataunuu lona faasalaga i totonu o Samoa mo se soligatulafono e faasaga i tulafono a lena atunuu, e tatau i le Minisita ona tuuina atu le pule faataga mo le faaauauina pea o le talosaga ma tuuina atu le talosaga i le Loia Sili, pe afai e i ai i le Minisita ni mafuaaga talafeagai e talitonuina ai e faapea o le fesoasoani mo le pagota na sailia mo le faamoemoe o le faailoagofieina po o le mauaina o faamatalaga molimau po o isi fesoasoani.

66. E manaomia maliega ma e mafai ona sailia faamaoniga – Afai ua faatagaina ma tuuina atu e le Minisita se talosaga i lalo o le fuaiupu 65, e tatau i le Loia Sili ona faia o ia suesuega e ono talafeagai ai ina ia faamautinoa ai pe o le a malie i ai le pagota i le fesiitaiga.

67. E mafai e le Minisita ona faatulaga fesiitaiga-(1) E mafai e le Minisita ona faataga le fesiitai le tumau o se pagota o lo o faataunuu lona faasalaga i totonu o Samoa, i le Faamasinoga a le Lalolagi mo Solitulafono Faava o Malo, pe afai e faamalieina le Minisita e faapea -

- (a) ua malie le pagota e tuuina atu faamatalaga molimau po o isi fesoasoani ua talosagaina; ma
 - (b) ua tuuina atu e le Faamasinoga a le Lalolagi mo Solitulafono Faava o Malo so o se tulaga mautinoa ua talosagaina e le Minisita e aofia ai ae le faatapulaaina i se tulaga mautinoa e faapea e le tatalaina i tua le pagota e aunoa ma le faatagaina muamua e le Minisita.
- (2) Afai ua faatagaina e le Minisita le fesiitai atu le tumau o le pagota o lo o faataunuu lona faasalaga i totonu o Samoa i le Faamasinoga a le Lalolagi mo Solitulafono Faava o Malo, e mafai e le Minisita ona -
- (a) faatonuina ina ia tatalaina i tua le pagota mai le falepuipui lea o lo o taofia ai, mo le faamoemoe o le fesiitai atu i le Faamasinoga a le Lalolagi mo Solitulafono Faava o Malo; ma
 - (b) le faia o aiaiga mo le malaga atu o le pagota i le Faamasinoga a le Lalolagi mo Solitulafono Faava o Malo i lalo o le vaavaaiga mo le malu puipuia a se tagata ua faatagaina mo le faamoemoe e le Faamasinoga a le Lalolagi mo Solitulafono Faava o Malo.
- (3) O se faatonuga ua tuuina atu e le Minisita i lalo o le faafuaiupu (2) e tusa ai o se pagota, o se pule faataga lea ua lava mo le tatalaina i tua o le pagota mai le falepuipui o lo o taofia ai, mo faamoemoega o le faaliliuina atu.
- (4) O tagata taitoatasi uma e tatalaina i tua i lalo o se faatonuga e tuuina atu i lalo o le faafuaiupu (2) e tatau ona faia e faapea, mo faamoemoega o le tulafono o lo o faamalasia e faasino i le sola ese mai le puipuiga malu faaletulafono ma mo na o lena faamoemoega, ia faaauauina pea le i ai pea i le puipuiga malu faaletulafono a le tagata ofisa pule o se falepuipui lea na tatalaina mai ai i tua sea tagata, a o i ai i totonu o Samoa a o faagasolo le vaitaimi o lena tatalaga i tua.
- (5) E tatau ona tumau pea le tulaga aloaia o le faafuaiupu (4) pe afai e i ai so o se feeseeseaiga i le va o le faafuaiupu (4) ma so o se isi lava tulafono.

68. Aafiaga o le fesiitaiga i le faasalaga o le pagota – Afai o se pagota o ia lea o lo o tuli sana faasalaga mo se soligatulafono na faia i totonu o Samoa, ua faaliliuina atu i le Faamasinoga a le Lalolagi mo Solitulafono Faava o Malo -

(a) e tatau ona avea le pagota e faapea o lo o i ai i le pui puiga malu mo faamoemoega o le faasalaga ua faaeina atu mo le soligatulafono ua faia i totonu o Samoa lea e tatau ona faaauau pea ona faagasolo, a o lo o i ai o ia i le pui puiga malu i fafō atu o Samoa e fesootai ma le talosaga; ma

(b) o le Minisita –

(i) e mafai i so o se taimi ona faailoa atu i le Faamasinoga a le Lalolagi mo Solitulafono Faava o Malo e faapea, ua le toe manaomia le pagota ina ia taofia i le pui puiga malu; ma

(ii) e tatau ona faailoa atu i le Faamasinoga a le Lalolagi mo Solitulafono Faava o Malo, pe afai o le pagota ua le toe noatia ina ia taofia i totonu o se falepuipui i totonu o Samoa.

69. Fesoasoani i le Suesueina o nofoaga po o fale-(1) Afai ua talosagaina e le Faamasinoga a le Lalolagi mo Solitulafono Faava o Malo se fesoasoani i le suesueina o nofoaga po o fale o lo o i ai i totonu o Samoa, e tatau i le Minisita ona tuuina atu le pule faataga mo le faaauauina o le talosaga ma le tuuina atu o le talosaga i le Loia Sili, pe afai e i ai i le Minisita ni mafuaaga talafeagai e talitonuina ai o lena nofoaga po o fale o i ai o lo o faasinomia i totonu o Samoa.

(2) Afai ua faatagaina ma tuuina atu e le Minisita le talosaga i lalo o le faafuaiupu (1), e tatau i le Loia Sili ona -

(a) faaaogā e aunoa ma se faatuai, o ana taumafaiga sili ona lelei e faatino ai le suesuega o le nofoaga po o le eleele o lo i ai, e tusa ma le faiga o lo o talosagaina e le Faamasinoga a le Lalolagi mo Solitulafono Faava o Malo;

(b) faia sea lipoti i luga o le suesuega e pei ona ia manatu ua talafeagai ai i tulaga ua aliae mai; ma

(c) e tatau ona tuuina atu le lipoti o le suesuega i le Minisita; ma

(d) e mafai, i le tulaga talafeagai ai, ona talosaga i se Faamasino mo se poloaiga e toe eliina ai tino maliu ma le suesueina o toega o se tino maliu i le nofoaga o lo o i ai se tuugamau.

(3) O se faatagaga i lalo o lenei fuaiupu e tatau ona faatatauina e faapea ua faatagaina ai le Loia Sili e ulufale i se nofoaga po o se eleele o lo o i ai mo le faamoemoe o le suesueina o lea nofoaga po o le eleele o lo o i ai.

70. Fesoasoani e aofia i le sailia ma le faoa faamalosi-(1)

Afai ua faia e le Faamasinoga a le Lalolagi mo Solitulafono Faava o Malo se talosaga mo le suega ma le faoa faamalosi, e tatau i le Minisita ona tuuina atu le pule faataga mo le talosaga ina ia faaauauina ma faatagaina i se faiga tusitusia, se leoleo e talosaga i se Faamasino mo se tusi poloaiga mo suesuega pe afai e i ai i le Minisita ni mafuaaga talafeagai e talitonuina ai e faapea o so o se mea talafeagai i se suesuega o lo o faia e le Loia po o taualumaga i luma o le Faamasinoga a le Lalolagi mo Solitulafono Faava o Malo lea po o e mafai ona faasinomia i totonu o Samoa.

(2) E mafai e le Faamasino, i luga o se talosaga ua faia i le Faamasino i lalo o le faafuaiupu (1) e se leoleo faatagaina i lalo o lena faafuaiupu, pe afai ua faamalieina e faapea o le meataitasi ua faamaoti mai i totonu o le talosaga na faia e le Faamasinoga a le Lalolagi mo Solitulafono Faava o Malo o lo o faasinomia i totonu o Samoa, ona tuuina atu se tusi poloaiga e faatagaina ai lena leoleo po o so o se isi lava leoleo o faamaoti mai i totonu o le tusi poloaiga e sueina ai ma faoa faamalosi o lena meataitasi.

(3) E mafai e le Faamasino ona tuuina atu se tusi poloaiga i lalo o le faafuaiupu (2) i le noatia ma le fai fuafua i ia aiaiga e pei ona manatu ai le Faamasino ua talafeagai ona faaeeina atu.

(4) I le noatia ma le fai fuafua i so o se aiaiga ua faamaoti mai i totonu o le tusi poloaiga, o se tusi poloaiga ua tuuina atu i lalo o le faafuaiupu (2) e tatau ona faatagaina ai le leoleo o lo o faatinoina le tusi poloaiga -

- (a) e ulufale ai ma sueina so o se nofoaga pe ia taofia ma sueina so o se taavale lea o lo o faamaotiina ai le meataitasi i totonu o le tusi poloaiga po o ua taofia, i so o se taimi i le ao po o le po;
 - (b) e faaaogā ia tagata fesoasoani e ono mafai i le tulaga ona talafeagai ua aliae mai mo le faamoemoe o sea ulufale ma sea suega;
 - (c) e faaaogā sea malosi e pei ona talafeagai i tulaga ua aliae mai e faatinoina ai le ulufale o sea nofoaga pe ia taofia pe malaga i sea taavale, ma ia motusia so o se nofoaga e talia ai lea ua faamaoti i le meataitasi i le tusi poloaiga e tuuina i ai; ma
 - (d) ia susesueina mo ma faoa faamalosi le meataitasi.
- (5) E mafai e se tagata ua valaauiina e fesoasoani i se leoleo i le faatinoga o se tusi poloaiga ua tuuina atu i lalo o le faafuuiupu (2), ona faatinoina malosiaga ua faasinomia i totonu o parakalafa (2) ma le (d) o le faafuuiupu (4).
- (6) E tatau i se leoleo o faatinoina se tusi poloaiga ua tuuina atu i lalo o le faafuuiupu (2) ona -
- (a) tuuina atu sea tusi poloaiga ina ua faatoa ulufale, ma afai e manaomia ina ia faapea ona fai, i so o se taimi e mulimuli ane ai;
 - (b) tuuina atu i lē ona le meataitasi ua faoa faamalosi po o so o se isi lava tagata o ia lea e faapea, ua i ai i le leoleo se mafuaaga e talitonuina ai, o lo o i ai se aia i sea meataitasi, o se faasilasilaga e faamaotiina ai –
 - (i) le aso ma le taimi na faatinoina ai le tusi poloaiga;
 - (ii) le igoa ma le tulaga tofi o le tagata o lo o faatinoina le tusi poloaiga;
 - (iii) le meataitasi ua faoa faamalosi i lalo o le tusi poloaiga.
- (7) E tatau i se leoleo ua faoa faamalosi se meataitasi i lalo o le pule faataga a se tusi poloaiga ua tuuina atu i lalo o le faafuuiupu (2), ona tuuina atu lea meataitasi i le puipuiga malu ma le faafoega a le Komesina o Leoleo.

(8) E tatau i le Komesina o Leoleo ma faailoa i le Minisita e faapea o le meataitasi ua mauaina ma o lo o faatali le faatonuga a le Minisita pe o le a faapefea ona tagofia.

(9) E tatau ona faaaogā le tulafono e faasino i suesuega ma le faoa faamalosi i le tulaga lautele, i se suesuega ma se faoa faamalosi i lalo o lenei fuaiupu, ae vagana ai ua aiaia i se isi faiga e ese ai i totonu o lenei fuaiupu.

71. Fesoasoani e aofia ai le faaaogāina o isi taulumaga o suesuega tau lotoifale-(1) Afai ua talosagaina e le Faamasinoga a le Lalolagi mo Solitulafono Faava o Malo se fesoasoani i le aoina mai o faamatalaga molimau mo se suesuega, e tatau i le Minisita ona tuuina atu le pule faataga mo le talosaga ina ia faagasolo pea ma tuuina atu le talosaga i le Loia Sili, pe afai e i ai i le Minisita ni mafuaaga talafeagai e talitonuina ai e faapea o le fesoasoani o talosagaina e lē o faasāina e le tulafono a Samoa.

(2) Afai ua faatagaina e le Minisita ma tuuina atu le talosaga i lalo o le faafuaiupu (1), e mafai e le Loia Sili ona -

- (a) faaaogā o so o se malosiaga faalotoifale e faapei ona o le a faaavanoaina i se suesuega tau lotoifale i se mataupu e uiga tutusa e aoina ai sea faamatalaga molimau ma so o sea malosiaga i lalo o tulafono tau lotoifale, e tatau ona faaaogā faatasi ma ni suiga talafeagai;
- (b) faia o sea lipoti e pei ona ia manatu ua talafeagai ma tulaga ua aliae mai;
- (c) tuuina atu le lipoti i le Minisita.

72. Fesoasoani i le puipuia o tagata afaina ma tagata molimau ma le faasaoina o faamatalaga molimau-(1) Afai e talosagaina e le Faamasinoga a le Lalolagi mo Solitulafono Faava o Malo -

- (a) se fesoasoani i lalo o le mataupu 93(1)(j) o le Tulafono i le puipuia o tagata aafia ma tagata molimau po o le faasaoina o faamatalaga molimau;

(b) se fesoasoani i lalo o le mataupu 19(8), po o le mataupu 56(2) po o (3), i le faasaoina o faamatalaga molimau, e faasino i se suesuega a, po o se taualumaga i luma o le Faamasinoga a le Lalolagi mo Solitulafono Faava o Malo, e tatau i le Minisita ona tuuina atu le pule faataga mo le talosaga ina ia faagasolo ma tuuina atu le talosaga i le Loia Sili pe afai e i ai i le Minisita ni mafuaaga talafeagai e talitonuina ai e faapea o le fesoasoani o lo o talosagaina e lē o faasaina e le tulafono a Samoa.

(2) Afai ua faatagaina e le Minisita ma ia tuuina atu le talosaga i lalo o le faafuaiupu (1), e tatau i le Loia Sili, e aunoa ma le faatuai ona -

- (a) faaaogā ana taumafaiga sili ona lelei e faatinoina ai le talosaga;
- (b) faia sea lipoti i luga o taunuuga o ana taumafaiga e pei ona ia manatu ua talafeagai ma tulaga ua aliae mai;
- (c) tuuina atu le lipoti i le Minisita.

73. Talosaga mo se fesoasoani i le taofia ma le faoa faamalosi o meatotino e fesootai i solitulafono-(1) Afai e talosagaina e le Faamasinoga a le Lalolagi mo Solitulafono Faava o Malo se fesoasoani i le faailoagofieina, le sailia ma le taofia po o le faoa faamalosi o meatotino mo le faamoemoe ina ia faalēaogāina mulimuli ane ai, e tatau i le Minisita ona tuuina atu o le pule faataga mo le talosaga ina ia faagasolo ma tuuina atu le talosaga i le Loia Sili, pe afai e i ai i le Minisita ni mafuaaga talafeagai e talitonuina ai e faapea o le meatotino o lo o po o e ono mafai ona maua i totonu o Samoa.

(2) Afai ua faatagaina e le Minisita ma ia tuuina atu le talosaga i lalo o le faafuaiupu (1), o le Loia Sili -

- (a) e tatau ona faaaogā ana taumafaiga sili ona lelei e faatinoina ai le talosaga; po o
- (b) e mafai, pe afai e talafeagai, ona talosaga i se Faamasino mo se poloaiga e taofia ai po o se poloaiga e faoa faamalosi ai e tusa ai o le meatotino.

(3) E mafai ona faia pito tasi o se talosaga i lalo o le faafuaiupu 2(b) ma e mafai ona tuuina atu e aunoa ma se suesuega.

(4) E mafai e le Faamasino ona faia o se poloaiga e taofia ai po o se poloaiga e faoa faamalosia ai, a o iloilo se talosaga i lalo o le faafuaiupu 2(b), pe afai ua faamalieina -

(a) e faapea o se poloaiga e faalēaogāina ai ua maea ona faia i taulumaga i luma o le Faamasinoga a le Lalolagi mo Solitulafono Faava o Malo; po o

(b) e faapea o lo o i ai mafuaaga talafeagai e talitonuina ai e faapea e mafai ona faia o se poloaiga e faalēaogāina ai sea taulumaga, ma e faapea o le meatotino o lo o faasino i ai le talosaga mo se poloaiga e taofia ai po o se poloaiga e faoa faamalosia ai, ua aofia ai o po o e aofia ai meatotino lea o le a po o e ono mafai ona aafia i sea poloaiga e faalēaogāina ai.

(5) O se poloaiga e taofia ai po o se poloaiga e faoa faamalosia ai e tatau ona aiaia ai mo se faasilasilaga ina ia tuuina atu i so o se tagata o i ai sana aia i le meatotino po o i se isi faiga e ese ai ua aafia ai i le poloaiga.

(6) E mafai e le tagata ua aafia i le poloaiga ona talosaga i se Faamasino mo se poloaiga e suia ai pe faamatuuina atu ai le poloaiga e taofia ai po o se poloaiga e faoa faamalosia ai, e faasino i aia a le tagata.

(7) E mafai e le Faamasino ona suia pe faamatuu atu le poloaiga e taofia ai po o le poloaiga e faamalosia ai e faasino i aia a le tagata o lo o faia le talosaga i lalo o le faafuaiupu (6) pe afai lava ua faamalieina le Faamasino e faapea o le tagata talosaga e i ai lana aia i le meatotino, e le i aafia i so o se isi lava auala, i le faatinoga o le solitulafono lea e faasino i ai le meatotino, ma e leai se faavae e talitonuina ai e faapea o le meatotino na maua mai e, po o e fesootai faatasi ma, le solitulafono.

(8) I le noatia ma le fai fuafua i le faafuaiupu (7) e tatau ona tumau pea le noatia o le meatotino i le poloaiga e taofia ai po o le poloaiga e faoa faamalosia ai, seia vagana ai ua tuuina atu e le Faamasinoga a le Lalolagi mo Solitulafono Faava o Malo se

poloaiiga talafeagai e faalēaogāina ai e tusa ai o le meatotino ma o lena poloaiiga ua faamauina mo le faamalosia i lalo o le fuaiupu 96 po o le fautua mai o le Faamasinoga a le Lalolagi mo Solitulafono Faava o Malo e faapea o le a le tuuina atu sea poloaiiga, i lea tulaga, e tataua ona faamatuu atu le meatotino mai le poloaiiga e taofia ai po o le poloaiiga e faoa faamalosia ai.

74. O isi ituaiga o fesoasoani – E mafai e le Minisita ona tuuina atu so o se isi lava ituaiga o fesoasoani lea e le o faasaina i lalo o le tulafono a Samoa, ma le faamoemoe e faafaigofie ai le suesuega ma moliaga o solitulafono e tusa ma le pule faaletulafono a le Faamasinoga.

75. Teena o le talosaga-(1) E mafai e le Minisita ona teena se talosaga mo se fesoasoani i lalo o lena Vaega pe afai na -

- (a) o le Faamasinoga a le Lalolagi mo Solitulafono Faava o Malo na fuafuaina e faapea o le mataupu ua faasino i ai le talosaga e le taliaina i luga o so o se mafuaaga;
- (b) o le Faamasinoga a le Lalolagi mo Solitulafono Faava o Malo ua fautuaina e faapea e le o faamoemoe o ia e faagasolo le talosaga mo so o se mafuaaga, e aofia ai ae le faatapulaaina i se fuafuaga a le Faamasinoga a le Lalolagi mo Solitulafono Faava o Malo lea o lo o faaogāina ai le mataupu 98(1) o le Tulafono, i le faatinoga o le talosaga.
- (c) o le fesoasoani o lo o sailia e lē o faatulagaina i le faatulagaga o ituaiga o fesoasoani ua faatulaga mai i totonu o le mataupu 93(1) ma o le aiaiga o le fesoasoani o lo o faasaina e le tulafono a Samoa ma e le taliaina e le Faamasinoga a le Lalolagi mo Solitulafono Faava o Malo o aiaiga, e pei ona i ai tuutuuga i le mataupu 93(5) o le Tulafono, i le noatia ma le fai fuafua i lea tulaga, sa tuuina atu e le Minisita o le fesoasoani ma le loto i ai.

- (d) o le faatinoga o so o se fua faatatau maoti o fesoasoani ua faasaina i totonu o Samoa i luga o le tulaga o se taiala faavae autu faaletulafono o i ai e faaaogā i tulaga lautele ma e le taliaina e le Faamasinoga a le Lalolagi mo Solitulafono Faava o Malo o aiaiga, e pei ona i ai tuutuuga i le mataupu 93(5) o le Tulafono, i le noatia ma le fai fuafua i lea tulaga, sa tuuina atu e le Minisita o le fesoasoani ma le loto i ai.
- (2) E mafai e le Minisita ona teena se talosaga mo fesoasoani i lalo o lenei Vaega o lenei Tulafono pe afai na -
- (a) i ai talosaga faa-finau mo fesoasoani mai le Faamasinoga a le Lalolagi mo Solitulafono Faava o Malo ma se malo, ma ua filifili foi le Minisita, i le maea ai o faatalatalanoaga ma le Faamasinoga a le Lalolagi mo Solitulafono Faava o Malo ma le malo, e faapea e le mafai lava ona faatinoina o ia talosaga uma e lua, ma ua toe filifili foi ina ia faagasolo le faatinoina o le talosaga a le Malo, ina ia tusa ai ma taiala faavae ua faavaeina e le mataupu 90 o le Tulafono ma le fuaiupu 40; po o
- (b) le teena ua faatagaina i lalo o le Vaega VII.
- (3) Afai e filifili le Minisita e teena se talosaga mo fesoasoani ina ia tusa ai ma le faafuaiupu (1) po o le (2) ina ua maea ona tuuina atu e le Minisita le talosaga i le Loia Sili, e tatau i le Minisita ona faailoa i lenei lala sooupu ina ia taofia le faagaioiga o so o se isi laasaga e faatinoina ai le talosaga.

76. Puipuigamalu o le atunuu-(1) Afai -

- (a) ua talosagaina e le Faamasinoga a le Lalolagi mo Solitulafono Faava o Malo i lalo o le Vaega V mo le tuuina atu o pepa aloaia po o le ave a o faamatalaga molimau ma i le manatu o le Minisita, o le tuuina atu o sea pepa aloaia po o le faailoaina o sea faamatalaga molimau o le a ave a ma aafiaga i le puipuigamalu o le atunuu o Samoa; po o

- (b) se tagata ua manaomia e faailoa atu faamatalaga i, po o le tuuina atu o faamatalaga molimau i luma o le Faamasinoga a le Lalolagi mo Solitulafono Faava o Malo ma ua teena e le tagata ina ia faia faapea i luga o mafuaaga e faapea o le faailoaina atu o sea faamatalaga po o le tuuina atu o sea faamatalaga molimau o le a avea ma faaituau i le puipuiga malu faaleatunuu o Samoa ma ua faamaonia e le Minisita e faapea, i le manatu o le tagata, o le faailoaina o sea faamatalaga po o le tuuina atu o sea faamatalaga molimau o le a avea ma faaituau i le puipuiga malu faale-atunuu o Samoa; po o
- (c) ua manatu le Minisita e faapea o le faailoaina atu o faamatalaga i, po o le tuuina atu o faamatalaga molimau i luma o le Faamasinoga a le Lalolagi mo Solitulafono Faava o Malo i tulaga ua aliae mai e ese mai nai lo tulaga aliae o faatinoga ua faasinomia i totonu o parakalafa (a) ma le (b) ia o le a faalavelaveina ai le puipuigamalu faale-atunuu o Samoa, e tatau i le Minisita ona faatalatalanoa le Faamasinoga a le Lalolagi mo Solitulafono Faava o Malo ma ia faia ni laasaga tatau e foia ai le mataupu ina ia tusa ai ma le Mataupu 72(5) o le Tulafono.
- (2) Afai, i le maea ai o faatalatalanoaga ma le Faamasinoga a le Lalolagi mo Solitulafono Faava o Malo, ua manatu le Minisita e faapea e leai ni auala po o ni tuutuuga e mafai ai ona tuuina atu faamatalaga, pepa aloaia po o faamatalaga molimau sa talosagaina, faailoa po o le tuuina atu e aunoa ma le faalavelaveina o le puipuigamalu faale-atunuu o Samoa, e mafai e le Minisita ona teena le talosaga mo le tuuina atu o sea pepa aloaia po o le faailoaina o sea faamatalaga molimau po o le teena o le faatagaga e tuuina atu ai sea pepa aloaia po o le faailoaina o sea faamatalaga ma e tatau ona faamaoti i le Faamasinoga a le Lalolagi mo Solitulafono Faava o Malo, mafuaaga a le tagata mo le faia faapea, seia vagana ai e faapea o le faamaotiina o na mafuaaga o le a avea lava ma, i le manatu o

lea tagata, ua faalavelaveina ai le puipuiga malu faale-atunuu o Samoa.

77. Tolopoina o le faatinoga o le talosaga mo fesoasoani-

(1) Faatoa mafai e le Minisita ona tolopo le faatinoga o se talosaga mo fesoasoani i lalo o lenei Vaega pe afai -

- (a) o lo o talia se faaiuga mo le taliaina i luma o le Faamasinoga a le Lalolagi mo Solitulafono Faava o Malo;
- (b) o le faatinoga o le talosaga o le a faalavelaveina ai se suesuega po o se moliaga i totonu o Samoa lea e aafia ai se soligatulafono e ese mai i lea e faasino i ai le talosaga;
- (c) o le Minisita e faatalanoaina le Faamasinoga a le Lalolagi mo Solitulafono Faava o Malo i lalo o le fuaiupu 32(2) pe ono faaaogāina pe leai le mataupu 98(1) o le Tulafono, i le faatinoga o le talosaga; po o
- (d) o lo o i ai talosaga faafinai mo fesoasoani mai le Faamasinoga a le Lalolagi mo Solitulafono Faava o Malo ma se malo, ma i le maea ai o faatalanoaga a le Minisita ma le Faamasinoga a le Lalolagi mo Solitulafono Faava o Malo ua faia ai le faaiuga a le Malo ina ia tolopo le faatinoga o le talosaga a le Faamasinoga a le Lalolagi mo Solitulafono Faava o Malo.

(2) Afai ua tolopo le faatinoga o le talosaga mo fesoasoani i lalo o le faafuaiupu (1)(a) ma ua faia ai le faaiuga a le Faamasinoga a le Lalolagi mo Solitulafono Faava o Malo e faapea e talia le mataupu, e tatau i le Minisita ona faagasolo le faatinoga o le talosaga i se taimi vave e ono mafai ai i le maea ai o le faaiuga a le Faamasinoga a le Lalolagi mo Solitulafono Faava o Malo.

(3) Afai ua tolopo le faatinoga o le talosaga mo fesoasoani i lalo o le faafuaiupu (1)(b), e tatau i le Minisita ona faatalanoa le Faamasinoga a le Lalolagi mo Solitulafono Faava o Malo ma ioeina se vaitaimi mo le tolopoina o le faatinoga o le talosaga e tusa ai ma le mataupu 94 o le Tulafono, ma e tatau i le Minisita

ona faagasolo le faatinoga o le talosaga ina ua maea lea vaitaimi, seia vagana ai o se isi faiga e ese ai ua malilie i ai faatasi ma le Faamasinoga a le Lalolagi mo Solitulafono Faava o Malo.

(4) Afai ua tolopo le faatinoga o le talosaga mo fesoasoani i lalo o le faafuuiupu (1)(c) ma ua manatu le Faamasinoga a le Lalolagi mo Solitulafono Faava o Malo e faagasolo le talosaga, e tatau i le Minisita ona faagasolo le faatinoga o le talosaga i se taimi vave lava e mafai ai ina ua maea le faaiuga a le Faamasinoga a le Lalolagi mo Solitulafono Faava o Malo.

(5) Afai ua tolopo le faatinoga o le talosaga mo fesoasoani i lalo o le faafuuiupu (1)(d), e tatau i le Minisita ona faagasolo le faatinoga o le talosaga a le Faamasinoga a le Lalolagi mo Solitulafono Faava o Malo i se taimi vave lava e mafai ai.

(6) Afai e manatu le Minisita e tolopo le faatinoga o se talosaga mo fesoasoani e tusa ai ma lenei fuaiupu, ina ua maea ona tuuina atu e le Minisita i le Loia Sili le talosaga mo le faatinoina, e tatau i le Minisita ona faatonuina lenei lala soupu ina ia tolopo le faatinoga o le talosaga mo sea vaitaimi e pei ona faamaoti mai i le faatonuga.

(7) O se faaiuga e faia e le Minisita e tolopo ai le faatinoga o se talosaga e le tatau ona aafia ai le tulaga aloaia o so o se gaoioiga ua uma ona faia po o so o se tusi poloaiga po o se poloaiga ua faia i lalo o lenei Vaega o lenei Tulafono a o lumanai ai le faaiuga, ma o so o se tusi poloaiga po o se poloaiga e tatau ona faamalosia pea seia vagana ai ua faalēaogāina.

78. Tualumaga a o lumanai ai le teena o fesoasoani – A o le i teena se talosaga mo fesoasoani i lalo o aiaiga o lenei Tulafono, e tatau i le Minisita ona iloilo pe mafai ona tuuina atu le fesoasoani e tusa ai ma aiaiga maoti, po o pe mafai ona tuuina atu le fesoasoani i se isi taimi i le lumanai po o i se isi faiga talafeagai pe afai ua taliaina e le Faamasinoga po o le Faafoe Moliaga i fesoasoani e tusa ai ma tuutuuga, e tatau i le Faamasinoga po o le Faafoe Moliaga ona tausisi i ai.

79. Faamautu ma faamaonia le tulaga moni o meafaitino – Afai, ina ia tausiona se talosaga a le Faamasinoga a le Lalolagi mo Solitulafono Faava o Malo mo fesoasoani, ua talafeagai mo so o se faamatalaga molimau po o isi faamatalaga ua maua mai i lalo o lenei Vaega ona faamaonia pe sailia le tulaga moni i so o se auala e mafai ai e le Minisita ona tuuina atu faatonuga i le auala e tatau ona faamaonia ai sea faamatalaga molimau po o sea faamatalaga.

80. Faaoina atu o meafaitino i le Faamasinoga a le Lalolagi mo Solitulafono Faava o Malo-(1) E tatau ona auina atu i le Minisita mo le tuuina atu i le Faamasinoga a le Lalolagi mo Solitulafono Faava o Malo, so o se faamatalaga molimau po o isi faamatalaga ua maua i lalo o lenei Vaega e se tagata e ese mai nai lo le Minisita faatasi ai ma so o se faamaoniga e manaomia seia vagana ai ua faatagaina e le Minisita i se isi faiga e ese ai.

(2) Afai o so o se faamatalaga molimau po o isi faamatalaga o le a tuuina atu i le Faamasinoga a le Lalolagi mo Solitulafono Faava o Malo, e tatau ona tuuina atu:

- (a) pe afai o le meafaitino e aofia ai se pepa aloaia, le uluai pepa po o se ata; ma
- (b) pe afai o le meafaitino e aofia ai so o se isi lava mataupu, le mataupu lava ia po o se ata ua pueina po o isi faamatalaga e iloa ai lea mataupu, e ono talafeagai ina ia tausiona ai le talosaga a le Faamasinoga a le Lalolagi mo Solitulafono Faava o Malo.

81. Tusi faamaonia e tuuina atu e le Minisita-(1) Afai e maua e le Minisita se talosaga mo fesoasoani mai le Faamasinoga a le Lalolagi mo Solitulafono Faava o Malo lea e faaogā i ai lenei Vaega o lenei Tulafono, e mafai e le Minisita ona tuuina atu se tusi faamaonia e faamaonia ai mea moni uma po o so o se mea moni ua taua e faapea:-

- (a) ua faia e le Faamasinoga a le Lalolagi mo Solitulafono Faava o Malo se talosaga mo fesoasoani;

- (b) ua faamalieina e le talosaga manaoga o lenei Tulafono; ma
- (c) ua taliaina le talosaga i lalo o ma ua tusa ai ma aiaiga o lenei Tulafono.

(2) I so o se taualumaga i lalo o lenei Tulafono, o se tusi faamaonia ua avea e faapea ua tuuina atu i lalo o le faafuaiupu (1), e tatau, i le lē i ai o se faamaoniga i le tulaga e ese ai, ona lava saunia faamatalaga molimau o mea moni ia ua faamaonia mai i le tusi faamaonia.

82. E mafai e le Minisita ona talosagaina fesoasoani mai le Faamasinoga a le Lalolagi mo Solitulafono Faava o Malo – E mafai e le Minisita ona faia se talosaga i le Faamasinoga a le Lalolagi mo Solitulafono Faava o Malo mo fesoasoani e tusa ai ma lenei Vaega o lenei Tulafono i se suesuega e faia i ai, po o se faamasinoga e faasino i ai, amioga e ono tulai mai ai se solitulafono e aofia i le puleaga faa-faamasinoga o le Faamasinoga a le Lalolagi mo Solitulafono Faava o Malo, po o e faapea lea e tulai mai ai se solitulafono o lona faasalaga maualuga i lalo o le tulafono a Samoa o le nofosala i le falepuipui mo se vaitaimi e lē silia le 5 tausaga.

**VAEGA VI
FAAMAMALUINA O FAASALAGA MA POLOAIGA A
LE FAAMASINOAGA A LE LALOLAGI MO
SOLITULAFONO FAAVA O MALO I
TOTONU O SAMOA**

83. Faaaogāina o lenei Vaega – E faaaogāina lenei Vaega o lenei Tulafono i le faamamaluina o faasalaga ua faaee atu e le Faamasinoga a le Lalolagi mo Solitulafono Faava o Malo ma i poloaiga mo le totogiina o sala tupe, poloaiga e taofia ai, poloaiga e faalēaogāina ai ma poloaiga mo le totogiina o tau, ua faia e le Faamasinoga a le Lalolagi mo Solitulafono Faava o Malo.

84. E mafai e Samoa ona galue o se Atunuu e faamamaluina-(1) E mafai e le Minisita ona logoina le

Faamasinoga a le Lalolagi mo Solitulafono Faava o Malo e faapea, ua lotomalie Samoa e faatagaina tagata o i latou ia o pagota a le Faamasinoga a le Lalolagi mo Solitulafono Faava o Malo e mafua mai ona ua faasalaina i le nofosala i le falepuipui e le Faamasinoga a le Lalolagi mo Solitulafono Faava o Malo ina ia faataunuu ia faasalaga i totonu o Samoa, i le noatia ma le fai fuafua i so o se tuutuuga ua faamaoti mai i totonu o le faasilasilaga.

(2) E tatau i le Minisita ona, a o lumanai ai le tuuina atu o se faasilasilaga i lalo o le faafuaiupu (1), faatalanoa so o se isi Minisita talafeagai.

85. Talosaga ina ia faatinoina le faasalaga i totonu o Samoa-(1) Afai –

- (a) ua tuuina atu e le Minisita se faasilasilaga i lalo o le fuaiupu 84 ma e le i toe faauieseina lea faasilasilaga ma ua faaee atu e le Faamasinoga a le Lalolagi mo Solitulafono Faava o Malo se faasalaga e nofosala ai i le falepuipui i lalo o le Tulafono e uiga i se tagata ua faamaonia lona nofosala i se solitulafono i totonu o pulega a le Faamasinoga a le Lalolagi mo Solitulafono Faava o Malo; ma
- (b) ua tofia e le Faamasinoga a le Lalolagi mo Solitulafono Faava o Malo o Samoa i lalo o le mataupu 103 o le Tulafono, e aveia ma Malo e faataunuu ai le faasalaga, e tatau i le Minisita ona iloilo pe taliaina le tofiga.

(2) E mafai e le Minisita ona talia le tofiaina o Samoa e aveia ma Malo e faataunuu ai le faasalaga pe afai ua faamalieina le Minisita e faapea ua malie le Faamasinoga a le Lalolagi mo Solitulafono Faava o Malo i tuutuuga ua faamaoti mai i le faaaliga ua faia i lalo o le fuaiupu 84, ma i le tulaga o se pagota o Ia lea e le o se tagatanuu o Samoa, ua tuuina atu le maliega a le Minisita talafeagai i le faataunuuina o le faasalaga i totonu o Samoa.

86. Ia taofia i le falepuipui le pagota-(1) Afai ua talia e le Minisita le tofia o Samoa e avea ma Malo e faataunuu ai se faasalaga o le nofosala i le falepuipui ua faaee atu e le Faamasinoga a le Lalolagi mo Solitulafono Faava o Malo, e mafai ona aumaia i Samoa le pagota a le Faamasinoga a le Lalolagi mo Solitulafono Faava o Malo i lalo o le vaavaaiga a se tagata ua faatagaina e le Faamasinoga a le Lalolagi mo Solitulafono Faava o Malo mo lea faamoemoe.

(2) I le taunuu ai i Samoa, po o pe afai ua i ai le tagata i Samoa i le taimi ua faaee atu ai le faasalaga, i le faaeeina atu o le faasalaga, e tatau i le Minisita ona tuuina atu se poloaiga e taofia ai e tusa ai o le pagota a le Faamasinoga a le Lalolagi mo Solitulafono Faava o Malo ma e tatau ona faia se ata o le poloaiga ina ia auina atu i le Komesina o Falepuipui.

(3) O le poloaiga e taofia ai ua tuuina atu i lalo o le faafuaiupu (2) e tatau ona lava lea pule faataga mo le taofia o le pagota a le Faamasinoga a le Lalolagi mo Solitulafono Faava o Malo seia vagana ai ua maea le faasalaga o le pagota, po o ua tatala i tua mai i le faasalaga po o ua siitia atu i se isi atunuu.

(4) I le noatia ma le fai fuafua i le faafuaiupu (7), e tatau ona taofia le pagota a le Faamasinoga a le Lalolagi mo Solitulafono Faava o Malo ia tusa ai ma tulafono a Samoa e faapei ai sa faasalaina le pagota i le nofosala i le falepuipui i lalo o le tulafono a Samoa.

(5) E ui lava i so o se isi mea i totonu o le faafuaiupu (4) po o i so o se isi lava tulafono –

(a) e tatau i le pagota a le Faamasinoga a le Lalolagi mo Solitulafono Faava o Malo ona i ai le aia tatau e fesootai ai i luga o se tulaga agatapuia ma le Faamasinoga a le Lalolagi mo Solitulafono Faava o Malo, e aunoa ma le faalavelaveina e so o se tagata;

(b) e mafai e se Faamasino o le Faamasinoga a le Lalolagi mo Solitulafono Faava o Malo po o se sui o le afaigaluega a le Faamasinoga a le Lalolagi mo Solitulafono Faava o Malo ona asia le pagota a le Faamasinoga a le Lalolagi mo Solitulafono Faava o Malo mo le faamoemoe o

le fofogaina o so o se faamatalaga a le pagota e aunoa ma le i ai o so o se isi lava tagata, vagana ai se isi tagata e fai ma sui o le pagota.

(6) O le faamamaluina o se faasalaga e nofosala ai i le falepuipui, e aofia ai so o se faaiuga e tatala ai i tua po o le siitia atu o le pagota a le Faamasinoga a le Lalolagi mo Solitulafono Faava o Malo, e tatau ona tusa ai ma le Vaega 10 o le Tulafono ma Tulafono Faafae.

(7) E le tatau ona faaaogāina tulafono a Samoa ia e faasino i parola, tuuitiitiga, faaitiitia po o fesuiaiga o faasalaga ma faamagaloga i se faasalaga ua faaee atu e le Faamasinoga a le Lalolagi mo Solitulafono Faava o Malo.

87. Fesiitai atu o pagota i le Faamasinoga a le Lalolagi mo Solitulafono Faava o Malo mo toe iloiloga o le faasalaga-

(1) Afai ua manatu le Faamasinoga a le Lalolagi mo Solitulafono Faava o Malo, i lalo o le mataupu 110 o le Tulafono, e toe iloilo le faasalaga o se pagota a le Faamasinoga a le Lalolagi mo Solitulafono Faava o Malo o ia lea o lo o faataunuu lea faasalaga i Samoa, e tatau i le Minisita ona faatonuina e faapea e ao ona siitia atu le pagota i le Faamasinoga a le Lalolagi mo Solitulafono Faava o Malo, e totoigiina e le Faamasinoga a le Lalolagi mo Solitulafono Faava o Malo, mo faamoemoega ina ia mafai ai e le Faamasinoga a le Lalolagi mo Solitulafono Faava o Malo ona toe iloilo le faasalaga o le pagota.

(2) E tatau ona siitia atu ma siitia mai le pagota mai le Faamasinoga a le Lalolagi mo Solitulafono Faava o Malo i lalo o le vaavaaiga a se tagata ua faatagaina e le Faamasinoga a le Lalolagi mo Solitulafono Faava o Malo mo lea faamoemoe.

88. Fesiitai atu o le pagota i se isi Atunuu e faamaea ai le faasalaga-(1) E mafai e se pagota a le Faamasinoga a le Lalolagi mo Solitulafono Faava o Malo o lo o faataunuu se faasalaga i Samoa, i so o se taimi ona talosaga i le Faamasinoga a le Lalolagi mo Solitulafono Faava o Malo ina ia siitia atu o ia mai Samoa e faamaea ona faataunuuina lona faasalaga i se isi malo.

(2) Afai o le a siitia atu se pagota o so o se tagatanuu a le Faamasinoga a le Lalolagi mo Solitulafono Faava o Malo mai Samoa i se isi Malo e faamaea ai lea faasalaga, e mafai e le pagota ona faimalaga mai Samoa i lea Malo i lalo o le vaavaaiga a se tagata ua faatagaina e le Faamasinoga a le Lalolagi mo Solitulafono Faava o Malo mo lea faamoemoe e tologiina e le Faamasinoga a le Lalolagi mo Solitulafono Faava o Malo.

89. Taulumaga pe a maea ona faatino le faasalaga –

- (a) o le maea ai o le faasalaga i Samoa o se pagota a le Faamasinoga a le Lalolagi mo Solitulafono Faava o Malo o ia lea e le o se tagatanuu o Samoa;
 - (b) o le tatalaina i tua, i luga o le faatonuga a le Faamasinoga a le Lalolagi mo Solitulafono Faava o Malo, o se pagota a le Faamasinoga a le Lalolagi mo Solitulafono Faava o Malo o ia lea e le o se tagatanuu o Samoa,
- e mafai e le Minisita ona tuuina atu se poloaiga e aveesea ai mo lea pagota a le Faamasinoga a le Lalolagi mo Solitulafono Faava o Malo i lalo o le fuaiupu 90.

90. Poloaiga e aveesea ai-(1) O se poloaiga e aveesea ai ua faia e le Minisita i lalo o leni fuaiupu –

- (a) e mafai i le –
 - (i) manaomia ai o le tagata o ia lea o lo o autu i ai le poloaiga ina ia tatalaina i tua po o le taofia e se leoleo; po o
 - (ii) afai e le o taofia le tagata, ia faatagaina so o se leoleo ina ia taofia le tagata i lalo o lana vaavaaiga; ma
- (b) e tatau ona faamaoti e faapea o le a aveina le tagata e se leoleo ma faaee i so o se vaalele po o se vaa mo le faamoemoe o le faataunuuna o le aveesea o le tagata mai Samoa i se isi atunuu; ma
- (c) e mafai ona faatagaina le taofia o le tagata a o faatalia le aveesea mai Samoa.

(2) O se poloaiga e aveesea ai ua faia i lalo o lenei fuaiupu e tatau ona faamamaluina pea seia vagana ai ua faatino po o ua faalēaogāina.

91. O le faatuai o le aveesea-(1) Afai o se tagata lea na faia ai se poloaiga e aveesea e le i aveesea mai Samoa i totonu o le 48 itula i le maea ai o le tuuina atu o le poloaiga, e tatau ona aumaia le tagata i luma o se Faamasino e faia i ai se faaiuga, ina ia tusa ai ma le faafuaiupu (2), pe tatau ona taofia le tagata pe tatala i tua a o faatalia le aveesea mai Samoa.

(2) Afai ua tulai se tagata i luma o le Faamasino i lalo o le faafuaiupu (1), e mafai e le Faamasino, pe afai ua faamalieina le Faamasino e faapea o le tagata o Ia lava lea o lo o taua le igoa i le poloaiga –

- (a) ia tuuina atu se tusi poloaiga mo le taofia o le tagata i nofoaga puipuia pe afai ua faamalieina le Faamasino e faapea, afai e le o taofia, e ono mafai ona sola ese le tagata; po o
- (b) ia poloaia le tatalaina i tua o le tagata i le noatia ma fai fuafua i ia tuutuuga, pe afai e i ai, e faapea ua manatu le Faamasino ua talafeagai ai ona faaee atu.

92. Tulafono faafoe faapitoa i nisi tulaga-(1) E le tatau i se pagota a le Faamasino a le Lalolagi mo Solitulafono Faava o Malo o lo o faataunuuna se faasalaga i totonu o Samoa ona –

- (a) tuueseina atu i se isi atunuu i le maea ai o le faasalaga o le tagata; po o
- (b) o le a manaomia le faia o le faamasinoga mo se soligatulafono i lalo o le tulafono a Samoa lea e faasino i se gaioiga ua faia po o se mea ua le faia ua tuuaia ai sa faia a o lumanai ai le taunuu o le tagata i Samoa e faataunuu ai sea faasalaga, e aunoa ma le maliega a le Faamasinoga a le Lalolagi mo Solitulafono Faava o Malo.

(2) E leai se mea i le faafuaiupu (1) e tatau ona faaogāina i se pagota a le Faamasinoga a le Lalolagi mo Solitulafono Faava o Malo o ia lea o lo o nofo pea i Samoa i lona loto malie mo le

sili atu i le 30 aso i le tuanai ai o le aso ua maea ai le, po o le tatalaina mai, o le faasalaga na faaee atu i le pagota e le Faamasinoga a le Lalolagi mo Solitulafono Faava o Malo po o o Ia lea ua toe foi atu i lona loto malie i lona atunuu moni ina ua ia tuua Samoa.

93. E le manaomia pemita o le ulufale mai o tagata – O se tagata o ia lea e faaaogā i ai lenei Vaega o lenei Tulafono e le tatau ona manaomia le umia o se pemita po o isi faatagana i lalo o le tulafono a Samoa e faasino i tulaga tagatanuu ma faafoega o le ulufale mai o tagata pe afai, ma tusa lava po o le a le umi, o i ai le tagata i totonu o Samoa e tusa ai ma lenei Vaega, po o taofia le tagata pe leai.

94. Faaogāina i tagatanuu o Samoa – E leai se mea i totonu o lenei Vaega o lenei Tulafono e tatau ai ona faataga le faia o se poloaiga e aveesea ai i lalo o le fuaiupu 90 e tusa ai o se tagatanuu o Samoa.

95. Faamamaluina o sala tupe-(1) Afai ua talosagaina e le Faamasinoga a le Lalolagi mo Solitulafono Faava o Malo le faamamaluina e tusa ai o le mataupu 109 o le Tulafono se poloaiga mo le totogiina o se sala tupe ua faia i lalo o le mataupu 77(2)(a) o le Tulafono, e tatau i le Minisita ona tuuina atu pule faataga mo le talosaga e faagasolo ai, pe afai ua i ai mafuaaga talafeagai e talitonu ai e faapea –

(a) e lē o le moliaga ua faamaonia faaletulafono lea na mafua ai ona faia le poloaiga, po o le poloaiga mo le totogiina o le sala tupe i le noatia ma fai fuafua i nisi talosaga tetee; ma

(b) e mafai ona faamallosia le poloaiga i le faiga ua aiaia i totonu o lenei fuaiupu, ma e tatau ona tuuina atu le talosaga i le Loia Sili.

(2) E tatau i le Loia Sili, e aunoa ma le faatuai, ona faatoai sea poloaiga i le Faamasinoga Sili.

(3) O se poloaiga ua faatoai i le Faamasinoga Sili i lalo o le faafuiauupu (2) e tatau ona i ai le faamamaluina ma le aloaia e

faapei ai o se poloaiga mo le totoigiina o se sala tupe ua faaee atu e lea faamasinoga ma e tatau ona faapena ona faamalosia.

(4) E tatau i le Loia Sili ona faia ia lipoti i le Minisita e uiga i taunuuga o so o se gaoioiga ua ia faia e faamamaluina ai le poloaiga e pei ona ia manatu e talafeagai i tulaga ua aliae mai.

(5) E leai se mea i totonu o lenei fuaiupu e tatau ai ona faauigaina e faapea o le faatapulaaina po o le aafia o le tuuina atu o isi ituaiga o fesoasoani i le Faamasinoga a le Lalolagi mo Solitulafono Faava o Malo e faasino i se faasalaga ua faaee atu i lalo o le mataupu 77 o le Tulafono po o le tuuina atu ai o malosiaga i le faamasinoga e fetuunai po o e fesui ai le poloaiga a le Faamasinoga a le Lalolagi mo Solitulafono Faava o Malo.

96. Faamamaluina o poloaiga e faalēaogāina ai-(1) Afai ua talosagaina e le Faamasinoga a le Lalolagi mo Solitulafono Faava o Malo le faamamaluina ina ia tusa ai ma le mataupu 109 o le Tulafono, o se poloaiga mo le faalēaogāina o meatotino ua faia i lalo o le mataupu 77(2)(b) o le Tulafono, e tatau i le Minisita ona tuuina atu le pule faataga mo le talosaga e faagasolo ai pe afai e i ai mafuaaga talafeagai e talitonu ai le Minisita e faapea –

(a) e lē o le moliaga ua faamaonia faaletulafono lea na mafua ai ona faia le poloaiga, po o le poloaiga e faalēaogāina ai, i le noatia ma le fai fuafua i isi talosaga tetee; ma

(b) o le meatotino ua faailoa mai e le Faamasinoga a le Lalolagi mo Solitulafono Faava o Malo o lo o i totonu o Samoa po o e faapea o le tagata o lo o aafia, i se faiga tuusao pe e lē tuusao, o lo o ia umia meatotino i totonu o Samoa ia e mafai ona faapea o le autu lea o le poloaiga e faalēaogāina ai, ma e tatau ona tuuina atu le talosaga i le Loia Sili mo le faamamaluina e tusa ai o lenei fuaiupu.

(2) I le maua ai o se poloaiga ua tuuina atu i lalo o le faafuiau (1), e tatau i le Loia Sili ona faatoai atu le uluai ata po o se ata faamaonia o le poloaiga e faalēaogāina ai a le

Faamasinoga a le Lalolagi mo Solitulafono Faava o Malo i le Faamasinoga Sili.

(3) I le faatoai atu o le poloaiga i le Faamasinoga Sili i lalo o le faafuaiupu (2), e mafai e le faamasinoga ona faatonuina le Loia Sili ina ia faia so o se tasi o ia mea po o mea uma e lua ua taua e faapea –

(a) ia tuuina atu faasilasilaga o le faatoaiga, i le faiga ma i totonu o le taimi e manatu le faamasinoga ua talafeagai ai i ia tagata, e ese ai nai le tagata ua faamaonia lona nofosala i se solitulafono lea ua faia ai le poloaiga, ona e i ai mafuaaga a le faamasinoga e talitonu ai e ono i ai se aia i le meatotino;

(b) lomina faasalalau faasilasilaga o le faatoaiga i le faiga ma i totonu o le taimi ua manatu le faamasinoga ua talafeagai.

(4) O se poloaiga e faalēaogāina ai ua faatoai atu i le Faamasinoga Sili i lalo o le faafuaiupu (2) e tataua ona i ai, mai le aso ua faatoai atu ai, le faamamaluga lava lea ma le aloaia e faapei ai o se poloaiga mo le faalēaogāina o meatotino ua tuuina atu e lea faamasinoga ma e tataua ona faamalosia e tusa ai ma lea tulaga.

(5) O se poloaiga e faalēaogāina ai ua faatoai atu i lalo o le faafuaiupu (2) e lē tataua ona faamalosia seia vagana ai ua maea le taimi e muta ai o so o se vaitaimi ua faamaoti mai e le faamasinoga i totonu o so o se faasilasilaga ua tuuina atu po o ua lomina faasalalau i lalo o le faafuaiupu (3), po o masina e lua mai le faatoaiga o le poloaiga, po o le a lava le vaitaimi e umi atu.

(6) Afai ua faatoai se poloaiga e faalēaogāina ai i le Faamasinoga Sili i lalo o le faafuaiupu (2), o se tagata, e ese ai nai se tagata ua faamaonia le nofosala i se solitulafono lea ua faia i ai le poloaiga, o Ia lea o lo o talosaga e i ai se aia i le meatotino, e mafai ona talosaga i le faamasinoga, faatasi ai ma le faasilasilaga i le Loia Sili.

(7) Se tagata lea na faaoina atu i ai le faasilasilaga o le fofogaina o le Faamasinoga a le Lalolagi mo Solitulafono Faava o Malo lea na faia e tusa ai o le faia o le poloaiga e faalēaogāina

ai po o o ia lea na tulai i le fofogaina o le faamasinoga, e le tatau ona faia se talosaga i lalo o le faafuaiupu (6) e aunoa ma le faatagaga a le faamasinoga.

(8) Faatoa tatau i le Faamasinoga Sili ona tuuina atu le faatagana i lalo o le faafuaiupu (7) pe afai ua ia faia se faaiuga e faapea e feteenai ma aia a le faamasinoga pe afai e le faia faapea.

(9) O se talosaga i lalo o le faafuaiupu (6) e tatau ona faia a o lumanai ai le mutaaga o le aogā o so o se vaitaimi ua faamaoti mai i totonu o se faasilasilaga ua faia po o ua lomua faasalalau i lalo o le faafuaiupu (3) po o i totonu o le lua masina o le faatoaiga o le poloaiga, po o le a lava le vaitaimi e umi atu, seia vagana ai ua tuuina atu le faatagaga e le faamasinoga.

(10) I luga o se talosaga ua faia i lalo o le faafuaiupu (6), e mafai e le faamasinoga ona faia se poloaiga mo le faamamaluina o le poloaiga e faalēaogāina ai i le noatia ma le fai fuafua i le aia a le tagata talosaga pe afai ua faamalieina e faapea –

- (a) e i ai le aia a le tagata talosaga i le meatotino;
- (b) e lē i maua e le tagata talosaga faasilasilaga o le fofogaina i luma o le Faamasinoga a le Lalolagi mo Solitulafono Faava o Malo po o e lē i mafua mai ona o le tagata, e lē i tulai i luma o le fofogaina;
- (c) e lē i aafia le tagata talosaga i so o se itu i le faiga o le solitulafono e tusa ai o le poloaiga lea na faia i ai; ma
- (d) e lē i iloaina e le tagata talosaga e faapea o le meatotino lea na maua ai tupe, po o e fesootai i le solitulafono.

(11) Afai ua faia e le faamasinoga se poloaiga i lalo o le faafuaiupu (10), e mafai e le Faamasinoga ona –

- (a) faaalua manino le uiga moni, le uiga lautele ma le tau aogā o le aia a le tagata talosaga i le meatotino; ma
- (b) le faaliliuina tuusao o le aia i le tagata talosaga po o le faia o tupe totogi i le tagata talosaga i se aofaiga e tutusa ma le tau aogā o le aia.

97. Faaliliuina atu o faaputugatupe faamaonia i le Faamasinoga a le Lalolagi mo Solitulafono Faava o Malo – E tatau i le Minisita ona faatulaga mo le faaliliuina atu o tupe ua maua e ala i le faamamaluina o se sala tupe i lalo o le fuaiupu 95 po o se poloaiga e faalēaogāina ai i lalo o le fuaiupu 96 i le Faamasinoga a le Lalolagi mo Solitulafono Faava o Malo (i le noatia ma le fai fuafua i le toesea o tau talafeagai e faasino i tualumaga o le faamamaluina).

98. Poloaiga mo le faalēaogāina o meatotino i luga o moliaga ua faamaonia faaletulafono e le Faamasinoga a le Lalolagi mo Solitulafono Faava o Malo-(1) Afai ua faamaonia le moliaga o so o se tagata e le Faamasinoga a le Lalolagi mo Solitulafono Faava o Malo i se solitulafono e aofia i le puleaga faa-faamasinoga a le Faamasinoga a le Lalolagi mo Solitulafono Faava o Malo, e mafai e le Faamasinoga Sili, i luga o se talosaga ua faia e le Loia Sili, ona poloaia e faapea so o se meatotino o lo o i totonu o Samoa –

(a) sa faaaogāina mo, po o sa fesootai ai ma; po o

(b) ua maua i se auala tuusao pe e le tuusao mai,

le faia o lea solitulafono, e ao ona faalēaogāina i le Malo, pe afai ua faamalieina e faapea e leai se poloaiga e faalēaogāina ai ua faia po o o le a faia e le Faamasinoga a le Lalolagi mo Solitulafono Faava o Malo i lalo o le mataupu 77(2)(b) o le Tulafono e tusa ai o lea meatotino.

(2) A o lumanai ai le faia o se poloaiga i lalo o le faafuaiupu (1), e tatau i le faamasinoga ona tuuina atu i tagata taitoatasi uma ua foliga mai e i ai aia i le meatotino e tusa ai ma le poloaiga ua faamoemoe e faia, se avanoa e fofogaina ai, ma faafuaiupu (3), (4), (5), (6), (7), (8), (9), (10) ma le (11) o le fuaiupu 96 e tatau ona, faaaogāina faatasi ai ma suiga talafeagai, i se poloaiga ua faia i lalo o lenei fuaiupu.

(3) O meatotino ua faalēaogāina i le Malo i lalo o le faafuaiupu (1) e tatau ona faaee atu i le Malo -

(a) afai e leai se talosaga tetee ua faia e faasaga i le poloaiga, i le maea ai o le vaitaimi sa tatau ona faia ai sea talosaga tetee e faasaga i le poloaiga; ma

- (b) afai ua faia se talosaga tetee e faasaga i le poloaiga, i luga o le faia o le faaiuga faaiu o le talosaga tetee.

99. Faamamaluina o poloaiga mo tau i o tagata ua afaina-

(1) Afai ua talosagaina e le Faamasinoga a le Lalolagi mo Solitulafono Faava o Malo le faamamaluina ina ia tusa ai ma le mataupu 109 o le Tulafono, o le poloaiga ua manaomia ai tau i ua faia i lalo o le mataupu 75 o le Tulafono, e tatau i le Minisita ona tuuina atu le pule faataga mo le talosaga e faaauau ai, pe afai e i ai ni mafuaaga talafeagai ua talitonu le Minisita e faapea-

- (a) e lē o le moliaga ua faamaonia faaetulafono lea e faasino i ai le poloaiga ua faaee atu, e le o le poloaiga foi e manaomia ai le tau i lea e noatia ma fai fuafua i se isi talosaga tetee; ma
- (b) o le poloaiga e mafai ona faamamaluina i le faiga ua aiaia i lenei fuaiupu, ma ua tatau ona tuuina atu le talosaga i le Loia Sili.

(2) E tatau i le Loia Sili, e aunoa ma le faatuai, ona faatoai sea poloaiga i le Faamasinoga Sili.

(3) O poloaiga taitasi ua faatoai i le Faamasinoga Sili i lalo o le faafuaiupu (2) e tatau -

- (a) afai ua manaomia e le poloaiga le tologiina i tupe, ia faamalosia ma faamamaluina e faapei ai o se poloaiga mo le tologiina o tau i ua faaee atu e lea faamasinoga; po o
- (b) afai ua manaomia e le poloaiga le toe faaola o tau o aseta, meatotino po o isi meafaitino, ia faamalosia ma faamamaluina e faapei ai o se poloaiga mo le toe faaolaina o tau o meatotino ua faia e lea Faamasinoga; po o
- (c) afai ua manaomia e le poloaiga le tuuina atu o so o se isi faamamaavega, ia faamalosia ma faamamaluina e faapei ai o se poloaiga mo le tuuina atu o sea faamamaavega ua faia e lea Faamasinoga ma e tatau ona faamamaluina faapena so o se poloaiga.

(4) E tatau i le Loia Sili, ona le faatuai, i le faia o sea lipoti i le Minisita, i luga o se faaiuga o so o se gaoioiga ua faia e ia e faamamaluina ai le poloaiga e pei ona manatu ua talafeagai i tulaga aliae mai.

(5) E leai se mea i totonu o lenei fuaiupu e tatau ai ona faauigaina e faapea ua faatapulaa ai po o ua aafia ai le tuuina atu o isi ituaiga o fesoasoani i le Faamasinoga a le Lalolagi mo Solitulafono Faava o Malo lea e faasino i se poloaiga ua faia i lalo o le mataupu 75 o le Tulafono po o le tuuina atu o le malosiaga i le faamasinoga e toe faafou ai le poloaiga a le Faamasinoga a le Lalolagi mo Solitulafono Faava o Malo.

(6) E tatau i le Minisita ona faatalanoa le Faamasinoga a le Lalolagi mo Solitulafono Faava o Malo pe o le faaputugatupe ua i ai e ala i le faamamaluina o se poloaiga i lalo o lenei fuaiupu, e tatau ona faaliliu tuusao i ē afaina ua faamaoti mai po o e faau i le Faaputugatupe a le Faamasinoga a le Lalolagi mo Solitulafono Faava o Malo mo tagata ua afaina.

(7) E tatau i le Minisita ona faia ni fetuunaiga mo le faaliliuina atu o le faaputugatupe ua i ai e ala i le faamamaluina o se poloaiga i lalo o lenei fuaiupu, e pei ona faia i ai le faaiuga e ala i faatalanoaga i lalo o le faafuuiupu (6).

100. Fesoasoani i le faamamaluina o le poloaiga e taofia ai-(1) Afai ua talosagaina e le Faamasinoga a le Lalolagi mo Solitulafono Faava o Malo le fesoasoani i le faamamaluina o se poloaiga e taofia ai sa tuuina atu e le Faamasinoga a le Lalolagi mo Solitulafono Faava o Malo e faatatau i meatotino o i Samoa, e tatau i le Minisita ona tuuina atu le pule faataga e faagasolo ai le talosaga pe afai ua talitonu le Minisita e i ai mafuaaga talafeagai e faapea -

- (a) o le poloaiga e taofia ai e le noatia i se isi talosaga tetee; ma
- (b) o le meatotino o lo o i Samoa, ma e tatau ona tuuina atu le talosaga i le Loia Sili.

(2) E tatau i le Loia Sili i Samoa ona faatoai sea poloaiga i le faamasinoga talafeagai.

(3) O poloaiga taitasi uma ua faatoai i le Faamasinoga Sili i lalo o le faafuaiupu (2) e tatau ona i ai le faamalosiā ma le famamaluina e faapei ai o se poloaiga e taofia ai ua faia e lena faamasinoga ma e tatau ona faamamaluina e tusa ai.

(4) E leai se mea i totonu o lena fuaiupu e tatau ai ona faapea ua faatapulaaina po o ua aafia ai le tuuina atu o isi ituaiga o fesoasoani i le Faamasinoga a le Lalolagi mo Solitulafono Faava o Malo e tusa ai o le faamamaluina o le poloaiga e taofia ai ua faia e ia, po o le tuuina atu o le malosia i le faamasinoga e faafou ai le poloaiga a le Faamasinoga a le Lalolagi mo Solitulafono Faava o Malo.

**VAEGA VII
TAUALUMAGA A LE FAAMASINOGA A LE
LALOLAGI MO SOLITULAFONO FAAVA O MALO
I TOTONU O SAMOA**

101. E mafai e le Faafoe Moliaga ona faafoe suesuega i totonu o Samoa – E mafai e le Faafoe Moliaga ona faia suesuega i totonu o teritori o Samoa -

- (a) e tusa ai ma aiaiga o le Vaega 9 o le Tulafono;
- (b) e pei ona faatagaina i le Vaega o le Faamasinoga o Uluai Suesuega ua faia i lalo o le mataupu 57(3)(d) o le Tulafono; po o
- (c) e pei ona faatagaina e pule faataga a le atunuu.

102. O tualumaga a le Faamasinoga a le Lalolagi mo Solitulafono Faava o Malo i totonu o Samoa – E mafai e le Faamasinoga a le Lalolagi mo Solitulafono Faava o Malo ona faia ana tualumaga i Samoa mo le faamoemoe o le faamatuuina atu o ana galuega tauave i lalo o le tulafono ma lalo o Tulafono faafoe, e aofia ai ae le faatapulaaina i -

- (a) le tusia o faamatalaga molimau;
- (b) le faafoeina po o le faaauauina o se tualumaga;
- (c) le tuuina atu o se faaiuga i se tualumaga; po o
- (d) le toe iloilo o se faasalaga ua faaee atu e le Faamasinoga a le Lalolagi mo Solitulafono Faava o Malo.

103. Malosiaga o le Faamasinoga a le Lalolagi mo Solitulafono Faava o Malo a o feagai ai ma tualumaga i totonu o Samoa-(1) Afai ua faia tualumaga o le Faamasinoga a le Lalolagi mo Solitulafono Faava o Malo i totonu o Samoa, e mafai ona ia faamatuu atu ma faatino so o se galuega tauave po o ana galuega tauave uma ma malosiaga e pei ona aiaia i lalo o le Tulafono ma Tulafono faafoe.

(2) E aunoa ma le afaina o le tulaga lautele o le faafuaiupu (1), e tatau i le Faamasinoga a le Lalolagi mo Solitulafono Faava o Malo ona i ai le malosiaga e -

(a) taofia ai le tagata mo le lē usitaia oana poloaiga; po o

(b) le tuuina atu o tusi samania po o isi poloaiga ua manaomia ai le auai o so o se tagata i luma o le Faamasinoga a le Lalolagi mo Solitulafono Faava o Malo po o le tuuina atu o so o se pepa aloaia po o faamaumauga mo suesuega a le Faamasinoga a le Lalolagi mo Solitulafono Faava o Malo;

(3) O poloaiga po o tusi samania ua tuuina atu e le Faamasinoga a le Lalolagi mo Solitulafono Faava o Malo i lalo o lenei fuaiupu, e aofia ai poloaiga e taofia ai mo le lē usitaia, e tatau ona faamamaluina e pulega faalotoifale i totonu o Samoa e faapei ai o lea poloaiga sa tuuina atu e se faamasinoga faalotoifale i totonu o Samoa.

104. E mafai e le Faamasinoga a le Lalolagi mo Solitulafono Faava o Malo ona faafoe tautoga i totonu o Samoa – E mafai e le Faamasinoga a le Lalolagi mo Solitulafono Faava o Malo, i so o sana tualumaga i totonu o Samoa, ona faafoe se tautoga po o se faamaoniga e manaomia ai se tagata molimau e tuuina atu ni faiga i le tulaga faamaoni o le faamatalaga molimau ua tuuina atu e le tagata molimau, e tusa ai ma Tulafono faafoe.

105. O poloaiga e faia e le Faamasinoga a le Lalolagi mo Solitulafono Faava o Malo e le noatia i toe iloilo-(1) O le faafoeina o se faamasinoga po o isi tualumaga a le

Faamasinoga a le Lalolagi mo Solitulafono Faava o Malo i Samoa e le noatia i tulaga faa-faamasinoga po o isi luitau i totonu o se faamasinoga i Samoa.

(2) I le auiliiliga, e leai se mea ua taua mulimuli ane e tatau ona aumaia po o le faia i totonu o le faamasinoga i Samoa e tusa ai o se faaiuga, poloaiga, iloiloga, po o laasaga a le Faamasinoga a le Lalolagi mo Solitulafono Faava o Malo ua tuuina atu, faia po o ua faamauina i se tualumaga a le Faamasinoga a le Lalolagi mo Solitulafono Faava o Malo i totonu o Samoa:

- (a) so o se toe iloiloga faa-faamasinoga;
- (b) se talosaga mo, po o mo se faamamaavega i le uiga o, se faaaliga manino, faaiuga ua faaaliga manino, po o poloaiga faa-faamasinoga;
- (c) se talosaga mo, po o mo se faamamaavega i le uiga o se poloaiga mai le faamasinoga maualuga i so o se tagata ia faia gaoioiga ua faamaoti mai po o se taofiga o se gaoioiga po o le faasilasilaga i le faamasinoga maualalo o faamaumauga e faatonuina ai le molimau atu i le faamasinoga maualuga;
- (d) se talosaga mo, po o mo se faamamaavega i le uiga o, po o se faasilasilaga e manaomia ai se tagata e tulai i luma o se faamasinoga;
- (e) o se talosaga tetee.

106. Malosiaga e taofia ai pagota a le Faamasinoga a le Lalolagi mo Solitulafono Faava o Malo i falepuipui i totonu o Samoa-(1) Afai ua faia se tualumaga a le Faamasinoga a le Lalolagi mo Solitulafono Faava o Malo i Samoa ma talosagaina e faapea o lena tagata ua manaomia lona auai i le tualumaga, o lo o noatia i se puipugamalu e pei o se pagota a le Faamasinoga a le Lalolagi mo Solitulafono Faava o Malo, a o faaauau le tualumaga i Samoa, e tatau i le Minisita ona faatonuina e ala i se faiga tusitusia e faapea o sea tagata o lo o noatia i se puipuga malu i sea nofoaga e pei ona faailoa maoti mai i le faatonuga.

(2) O le faatonuga ua tuuina atu i lalo o lenei faafuaiupu (1) e faasino i se pagota a le Faamasinoga a le Lalolagi mo Solitulafono Faava o Malo, o le pule faataga lava lea ua lava mo le taofia o lenei pagota e tusa ai ma tuutuuga o le faatonuga.

(3) O le tulafono e faasino i falepuipui lea e faapea e talafeagai ona faaaogā i so o se faafouga, e tatau ona faaaogā i le pagota a le Faamasinoga a le Lalolagi mo Solitulafono Faava o Malo ua manaomia le taofia i totonu o le falepuipui e ala i le faatonuga i lalo o le faafuaiupu (1) e faapei ai o le pagota na taofia i le falepuipui mo le puipuiiga malu po o le nofosala i le falepuipui mo se soligatulafono i lalo o le tulafono a Samoa, po o le a lava le tulaga e manaomia ai, ma ua noatia i le taofia i le falepuipui i lalo o sea poloaiga po o se faasalaga.

(4) Mo faamoemoega o le faaaogāina o le tulafono e faasino i le sola ese mai se puipuiamalu faaletulafono ma le fesoasoani i pagota ia sosola ese, o le pagota a le Faamasinoga a le Lalolagi mo Solitulafono Faava o Malo o ia lea o lo o i le puipuiamalu i le falepuipui po o isi nofoaga e taofia ai i Samoa, e tatau ona faapea o lo o i lalo o se puipuiamalu faaletulafono a o i ai i Samoa.

107. Aveesea o le pagota a le Faamasinoga a le Lalolagi mo Solitulafono Faava o Malo – Afai ua faamalieina le Minisita e faapea o le i ai i Samoa o le pagota a le Faamasinoga a le Lalolagi mo Solitulafono Faava o Malo o ia lea o lē ua autu i ai le faatonuga i lalo o le fuaiupu 106 ua le toe talafeagai, e tatau ona faaaogā i ai fuaiupu 89 e oo i le 94 ma e faasino i lea tagata ma so o se faafouga talafeagai.

**VAEGA IX
AIAIGA ESEESE**

109. Tulafono Faatonutonu-(1) E mafai e le Minisita ona faia tulafono faatonutonu mo le faamoemoe o le faamamaluina o taiala faavae ma aiaiga o lenei Tulafono.

(2) E mafai e le Minisita ona faia tulafono faatonutonu e faatatau i mataupu uma po o se mataupu ua taua mulimuli ane e aunoa ma le afaina o le tulaga lautele o le faafuaiupu (1):

- (a) faatonuina le tualumaga e mulimulitaia i le tagofiaina o talosaga ua faia e le Faamasinoga a le Lalolagi mo Solitulafono Faava o Malo, ma aiaia ai le faasilasilaga o le taunuuga o le gaoioiga ua faia ina ia faamamaluina ia talosaga;
- (b) ua aiaia ai mo le toe faafoi le tumau o se tagata;
- (c) faatonuina ai tualumaga mo le mauaina o faamatalaga molimau po o le tuuina atu o pepa aloaia po o isi mataupu e faatatau i le talosaga ua faia e le Faamasinoga a le Lalolagi mo Solitulafono Faava o Malo;
- (d) ua aiaia ai mo le totogiina o totogifuapauina, alauni malaga, tupe faaalulu i so o se tagata i Samoa o ia lea ua tuuina atu po o ua tuuina atu faamatalaga molimau po o fesoasoani e tusa ai o se talosaga ua faia e le Faamasinoga a le Lalolagi mo Solitulafono Faava o Malo;
- (e) faatonuina ai tuutuuga mo le puipuiga o so o se meatotino ua auina atu i le Faamasinoga a le Lalolagi mo Solitulafono Faava o Malo e tusa ai ma se talosaga ua faia i lalo o lenei Tulafono, ma faia ai aiaiga mo le toe faafoi o le meatotino i Samoa;
- (f) ua aiaia ai mo le faamamaluina o so o se faasalaga o le nofosala i le falepuipui a le Faamasinoga a le Lalolagi mo Solitulafono Faava o Malo;
- (g) ua aiaia ai mo le faafoega ma le lafoaia o meatotino i lalo o se poloaiga e taofia ai, faoa faamalosi po o le faalēaogāina ai;

- (h) faatonuina ai pepa faatumu o talosaga, faasilasilaga, tusi faamaonia, tusi faapoloaiga ma isi pepa aloaia mo faamoemoega o lenei Tulafono, ma le manaomia o le faaaogāina o ia pepa faatumu; ma
- (i) le faatinoga o so o se noataga ua tuu atu i Atunuu Auai e Tulafono faafoe i le a lava le tulaga e ogatasi ai lenei noataga ma aiaiga o lenei Tulafono.

110. Teuteuga faatupulaia – Ua teuteuina le Tulafono o Le Ao o le Malo 1965 i le aveesea o le fuaiupu 5 ma sua e faapea:

“5. Tuusaunoaina mai taualumaga faa-faamasinoga-
(1) I le noatia ma le fai fuafua i le faafuaiupu (2), e tatau ona tuuina atu i Le Ao o le Malo le avanoa e tuusaunoaina ai mai so o se taualumaga tau se tagi e faasaga i ai po o se ituaiga o moliaga faaletulafono, tusa lava pe o se tagi tau le va o tagata po o se solitulafono, faatasi ai ma le tuusaunoaina o ia mai le pueina faa-pagota, a o faagasolo le vaitaimi atoa na te umia ai le tofi.

(2) E leai se mea i totonu o le faafuaiupu (1) e tatau ona aafia ai le moliaina, faatinoga o se moliaga ma le pueina faa-pagota o Le Ao o le Malo pe afai ua masalomia po o ua molia i se solitulafono ua faia i lalo o le Tulafono sa faia i Roma o le Faamasinoga a le Lalolagi mo Solitulafono Faava o Malo.’.

FAAMATALAGA 1**ROME STATUTE OF THE INTERNATIONAL
CRIMINAL COURT***
**(Tulafono faia i Roma o le Faamasinoga a le Lalolagi
mo Solitulafono Faava o Malo)****FAATOMUAGA**O Atunuu Auai i lenei Tulafono,

I le Manatunatu e faapea ua tuufaatasia tagata uma i noataga e laugatasia uma ai, o a latou aganuu ua tuufaatasia i se faamanuiaga o tofi tuufaasolo, ma e i ai le atugaluga e faapea o lenei faavae ua tuufaatasia e ono masofa i se taimi,

I le Mafaufauina e faapea a o faagasolo lenei seneturi, ua faitau miliona tamaiti, tamaitai ma alii ua afaina i sauaga ogaoga e le mafai ona faamatalaina ua matua faateia ai mafaufau o tagata soifua i le lalolagi,

I le Amanaiaina e faapea o sea solitulafono ogaoga ua lamatia ai le filemu, puipuigamalu ma le soifua manuia o le lalolagi,

I le Faamausaliina e faapea o solitulafono aupito ogaoga ua avea ma atugaluga ua aupito sili lona matuia i le aotelega o tagata o le lalolagi e le tatau ai ona tuusaunoa mai ni faasalaga ma e ao ona faamautuina le faatinoga lelei o ō latou moliaga, e ala i le faaaogāina o faiga i totonu o le atunuu ma le faamalosia o le galulue faatasi faava o malo,

I le Fuafuaina ina ia faamuta tuusaunoaga mai faasalaga mo tagata ua faia nei solitulafono ma e faapea ia faia so latou sao i le taofia o le faia o ia solitulafono,

I le Toe Tomanatu e faapea ua fai ma tiute tauave o Atunuu taitasi uma le faatinoina o ana puleaga faa-faamasinoga tau solitulafono ia i latou e fitoitonu i ai solitulafono faava o malo,

I le Toe Faamaonia o Faamoemoega ma Taiala Faavae o le Feagaiga Tusitusia a Malo Afaatasi, aemaise ai le tulaga e tatau ai i Atunuu uma ona aloese mai le taufaamatau po o le faaaogāina o le malosi e faasaga i le tulaga aloaia o atunuu po o le saolotoga faaupufai o so o se Atunuu, po o i so o se isi lava faiga e le ogatasi ma Faamoemoega o Malo Afaatasi,

I le Faamamafaina i lenei sootaga e faapea e leai se mea i totonu o lenei Tulafono e tatau ona avea ma mafuaaga e faatagaina ai so o se Atunuu Auai e faalavelave i se feeseeseaiga ua faaaupegaina po o i mataupu tau lotoifale a so o se Atunuu,

I le Fuafuaina i nei faaiuga ma mo le manuia o tupulaga o le taimi nei ma le lumanai, ia faavaeina se Faamasinoga a le Lalolagi mo Solitulafono Faava o Malo e tutoatasi ma e tumau e fesootai ma faiga ua faaaogāina e Malo Afaatasi, faatasi ai ma le puleaga faa-faamasinoga i solitulafono e aupito sili ona matuia ua fai ma popolega i le aotelega o vaega o tagata faava o malo,

I le Faamamafaina e faapea o le Faamasinoga a le Lalolagi mo Solitulafono Faava o Malo na faavaeina i lalo o lenei Tulafono e tatau ona ogatasi ma puleaga faa-faamasinoga o solitulafono a le atunuu,

I le Faaiugafonoina ina ia tumau pea le faaaloologia mo, ma le faamamaluina o le faamasinoga amiotonu faava o malo,

Ua finagalo malilie ai e faapea

VAEGA 1. FAAVAEINA O LE FAAMASINOAGA

Mataupu 1 O le Faamasinoga

Ua faavaeina nei se Faamasinoga a le Lalolagi mo Solitulafono Faava o Malo (“o le Faamasinoga”). E tatau ona avea ma itutino tumau ma e tatau ona i ai le malosiaga e

faatinoaina ai lana puleaga faa-faamasinoga i tagata mo solitulafono ua sili ona matuia ua avea ma popolega faava o malo, e pei ona faasinomia i totonu o lenei Tulafono, ma e tatau ona ogatasi ma puleaga faa-faamasinoga o soligatulafono i atunuu. O le puleaga faa-faamasinoga ma le faagaoioiga o le Faamasinoga e tatau ona puleaina i aiaiga o lenei Tulafono.

Mataupu 2

Sootaga o le Faamasinoga ma Malo Aafaatasi

E tatau ona aumaia le Faamasinoga i totonu o se sootaga ma Malo Aafaatasi e ala i se maliega e faamaonia e le Fono Aoao a Atunuu Auai i lenei Tulafono ma faaiuina mulimuli ane ai e le Peresetene o le Faamasinoga ua fai ma ona sui.

Mataupu 3

Nofoaga Tutotonu o le Faamasinoga

1. E tatau ona faavaeina le nofoaga tutotonu o le Faamasinoga i le Hague i totonu o Netherlands (“o le Atunuu talimalo”).
2. E tatau i le Faamasinoga ona ofi atu i totonu o se maliega o ofisa autu faatasi ma le Atunuu o lo o talimalo, ma ia faamaonia e le Fono Aoao a Atunuu Auai ma faaiuina mulimuli ane ai e le Peresetene o le Faamasinoga ua fai ma ona sui.
3. E mafai e le Faamasinoga ona nofoia o se nofoaga e ese mai ai, i so o se taimi ua ia manatu ua manaomia ai, e pei ona aiaia i totonu o lenei Tulafono.

Mataupu 4

Tulaga faaletulafono ma malosiaiga o le Faamasinoga

1. E tatau i le Faamasinoga ona aloaia faava o malo lona tulaga faaletulafono. E tatau foi ona i ai tulaga faaletulafono e ono mafai ai ona talafeagai mo le faatinoaina o ana galuega tauave ma le faataunuaina o ona faamoemoega.

2. E mafai e le Faamasinoga ona faatinoina ana matafaioi ma malosiaga, e pei ona aiaia i totonu o lenei Tulafono, i teritori o so o se Atunuu Auai ma, e ala i se maliega faapitoa, i teritori o so o se isi lava Atunuu.

**VAEGA 2. PULEAGA FAA-FAAMASINOVA,
TALIAINA MA TULAFONO TALAFEAGAI**

Mataupu 5

O Solitulafono e aofia i totonu o le puleaga
faa-faamasinoga a le Faamasinoga

1. E tatau ona faatapulaaina le puleaga faa-faamasinoga a le Faamasinoga i le na o solitulafono e sili ona matuia ua fai ma popolega i le aotelega o atunuu o le lalolagi. E i ai i le Faamasinoga le puleaga faa-faamasinoga e tusa ai ma lenei Tulafono e tusa ma solitulafono ua taua e faapea:

- (a) o le solitulafono o le fasiotia o vaega toatele o ituaiga o tagata;
- (b) o solitulafono e faasaga i tagata soifua;
- (c) o solitulafono o Taua;
- (d) o le solitulafono o le osofaiga e faatamaia ai.

2. E tatau i le Faamasinoga ona faatinoina le puleaga faa-faamasinoga i le solitulafono o le osofaiga e faatamaia ai, pe a oo ina faaaogāina o se aiaiga e tusa ai ma mataupu e 121 ma le 123 o lo o faauigaina ai le solitulafono ma faatulagaina ai aiaiga ia e tatau i le Faamasinoga ona faatinoina le puleaga faa-faamasinoga e tusa ai ma lenei solitulafono. O lea aiaiga e tatau ona ogatasi ma aiaiga talafeagai o le Feagaiga Tususia a Malo Afaatasi.

Mataupu 6

Fasiotia o vaega toatele o ituaiga o tagata

Mo faamoemoega o lenei Tulafono, “o le fasiotia o vaega toatele o ituaiga o tagata”, o lona uiga o so o se gaoioiga

ua taua, ua faia ma le faamoemoe ia faatamaia, i le aotelega po o i se vaega, o se atunuu, se vaega faale-aganuu, vaega o tagata i lanu po o vaega faale-lotu, e pei o le:

- (a) fasiotia o sui o le vaega;
- (b) faaooina o manuaga matuia i le tino po o le mafaufau i tagata;
- (c) faaooina ma le loto i ai i luga o le vaega o tuutuuga o le olaga ua fuafuaina e oo atu ai i le faaleagaina faaletino i le aotelega po o se vaega;
- (d) faaeina atu o gaoioiga ua fuafuaina e taofia ai le fananau i totonu o se vaega o tagata;
- (e) le fesiitai faamalosia o tamaiti o se vaega o tagata i se isi vaega o tagata.

Mataupu 7

Solitulafono e faasaga i tagata soifua o le lalolagi

1. Mo le faamoemoe o lenei Tulafono, “Solitulafono e faasaga i tagata soifua o le lalolagi” o lona uiga o so o se gaoioiga ua taua sa faia e avea o se osofaiga ua sosolo lautele po o se osofaiga ua fuafuaina lelei e faasaga i so o se faitau aofai o tagata lautele, ma le iloa lelei o le osofaiga e:

- (a) fasiotia ai tagata;
- (b) faafanoina ai tagata uma;
- (c) faapologaina ai tagata;
- (d) toe faafoiina ai po o le avea faamalosia o se faitau aofai o tagata;
- (e) faa-falepuihui po o isi faiga ogaoga e taofia ai le saolotoga faaletino i le solia o tulafono autu o tulafono faava o malo;
- (f) faiga e sauaina ai;
- (g) feusuaiga fai faamalosi, faapologaina i tulaga tau feusuaiga, talitane ua faamalosia, faamalosia le maitaga o tamaitai, faamalosia le lē toe fanau, po o so o se isi lava ituaiga o sauaga tau feusuaiga e tutusa le ogaoga;

- (h) sauaga e faasaga i so o se vaega ua faailoaina mautinoa po o se tuufaatasiga i luga o faiga faaupufai, lanu, atunuu, tu ma aga, aganuu, faalelotu, ituaiga o kenera, e pei ona faauigaina i totonu o le parakalafa 3, po o nisi mafuaaga ua aloaia i le lalolagi e le mafai ona faatagaina i lalo o tulafono faava o malo, e fesootai ma so o se gaoioiga ua faasinomia i totonu o lenei parakalafa po o so o se solitulafono e i ai i totonu o le puleaga faa-faamasinoga a le Faamasinoga;
 - (i) le faamalosia o le tulaga leiloloa o tagata;
 - (j) o le solitulafono o le faailogalanu;
 - (k) o isi gaoioiga sauva matuia e uiga tutusa ua faia ma le faamoemoe ia matua mafatia ai, po o ni manuaga matuia i le tino po o le mafaufau po o le soifua maloloina i le tino.
2. Mo le faamoemoe o le parakalafa 1:
- (a) “osofaiga e faasaga tonu i so o se faitau aofai o tagata lautele” o lona uiga o se faiga o amioga e aafia ai le faia o gaoioiga e tele ua faasinomia i totonu o le parakalafa 1 e faasaga i so o se faitau aofai o tagata lautele, e tusa ai o, po o i le faalauteleina o se Atunuu po o faiga faavae a se faalapotopotoga e faia ai ia osofaiga;
 - (b) “faafanoina o tagata uma” e aofia ai le faaooina ma le faamoemoe o tuutuuga o le olaga, ma le i ai faatasi o le taofiga o le mauaina o meaai ma vailaau o togafitiga, ua fuafuaina e faaoo atu ai le faaleagaina o se vaega o se faitau aofai o tagata;
 - (c) “faapologaina” o lona uiga o le faatinoina o so o se malosiaga po o malosiaga uma ua faapipiina i le aia tatau o Lē e ona se tagata ma e aofia ai le faatinoga o sea malosiaga a o faagasolo le felauaiga faanana o tagata, aemaise o tamaitai ma tamaiti;

- (d) “toe faafoiina po o le avefa faamalosi o se faitau aofai o tagata”, o lona uiga o le suiga faamalosi o nofoaga o tagata aafia, e ala i le faateaina po o isi gaoioiga ua faia faamalosi mai le nofoaga lea o lo o latou i ai i le taimi nei faaletulafono, e aunoa ma ni mafuaaga ua faatagaina i lalo o le tulafono faava o malo;
- (e) “faiga e sauaina ai” o lona uiga o le faaooina ma le faamoemoe, o tiga matuia po o mafatiaga, pe faaletino po o le mafaufau, i luga o se tagata o lo o puipuiamalu po o i lalo o le vaaiga a le tagata ua tuuaia; seia vagana ai pe a faapea e le tatau ona aofia ai i le faiga e sauaina ai, tiga po o mafatiaga e tulai mai i le na o, mauaina i totonu o po o e faaopoopo i, faasalaga faaletulafono;
- (f) “maitaga faamalosi o tamaitai” o lona uiga o le taofia faasolitulafono o se tina ua faamalosi lona maitaga i se nofoaga ua faatapulaaaina, ma le faamoemoe ia aafia ai le tuufaatasiga faale-vaega o tu ma aga i so o se faitau aofai o tagata po o le faatinoina o isi soliga matuia o le tulafono faava o malo. E lē tatau ona faauigaina lenei faamatalaga i so o se auala e aafia ai tulafono faale-atunuu i tulaga tau maitaga;
- (g) “sauaga” o lona uiga o le faamoemoe e taofia i se faiga ogaoga aia tatau faavae ma le faamoemoe, e ese mai i tulafono faava o malo e ala i le mea e iloagofie ai le vaega po o le tuufaatasiga;
- (h) “o le solitulafono o le faailogalanu” o lona uiga o gaoioiga e le talafeagai ma tagata soifua e uiga tutusa ma gaoioiga ua faasinomia i totonu o le parakalafa 1, ua faia i se faiga e taotaomia ai ua faatulagaina i se pulega ua fai faamalosi ma pulea toatasi ai e se ituaiga tagata se isi ituaiga tagata o lanu ma tagata po o vaega ma ua faia ma le faamoemoe ia faaauuina ai lena pulega.

(i) “faamalosia o le tulaga leiloloa o tagata”, o lona uiga o le pueina faa-pagota, taofia po o le ave faananaina o tagata e, po o faatasi ma le faatagaina, lagolagosua po o le maliega o, se Atunuu po o se faalapotopotoga faaupufai, e sosoo ai ma le teena o le taliaina o le mea moni e faapea o le taofia o le saolotoga po o le tuuina atu o faamatalaga i luga o le taunuuga po o nofoaga o i ai na tagata, faatasi ai ma le faamoemoe ia aveesea mai i latou mai le puipuiga a le tulafono mo se vaitaimi umi.

3. Mo le faamoemoe o lenei Tulafono, o lea ua malamalama e faapea o le upu “kenera” e faasino i ituaiga e lua, o le tane ma le tamaitai, e tusa ma tulaga aliae mai i sosaiete. O le upu “kenera” e le o aumaia ai so o se uiga e ese ai mai lea ua taua i luga.

Mataupu 8 Solitulafono o Taua

1. E tatau i le Faamasinoga ona i ai le puleaga faa-faamasinoga e faasino i solitulafono o taua aemaise ai pe afai sa faia e avea o se vaega o se fuafuaga po o se faiga faavae po o sa avea o se vaega o se fuafuaga tele o le faia o ia solitulafono.

2. Mo le faamoemoe o lenei Tulafono, “solitulafono o taua” o lona uiga:

(a) o soliga matuia o le Feagaiga i Sineva o le aso 12 Aokuso 1949, ua taua ai, o so o se gaoioiga taua i lalo e faasaga i tagata po o meatotino o lo o puipua i lalo o aiaiga o le Feagaiga talafeagai i Sineva:

(i) fasioti tagata ma le loto i ai;

(ii) sauaina po o faiga o sauaga ogaoga e le tusa ai ma tagata soifua, e aofia ai faataitaiaiga faa-paiolosi;

(iii) faaooina o mafatiaga mamafatu ma le loto i ai;

(iv) faatamaia i le tulaga lautele ma le faatatauina o meatotino, e le o faamaonia e manaoga faamiliteri ma ua tauaveina faasolitulafono ma le lē faatuatuaina;

(v) faamalosia o se pagota o le taua po o se isi tagata o puipuia ina ia tautua i totonu o le vaegaau a se atunuu malosi o fai ma fili;

(vi) taofia ma le loto i ai o aia tatau a se pagota o taua po o se isi tagata o puipuia mo sona faamasinoga masani ma le sagatonu;

(vii) toe faafoiina atu faasolitulafono po o le faaliliuina atu po o le taofia faasolitulafono i se nofoaga puipuia;

(viii) le avefaamalosi o tagata.

(b) o isi soliga matuia o tulafono ma aganuu e talafeagai i feteenaiga faava o malo faaaupegaina, i totonu o le faataotoga ua faavaeina o tulafono faava o malo, ua taua ai o so o se tasi o nei gaoioiga:

(i) faia o osofaiga ma le faamoemoe e faasaga tonu i le faitau aofai o tagata lautele e pei o po o e faasaga i tagata taitoatasi o tagata lautele e le o auai i faiga faale-alofa;

(ii) faia o osofaiga ma le faamoemoe e faasaga tonu i faamoemoega o tagata lautele, o lona uiga, o faamoemoega e le o ni faamoemoega faamiliteri;

(iii) faia o osofaiga ma le faamoemoe e faasaga tonu i tagata faigaluega, fausaga ua faavaeina, meafaitino, o mea taitasi po o taavale e aafia i fesoasoani mo le soifua manuia o tagata po o savali mo le tausiga o le filemu e tusa ai ma le Feagaiga Tusitusia a

Malo Aufaatasi, e tusa lava po o le a le umi o le taimi e agavaa ai i le puipuiga ua tuuina atu i tagata lautele po o faamoemoega o tagata lautele i lalo o le tulafono faava o malo o feteenaiga faaauupegaina;

(iv) le amata faatinoina ma le faamoemoe o se osofaiga ma le iloa lelei o sea osofaiga o le a fai ma mafuaaga o le tulaga aliali mai o le maumau o le ola po o manuaga i tagata lautele po o le faaleagaina o faamoemoega o tagata lautele pe ua i se tulaga lautele, umi o tuutuuga ma le ogaoga o le faaleagaina o le siosiomaga faale-natura lea e ono matuai sili atu ona tele o le tulaga faaleagaina e tusa ai o le tulaga mausali ma le tulaga muamua o le aotelega faamiliteri o lo o faamoemoe i ai;

(v) le osofaia po o le faaaogāina o auupega malolosi e osofaia ai, po o le a lava le auala e faaaogāina, o taulaga, o nuu, nofoaga po o fale ia e le mafai ona puipua ma e le o ni faamoemoega faamiliteri;

(vi) fasiotia po o le faamanuaina o se tagata tau, o ia lea, ua lafoai ana auupega po o ua lē o toe i ai se auala e puipua ai, ua siilima lava i lona loto malie;

(vii) le faaaogāina ma le lē tusa ai o se fu'a o feagaiga e taofia ai le tumau o faiga faale-alofa, o le fu'a po o le faailoga o le pule faamiliteri ma le toniga a le fili po o Malo Aufaatasi, e faapea foi i le pine taualoa a le Fono i Sineva, lea e taunuu i le oti po o manuaga ogaoga o se tagata;

(viii) o le faaliliuina atu, i se faiga tuusao pe leai foi, e le Pule e Nofoia ai o se vaega o lona lava faitau aofai o tagata lautele i totonu o atunuu o lo o ia nofoia, po o le toe faaofiina atu po o le faaliliuina atu o vaega uma po o ni

vaega o le faitau aofai o tagata o le teritori o lo o ua nofoia i totonu po o fafo atu o lenei atunuu;

(ix) faia o osofaiga ma le faamoemoe e faasaga tonu i fale ua ofoina atu mo tapuaiga faale-lotu, aoaoga, ata tusia, faasaienisi po o faamoemoega mo fesoasoani e tuuina atu, maa faamanatu faa-talafaasolopito, falemai ma nofoaga o lo o tuufaatasia ai tagata mamai ma ē manunua, pe afai e le o ni faamoemoega faamiliteri;

(x) o le tuuina atu o tagata i se vaega o tagata le taupulea ia faaleagaina ia mataga ni vaega o latou tino, po o ua tuuina atu i suesuega faafomai po o faataitaiga faasaienisi o so o se ituaiga e le i faamaonia i togafitiga faafomai, faafomai nifo po o togafitiga faafalemai o le tagata ua aafia po o ua tauaveina i lana aia ma ua faaooina ai le oti i po o ua lamatia ai i se tulaga matautia le soifua maloloina o sea tagata po o tagata;

(xi) le fasiotia po o le faamanualia i se ala faalata o tagata taitoatasi o aveia ma itutino o le malo o fai ma fili po o se vaegaau;

(xii) faaalua manino e faapea e leai se faiga alofa e tuuina atu i le tagata solitulafono;

(xiii) faaleagaina po o le faoa faamalosi o meatotino a le fili seia vagana ai o sea faaleagaina po o le faoa faamalosi o meatotino sa talosagaina i le tulaga manaomia e ala i manaoga o taua;

(xiv) faaalua manino o le aveesea, taofia le tumau po o le lē taliaina i totonu o se Faamasinoga, o aia tataua ma gaoioiga a tagatanuu o le vaega o le fili;

(xv) faamalosia o tagatanuu o le vaega o le fili e auai i gaoioiga o taua e faasaga tonu i lo latou lava atunuu, e tusa lava pe afai sa o latou i ai i totonu o le auaunaga faatupu vevesi a o le i amataina o le taua;

(xvi) le gaoia o se taulaga po o nofoaga, e tusa lava pe na avea e ala i le faaoolima;

(xvii) le faaaogāina o vailaa oona po o auupega ua faaaogāina i ai vailaa oona;

(xviii) le faaaogāina o kasa oona e fasioti ai i le taofia o le manava, po o isi kasa, ma suavai uma e foliga tutusa, meafaitino po o masini;

(xix) le faaaogāina o ututau e salalau pe faigofie ona faamafolafolaina i totonu o le tino o le tagata e pei o ututau e i ai faavaa malo lea e le o ufiufiina atoa le totonugalemu po o ua faapupuina i se vaega ua tipiina.

(xx) le faaaogāina o auupega, meatau faatonutonu ma meafaitino ma metotia mo le faia o taua lea e i ai le uiga e faaooina ai manuaga ua sili atu nai lo le tulaga manaomia po o mafatiaga e le talafeagi po o lo o avea ma uiga tumau e le faailoga tagata i le soliga o le tulafono o feteenaiga faaaupegaina faava o malo, pe afai o ia auupega, meatau faatonutonu ma meafaitino ma metotia mo le faia o taua ua avea ma mataupu autu o le faasaina i se tulaga aoao tetele ma o lo o aofia ai i totonu o le faaopoopoga ua avea ma vaega i lenei Tulafono, e ala i se teuteuga e tusa ai ma aiaiga talafeagai ua faatulagaina mai i totonu o le Mataupu 121 ma le 123;

(xxi) le faia o gaoioiga e solia ai aia tatau i luga o tulaga aloaia faaletagata, aemaise ai le faalumaina ma faiga tau faaleaga ai;

(xxii) le faamalosia o faigaaiga, faapologaina i feusuaiga, tali tane faamalosia, maitaga ua faamalosia, e pei ona faauigaina i le Mataupu 7, parakalafa 2(f), faamalosia o le lē toe fanau, po o so o se isi lava ituaiga o sauaga tau feusuaiga lea ua tuufaatasia ai se soliga ogaoga o le Feagaiga i Sineva;

(xxiii) le faaaogāina o le auai o se tagata lautele po o se isi tagata o puipuia ina ia tuuina atu nisi itu taua, vaega po o vaegaau faamiliteri ua puipuiamalu mai faatinoga faamiliteri;

(xxiv) o osofaiga tuusao faamoemoeina e faasaga i fale, o meafaitino, nofoaga faafomai ma felauaiga, ma tagata faigaluega o lo o faaaogāina tagavai faapitoa o le Feagaiga i Sineva i le usitaia ai o le tulafono faava o malo;

(xxv) ua faamoemoeina e faaaogāina le faa-oge o tagata lautele e fai ma auala o taua e ala i le aveesea o mea e talafeagai mo lo latou soifua, e aofia ai le faalavelaveina ma le loto i ai o oloa o fesoasoani e pei ona aiaia ai i lalo o le Feagaiga i Sineva;

(xxvi) o le faamauina o igoa mo se auaunaga faamalosia faamiliteri po o le faamauina o tamaiti e i lalo o le sefululima tausaga le matutua i totonu o vaegaau a le malo po o le faaaogāina o i latou e auai atu i taua.

(c) i le tulaga o so o se feteenaiga faaaupegaina ae le o so o se amioga faava o malo, o le ogaoga o le solia o le mataupu 3 e taatele i Feagaiga e fa na faia i Sineva i le 12 Aokuso 1949, ua taua, o so o se gaioiga mulimuli ane ua faia e faasaga i tagata ua le faia ma le mataalia o latou tiute i taua, e aofia ai ma sui o vaegaau ua latou faataatia i lalo a latou auupega ma i latou ua

faatulagaina le aveesea muamua a o le i faia le taua, e ala i mai, manua, nofosala po o so o se isi lava mafuaaga:

(i) faatupu faalavelave i le ola ma tagata, aemaise so o se ituaiga fasioti tagata faapitoa, vaevaeina o le tino, gaoioiga le alofa ma sauaga;

(ii) o faiga lē mafaufau ua faia ma le loto i ai i luga o tulaga aloaia le tagata, e faapitoa i gaoioiga e faalumaina ma tau faaleaga ai;

(iii) aveina faa-pagota o tagata;

(iv) o le pasia o faasalaga ma le tauaveina o le faatinoga e aunoa ma le faaleoina muamua o se faaiuga e faia e se faamasinoga ua tuufaatasia masani, le tuuina atu o faamaoniga faaletulafono lea ua aloaia lautele e faapea ua talafeagai.

(d) o le parakalafa 2(c) e faaaogā i feteenaiga faaaaupegaina ae lē o so o se amioga faava o malo ma e le talafeagai i le tulaga o feteenaiga ma le faalavelaveina faa-lotoifale, e pei o fouvalega, vavae ese ma gaoioiga tutupu solo o faiga faatupu faalavelave po o isi gaoioiga e uiga tutusa;

(e) o isi soliga ogaoga o tulafono ma tu masani e talafeagai i feteenaiga faaaaupegaina ae le o so o se amioga faava o malo, i totonu o le faavaeina o le faatulagaga o le tulafono faava o malo, ua taua, i so o se gaoioiga o mulimuli ane –

(i) o osofaiga tuusao faamoemoeina e faasaga i le aofaiga o tagata lautele, po o e faasaga i tagata lautele taitoatasi e lē aafia i se faiga tuusao i totonu o taua;

(ii) o osofaiga tuusao faamoemoeina e faasaga i fale, o meafaitino, nofoaga faafomai ma felauaiga, ma le tagata faigaluega o lo o faaaogāina le tagavai

faapitoa o le Feagaiga i Sineva i le usitaia ai o le tulafono faava o malo;

(iii) o osofaiga tuusao faamoemoeina e faasaga i le matagaluega, nofoaga faavaeina, o meafaitino, nofoaga po o taavale-afi e aofia i fesoasoani tau tagata po o savali o le filemu e tusa ai o le Feagaiga Tusitusia a Malo Afaatasi, po o le a lava le umi e agavaa ai mo le puipuiga ua tuuina atu mo tagata po o meatotino tau tagata, i lalo o le tulafono faava o malo, o le feteenaiga faaaaupegaina;

(iv) o osofaiga tuusao faamoemoeina e faasaga i fale ua ofoina mo tapuaiga, aoaoga, atatusi, saienisi po o faamoemoega faameaalofa, maa faamanatu o tala faasolopito, falemai ma nofoaga e auina atu i ai tagata mamai ma manunua, ae vagana ai e faapea e le faamoemoega ia o le militeri;

(v) gaoiga o le taulaga po o se nofoaga, tusa lava pe na avea e ala i le faaoolima;

(vi) o le faamalosia o faiga aiga, faapologaina i feusuaiga, faamalosia o le tali tane, faamalosia o maitaga, e pei ona faamatalaina i le mataupu 7, parakalafa 2(f), faamalosia o le lē fanau, ma so o se isi lava ituaiga o sauaga tau feusuaiga lea ua tuufaatasia ai se soliga ogaoga o le mataupu 3 e taatele i fonu e fa o le Feagaiga i Sineva;

(vii) o le faamalosia o auunaga faamiliteri po o le faamauiina o tamaiti e i lalo o le sefululima tausaga i totonu o vaegaau po o vaega po o le faaaogāina o i latou e auai ma le mataalia i sauaga;

(viii) faatonuina le fesiitaiga o le aofaiga o tagata lautele mo mafuaaga e faatatau i feteenaiga, ae vagana ai ua aafia le puipuigamalu o tagata lautele po o le tapaina o mafuaaga faa-militeri ua faamalosia;

(ix) fasiotia po o le faamanuaina i se faiga tau faalata le fili o lo o faasaga tau i ai;

(x) faaalua manino e faapea e leai se faiga alofa e tuuina atu;

(xi) i le noatia o tagata o ē o i totonu o le pule a se isi vaega i le feteenai i le faamanualia o le tino po o le faafomai po o faataitaiga faasaaienisi o so o se ituaiga, e pei ona le faamaonia ai togafitiga faa-fomai, faafomai nifo, faa-falemai o lena tagata ua faatatauina po o le lē faatinoa e tusa ma lana aia, ma o lea e mafua ai le maliu po o le ogaoga o le lamatia o le soifua maloloina o sea tagata po o tagata;

(xii) ia faaleaga po o le taofia faamalosi o meatotino a le fili, vagana o sea faumatiaga po o taofia faamalosi ua tapaina faamalosi e itu tatau o le feteenaiga;

- (f) o le parakalafa 2(e) e faaaogā i feteenaiga faaaaupegaina e le o se tulaga faava o malo ma o lea e le talafeagai ai i tulaga o le faalavelaveina faalotoifale ma feteenaiga, e pei o tulaga vevesi ma le pisapisao, gaoioiga faatupu faalavelave e tulaga ese ma e tulai mai iinei ma i ina, po o isi gaoioiga e uiga tutusa. E faaaogā i feteenaiga faaaaupegaina lea e tutupu i teritori o se Atunuu pe afai o i ai ni feteenaiga faaaaupegaina ua faaalu taimi i le va o pule faataga a le atunuu ma vaega faaaaupegaina ua faatulagaina po o i le va o ia lava vaega.

3. E le tatau ona i ai se mea i le parakalafa 2(c) ma le (e) e aafia ai le matafaioi a le Malo e tausia ai po o le toe faavaeina o tulafono ma poloaiga i totonu o le Atunuu po o le puipuia o le tuufaatasiga ma le tulaga aloaia faa-teritori o le Atunuu, e ala i faiga uma ua faatulafonoina.

Mataupu 9Vaega o faamatalaga autu o Solitulafono

1. E tatau i Vaega o faamatalaga autu o Solitulafono ona fesoasoani i le Faamasinoga i le faamatalaina ma le faatatauina o mataupu 6, 7 ma le 8. E tatau ona faaogāina e le vaega o faamatalaga autu o solitulafono le lua vae tolu o sui auai o le Fono Aoao a Atunuu Auai.
2. O Teuteuga i Vaega o faamatalaga autu o Solitulafono e mafai ona faatu mai e:
 - (a) so o se Atunuu Auai;
 - (b) faamasino o lo o galulue e ala i se vaega aupito toatele ai;
 - (c) o le Faafae Moliaga.

O nei teuteuga e tatau ona taliaina e le lua vae tolu o sui auai o se aofaiga toatele o sui o le Fono Aoao a Atunuu Auai.
3. O Vaega o faamatalaga autu o Solitulafono ma teuteuga e faasino i ai e tatau ona ogatasi ma lenei Tulafono.

Mataupu 10

E leai se mea o i lenei Vaega e tatau ona faamatalaina e faapea ua faatapulaaina ai pe aafia ai i so o se auala o lo o i ai, po o tulafono faafae o lo o faaleleia ai tulafono faava o malo mo faamoemoega ese nai lo lenei Tulafono.

Mataupu 11Puleaga faa-faamasinoga racione temporis

1. Na o le faamasinoga e i ai le puleaga faa-faamasinoga e faatatau i solitulafono ua faia i le maea ai o le faamamaluina o lenei Tulafono.

2. Afai o se Atunuu Auai i lenei Tulafono ina ua maea le faamamaluina, e mafai e le Faamasinoga ona faatino lana puleaga faa-faamasinoga i le na o solitulafono ua faia i le maea ai o le faamamaluina o lenei Tulafono mo lea Atunuu, vagana ai ua faia e lea Atunuu se tautinoga i lalo o le Mataupu 12, parakalafa 3.

Mataupu 12

Tulaga talafeagai mo le faatinoga o le puleaga faa-faamasinoga

1. O se Atunuu Auai i lenei Tulafono ua ia taliaina le puleaga faa-faamasinoga o le Faamasinoga e faasino i solitulafono ua taua i le mataupu 5.

2. I le tulaga o le Mataupu 13, parakalafa (a) po o (c), e mafai e le Faamasinoga ona faatino lana puleaga faa-faamasinoga pe afai e tasi le Atunuu po o le sili atu o lo o Auai i lenei Tulafono, po o ua taliaina le puleaga faa-faamasinoga o le Faamasinoga e tusa ai ma le parakalafa 3:

(a) o le Atunuu i le teritori o lo o tulai mai ai le amio o lo o fesiligia po o pe afai na faia se solitulafono i luga o se vaa, po o vaalele, o le Atunuu o lo o faamauina ai lenei vaa po o lenei vaalele;

(b) o le Atunuu lea e tagatanuu ai le tagata ua tuuaia.

3. Afai o se Atunuu e le o se Atunuu Auai o lenei Tulafono ua manaomia i lalo o le parakalafa 2, e mafai e lenei Atunuu, e ala i se faaaliga manino ua tuuina atu i le Resitara, ona taliaina le faatinoina o le puleaga faa-faamasinoga a le Faamasinoga e tusa ai o le solitulafono ua fesiligia. E tataua ona galulue faatasi le Atunuu ua taliaina ma le Faamasinoga e aunoa ma se faatuai po o tuusaunoaga e tusa ai ma le Vaega 9.

Mataupu 13Faatinoga o le Puleaga faa-faamasinoga

E mafai e le Faamasinoga ona faatino lana puleaga faa-faamasinoga e tusa ai o le solitulafono ua taua i le mataupu 5 e tusa ai o aiaiga o lenei Tulafono pe afai:

- (a) o se tulaga na aliae ai le tasi po o le sili atu o ia solitulafono lea e faapea sa faia, ua tuuina atu i le Faafae Moliaga, e se Atunuu Auai e tusa ai o le mataupu 14;
- (b) o se tulaga na aliae ai le tasi po o le sili atu o ia solitulafono sa faia, ua tuuina atu i le Faafae Moliaga e le Fono o Puipuigamalu lea o lo o galue i lalo o le Mataupu VII o le Faavae Tusitusia a Malo Afaatasi; po o
- (c) o le Faafae Moliaga na te amataina se suesuega e tusa ai o sea solitulafono ua faatatauina i le mataupu 15.

Mataupu 14Tuuina o se Mataupu e Tulai mai e se Atunuu Auai

1. E mafai e se Atunuu Auai ona tuuina atu i le Faafae Moliaga se mataupu lea sa faia ai se solitulafono e tasi po o le sili atu i totonu o le puleaga faa-faamasinoga a le Faamasinoga, lea e faapea sa faia e talosagaina ai le Faafae Moliaga e suesue le mataupu mo le faamoemoe o le faia o se faaiuga pe toatasi po o le sili atu tagata ua mautinoa e tatau ona molia i le faia o ia solitulafono.

2. I le a lava le tulaga e mafai ai, e tatau ona faamaoti mai le tuuina atu o ia tulaga aliae mai, ma ia aumai faatasi ma sea faamaumauga aloaia e lagolago ai e pei ona avanoa ai i le Atunuu o lo o ia tuuina atu le mataupu.

Mataupu 15
Faafoe Moliaga

1. E mafai e le Faafoe Moliaga ona amata suesuega proprio motu i luga o le faavae o faamatalaga o solitulafono ua aofia ai i le puleaga faa-faamasinoga a le Faamasinoga.
2. E tatau i le Faafoe Moliaga ona faavasega le matuia o faamatalaga ua maua mai. Mo lenei faamoemoe, e mafai ona ia sailia ni faamatalaga faaopoopo mai le Atunuu, lala o Malo Afaatasi, o faalapotopotoga tau le Malo pe leai, po o isi ala faamoemoeina ua manatu ia ua talafeagai, ma e tatau ona maua molimau tusitusia po o le faaleoina i le taimi o le Faamasinoga i le nofoaga autu o le Faamasinoga.
3. Afai o le faaiuga a le Faafoe Moliaga e faapea o lo o i ai se faavae talafeagai e faagasolo ai se suesuega, e tatau ia te ia ona tuuina atu i le Vaega o le Faamasinoga o Uluai Suesuega e le i fofogaina se talosaga mo le pule faataga o se suesuega, faatasi ai ma so o se meafaitino ua aoina mai e lagolago ai, e mafai e Tagata ua afaina ona faia ni faamatalaga i le Vaega o le Faamasinoga o Uluai Suesuega e tusa ai ma Tulafono Faafoe o Taulumaga ma Faamatalaga Molimau.
4. Afai o le Vaega o le Faamasinoga o Uluai Suesuega, i luga o suesuega o le talosaga ma faamatalaga e lagolago ai, ua iloiloina ai e faapea o lo o i ai se tulaga talafeagai e faagasolo ai le suesuega, ma o lena mataupu ua foliga e fitoitonu i le puleaga faa-faamasinoga a le Faamasinoga, e tatau ona ia faatagaina le amataina o suesuega, e aunoa ma le aafia o faaiuga mulimuli e faia e le Faamasinoga e tusa ai o le puleaga faa-faamasinoga ma le taliaina o se mataupu.
5. O le teena e le Vaega o le Faamasinoga o Uluai Suesuega o le faatagaina o le suesuega, e le tatau ona taofia ai le tuuina atu o se talosaga mulimuli ane ua faia e le Faafoe Moliaga e faavae i luga o faamatalaga moni po o ni faamatalaga molimau fou e tusa ai o lea lava mataupu.

6. Afai, i le maea ai o le uluai suesuega ua taua i le parakalafa 1 ma le 2, ua faia e le Faafoe Moliaga se faaiuga e faapea o faamatalaga ua tuuina atu e lē o aofia ai se faavae talafeagai mo se suesuega, e tatau ia te ia ona logoina i latou o ē tuuina mai faamatalaga. E lē tatau ona taofia mai ai le Faafoe Moliaga, mai le iloiloina o nisi faamatalaga ua tuuina atu ia te ia e uiga i lea lava mataupu e tusa ai o faamatalaga moni po o faamatalaga molimau fou.

Mataupu 16

Tolopoina o Suesuega po o le faatinoga o Moliaga

E leai se suesuega po o le faatinoga o moliaga e mafai ona amataina po o le faagasolo i lalo o lenei Tulafono mo se vaitaimi e 12 masina i le maea ai o le Fono o Puipuiga, i totonu o se faaiuga ua talia i lalo o le Mataupu VII o le Feagaiga Tusitusia a Malo Aufaatasi, ua talosagaina ai le Faamasinoga i lena tulaga e faapea o lena talosaga e mafai ona toe faafou e le Fono i lalo o ia lava aiaiga.

Mataupu 17

Mataupu taua e Taliaina

I le amanaia ai o le parakalafa 10 o le Faatomuaga ma le mataupu 1, e tatau i le Faamasinoga ona faia le faaiuga e faapea e le taliaina se mataupu pe afai:

- (a) ua suesueina le mataupu po o le aumai i luma o le faamasinoga e le Atunuu lea e i ai le puleaga faa-faamasinoga i luga o lea mataupu, seia vagana ai e le ioeina po o ua lē mafai i le agaga lelei o le Atunuu ona tauave le suesuega po o le aumai i luma o le faamasinoga.
- (b) o le mataupu ua suesueina e le Atunuu lea e i ai le puleaga faa-faamasinoga i luga o lea mataupu ma ua faia le faaiuga a le Atunuu e lē tuuina atu le tagata i luma o le faamasinoga, seia vagana ai o le faaiuga ua maua mai le lē ioeina po o le

faalēaogāina i le agaga lelei o le Atunuu e molia ai i luma o le faamasinoga;

(c) ua maea ona tulai i luma o le Faamasinoga le tagata ua faatatauina mo amioga e tusa ma le autu o le faasea, ma o se faamasinoga e faia e le Faamasinoga e le faatagaina i lalo o le mataupu 20, parakalafa 3;

(d) e le atoatoa le mamafa o le mataupu e faamaonia ai nisi gaoioiga e faia e le Faamasinoga.

2. I le tulaga o le fuafuaina o le leai o se ioega i se mataupu faapitoa, e tatau i le Faamasinoga ona iloilo, i le amanaia ai o faiga faavae o faagasologa ua amanaiaina e le tulafono faava o malo, pe afai o i ai le tasi po o le sili atu o mea ua taua e faapea e pei ona talafeagai ai:

(a) o le faagasologa sa faia po o o lo o tauaveina po o le faaiuga faava o malo ua faia mo le faamoemoe e puipuia ai le tagata ua aafia mai matafaioi tau solitulafono mo solitulafono i totonu o le puleaga faa-faamasinoga a le Faamasinoga ua taua i le mataupu 5;

(b) sa i ai se tulaga faatuai i faagasologa lea e aliae mai ai e le ogatasi ma le faamoemoe o le aumaia o le tagata ua aafia i le faamasinoga.

(c) e le i faia taitoatasi pe ua le faia tualumaga i se faiga le faaituau, ma sa faia pe ua faia i se faiga lea e tusa ai o tulaga o aliae mai, e le ogatasi ma le faamoemoe e aumaia lea tagata i le faamasinoga.

3. I le tulaga o le fuafuaina o le lē mafaia ona faafoe o se mataupu faapitoa, e tatau i le Faamasinoga ona iloilo, pe mafua mai i le faiga o puleaga faa-faamasinoga a le atunuu, i lona aotelega po o le matua pau maualalo po o le leai o se avanoa, ua le mafai ai e le Atunuu ona tuuina mai le tagata ua tuuaia po o faamatalaga molimau talafeagai ma tusi faamaonia po o i se isi faiga e ese ai, ua lē mafai ai ona faatinoina ana tualumaga.

Mataupu 18Uluai faatonuga e uiga i le taliaina

1. Afai ua tuuina atu i le Faamasinoga se tulaga e tusa ai ma le mataupu 13(a) ma ua faia se faaiuga a le Faafoe Moliaga e faapea o le a i ai faavae talafeagai e amata ai se suesuega, po o ua mafau fauina le faia o moliaga ua amata ai se suesuega e tusa ai ma le mataupu 13(c) ma le 15, e tatau i le Faafoe Moliaga ona logoina Atunuu Auai uma ma na atunuu, ia amanaia faamatalaga talafeagai o i ai, e mafai ai ona faatino puleaga faa-faamasinoga i luga o solitulafono ua aafia ai. E mafai e le Faafoe Moliaga ona logoina ia atunuu i luga o se faavae agatapuia ma, pe afai ua talitonu le Faafoe Moliaga e talafeagai le puipuia o tagata, puipuia le faaleagaina o faamatalaga molimau, po o le taofia o le sosola ese o tagata, e mafai ai ona faatapulaaina le faalateleina o le faamatalaga ua tuuina atu i Atunuu.

2. I totonu o le masina e tasi talu ona maua o lena faasilasilaga, e mafai e se Atunuu ona logoina le Faamasinoga e faapea o lo o suesueina po o sa suesueina ona tagatanuu po o isi i totonu o lana puleaga faa-faamasinoga e tusa ai o gaoioiga faasolitulafono ia e mafai ona tuufaatasia ai solitulafono ua taua i le mataupu 5 ma ia e faasino i le faamatalaga ua tuuina mai i le faasilasilaga ua tuuina atu i Atunuu. I le talosaga a lena Atunuu, e tatau i le Faafoe Moliaga ona tuuina atu suesuega i le Atunuu o na tagata, vagana ai ua faatagaina i le faaiuga a Vaega o le Faamasinoga o Uluai Suesuega e ala i le talosaga a le Faafoe Moliaga.

3. O le tolopoina e le Faafoe Moliaga o se suesuega a le Atunuu, e tatau ona avanoa e toe iloilo e le Faafoe Moliaga i le ono masina i le maea ai o le aso na tolopo ai po o i so o se taimi pe afai sa i ai se suiga taua o tulaga aliae mai e faavae i luga o le lē ioeina po o le lē mafai e le Atunuu i lona agaga lelei ona faia le suesuega.

4. E mafai ona talosaga le Atunuu ua faatatauina po o le Faafoe Moliaga e talosaga i le Vaega o le Faamasinoga mo Talosaga faasaga i faaiuga a le Vaega o le Faamasinoga o Uluai Suesuega e tusa ai ma le mataupu 82. E mafai ona fofogaina le talosaga i luga o se mafuaaga e faavavevave ai ona faia.

5. Afai ua tolopo se suesuega e le Faafoe Moliaga e tusa ai ma le parakalafa 2, e mafai e le tagata ona faia moliaga ona talosaga e faapea o le Atunuu ua aafia ia logoina faa-vaitaimi le Faafoe Moliaga i le gasologa o ana suesuega ma so o se moliaga faaletulafono e mulimuli mai. E tatau i Atunuu Auai ona tali i ia talosaga e aunoa ma le faatuai.

6. A o faatalia le faatonuga mai Vaega o le Faamasinoga o Uluai Suesuega po o i so o se taimi pe afai e tolopo e le Faafoe Moliaga le suesuega i lalo o lenei mataupu, e mafai e le tagata o faia moliaga i luga o se faavae faapitoa, ona saili le faatagaga mai le Vaega o le Faamasinoga o Uluai Suesuega e faatino laasaga talafeagai mo suesuega mo le faamoemoe o le faatumauiina o molimau po o fea lava o i ai se avanoa e tasi e maua mai ai ni molimau taua po o se tulaga ese o se lamatiaga o le a le tatau ai i sea molimau ona avanoa mulimuli mai.

7. O se Atunuu ua na fesiligia le faatonuga a le Vaega o le Faamasinoga o Uluai Suesuega i lalo o lenei mataupu e mafai ona ia fesiligia le taliaina o le mataupu i lalo o le mataupu 19 i luga o tuutuuga o le faaopoopoina o mataupu taua po o suiga taua o tulaga aliae mai.

Mataupu 19

O le fesiligia o le puleaga faa-faamasinoga a le Faamasinoga po o le taliaina o le mataupu

1. E tatau i le Faamasinoga ona faamalieina o ia e faapea e i ai lana puleaga faa-faamasinoga i so o se mataupu ua tuuina mai i ona luma. E mafai e le Faamasinoga, i lana lava faitalia ona fuafua le taliaina o se mataupu ia tusa ai ma le mataupu 17.

2. O fesili e faasaga i le taliaina o se mataupu i luga o mafuaaga ua taua i le mataupu 17 po o le fesiligia o le puleaga faa-faamasinoga a le Faamasinoga e mafai ona faia e:

- (a) le tagata ua tuuaia po o se tagata o Lē ua tuuina atu i ai se tusi poloaiga e pueina faa-pagota ai po o ua samania ia auai, ua tuuina atu i lalo o le mataupu 58;
- (b) le atunuu e i ai lana puleaga faa-faamasinoga i luga o se mataupu, i luga o mafuaaga e faapea o lo o suesueina po o le faatinoina se moliaga o le mataupu po o ua uma ona suesueina po o ua tali atu i moliaga; po o
- (c) se atunuu lea e manaomia mai ai le taliaina o le puleaga faa-faamasinoga i lalo o le mataupu 12.

3. E mafai e le Faafoe Moliaga ona saili le faaiuga mai le Faamasinoga e uiga i se fesili e faasaga i le puleaga faa-faamasinoga po o le taliaina o se mataupu. I tualumaga e tusa ai ma le puleaga faa-faamasinoga po o le taliaina, o i latou ua tuuina atu le mataupu i lalo o le mataupu 13, e faapena foi ona mafai e i latou ua afaina, ona tuuina atu a latou sailiiliga i le Faamasinoga.

4. O le taliaina o se mataupu po o le puleaga faa-faamasinoga a le Faamasinoga e na o le faatasi lava ona fesiligia e so o se tagata po o se Atunuu ua taua i le parakalafa 2. E tatau ona faia muamua lea fesili i le amataga o le faamasinoga. I tulaga faapitoa ua aliae mai, e mafai e le Faamasinoga ona tuuina atu faatagaga mo se faafesili ina ia aumaia e sili atu i le faatasi po o se taimi mulimuli ane i le amataga o le faamasinoga. O fesili o le taliaina o se mataupu, i le amataga o le faamasinoga po o le mulimuli ane ai, i le faatagaga a le Faamasinoga, e faatoa mafai ona faavaeina i luga o le mataupu 17, parakalafa 1(c).

5. O le Atunuu ua taua i le parakalafa 2(b) ma le (c) e tatau ona ia faia se faafesili, i le avanoa muamua lava.

6. A o lumanai ai le faamaoniga o moliaga, o fesili e faasaga i le taliaina o se mataupu po o fesili e faasaga i le puleaga faa-faamasinoga a le Faamasinoga, e tatau ona tuuina atu i le Vaega o le Faamasinoga o Uluai Suesuega . I le maea ai o le faamaoniga o moliaga, e tatau ona tuuina atu nei moliaga i le Vaega o le Faamasinoga o Iloiloga o Mataupu i luma o le Faamasinoga. O faaiuga e tusa ai ma puleaga faa-faamasinoga po o le taliaina, e mafai ona talosaga e toe iloilo e le Vaega o le Faamasinoga mo Talosaga faasaga i Faaiuga a le Faamasinoga, e tusa ai ma le mataupu 82.
7. Afai ua fesiligia se faaiuga e se Atunuu ua taua i totonu o le parakalafa 2(b) po o le (c), e tatau i le Faafoe Moliaga ona taofia le tumau lea suesuega seia aulia sea taimi e faia ai se faaiuga a le Faamasinoga e tusa ai ma le mataupu 17.
8. I le talia ai o se faaiuga a le Faamasinoga, e mafai e le Faafoe Moliaga ona sailia se pule faataga a le Faamasinoga;
 - (a) e tulituliloa laasaga o suesuega o ituaiga o lo o taua i le mataupu 18, parakalafa 6;
 - (b) ia tusia se faamatalaga po o se molimau mai se tagata molimau po o le faamaea ona aoina mai ma suesuega o faamatalaga molimau lea sa amataina a o lumanai ai le fesiligia o le faaiuga;
 - (c) i le galulue faatasi ai ma Atunuu talafeagai e puipuia mai le sosola ese o tagata o i latou ia ua maea ona talsoagaina e le Faafoe Moliaga se poloaiga e pueina ai i lalo o le mataupu 58.
9. O le faia o se fesili e lē mafai ona aafia ai le tulaga aloaia o so o se gaioiga ua faatino e le Faafoe Moliaga po o so o se poloaiga, po o tusi poloaiga ua tuuina atu e le Faamasinoga a o lumanai ai le fesiligia o le faaiuga.
10. Afai ua faia se faaiuga a le Faamasinoga e faapea e le taliaina se mataupu i lalo o le mataupu 17, e mafai ona tuuina se talosaga a le Faafoe Moliaga mo le toe iloiloina o se faaiuga pe afai ua faamalieina atoatoa o ia e faapea ua tulai mai nisi

faamatalaga molimau fou e teena ai le manatu na faapea na le talia ai muamua le mataupu i lalo o le mataupu 17.

11. Afai o le Faafae Moliaga, i le amanaia ai o mataupu o lo o taua i le mataupu 17, ona tolopo se suesuega o le Faafae Moliaga, e mafai ona talosaga e faapea ia avanoa o ia i faamatalaga e uiga i taualumaga. O ia faamatalaga e tatau, i luga o le talosaga a lea Atunuu, ona agatapuia. Afai ua faia se faaiuga mulimuli ane a le Faafae Moliaga e faaauai ai pea se suesuega, e tatau ona ia logoina le Atunuu lea ua tolopoina taualumaga.

Mataupu 20
Ne Bis in idem

1. Ae vagana ai ua aiaia i totonu o lenei Tulafono, e leai se tagata e tatau ona tulai i luma o le Faamasinoga e tusa ai o amioga na faavae ai le faia o solitulafono ia ua faamaonia faaletulafono ai le moliaga o le tagata po o ua faamagalo ai e le Faamasinoga.

2. E le tatau ona tulai se tagata i luma o se isi faamasinoga mo se solitulafono ua taua i le mataupu 5 lea ua maea ona faamaonia faaletulafono ai le moliaga o lea tagata po o ua faamagalo ai e le Faamasinoga.

3. E le tatau i se tagata o ia lea sa tulai muamua i luma o se isi faamasinoga mo amioga ua faapena ona faatonuina i lalo o le mataupu 6, 7 po o le 8 ona toe tulai i luma o le Faamasinoga e tusa ai o le amioga lava lea e tasi vagana ai o taualumaga i le isi faamasinoga e faapea:

(a) na faia mo le faamoemoe o le puipuia o le tagata ua aafia mai matafai oi faasolitulafono mo solitulafono e aofia i le puleaga faa-faamasinoga a le Faamasinoga; po o

(b) i se isi faiga e ese ai, e le i faafaeina i se faiga tutoatasi po o e lē faaituau ina ia tusa ai ma faiga aloaia e faagasolo ai i tulafono faava o malo ma

sa faafoeina i se faiga lea, i tulaga ua aliae mai, sa le ogatasi ma se faamoemoe e aumai ai le tagata ua aafia e faia i ai le faaiuga amiotonu.

Mataupu 21
Tulafono talafeagai

1. E tatau i le Faamasinoga ona faaaogāina:
 - (a) muamua, o lenei Tulafono, o Faamatalaga Autu o Solitulafono ma ona Tulafono Faafoe o Taulumaga ma Faamatalaga Molimau;
 - (b) lona lua, afai e talafeagai ai o feagaiga talafeagai ma taiala faavae ma tulafono faafoe o tulafono faava o malo, e aofia ai taiala faavae ua faamautuina o tulafono faava o malo o feteenaiga faaaupegaina;
 - (c) afai e le usitaia lenei tulaga, o taiala faavae lautele o tulafono e afua mai i le Faamasinoga mai tulafono a le atunuu o faiga faaletulafono a le lalolagi e aofia ai, e pei ona talafeagai ai, o tulafono a atunuu ia o le a faatinoina puleaga faa-faamasinoga i le solitulafono, ae vagana ai e faapea o ia taiala faavae o lo o ogatasi ma lenei Tulafono ma tulafono faava o malo ma tulaga masani ma tulaga faataatitia ua aloaia faava o malo.

2. E mafai e le Faamasinoga ona faaaogā taiala faavae ma tulafono faafoe o tulafono e pei ona faamatalaina i isi ana faaiuga na faia muamua.

3. O le faaaogāina ma le faauigaina o tulafono e tusa ai o lenei mataupu e ao ona ogatasi ma aia tatau a tagata soifua ua aloaia faava o malo, ma ia aunoa ai ma se faailoaina matuia e faavae i luga o mafuaaga e pei o ituaiga o Kenera ua faamatalaina i le mataupu 7, parakalafa 3, le tausaga o le matua,

lanu, gagana, tapuaiga po o talitonuga, tulaga faa-upufai po o isi manatu, tagatanuu, ituaiga tagata po o tupuaga o agafesootai, tamaoaiga, fanau mai po o isi tulaga.

VAEGA 3. TAIALA FAAVAE LAUTELE O TULAFONO O SOLITULAFONO

Mataupu 22

Nullum crimen sine lege

1. E le tatau ona tuuaia ua solitulafono se tagata i lalo o lenei Tulafono seia vagana ai o le amioga ua fesiligia ua mafua ai, i le taimi na faia ai, se solitulafono e aofia i le puleaga faa-faamasinoga a le Faamasinoga.
2. O le faamatalaina o se solitulafono e tatau ona faamalosi le faauigaina ma e le tatau ona faalauteleina e ala i se faatusatusaga. I le tulaga o le faauigalua, e tatau ona faauigaina le faamatalaga mo le lelei o le tagata ua suesueina, molia po o ua, faamaonia faaletulafono le moliaga.
3. I lenei mataupu e lē tatau ona aafia ai uiga o so o se amioga e faapea ua solitulafono i lalo o tulafono faava o malo ia e tutoatasi mai i lenei Tulafono.

Mataupu 23

Nulla poena sine lege

O se tagata ua faamaonia faaletulafono le moliaga e le Faamasinoga e faatoa mafai ona faasalaina e tusa ai o lenei Tulafono.

Mataupu 24

Non retroactivity ratione personae

1. E tatau ona tuuaia se tagata ua solitulafono i lalo o lenei Tulafono mo amioga a o lumanai ai le faamamaluina o le Tulafono.

2. I le tulaga o se suiga i le tulafono talafeagai i se mataupu ua taua a o lumanai ai se faaiuga mausali, e tatau ona faaogāina le tulafaono e sili atu ona talafeagai i le tagata o lo o susesueina, molia po o ua faamaonia faaetulafono le moliaga.

Mataupu 25

O Noataga faasolitulafono a Tagata Taitoatasi

1. E tatau ona i ai puleaga faa-faamasinoga a le Faamasinoga i tagata moni e tusa ai o lenei Tulafono.

2. O se tagata ua ia faia se solitulafono e aofia i le puleaga faa-faamasinoga a le Faamasinoga e tatau ona nafa ma noatia ai na o ia mo faasalaga ina ia tusa ai ma lenei Tulafono.

3. Ina ia tusa ai ma lenei Tulafono, e tatau ona nafa faasolitulafono se tagata ma noatia mo faasalaga mo se solitulafono e aofia i le puleaga faa-faamasinoga a le Faamasinoga pe afai o lea tagata:

- (a) ua faia sea solitulafono, pe na faia toatasi, pe ua faia faatasi ma se isi tagata po o e ala i se isi tagata, e tusa lava pe o le isi lea tagata na faia le solitulafono;
- (b) o poloaiga, e fautuaina ai po o le faasoosoina ai le faia o sea solitulafono lea ua tulai mai pe sa taumafai e faia;
- (c) mo le faamoemoe o le faafaigofieina o le faia o sea solitulafono, fesoasoani, lagolago po o le fesoasoani i lona faataunuuina po o lona taumafai e faia, e aofia ai le tuuina atu o auala mo lona faatinoina;
- (d) na fesoasoani i so o se isi lava auala i le faia po o le taumafai e faia sea solitulafono e se vaega o tagata o lo o galulue e tusa ma se faamoemoega taatele. O sea saofaga e tatau ona taua ua fuafuaina ma e tatau ona:

(i) faia ma le manatu o le faalateleina o le gaoioiga faasolitulafono po o le faamoemoe faasolitulafono o le vaega, pe afai o sea gaoioiga po o le faamoemoe e aofia ai le faia o se solitulafono e aofia i le puleaga faa-faamasinoga a le Faamasinoga; po o

(ii) le faia ma le iloa o le faamoemoe o le vaega o tagata ina ia faia le solitulafono;

(e) e tusa ai ma le solitulafono o le fasiotia o se vaega toatele o le ituaiga o tagata, i se faiga tuusao ma faaosoosoina faalauaitete ai isi tagata ina ia faia le solitulafono o le fasiotia o se vaega toatele o le ituaiga o tagata;

(f) ua taumafai e faia sea solitulafono e ala i le faia o gaoioiga ia e amata lona faatinoga e ala i se laasaga maoae, ae peitai e le o tulai mai ona o tulaga aliae e ese mai i faamoemoega o le tagata. Peitai, o se tagata o ia lea ua ia aloese mai le taumafai e faia le solitulafono po o ua puipui i se isi faiga e ese ai le faataunuina atoa o le solitulafono, e le tatau ona noatia i faasalaga i lalo o lenei Tulafono mo le taumafai e faia lea solitulafono pe afai o lea tagata ua lafoaia atoatoa ma le lotofuatiifo lona faamoemoe e faia le solitulafono.

4. E leai se aiaiga i totonu o lenei Tulafono e faasino i matafaioi faasolitulafono taitoatasi e tatau ona aafia ai le matafaioi a Atunuu i lalo o tulafono faava o malo.

Mataupu 26

O le lē faaogaina o puleaga faa-faamasinoga i tagata e i lalo ifo o le sefuluvalu tausaga

E le tatau ona aafia i le puleaga faa-faamasinoga a le Faamasinoga se tagata o ia lea e i lalo ifo o le 18 tausaga le matua i le taimi na faia ai le solitulafono ua tuuaia ai.

Mataupu 27O le lē talafeagai o tulaga aloaia

1. O lenei Tulafono e tatau ona faaaogāina tutusa i tagata uma lava e aunoa ma se faailogaina o le eseese o tagata e faavae i luga o tulaga aloaia. Aemaise lava, le tulaga aloaia o se Ao o le Malo po o Malo, se sui usufono o se Malo po o se palemene, sui filifilia po o se tagata ofisa o se malo, e lē tatau i so o se tulaga ona tuusaunoa se tagata mai solitulafono sa faia i lalo o lenei Tulafono, po o e tatau ia te ia, i le ma lona lava tagata, ona faatulai mai ai se mafuaaga mo le faaititiga o le faasalaga.
2. O puipuiga mausali po o tulafono faafoe faapitoa o taualumaga e mafai ona aofia i tulaga aloaia o se tagata, tusa lava po o i lalo o tulafono faaleatunuu po o tulafono faava o malo, e lē tatau ona taofia ai le Faamasinoga mai le faatinoga o ana puleaga faa-faamasinoga i sea tagata

Mataupu 28Matafaioi a taitaiu ma isi tagata e umia tofiga maualuga

I le faaopopo atu i isi mafuaaga o matafaioi faasolitulafono i lalo o lenei Tulafono mo solitulafono e aofia i le puleaga faa-faamasinoga a le Faamasinoga:

- (a) o se taitaiu o le militeri po o tagata o lo o galue lelei e avea ai o se taitaiu o le militeri e tatau ona nafa ma solitulafono e aofia i le puleaga faa-faamasinoga a le Faamasinoga ua faia e vaegaau ua i lalo o lana taitaiga ma faafoega lelei, po o pulega ma faafoega lelei ona faatino i le a lava le tulaga e mafai ai, e avea o se taunuuga o lona le mafai ona faaatinoina ma faafoe lelei ia vaegaau pe afai:

- (i) e faapea sa iloa e le taitaiu o le militeri po o le tagata po o, e tusa ai o tulaga aliae mai i lea taimi, sa tatau ona ia iloa lelei

e faapea o lo o faia po o o le a faia e vaegaau ia solitulafono; ma

(ii) e le i faia e lea taitaiu o le militeri po o le tagata laasaga uma talafeagai i totonu o lona malosiaga e puipuia ai po o le taofia ai o le latou faia po o le tuuina atu o le mataupu i pulega agavaa mo suesuega ma moliaga

(b) e tusa ai ma sootaga o le tagata e umia tofiga maualuga ma le tagata o lo o lagolago e le o faamatalaina i totonu o le parakalafa (a), e tatau i se tagata e umia tofi maualuga ona i ai matafaioi mo solitulafono e aofia i puleaga faa-faamasinoga a le Faamasinoga ua faia e tagata lagolago i lalo o lana pulega ma faafoega lelei, e avea o se taunuuga o lona le mafai ona faatinoina lelei le pulega o ia tagata lagolago, pe afai:

(i) ua iloa e le tagata e umia tofi maualuga, pe na ia faaleagaina ma le mautinoa faamatalaga ia na faaalua manino ai, e faapea, o lo o faia e tagata lagolago po o o le a faia ia solitulafono;

(ii) o gaoioiga ua aofia ai i solitulafono ia o lo o i totonu o matafaioi ma pulega lelei faatino a le tagata e umia tofi maualuga; ma

(iii) ua le mafai e le tagata e umia tofi maualuga ona faia laasaga talafeagai uma ma faiga talafeagai i lona malosiaga e puipuia ai po o le taofia ai o lo latou faataunuaina po o le tuuina atu o le mataupu i pulega agavaa mo suesuega ma moliaga.

Mataupu 29

O le lē faaaogāina o tulafono o faiga faatapulaa

O solitulafono e aofia i pulega faa-faamasinoga a le Faamasinoga e le tatau ona noatia i so o se tulafono o tapulaa.

Mataupu 30Uiga tau le mafaufau

1. Seia vagana ai ua aiaia i se isi faiga e ese ai, e tatau ona tuuaia se tagata i se solitulafono ma noatia i le faasalaga mo se solitulafono e aofia i le puleaga faa-faamasinoga a le Faamasinoga pe afai na o vaega ogaoga o le solitulafono ua faia ma le loto i ai faatasi ma lona iloa lelei.
2. Mo faamoemoega o lenei mataupu, ua faia ma le iloa lelei e se tagata pe afai:
 - (a) e tusa ai o le amio, ua manatu lea tagata e auai i le faia;
 - (b) e tusa ai o se taunuuga, ua faia lava ma le iloa e lea tagata lea taunuuga po o ua ia iloa lelei o le a tulai mai i le faasologa masani o mea e tutupu.
3. Mo faamoemoega o lenei mataupu, “iloa” o lona uiga o lona iloa e faapea o le a i ai se tulaga e aliae mai i le taimi nei po o se taunuuga o le a tulai mai i le faasologa masani o mea e tutupu. “Iloa ma le iloa lelei” e tatau ona faauigaina faapena.

Mataupu 31Mafuaaga mo le tuueseaa o aafiaga faasolitulafono

1. I le faaopoopo atu i isi mafuaaga mo le tuueseaa o aafiaga faasolitulafono ua aiaia i totonu o lenei Tulafono, e le tatau i se tagata ona aafia faasolitulafono pe afai, i le taimi na faia ai le amioga a lea tagata:
 - (a) ua mafatia mai se faamai o le mafaufau po o se faaletonu ua faaleagaina ai le gafatia o lea tagata na te taliaina ai le tulaga faasolitulafono po o le uiga moni o lana amio, po o le gafatia e pulea ai e ia lana amio ina ia tausisia ai manaoga o le tulafono;
 - (b) o lo o aafia lenei tagata i le ava malosia ua faaleagaina ai le gafatia na te taliaina ai le tulaga faasolitulafono po o le uiga moni o lana amio, po

o le gafatia e pulea ai lana amio ina ia tausisia ai manaoga o le tulafono, seia vagana ai ua aafia le tagata i le ava malosi i lona lotomalie i lalo o tulaga ua aliae mai e faapea na iloa e le tagata, po o ua ia lē amanaiaiaina le tulaga lamatia, e faapea, o le taunuuga o lona aafia i le ava malosi, e ono mafai ai ona ia auai i le amio o le faia o se solitulafono e aofia i le puleaga faa-faamasinoga a le Faamasinoga;

(c) ua faia e le tagata le gaoioiga talafeagai e puipuia ai ia lava po o se isi tagata po o, i le itu e uiga i solitulafono o taua, meatotino ia e manaomia ina ia mafai ona soifua le tagata po o se isi tagata po o meatotino ia e manaomia e faataunuu ai se osofaiga faa-militeri, e faasaga i le faaaogāina i le taimi lava lea mai le faaaogāina faasolitulafono i se faiga e tutusa ma le tulaga matautia o le lamatiaga i le tagata po o le isi tagata po o meatotino ua puipuia. O le mea moni e faapea sa aafia le tagata i gaoioiga e puipuia ai ua faatinoina e vaegaau, e le tatau ona faapea e ave a o se mafuaaga mo le tuuese a mai i aafiaga faasolitulafono i lalo o lenei faa-parakalafa;

(d) le amioga lea ua tuuaia na mafua ai le faia o se solitulafono e aofia i le puleaga faa-faamasinoga a le Faamasinoga na mafua mai ona o le popole o le mafaufau mai se taufaamatau ua latalata ona fano ai po o le faaauauina po o le latalata ona faaoo ni manuaga tuga i lea tagata po o se isi tagata, ma faia le gaoioiga ua talafeagai i luga o se mafuaaga tatau ina ia aloese mai lenei taufaamatau, pe afai e faapea e le i faamoemoe le tagata e faataunuu se tulaga lamatia e sili atu nai lo le mea e mafai ona alofia. O sea taufaamatau e faapea e mafai ona:

(i) faia e isi tagata; po o

(ii) e mafua mai i isi tulaga e aliae mai e le mafai ona taofia e le malosi o lona tagata.

2. E tatau i le Faamasinoga ona faia le faaiuga pe faaaogā mafuaaga mo le tuueseā mai i aafiaga faasolitulafono ua aiaia i totonu o lenei Tulafono i le mataupu ua i luma o le Faamasinoga.

3. I le valaauina o le faamasinoga, e mafai e le Faamasinoga ona iloilo se mafuaaga mo le tuueseā mai i aafiaga faasolitulafono ia e ese ai mai nai lo ia o lo o faasinomia i le parakalafa 1, pe afai o sea mafuaaga ua mafua mai tulafono talafeagai ua afua mai i tulafono talafeagai ua faatulaga mai i le mataupu 21. O taualumaga e faasino i le iloiloina o sea mafuaaga e tatau ona aiaia i totonu o Tulafono Faafae o Tualumaga ma Faamatalaga Molimau.

Mataupu 32

Mea sese o faamatalaga moni po o mea sese o tulafono

1. O se mea sese o mea moni e faatoa tatau ona avea ma mafuaaga mo le tuueseā mai i aafiaga o faasolitulafono pe afai ua teena uiga tau le mafaufau ua manaomia i le solitulafono.

2. O se mea sese o le tulafono e uiga i se tulaga maoti o amio o se solitulafono lea e aofia i le puleaga faa-faamasinoga a le Faamasinoga e le tatau ona avea ma mafuaaga mo le tuueseā mai i aafiaga faasolitulafono. E mafai i se mea sese o le Tulafono ona avea ma mafuaaga o le tuueseā mai i aafiaga faasolitulafono pe afai ua feteenai ma uiga tau le mafaufau o lo o manaomia e sea solitulafono, po o e pei ona aiaia i le mataupu 33.

Mataupu 33

Poloaiga a ē umia tofi maualuga ma aiaiga faatonuina i tulafono

1. O le mea moni e faapea o se solitulafono ua faia e aofia i le puleaga faa-faamasinoga a le Faamasinoga ua faia e se tagata e tusa ai ma se poloaiga a se Malo po o se tagata e umia se tofi maualuga, pe e militeri po o se tagata lautele o le atunuu, e lē

tatau ona faapea o le a faasaoina ai lea tagata mai aafiaga faasolitulafono ae vagana ai:

- (a) e faapea o le tagata sa i lalo o noataga faaetulafono ina ia usitaia poloaiga a le Malo po o le tagata e umia tofi maualuga o lo o fesiligia;
 - (b) e le i iloaina e le tagata e faapea e solitulafono le poloaiga; ma
 - (c) e le i faailoaina manino mai e faapea e solitulafono le poloaiga.
2. Mo faamoemoega o lenei mataupu, e solitulafono poloaiga e fasiotia ai se vaega toatele o se ituaiga o tagata po o solitulafono e faasaga i tagata soifua.

VAEGA 4. FAATULAGAGA MA LE PULEGA O LE FAAMASINOGA

Mataupu 34 Itutino o le Faamasinoga

E tatau ona aofia i totonu o le Faamasinoga itutino ua taua:

- (a) le Tulaga Peresetene;
- (b) se Vaega mo Talosaga faasaga i Faaiuga a le Faamasinoga, se Vaega o Iloiloga o Mataupu i luma o le Faamasinoga ma se Vaega o Uluai Suesuega;
- (c) le Ofisa o le Faafae Moliaga;
- (d) le Ofisa o Faamaumauga.

Mataupu 35 Auaunaga a Faamasino

1. E tatau i faamasino uma ona filifilia e avea o sui auai o le Faamasinoga ma e tatau ona avanoa e galulue i luga o lea faavae mai le amata faamamaluina o ō latou vaiiami o tofiga.

2. O faamasino o lo o aofia i totonu o le Ofisa o le Peresetene e tatau ona galulue i faiga tumau i le taimi lava lea e filifilia ai.
3. E mafai e le Ofisa o le Peresetene, i luga o le tulaga o lo o faavae ai le galuega a le Faamasinoga ma i le maea ai o faatalanoaga ma ona sui auai, ona faia faaiuga mai lea taimi i lea taimi i le a lava le tulaga e manaomia ai le galulue o faamasino o lo o totoe i luga o faiga tumau. O so o sea faatulagaga e tatau ona aunoa ma le aafia ai o aiaiga o le mataupu 40.
4. O fetuunaiga tau tupe mo faamasino e le o manaomia le galulue i luga o faiga tumau, e tatau ona faia ina ia tusa ai ma le matupu 49.

Mataupu 36

Agavaa, tofia ma le filifiliga o faamasino

1. I le noatia ma le fai fuafua i aiaiga o le parakalafa 2, e tatau ona toasefuluvalu faamasino o le Faamasinoga.
2. (a) e mafai e le Peresetene, i le galue ai e avea ma sui o le Faamasinoga ona fautuaina le siitia o le numera o faamasino ua faamaoti mai i le parakalafa 1, i le faailoa ai o mafuaaga ua tatau ai ma talafeagai ona faia lea fuafuaga. O le Resitara e tatau ona ia faasalalauina so o sea fuafuaga i Atunuu Auai uma;
(b) e tatau ona iloiloina so o sea fautuaga i se fonotaga a le Fono Aoa o Atunuu Auai e usuia e tusa ai o le mataupu 112. E tatau ona faapea ua faaogaina le fautuaga pe afai ua faamaonia i le fonotaga e ala i se palota o le lua vae tolu o sui usufono o le Fono Aoa o Atunuu Auai ma e tatau ona faamalosia i se taimi e pei ona fuafuaina e le Fono Aoa o Atunuu Auai;

- (c) (i) o le taimi lava e faaaogā ai se fautuaga mo le siitia o le numera o faamasino i lalo o le faa-parakalafa (b), o le filifiliga o faamasino faaopoopo e tatau ona faatino i le tauaofiaga e sosoo ai a le Fono Aoao o Atunuu Auai e tusa ai o parakalafa 3 e oo i le 8, ma le mataupu 37, parakalafa 2;
- (ii) o le taimi lava e faaaogā ai ma faamalosia se fautuaga mo le siitia o le numera o faamasino i lalo o faa-parakalafa (b) ma le (c)(i), e tatau ona avanoa i le tofi Peresetene i so o se taimi mulimuli ane, pe afai e faamaonia galuega fai a le Faamasinoga, ina ia fautuaina se faaitiitiga i le numera o faamasino, ae vagana ai e faapea o le numera o faamasino e le tatau ona faaitiitia i lalo ifo nai lo le fuainumera ua faamaoti mai i le parakalafa 1. E tatau ona tagofia le fautuaga e tusa ai o faagasologa masani ua faatulagaina i faa-parakalafa (a) ma le (b). Afai ua faaaogāina le fautuaga, e tatau ona matua faaitiitia le numera o faamasino a o faagasolo le vaitaimi e muta le galulue o faamasino o i ai, seia vagana ai ua ausia le numera talafeagai.
3. (a) e tatau ona filifilia faamasino mai tagata e uiga faamaoni, e le faaituau ma faatuatuaina o ia lea e i ai agavaa manaomia e o latou atunuu mo le tofia i tofiga maualuga faa-faamasinoga.
- (b) e tatau i sui faatutu taitoatasi uma mo le filifiliga i le Faamasinoga ona:
- (i) i ai agavaa i tulafono e faatatau i solitulafono ma taualumaga masani, faapea le poto masani talafeagai e fesootai i ai, i le tulaga o ia o se faamasino, o le Faafoe Moliaga, se sui lagolago po o i isi tulaga

faapena, i totonu o taualumaga tau solitulafono; po o

(ii) e i ai ona agavaa i vaega talafeagai o tulafono faava o malo e pei o tulafono faava o malo e faatatau i tagata soifua ma tulafono o aia tatau a tagata soifua, ma potu masani lautele i le tulafono, o tomai faapitoa faaletulafono lea e fesootai i galuega faafaamasinoga a le Faamasinoga;

- (c) o sui faatutu taitoatasi uma mo le filifilia i le Faamasinoga e tatau ona malamalama lelei i ma ia atamai i gagana a itiiti mai o le tasi o galuega a le Faamasinoga.
4. (a) e mafai ona faia filifiliga o sui faatutu mo le Faamasinoga e so o se Atunuu Auai i lenei Tulafono, ma e tatau ona faia e ala i le:
- (i) taualumaga mo le filifilia o sui faatu e tofia i tulaga tofi maualuga o le Faamasinoga i Atunuu o lo o fesiligia;
- (ii) i le faia o taualumaga ua aiaia mo le filifilia o sui faatutu mo le Faamasinoga Faava o Malo o Faaiuga Amiotonu o lo o i le Tulafono a lena Faamasinoga.

E tatau i filifiliga ona tuuina atu faatasi ma se faamatalaga e uiga i auiliiliga tatau e faamaoti mai ai pe faapefea ona faamalieina e le sui faatu manaoga o le parakalafa 3:

- (b) e mafai e Atunuu Auai taitasi uma ona filifilia se sui faatu e toatasi mo so o se faiga filifiliga o ia lea e le tatau ona faapea o se tagatanuu o lena Atunuu Auai ae e tatau i so o se tulaga ona avea o se tagatanuu o se Atunuu Auai.
- (c) e mafai e le Fono Aoa o Atunuu Auai ona faia se faaiuga e faavae ai, pe afai e talafeagai ai, se Komiti Faufautua mo le faiga o filifiliga. I lea tulaga, o sui auai o le Komiti faapea lana pule

faataga e tatau ona faavaeina e le Fono Aoa o Atunuu Auai.

5. Mo faamoemoega o le faiga filifiliga, e tatau ona lua lisi o le faasologa o igoa o sui faatutu:

O le Lisi A e i ai igoa o sui faatutu ia e i ai agavaa ua faamaoti mai i totonu o le parakalafa 3(b)(i); ma

O le Lisi B e i ai igoa o sui faatutu ia e i ai agavaa ua faamaoti mai i totonu o le parakalafa 3(b)(ii).

O se sui faatu e atoatoa ona agavaa mo lisi uma e lua e mafai ona ia filifili po o le fea o lisi ia e tuu i ai lona igoa. I le faiga filifiliga muamua mo le Faamasinoga a itiiti mai e tatau ona toaiva faamasino e filifilia mai le lisi A ma a itiiti mai e toalima faamasino mai le lisi B. E tatau ona tapena faiga filifiliga e sosoo ai ina ia faatumauina pea le vaega tutusa o faamasino ua agavaa i lisi e lua mo le Faamasinoga.

6. (a) e tatau ona filifilia faamasino e ala i palota faalilolilo i se fonotaga e usuia a le Fono Aoa o Atunuu Auai mo lona faamoemoe i lalo o le mataupu 112. I le noatia ma le fai fuafua i le parakalafa 7, o tagata ua filifilia i le Faamasinoga e tatau ona 18 sui faatutu o i latou ia ua mauaina le numera aupito tele o palota faapea le lua vae tolu o Atunuu Auai o lo o auai ma palota.

(b) i le tulaga e faapea e lei lava le numera o faamasino ua filifilia i le palota muamua, e tatau ona faia palota e sosoo ai e tusa ai o taualumaga ua faatulaga i totonu o le faa-parakalafa (a) seia faatumu avanoa o lo o totoe.

7. E le mafai ona toalua ni faamasino pe afai o ni tagatanuu o se Atunuu e tasi. O se tagata o ia lea, mo faamoemoega o le avea ma sui auai o le Faamasinoga, e mafai ona faavasegaina o se tagatanuu o ni Atunuu e sili atu i le tasi, e tatau ona avea e

faapea o se tagata nuu o le Atunuu lea e masani ona faatino ai ana aia tatau faaupufai ma tau i le va o tagata.

8. (a) e tatau i Atunuu Auai, i le filifiliga o faamasino, ona amanaia le manaoga, e tusa ai o le avea ma sui auai o le Faamasinoga, mo le:
 - (i) avea ai ma sui mo faiga autu faaletulafono a le lalolagi;
 - (ii) tutusa ai o sui auai o vaega o le lalolagi;
 - (iii) sagatonu o le aofai o sui o tamaitai ma alii faamasino.
 - (b) e tatau foi i Atunuu Auai ona amanaia le manaoga o le aofia ai o faamasino e i ai tomai faapitoa faaletulafono i mataupu faapitoa, e aofia ai, ae le faatapulaaina i faiga faatupu vevesi e faasaga i tamaitai po o tamaiti.
9. (a) i le noatia ma le fai fuafua i le faa-parakalafa (c), e tatau ona umia e faamasino ni tofiga mo se vaitaimi e iva tausaga, ma i le noatia i le faa-parakalafa (c) m le mataupu 37, parakalafa 2, e le tatau ona agavaa mo le toe filifilia;
 - (b) i le faiga filifiliga muamua, o le tasi o vaetolu o faamasino ua filifilia e tatau ona filifilia toatele e galulue mo se umi e tolu tausaga; o le tasi vae tolu o faamasino ua filifilia e tatau ona filifilia toatele e galulue mo se vaitaimi e ono tausaga; a o faamasino o totoe e tatau ona galulue mo se vaitaimi e iva tausaga;
 - (c) o se faamasino o ia lea ua filifilia e galue mo se vaitaimi e tolu tausaga i lalo o le faa-parakalafa (b) e tatau ona agavaa mo le toe filifilia mo se vaitaimi tumau.
10. E ui lava i le parakalafa 9, o se faamasino ua atofaina i se Faamasinoga po o le Nofoga o Faamasinoga o Talosaga e tusa ai o le mataupu 39, e tatau ona faaauau pea le tofiga ina ia

faamaea le fofogaina o so o se faamasinoga po o talosaga toe iloilo lea ua uma ona i luma o lena Potu Faamasino.

Mataupu 37

Avanoa faigaluega o Faamasino

1. I le tulaga o le i ai o se avanoa faigaluega, e tatau ona faia se faiga filifiliga e tusa ai o le mataupu 36 e faatumu ai le avanoa.
2. E tatau i se faamasino ua filifilia e faatumu se avanoa faigaluega ona galue mo le taimi o totoe o Lē sa galue muamua ma, afai o lena vaitaimi e tolu tausaga pe itiiti ifo, e tatau ona agavaa mo le toe filifilia mo se vaitaimi atoa o le galuega i lalo o le mataupu 36.

Mataupu 38

O le Tulaga Peresetene

1. O le Peresetene ma Sui Peresetene Muamua ma le Lona Lua e tatau ona filifilia e se vaega fulisia o faamasino. E tatau ia i latou taitoatasi ona galulue mo se vaitaimi e tolu tausaga po o seiloga e uma lo latou taimi i le tofi faamasino po o le fea lava e muamua muta lona aogā. E tatau ona agavaa i latou mo le toe filifilia mo se taimi e tasi.
2. O le Sui Peresetene Muamua e tatau ona galue e sui i le Peresetene pe afai ua le avanoa le Peresetene po o ua faalēaogāina lona agavaa. O le Sui Peresetene lona lua e galue e sui i le Peresetene pe afai ua le avanoa uma le Peresetene ma le Sui Peresetene Muamua po o ua faalēaogāina o laua agavaa.
3. O le Peresetene, faatasi ma le Sui Peresetene Muamua ma le lona lua, e tatau ona faavae ai le ofisa o le Peresetene, lea e tatau ona nafa mo le:
 - (a) pulega lelei o le Faamasinoga, vagana ai le ofisa o le Faafoe Moliaga; ma

(b) isi galuega tauave ua faaee atu i ai e tusa ai o lenei Tulafono.

4. I le faataunuaina o ana matafaioi i lalo o le parakalafa 3(a), e tatau i le ofisa o le peresetene ona tuufaatasia ma sailia le maliega o le Faafoe Moliaga i mataupu uma e aafia ai itu e lua.

Mataupu 39

Vaega o le faamasinoga

1. O le taimi lava e maea ai le filifiliga o faamasino, e tatau i le Faamasinoga ona faatulaga ia lava i vaega ua faamaoti mai i totonu o le mataupu 34, i le parakalafa (b). O le Vaega mo Talosaga faasaga i Faaiuga a le Faamasinoga e tatau ona aofia ai le Peresetene ma isi faamasino e toafa, le Vaega o Iloiloga o Mataupu i luma o le Faamasinoga e le itiiti ifo i le toaono faamasino faapea le Vaega o Uluai Suesuega e le itiiti ifo i le toaono faamasino. O le tofia o faamasino i vaega eseese e tatau ona faavae i luga o le natura o galuega tauave o le a faatinoina e vaega taitasi faapea agavaa ma poto masani o faamasino ua filifilia i le Faamasinoga, i se auala e tatau ai i vaega taitasi ona maua se tuufaatasiga talafeagai o tomai faapitoa i tulafono tau solitulafono ma taualumaga ma i tulafono faava o malo. E tatau i le Vaega o Iloiloga ma le Vaega o Uluai Suesuega ona aofia ai le toatele o faamasino e i ai poto masani e faasino i faamasinoga tau solitulafono:

(a) o galuega tauave faa-faamasino a le Faamasinoga e tatau ona tauaveina e vaega taitasi o Faamasino;

(b) (i) o Vaega o le Faamasinoga mo Talosaga faasaga i Faaiuga a le Faamasinoga e tatau ona aofia ai faamasino uma o le Vaega mo Talosaga faasaga i Faaiuga a le Faamasinoga:

(ii) o galuega tauave a le Vaega o le Faamasinoga o Iloiloga o Mataupu i luma o le Faamasinoga e tatau ona tauaveina e faamasino e toatolu o le Vaega o Iloiloga o Mataupu i luma o le Faamasinoga;

(iii) o galuega tauave a le Vaega o le Faamasinoga o Uluai Suesuega e tatau ona tauaveina e ni faamasino e toatolu o le Vaega o Uluai Suesuega po o e se faamasino e toatasi o lena vaega e tusa ai o lenei Tulafono ma Tulafono Faafoe o Taulumaga ma Faamatalaga Molimau;

- (c) e leai se mea i totonu o lenei parakalafa e tatau ai ona taofia le faavaeina o se Vaega o le Faamasinoga o Uluai Suesuega ia sili atu nai lo le tasi pe afai ua faapena ona manaomia mo le faafoeina lelei o galuega a le Faamasinoga.
3. (a) o faamasino ua lautogia mo Vaega o Iloiloga o Mataupu i luma o le Faamasinoga ma Vaega o Uluai Suesuega e tatau ona galulue i ia vaega mo se vaitaimi e tolu tausaga, ma isi taimi mulimuli ane se i vagana ua maea so o se faamasinoga lea ua amata fofogaina i le vaega e faasino i ai;
- (b) o faamasino ua lautogia i le Vaega mo Talosaga faasaga i Faaiuga a le Faamasinoga e tatau ona galulue i lena vaega mo le taimi atoa i le tofi.
4. O faamasino ua lautogia mo le Vaega mo Talosaga faasaga i Faaiuga a le Faamasinoga e tatau ona galulue na o le vaega lava lena. E leai se mea i totonu o lenei mataupu e tatau ai, ona taofia le galulue lē tumau o faamasino mai le Vaega o Iloiloga o Mataupu i luma o le Faamasinoga i le Vaega o Uluai Suesuega po o le fesui ai faapena, pe afai ua manatu le ofisa o le Peresetene ua manaomia mo le faafoeina lelei o galuega a le Faamasinoga, ae vagana ai e faapea e leai se tulaga alia e tatau ai i se faamasino o ia lea sa auai i se uluai suesuega o laasaga o se mataupu ona agavaa e avea ma faamasino o se Vaega o le Faamasinoga o Iloiloga o Mataupu i luma o le Faamasinoga ua fofogaina.

Mataupu 40Tulaga tutoatasi o faamasino

1. E tatau i faamasino ona tutoatasi i le faatinoga o a latou galuega tauave.
2. E le tatau i Faamasino ona auai i so o se gaoioiga e ono faalavelaveina ai a latou galuega tauave faa-faamasino po o e aafia ai le talitonuina o lo latou tulaga tutoatasi.
3. O Faamasino ua faamaonia e galulue tumau i le nofoa o le Faamasinoga e lē tatau ona auai i so o se isi galuega o tomai faapitoa.
4. So o se fesili e faatatau i le faaaogāina o parakalafa 2 ma le 3 e tatau ona faia i ai se faaiuga e se vaega fulisia o faamasino. Afai o so o sea fesili e aafia ai se faamasino e toatasi, e le tatau i lena faamasino ona auai i le faia o le faaiuga.

Mataupu 41Faamatuu ese ma le faalēaogāina o agavaa o faamasino

1. E mafai e le ofisa o le Peresetene, i luga o se talosaga a se faamasino, ona faamatuuese lena faamasino mai le faatinoina o se galuega tauave i lalo o lenei Tulafono, e tusa ai o Tulafono Faafoe o Tualumaga ma Faamatalaga Molimau.
2. (a) e le tatau i se faamasino ona auai i so o se mataupu lea e ono fesiligia ai lona le faaituau i luga o so o se mafuaaga. E tatau ona faalēaogāina lona agavaa mai se mataupu e tusa ai o lenei parakalafa pe afai, i luga o isi mea, e faapea o lena faamasino sa aafia ai muamua i luga o so o se tulaga i lena mataupu i luma o le Faamasinoga po o i se mataupu e faasino i solitulafono i totonu lava o le atunuu ua aofia ai le tagata lava lea ua suesueina po o ua molia. E tatau foi ona faalēaogāina le agavaa o se faamsaino i luga o isi

lava mafuaaga e pei ona aiaia i Tulafono Faafoe o Taulumaga ma Faamatalaga Molimau.

- (b) o Faafoe Moliaga po o le tagata ua suesueina po o ua molia e mafai ona talosagaina le faalēaogāina o le agavaa o se faamasino i lalo o lenei parakalafa;
- (c) so o se fesili e uiga i le faalēaogāina o le agavaa o se faamasino e tatau ona faia i ai se faaiuga e se vaega aupito tele aiai o faamasino. O le faamasino ua fesiligia e tatau ona agavaa e tuuina atu ni ona manatu e uiga i le mataupu, ae le tatau ona auai i le faia o le faaiuga.

Mataupu 42

O le Ofisa o le Faafoe Moliaga

1. O le Ofisa o le Faafoe Moliaga e tatau ona galue tutoatasi e avea o se lala e ese mai o le Faamasinoga. E nafa o ia ma le taliaina o mataupu e tuuina atu ma so o se faamatalaga faamaonia e uiga i solitulafono e aafia i le puleaga faa-faamasinoga a le Faamasinoga, mo le suesueina o ia mea ma mo le faatinoga o suesuega ma moliaga i luma o le Faamasinoga. E le tatau i se sui o le Ofisa ona saili atu pe galue i luga o ni faatonuga mai so o se tagata i fafo atu.
2. O le Ofisa e tatau ona faauluulu i ai le Faafoe Moliaga. E tatau i le Faafoe Moliaga ona i ai le pule faataga atoatoa i le faafoeina ma le pulega o le Ofisa, e aafia ai le aufaigaluega, nofoaga ma fale ma isi alaoa o i ai. E tatau ona fesoasoani i le Faafoe Moliaga se sui e toatasi pe sili atu o Faafoe Moliaga o ia lea e tatau ona agavaa e tauaveina so o se galuega e manaomia ai le Faafoe Moliaga i lalo o lenei Tulafono. E tatau ona esese tagatanuu o le Faafoe Moliaga ma lona Sui. E tatau ona galulue i luga o faiga tumau.
3. E tatau i le Faafoe Moliaga ma ona sui ona i ai uiga faamaoni, agavaa i ma tele le poto masani e faatino ai galuega i le faia o moliaga po o faamasinoga o mataupu tau solitulafono. E tatau ona malamalama lelei i ma ia atamai e tautala i se

gagana a itiiti mai o le tasi o lo o faia ai galuega a le Faamasinoga.

4. E tatau ona filifilia le Faafoe Moliaga e ala i se palota faalilolilo a se vaega aupito tele aia i o sui usufono o le Fono Aoa o Atunuu Auai. E tatau ona filifilia Sui Faafoe Moliaga i le faiga lava lea e tasi mai se lisi o sui faatutu e tuuina atu e le Faafoe Moliaga. E tatau i le Faafoe Moliaga ona filifili ni sui faatutu e toatolu mo avanoa faigaluega taitasi o Sui Faafoe Moliaga ia e tatau ona faatumu. Ae vagana ai ua fuafua se vaitaimi puupuu i le taimi o lo o latou filifilia, e tatau i le Faafoe Moliaga ma ona sui ona umia tofi mo se vaitaimi e iva tausaga ma e le tatau ona agavaa mo le toe filifilia.

5. E lē tatau i le Faafoe Moliaga po o lona sui ona auai i so o se gaioiga e ono faalavelaveina ai ana galuega tauave tau le faia o moliaga po o e aafia ai le talitonuina o lona tulaga tutoatasi. E lē tatau ia i latou ona auai i so o se isi galuega o tomai faapitoa.

6. E mafai e le ofisa o le Peresetene ona faamatuu ese le Faafoe Moliaga po o lona sui, i luga o sana talosaga, mai le galue ai i se mataupu maoti.

7. E lē tatau i le Faafoe Moliaga po o lona sui ona auai i so o se mataupu e masalomia ai lo latou tulaga le faaituau i luga o so o se mafuaaga. E tatau ona faalēaogāina lo latou agavaa mai se mataupu e tusa ai o lenei parakalafa pe afai, i luga o isi mea, sa aafia muamua i luga o so o se tulaga i lena mataupu i luma o le Faamasinoga po o i se mataupu tau solitulafono e fesootai i ai i totonu lava o le atunuu e aafia ai le tagata sa suesueina po o sa molia.

8. So o se fesili e uiga i le faalēaogāina o le agavaa o le Faafoe Moliaga po o lona sui e tatau ona faia i ai se faaiuga e le Faamasinoga o Talosaga.

- (a) e mafai e le tagata sa suesueina e sa molia i so o se taimi ona talosagaina le faalēaogāina o le agavaa o le Faafoe Moliaga po o lona sui i luga o mafuaaga ua faatulaga mai i totonu o lenei mataupu;
 - (b) e tatau i le Faafoe Moliaga po o lona sui ona agavaa e tuuina atu ona manatu e uiga i le mataupu, e pei ona talafeagai ai;
9. E tatau i le Faafoe Moliaga ona tofia ni faufautua e i ai tomā faapitoa faaletulafono i mataupu maoti, e aofia ai, ae le faatapulaaina i sauaga tau Kenera ma sauaga e faasaga i tamaiti.

Mataupu 43

O le Ofisa o Faamaumauga

1. O le Ofisa o Faamaumauga e tatau ona nafa ma vaega e le aafia ai tulaga faa-faamasinoga o le pulega ma le tautuaina o le Faamasinoga, e aunoa ma le afaina o galuega tauave ma malosiaga o le Faafoe Moliaga e tusa ai o le mataupu 42.
2. O le ofisa o Faamaumauga e tatau ona faauluulu i ai le Resitara, o Ia lea e tatau ona avea ma tagata ofisa autu tau Pulega o le Faamasinoga. E tatau i le Resitara ona faatino ana galuega tauave i lalo o le pule faataga a le Peresetene o le Faamasinoga.
3. O le Resitara ma le Sui Resitara e tatau ona faapea o ni tagata faamaoni, maualuga le agavaa ma tele le malamalama i ma atamai i gagana a itiiti mai o le tasi, o lo o faaogā i galuega a le Faamasinoga.
4. E tatau i faamasino ona filifili le Resitara e ala i se vaega aupito tele aiai i le faia o se palota faalilolilo, ma lē amanaia ai o so o se fautuaga a le Fono Aoa o Atunuu Auai. Afai e tulai mai le manaoga ma i luga o le fautuaga a le Resitara, e tatau i faamasino ona filifilia se Sui Resitara, i le faiga lava lea e tasi.

5. E tatau ona umia e le Resitara le tofiga mo se vai taimi e lima tausaga, e tatau foi ona agavaa mo le toe filifilia mo se taimi e tasi ma e tatau ona galue tumau. E tatau i le Sui Resitara ona umia le tofiga mo le lima tausaga po o se taimi e lē atoa se lima tausaga e pei ona faia i ai se faaiuga e se vaega aupito tele aiai o faamasino, ma e mafai ona filifilia i luga o le mafuaaga e faapea e tatau ona tǎpǎ le Sui Resitara e galue e pei ona manaomia.

6. E tatau i le Resitara ona faavae se Vaega o Tagata ua afaina ma Tagata molimau i totonu o le ofisa o Faamaumauga. O lenei Vaega e tatau ona saunia i le maea ai ona feutagai ma le ofisa o le Faafoe Moliaga, faiga e puipuia ai ma fetuunaiga o puipuigamalu, talanoaga faa-faufautua ma isi fesoasoani talafeagai mo tagata molimau, tagata ua afaina ia e tulai i luma o le Faamasinoga, ma isi o lo o feagai ma lamatiaga e tusa ai o faamatalaga molimau sa tuuina atu e ia tagata molimau. O lenei Vaega e tatau ona aofia ai le afaigaluega e i ai poto masani i faafitauli tau le mafaufau, e aofia ai faafitauli ia e fesootai i solitulafono ma sauaga tau feusuaiga.

Mataupu 44 Aufaigaluega

1. E tatau i le Faafoe Moliaga ma le Resitara ona tofia se tagata faigaluega agavaa e pei ona manaomia mo o latou ofisa. I le tulaga o le Faafoe Moliaga, e tatau ona aofia ai i lenei Vaega le tofiaina o ni tagata.

2. I le faafaigaluegaina o tagata faigaluega, e tatau i le Faafoe Moliaga ma le Resitara ona faamautu tulaga faataatitia aupito maualuluga o le atoatoa, agavaa ma le faatuatuaina, ma e tatau ona amanaia, faatasi ma suiga talafeagai, taiala faataatitia ua faatulaga i totonu o le mataupu 36, parakalafa 8.

3. E tatau i le Resitara, i luga o le maliega a le ofisa o le Peresetene ma le Faafoe Moliaga, ona fautuaina Tulafono Faatonutonu ma le Aufaigaluega lea e aofia ai tuutuuga ma

aiaiga lea e tatau ona tofia ai le aufaigaluega a le Faamasinoga, totogi ma le faateaina. O Tulafono Faatonutonu mo le Aufaigaluega e tatau ona faamaonia e le Fona Aoao o Atunuu Auai.

4. E mafai e le Faamasinoga, e tusa ai o tulaga tuusaunoa, ona faafaigaluega se tagata tomai faapitoa e aunoa ma se totogi e ofoina mai e Atunuu Auai, faalapopotoga i le va o malo po o faalapopotoga tumaoti e fesoasoani i galuega a so o se lala o le Faamasinoga. E mafai e le Faafoe Moliaga ona talia so o se ofo e avea ia ma sui o le Ofisa o le Faafoe Moliaga. O sea tagata galue fua e tatau ona faafaigaluegaina e tusa ai o taiala o le a faavaeina e le Fono Aoao o Atunuu Auai.

Mataupu 45
Tautoga aloaia

A o lumanai ai le faatinoina o latou tiute tauave i lalo o lenei Tulafono, e tatau i faamasino, o le Faafoe Moliaga, le Resitara ma le Sui Resitara ona faia se tautoga aloaia i le potu faamasinoga ina ia faatino ai ana galuega tauave i le tulaga e lē faaituau ma le mataalia.

Mataupu 46
Aveesea mai le tofiga

1. E tatau ona aveesea se Faamasino, le Faafoe Moliaga, sona sui, le Resitara po o le Sui Resitara mai le tofi pe afai ua faia se faaiuga e tusa ai ma le parakalafa 2, i tulaga pe afai o lea tagata:

- (a) na maua ua ia faia se amioga sese matuia po o ua ia solia i se tulaga matuia ona tiute tauave i lalo o lenei Tulafono, e pei ona aiaia ai i totonu o le Tulafono Faafoe o Taulumaga ma Faamatalaga Molimau; po o
- (b) ua ia le mafai ona faatino galuega tauave e manaomia e lenei Tulafono.

2. E tatau ona faia se faaiuga i le aveesea mai le tofiga o se faamasino, le Faafae Moliaga po o sona sui, e le Fono Aoao o Atunuu Auai, e ala i se palota faalilolilo:

- (a) i le tulaga o se faamasino, e se aofaiga aupito i toatele e lua vae tolu o Atunuu Auai i luga o se fautuaga ua faaogāina e se vaega aupito i toatele e lua vae tolu o isi faamasino;
- (b) i le tulaga o le Faafae Moliaga, i se aofaiga aupito i toatele aiai o Atunuu Auai;
- (c) i le tulaga o se Sui Faafae Moliaga, i se aofaiga aupito toatele aiai o Atunuu Auai i luga o le fautuaga a le Faafae Moliaga.

3. E tatau ona faia se faaiuga e ala i se aofaiga aupito toatele aiai o faamasino i le aveesea mai le tofi i le Resitara po o le Sui Resitara.

4. O se faamasino, le Faafae Moliaga, le Sui Faafae Moliaga, le Resitara po o le Sui Resitara o lana amio po o le mafai ona faatino galuega tauave o le tofi e pei ona manaomia e ala i lenei Tulafono ua fesiligia i lalo o lenei mataupu, e tatau ona i ai le avanoa atoa e tuuina atu ai ma talia faamatalaga molimau ma faia talosaga ina ia tusa ai ma Tulafono Faafae o Taulumaga ma Faamatalaga Molimau. E lē tatau i le tagata o lo o fesiligia ona auai i se isi faiga e ese ai i le iloiloga o le mataupu.

Mataupu 47
Faiga e faatonu ai amio

O se faamasino, le Faafae Moliaga po o lona sui, le Resitara po o le sui Resitara o Ia lea ua ia faia se amio sese e itiiti ifo teisi lona matuia na i lo le amio o lo o faatulaga mai i totonu o le mataupu 46, parakalafa 1, e tatau ona noatia i faiga e faatonu ai amio e tusa ai ma Tulafono Faafae o Taulumaga ma Faamatalaga Molimau.

Mataupu 48Tulaga Aloaia ma Puipuiga mausali

1. E tatau i le Faamasino ona faaaogā i totonu o le teritori o Atunuu Auai taitasi tulaga aloaia ma puipuiga mausali ia e pei ona talafeagai ai mo le faataunuaina o ona faamoemoega.
2. E tatau i faamasino, le Faafoe Moliaga, o ona sui ma le Resitara, pe afai o lo o galue po o e tusa ai i le galuega a le Faamasinoga, ona faaaogā ia lava tulaga aloaia ma puipuiga mausali e pei ona faatatauina i taitai o savali tau le va o malo ma e tatau, ina ua tuanai ai le faamutaina o o latou vaitaimi i tofi ona faaaauu pea ona faatatauina i ai puipuiga mausali mai taulumaga faaletulafono o ituaiga uma taitasi e tusa ai o upu e tautala ai po o e tusitusia ma gaioiga ua faatino e i latou i o latou tulaga aloaia.
3. E tatau i le Sui Resitara, le aufaigaluega o le Ofisa o le Faafoe Moliaga ma le aufaigaluega a le Ofisa o Faamaumauga ona faaaogāina tulaga aloaia ma puipuiga mausali ma nofoaga ma fale ua alagatau mo le faatinoina o a latou galuega tauave, ina ia tusa ai ma le maliega i luga o tulaga aloaia ma puipuiga mausali a le Faamasinoga.
4. O loia, tagata tomai fapitoa, tagata molimau po o so o se isi tagata e manaomia ona auai i le nofoaga autu o le Faamasinoga, e tatau ona faatatauina i ai ia faiga e pei ona talafeagai mo le faagaioiga lelei o galuega a le Faamasinoga ina ia tusa ai ma le maliega i luga o tulaga aloaia ma puipuiga mausali a le Faamasinoga.
5. O tulaga aloaia ma puipuiga mausali o:
 - (a) se faamasino po o le Faafoe Moliaga, e mafai ona tuusaunua e ala i se aofaiga aupito i toatele aiai o faamasino;
 - (b) se Resitara e mafai ona tuusaunua e le Peresetene;

- (c) se Sui o le Faafae Moliaga ma le aufaigaluega o le Ofisa o le Faafae Moliaga e mafai ona tuusaunoa e le Faafae Moliaga;
- (d) se Sui Resitara ma le aufaigaluega o le Ofisa o Faamaumauga e mafai ona tuusaunoa e le Resitara.

Mataupu 49

O totogi, alauni ma tupe faaalu

O faamasino, o le Faafae Moliaga, o Sui Faafae Moliaga, le Resitara ma le Sui Resitara, e tatau ona maua totogi, alauni ma tupe faaalu ia e pei ona faia i ai le faaiuga a le Fono Aoa o Atunuu Auai. O ia totogi ma alauni e le tatau ona faaitiitia a o faagasolo lo latou vaitaimi i tofi.

Mataupu 50

O Gagana aloaia ma gagana tau galuega

1. O gagana aloaia e tatau ona faaaogā e le faamasinoga o le gagana Arapi, gagana Saina, gagana Peretania, gagana Farani, gagana Rusia ma le gagana Sepania. O faaiuga a le Faamasinoga e pei foi o isi faaiuga e faaiugafonoina ai mataupu taua i luma o le Faamasinoga, e tatau ona lomua faasalalau i gagana aloaia. E tatau i le Peresetene, ina ia tusa ai ma taiala faavae ua faavaeina e Tulafono Faafae o Tualumaga ma Faamatalaga Molimau, ona faafaeina po o le fea faaiuga e mafai ona iloiloaina e faaiugafonoina ai matupu taua mo faamoemoega o lenei mataupu.
2. O gagana tau galuega e tatau ona faaaogā o le gagana Peretania ma le gagana Farani. O Tulafono Faafae o Tualumaga ma Faamatalaga Molimau e tatau ona fuafuaina ai mataupu ia e mafai ona faaaogāina ai isi gagana aloaia e ave a gagana tau galuega.
3. I le talosaga o so o se vaega o se tualumaga po o se Atunuu ua faatagaina ai ona faalavelave i se tualumaga, e tatau

i le Faamasinoga ona faataga se gagana e ese mai i le gagana Peretania po o le gagana Farani ina ia faaaogā e sea vaega po o Atunuu, ae vagana ai e faapea, a manatu le Faamasinoga o sea faatagaga e tatau ona faamaonia atoatoa.

Mataupu 51

Tulafono Faafoe o Taulumaga ma Faamatalaga Molimau

1. E tatau ona amata faamamaluina Tulafono Faafoe o Taulumaga ma Faamatalaga Molimau i luga o le faaaogāina o le lua vae tolu o le aofaiga aupito i toatele o ni sui usufono o le Fono Aoao a Atunuu Auai.

2. E mafai ona fuafuaina teuteuga i Tulafono Faafoe ma Faamatalaga Molimau e ala i:

- (a) so o se Atunuu Auai;
- (b) faamasino o lo o galulue e ala i se aofaiga aupito i toatele aiai; po o
- (c) o le Faafoe Moliaga.

E tatau ona amata faamamaluina nei teuteuga i luga o le faaaogāina o le lua vae tolu o le aofaiga aupito i toatele o sui usufono o le Fono Aoao o Atunuu Auai.

3. I le tuanai ai o le faaaogāina o Tulafono Faafoe o Taulumaga ma Faamatalaga Molimau, i mataupu faanatinati ia e le o aiaia ai e Tulafono faafoe se tulaga maoti i luma o le Faamasinoga, e mafai e faamasino, e ala i le lua vae tolu o le aofaiga aupito toatele, ona tusia Tulafono Faafoe lē tumau ina ia faaaogā, seia vagana ua talia le faaaogāina, teuteuina, pe teena i le isi tauaofiaga masani pe faapitoa e sosoo ai a le Fono Aoao o Atunuu Auai.

4. E tatau ona ogatasi Tulafono Faafoe o Taulumaga ma Faamatalaga Molimau, o teuteuga i ia tulafono ma so o se Tulafono Faafoe lē tumau, ma lenei Tulafono. E lē tatau ona faaaogā teuteuga i Tulafono Faafoe o Taulumaga ma Faamatalaga Molimau faapea foi ma Tulafono faafoe lē tumau e

lē tatau ona faaaogāina mai le taimi tuanai ina ia aafia ai le tagata lea ua suesueina po o ua moliaina po o ua faamaonia faaetulafono le solitulafono.

5. Afai e tulai mai se feteenaiga i le va o le Tulafono ma Tulafono Faafoe o Tualumaga ma Faamatalaga Molimau, e tatau ona tumau pea le faaaogāina o le Tulafono.

Mataupu 52

Tulafono faatonutonu a le Faamasinoga

1. E tatau i faamasino, e tusa ai ma lenei Tulafono ma Tulafono Faafoe o Tualumaga ma Faamatalaga Molimau ona faaaogā, e se vaega aupito toatele aiai, Tulafono Faatonutonu a le Faamasinoga ua talafeagai ma ana galuega tauave masani.

2. E tatau ona faatalatalanoa i le Faafoe Moliaga ma le Resitara i le faamalamalamaina auiliili o Tulafono faatonutonu ma so o se teuteuga o ia tulafono.

3. E tatau ona amata faamamaluina Tulafono Faatonutonu ma so o se teuteuga o ia tulafono pe afai ua faaaogāina seia vagana ai ua faia i ai se faaiuga a faamasino i se isi faiga e ese ai. I le taimi lava lea e faaaogāina ai ia tulafono, e tatau ona faasalalauina i Atunuu Auai mo ni manatu faaalua. Afai e leai ni tetee e faaalua i totonu o le ono masina mai se vaega aupito i toatele o Atunuu Auai, e tatau ona tumau pea lo latou faamamaluina.

VAEGA 5. SUESUEGA MA MOLIAGA

Mataupu 53

Amataga o se Suesuega

1. E tatau i le Faafoe Moliaga ina ua maea ona iloiloina le faamatalaga ua faaavanoa atu ia te ia, ona amatalia se suesuega seia vagana ai ua ia fuafuaina e faapea e leai se tulaga talafeagai e faagasolo ai i lalo o lenei Tulafono. I le fai ai o se faaiuga pe

tatau ona amata se suesuega, e tatau i le Faafoe Moliaga ona iloilo pe:

- (a) o le faamatalaga ua maua e le Faafoe Moliaga ua tuuina mai ai se tulaga talafeagai e talitonuina o se solitulafono i totonu o le pulega faa-faamasinoga a le Faamasinoga ua uma po o ua faia;
- (b) o le mataupu ua po o le a taliaina i lalo o le mataupu 17, ma
- (c) amanaia ai le mamafa o le solitulafono ma aia a tagata ua afaina, e ui lava o lo o i ai ni mafuaaga ua faavaeina e talitonu ai e faapea o le a lē mafai e lea suesuega ona faamalieina ai manaoga o le faamasinoga tonu.

Afai ua fuafuaina e le Faafoe Moliaga e faapea e leai se faavae talafeagai e faagasolo ai ma o lana faaiuga e faavae maoti lava i le faa-parakalafa (c) o lo o taua i luga, e tatau ona ia logoina le Vaega o le Faamasinoga o Uluai Suesuega.

2. Afai i luga o se suesuega, ua faia se faaiuga e le Faafoe Moliaga e faapea e le o atoatoa le tulaga o faia ai se moliaga ona:

- (a) e le o atoatoa tulaga faaletulafono po o faamatalaga moni e talosaga ai mo se tusi poloaiga po o se tusi samania i lalo o le mataupu 58;
- (b) e le taliaina le mataupu i lalo o le mataupu 17, po o
- (c) e le tusa ai ma le manaoga o le faamasinoga tonu se moliaga, i le amanaia ai o tulaga uma e aliae mai, e aofia ai le mamafa o le solitulafono, o aia a i latou ua afaina ma le matua i tausaga po o le lē atoatoa o le malosi i le tino o le tagata ua tuuaia na faia le solitulafono ma lana matafaioi sa faatino i le solitulafono ua tuuaia ai;

e tatau i le Faafoe Moliaga ona logoina le Vaega o le Faamasinoga o Uluai Suesuega ma le Atunuu o lo o tuuina atu se mataupu i lalo o le mataupu 14 po o le Fono o Puipuigamalu

i se mataupu i lalo o le mataupu 13, parakalafa (b), po o ana faaiuga ma mafuaaga o ana faaiuga.

3. (a) i luga o le talosaga a le Atunuu ua toe tuuina atu se mataupu i lalo o le mataupu 14 po o le Fono o Puipuigamalu i lalo o le mataupu 13, parakalafa (b), e mafai e le Vaega o le Faamasinoga o Uluai Suesuega ona toe iloilo se faaiuga a le Faafoe Moliaga i lalo o le parakalafa 1 po o le 2 ina ia aua ne i faagasolo ma mafai ona talosaga i le Faafoe Moliaga ina ia toe iloilo ina lenei faaiuga;
 - (b) e le gata i lea, e mafai e le Vaega o le Faamasinoga o Uluai Suesuega i luga o lana lava faitalia, ona toe iloilo se faaiuga a le Faafoe Moliaga ina ia aua ne i faagasolo pe afai o lo o faavae maoti i luga o le parakalafa (1)(c) po o le 2(c). I lea tulaga, faatoa tataua ona faataunuu le faaiuga a le Faafoe Moliaga pe afai ua faamaonia e le Vaega o le Faamasinoga o Uluai Suesuega.

4. E mafai e le Faafoe Moliaga, i so o se taimi, ona toe iloilo se faaiuga, pe faia se suesuega amata po o se moliaga e faavae i luga o faamatalaga moni fou po o isi faamatalaga.

Mataupu 54

Tiute tauave ma malosiaga o le Faafoe Moliaga e tusa ai o suesuega

1. E tataua i le Faafoe Moliaga:
 - (a) ina ia faataunuuina le mea moni, ona faalatele le suesuega ina ia tagofia uma ai faamatalaga moni ma faamatalaga molimau e talafeagai i se iloilogaga pe o lo o i ai se matafaioi faasolitulafono i lalo o lenei Tulafono ma, i le faia ai faapea i le suesueina i se faiga tutusa tulaga aliae mai pe solitulafono pe e le solitulafono;

- (b) faia fuafuaga talafeagai e faamautu ai i suesuega atoatoa lelei ma moliaga o solitulafono i totonu o le pulega faa-faamasinoga a le Faamasinoga, ma i le faia ai faapea, i le amanaia ai o aia ma tulaga aliae mai tau le tagata, o tagata ua afaina ma tagata molimau, e aofia ai le matua o tausaga, kenera e pei ona faamatalaina i le mataupu 7, parakalafa 3, ma le soifua maloloina, ma amania ma le amanaia ai o le uiga moni o le solitulafono, aemaise lava pe afai e aofia ai faiga faatupu faalavelave, o feusuaiga, faiga faatupu faalavelave i kenera po o le faiga faatupu faalavelave e faasaga i tamaiti; ma le
 - (c) amanaia atoatoa ai o aia tatau a tagata e tulai mai i lalo o lenei Tulafono.
2. E mafai e le Faafoe Moliaga ona faafoe suesuega i le teritori o se Atunuu;
- (a) e tusa ai ma aiaiga o le Vaega 9; po o
 - (b) e pei ona faatagaina e le Vaega o le Faamasinoga o Uluai Suesuega i lalo o le mataupu 57, parakalafa 3(d).
3. E mafai e le Faafoe Moliaga ona:
- (a) aoina ma suesue faamatalaga molimau;
 - (b) talosagaina le auai atu ma le fesiligia o tagata ua suesueina, tagata ua afaina ma tagata molimau;
 - (c) saili le galulue faatasi o so o se Atunuu po o faalapotopotoga i totonu o lotoifale o le Atunuu po o faatulagaga e tusa ai ma o latou tulaga agavaa taitasi ma po o le faatagaga;
 - (d) auai i ia faatulagaga po o maliega e ogatasi ma lenei Tulafono, e pei ona talafeagai ai ina ia faafaigofie le galulue faatasi o se Atunuu, faalapotopotoga i totonu o lotoifale o le Atunuu po o tagata;

- (e) ua malie ina ia le faailoaina atu, i so o se tulaga o tualumaga, pepa aloaia po o faamatalaga o lo faapea ona maua e le Faafoe Moliaga i luga o tulaga o agatapuia ma e faapitoa lava mo le faamoemoe o le faatupulaia o faamatalaga molimau fou, seia vagana ai ua i ai se maliega a le tagata e tuuina atu faamatalaga; ma
- (f) faia fuafuaga talafeagai, po o le talosaga ina ia faia fuafuaga talafeagai, ina ia faamautu le tulaga o le agatapuia o faamatalaga, le puipuiga o so o se tagata po o le malupuipuia o faamatalaga molimau.

Mataupu 55

Aia tatau a tagata a o faagasolo se suesuega

1. E tusa ai o se suesuega i lalo o lenei Tulafono, o se tagata:
 - (a) e lē tatau ona faamalosia se tagata ina ia faamaonia lona ia lava moliaga po o e tautino mai e faamaonia lona nofosala;
 - (b) e lē tatau ona noatia i so o se faiga taufaamalosi, faiga e mafatia ai po o e taufaamatau, e faasaua ai po o so o se isi ituaiga faiga o sauaga e le tusa ai ma tagata soifua po o e faaleaga ai po se faasalaga;
 - (c) e tatau, pe afai e fesiligia i se gagana e ese mai i le gagana lea e matua malamalama atoa ai le tagata, ma tautala ai, ua i ai, e tuusaoloto mai so o se tau, o le fesoasoani a se faamatalaupū agavaa ma o ia faamatalaga ua faaliliuina e pei ona talafeagai ai ina ia ausia le tulaga e manaomia o le amiotonu; ma
 - (d) e lē tatau ona noatia i le pueina ma faasalaga e foia ai nisi faafitauli po o le taofia ma e lē tatau ona aveesea mai ai lona saolotoga seia vagana ai o luga o mafuaaga ma e tusa ai ma tualumaga ia ua faavaeina i totonu o lenei Tulafono.

2. Afai o lo o i ai ni mafuaaga e talitonu ai e faapea ua faia e se tagata se solitulafono e aofia i le puleaga faa-faamasinoga a le Faamasinoga ma o le a fesiligia lena tagata o le Faafae Moliaga, po o ni pulega a le atunuu e tusa ai o se talosaga ua faia i lalo o le Vaega 9, e tatau i lena tagata ona i ai foi aia tatau ua taua mulimuli mai ia e tatau ona faasilasila atu i ai a o lumanai ai le fesiligia o ia:

- (a) ina ia logoina o ia, a o lumanai ai ona suesueina, e faapea o lo o i ai mafuaaga e talitonu ai e faapea ua ia faia se solitulafono o aofia ai i le puleaga faa faamasinoga a le Faamasinoga;
- (b) ina ia le gagana, ia le avea ai lea le gagana ma tulaga e faia ai se faaiuga pe faamaonia le nofosala pe leai foi;
- (c) ina ia maua le fesoasoani faaetulafono i lena lava filifiliga, po o pe afai e lā o maua e le tagata se fesoasoani faaetulafono, ina ia mafai ona maua e le tagata se loia, i so o se tulaga pe afai o lo o faapea ona manaomia e le faamasinoga tonu ma e aunoa ma le totogiina e lena tagata o so o sea mataupu pe afai e lē o i le tagata ni tulaga e mafai ai ona ia totogiina; ma
- (d) ina ia fesiligaia ai a o auai le loia, seia vagana ai ua tuusaunoa i le lotofuatiifo lana aia tatau i se loia.

Mataupu 56

Matafaioi o Vaega o le Faamasinoga o Uluai Suesuega e faasino i se avanoa tulaga ese tau suesuega

1. (a) afai ua iloiloina e le Faafae Moliaga se suesuega ina ia tuuina atu ai se avanoa tulaga ese e faia ai se molimau po o se faamatalaga mai se tagata molimau pe ia suesueina, aoina po o le sueina o faamatalaga molimau, lea e lē mafai ona avanoa mulimuli ane ai mo faamoemoega o se

faamasinoga, e tatau i le Faafoe Moliaga ona logoina le Vaega o le Faamasinoga o Uluai Suesuega;

- (b) i le tulaga, e mafai e le Vaega o le Faamasinoga o Uluai Suesuega i luga o le talosaga a le Faafoe Moliaga, ona faia se fuafuaga e pei ona talafeagai ai ina ia mautinoa le atoatoa ma le faatuatuaina o taualumaga ma, e faapitoa lava, i le puipuia o aia tatau a le itu tetee;
 - (c) ae vagana ai e ese le tulaga ua poloaina e le Vaega o le Faamasinoga o Uluai Suesuega, e tatau i le Faafoe Moliaga ona tuuina atu le faamatalaga talafeagai i le tagata lea ua pueina faa-pagota po o ua tulai mai e tali atu i se tusi samania e fesootai ma le suesuega o lo o taua i totonu o le faaparakalafa (a) ina ia mafai ai ona fofogaina lea tagata e uiga i le mataupu.
2. O fuafuaga o lo o taua i totonu o le parakalafa 1 (b) e mafai ona aofia ai le:
- (a) faia o ni fautuaga po o ni poloaiga e tusa ai ma taualumaga e ao ona mulmulitaia;
 - (b) ua faatonuina ai e faapea e tatau ona faia se faamaumauga o taualumaga;
 - (c) tofia o se tagata tomai faapitoa e fesoasoani;
 - (d) faatagaina o se loia mo se tagata ua pueina faa-pagota po o ua tulai i luma o le Faamasinoga e tali atu i se tusi samania, ina ia auai, po o pe afai e lē i pueina faa-pagota po o e lē i auai, po o e lē i tofia se loia, tofia o se isi loia ina ia auai ma avea ma sui e tauave aia a le itu tetee;
 - (e) taua le igoa o le toatasi o ona sui auai po o, afai e talafeagai, se isi faamasino ua avanoa o le Uluai Suesuega po o Vaega o Iloiloga o Mataupu i luma o le Faamasinoga ina ia mataitu ma faia ni fautuaga po o poloaiga e uiga i le aoina ma le malupuipuia o faamatalaga molimau ma le fesiligia o tagata;

- (f) faia isi lava gaoioiga e pei ona talafeagai ai ina ia aoina po o le malupuipua o faamatalaga molimau.
3. (a) afai e lē o sailia e le Faafoe Moliaga ni fuafuaga e tusa ai o lenei mataupu ae ua manatu le Vaega o le Faamasinoga o Uluai Suesuega e faapea o ia fuafuaga e manaomia ina ia malupuipua ai faamatalaga molimau ia ua avea e faapea e talafeagai mo le itu tetee i le faamasinoga, e tatau ona faatalanoa le Faafoe Moliaga pe o i ai se mafauaga lelei ua lā mafai ai e le Faafoe Moliaga ona talosagaina ni fuafuaga. Afai i le faia o lea faatalatalanoaga, ua faia ai se faaiuga a le Vaega le Faamasinoga o Uluai Suesuega e faapea o le lē mafai e le Faafoe Moliaga ona talosagaina ia fuafuaga e le faamaonia, e mafai e Vaega o le Faamasinoga o Uluai Suesuega ona faia ana ia lava fuafuaga i lona lava faitalia.
- (b) o se faaiuga o le Vaega o le Faamasinoga o Uluai Suesuega ina ia galue i lona lava faitalia i lalo o lenei parakalafa, e mafai ona talosagaina e le Faafoe Moliaga. E tatau ona fofogaina le talosaga i se tulaga faanatinati.
4. O le taliaina o faamatalaga molimau ua malupuipua po o po o ua aoina mo le faamasinoga e tusa ai o lenei mataupu, po o faamaumauga o ia mataupu, e tatau ona pulea i le faamasinoga e le mataupu 69 ma e tusa ai ma le mamafa o ia faamatalaga molimau e pei ona faia i ai se faaiuga e le Vaega o le Faamasinoga o Iloiloga o Mataupu i luma o le Faamasinoga.

Mataupu 57

Galuega tauave ma malosiaga o le Vaega o le Faamasinoga o Uluai Suesuega

1. Ae vagana ai ua aiaia i se isi tulaga e ese ai i totonu o lenei Tulafono, o le Vaega o le Faamasinoga o Uluai Suesuega

e tatau ona faatino ana galuega tauave e tusa ai ma aiaiga o lenei mataupu.

2. (a) o poloaiga po o faaiuga a le Vaega o le Faamasinoga o Uluai Suesuega sa tuuina atu i lalo o mataupu 15, 18, 19, 54, parakalafa 2, 61, parakalafa 7, ma le 72 e ao ona malilie faatasi uma i ai se aofaiga aupito i toatele o ona faamasino;
 - (b) i isi mataupu uma, e mafai e se faamasino se toatasi a le Vaega o le Faamasinoga o Uluai Suesuega ona faatino galuega tauave ua aiaia i totonu o lenei Tulafono, seia vagana ai ua aiaia se isi faiga e ese ai i totonu o Tulafono Faafoe o Taulumaga ma Faamatalaga Molimau po o e se aofaiga aupito i toatele o le Vaega o le Faamasinoga o Uluai Suesuega.
3. I le faaopoopo atu i ai i isi galuega tauave i lalo o lenei Tulafono, e mafai e le Vaega o le Faamasinoga o Uluai Suesuega:
 - (a) i luga o le talosaga a le Faafoe Moliaga, ia tuuina atu ia poloaiga ma tusi poloaiga e pei ona manomia ai mo faamoemoega o se suesuega;
 - (b) i luga o le talosaga ai a se tagata ua pueina faapagota po o ua tulai i luma o le Faamasinoga e tusa ai o se tusi samania i lalo o le mataupu 58, ia tuuina atu ia poloaiga, e aofia ai fuafuaga e pei o fuafuaga ua faamatalaina i totonu o le mataupu 56, pe sailia ai le galulue faatasi e tusa ai o le Vaega 9 e pei ona talafeagai ina ia fesoasoani i le tagata mo le saunia o lana tetee.
 - (c) pe afai e talafeagai ai, ia aiaia ai mo le puipuiga ma le tulaga faalilolilo tau le tagata ua afaina ma tagata molimau, le tausia o faamatalaga molimau, le puipuiga o tagata sa pueina faapagota pe sa tulai mai e tali atu i se tusi samania, ma le puipuiga o faamatalaga o le saogalemu o le atunuu;

- (d) faatagaina o le Faafae Moliaga ina ia faaogaina laasaga faapitoa tau suesuega i totonu o le teritori o le Atunuu Auai e aunoa ma le faamautuina o le galulue faatasi o lena Atunuu i lalo o le Vaega 9 pe afai, i so o se vaitaimi e mafai ai i le amanaiaina o manatu o le Atunuu o lo o aafia, o le Vaega o le Faamasinoga o Uluai Suesuega ua faia se faaiuga o lena mataupu e faapea ua manino mai e lē mafai e le Atunuu ona faatino se talosaga mo le galulue faatasi ona o le lē avanoa o so o se pulega po o so o se vaega o lana faiga faa-faamasinoga e agavaa ai e faatino le talosaga mo le galulue faatasi i lalo o le Vaega 9.
- (e) Pe afai o se tusi poloaiga e pueina ai faa-pagota po o se tusi samania ua tuuina atu i lalo o le mataupu 58, ma i le amanaia ai o le malosi o le faamatalaga molimau ma aia tatau a vaega o aafia ai, e pei ona aiaia ai mo, i totonu o lenei Tulafono ma Tulafono Faafae o Taualumaga ma Faamatalaga molimau, ua sailia le galulue faatasi o Atunuu e tusa ai o le Mataupu 93, parakalafa 1(k), ina ia faaogaina faiga e puipuia ai mo le faamoemoe o le faalēaogaina, aemaise mo le faamanuiaga faaiu o tagata ua afaina.

Mataupu 58

Tuuina atu o se tusi poloaiga e pueina ai faa-pagota po o se tusi samania e tulai ai, e le Vaega o le Faamasinoga o Uluai Suesuega

1. I so o se taimi i le tuanai ai o le amataina o se suesuega, e tatau i le Vaega o le Faamasinoga o Uluai Suesuega, i luga o le talosaga a le Faafae Moliaga, ona tuuina atu se tusi poloaiga e pueina ai faa-pagota se tagata pe afai, i le maea ai ona suesueina o le talosaga ma faamatalaga molimau po o isi faamatalaga ua tuuina atu e le Faafae Moliaga ua faamalieina le Vaega o le Faamasinoga o Uluai Suesuega e faapea:

- (a) e i ai mafuaaga talafeagai e talitonuina ai e faapea o le tagata ua na faia se solitulafono e aofia i le puleaga faa-faamasinoga a le Faamasinoga; ma
 - (b) o le pueina faa-pagota o le tagata ua foliga e talafeagai:
 - (i) ina ia mautinoa ai le tulai o le tagata i le faamasinoga;
 - (ii) ina ia mautinoa ai e faapea e le faalavelaveina e le tagata pe ua lamatia le suesuega po o taualumaga a le faamasinoga; po o
 - (iii) pe afai e talafeagai ai, ia puipuia le tagata mai le faaauauina pea o le faia o lena solitulafono po o se solitulafono e fesootai i ai lea e aofia i le pulega faa-faamasinoga a le Faamasinoga ma na tulai mai i tulaga tutusa ua aliae mai.
2. O le talosaga a le Faafoe Moliaga e tatau ona aofia ai:
- (a) le igoa o le tagata ma so o se isi lava faamatalaga talafeagai e iloagofie ai;
 - (b) o se faamatalaga molimau faapitoa i solitulafono e aofia i le puleaga faa-faamasinoga a le Faamasinoga, lea ua tuuaina ai le faia e le tagata;
 - (c) o se faamatalaga atoatoa o mea moni lea ua tuuaia ai le tuufaatasia o na solitulafono;
 - (d) o se ootoga o faamatalaga molimau ma so o se isi lava faamatalaga lea e faavaeina ai mafuaaga talafeagai e talitonuina ai e faapea ua faia lava e le tagata ia solitulafono; ma
 - (e) le mafuaaga ua talitonuina ai e le Faafoe Moliaga e faapea o le pueina faa-pagota o le tagata ua talafeagai lea.
3. O le tusi poloaiga e pueina ai faa-pagota, e tatau ona aofia ai:
- (a) le igoa o le tagata ma so o se isi lava faamatalaga talafeagai e iloagofie ai;

- (b) se faamatalaga molimau faapitoa i solitulafono e aofia ai i le puleaga faa-faamasinoga a le Faamasinoga lea ua sailia ai le pueina faa-pagota o le tagata; ma
 - (c) se faamatalaga atoatoa o mea moni lea ua tuuaia ai le faia o ia solitulafono.
4. E tatau ona tumau pea le aloaia o le tusi poloaiga e pueina ai seia vagana ai ua poloaia i se isi faiga e ese ai e le Faamasinoga.
5. E mafai e le Faamasinoga, i luga o le faavae o le tusi poloaiga e pueina ai faa-pagota, ona talosagaina le pueina i se tulaga le tumau po o le pueina ma toe faafoi o le tagata i lalo o le Vaega 9.
6. E mafai e le Faafae Moliaga ona talosagaina le Vaega o le Faamasinoga o Uluai Suesuega ina ia teuteuina le tusi poloaiga e pueina ai e ala i le fesuaiga po o le faaopoopoina i solitulafono ua faamaotiina i totonu o le tusi poloaiga e pueina ai. E tatau i le Vaega o le Faamasinoga o Uluai Suesuega ona teuteuina e faapea le tusi poloaiga pe afai ua faamalieina o lo o i ai mafuaaga talafeagai e talitonuina ai ua faia lava e le tagata le fesuaiga po o ua faaopoopoina solitulafono.
7. Ina ia avea o se isi faiga e sailia ai se tusi poloaiga e pueina ai faa-pagota, e mafai e le Faafae Moliaga ona tuuina atu se talosaga, e talosagaina ai le Vaega o le Faamasinoga o Uluai Suesuega, ina ia tuuina atu se tusi samania mo le tagata ia tulai i le faamasinoga. Pe afai ua faamalieina le Vaega o le Faamasinoga o Uluai Suesuega, e faapea o lo o i ai mafuaaga talafeagai e talitonuina ai ua faia e le tagata le solitulafono ua tuuaia ai ma ua lava le tusi samania e mautinoa ai le auai o le tagata, e tatau ona tuuina atu le tusi samania, i le i ai po o le leai foi o ni tuutuuga e faatapulaaina ai le saolotoga (e ese mai nai lo le taofia) pe afai ua aiaia ai mo, e le tulafono a le atunuu, mo le auai o le tagata. E tatau i tusi samania ona aofia ai:

- (a) le igoa o le tagata ma so o se isi lava faamatalaga talafeagai e iloagofie ai;
- (b) le aso ua faamaotiina lea e tulai ai le tagata;
- (c) se faamatalaga molimau faapitoa i solitulafono e aofia ai i le puleaga faa-faamasinoga a le Faamasinoga lea e faapea ua tuuaia ai le tagata i lona faia; ma
- (d) se faamatalaga atoatoa o mea moni lea ua tuuaia ai le faia o le solitulafono.

E tatau ona faaooina atu tusi samania i le tagata.

Mataupu 59

Taualumaga mo le pueina faa-pagota i totonu o le Atunuu
o lo o taofia ai

1. E tatau i se Atunuu Auai lea ua na mauaina o se talosaga mo le pueina lē tumau faa-pagota, po o mo le pueina ma le faafoi, ona vave faia laasaga e pueina faa-pagota ai le tagata ua taua e tusa ai ma ana tulafono ma aiaiga o le Vaega 9.
2. E tatau ona vave ona aumai le tagata ua pueina i luma o se puleaga faa-faamasinoga agavaa i totonu o le Atunuu o lo o taofai ai lea e tatau ona faia le faaiuga, e tusa ai ma tulafono a lena Atunuu, e faapea:
 - (a) o le tusi poloaiga e faasino i lena tagata;
 - (b) ua pueina faa-pagota le tagata e tusa ai ma le faatinoga talafeagai ua atoatoa; ma
 - (c) ua amanaia aia tatau a le tagata.
3. E tatau i le tagata ua pueina faa-pagota ona i ai le aia tatau e talosaga ai i le pulega agavaa i totonu o le Atunuu o lo o taofia ai mo le tatalaina i tua le tumau a o faatali le toe faafoi.
4. E tatau i le puleaga agavaa i totonu o le Atunuu o lo o taofia ai, ina ua maua se faaiuga i luga o sea talosaga, ona iloiloaina, i luga o le mamafa o le solitulafono ua tuuaia ai, pe afai o i ai ni tulaga aliae mai faanatinati ma ua taliaina e

faamaonia ai le tatalaina i tua le tumau ma pe afai o i ai tulaga e puipuia ai talafeagai e faamautinoa ai e mafaia e le Atunuu o lo o taofia ai ona faataunuu ona tiute tauave e toe faafoi ai le tagata i le Faamasinoga. E lē tatau ona avanoa le puleaga agavaa a le Atunuu o lo o taofia ai e iloiloina pe sa tuuina atu aloaia le tusi poloaiga e pueina ai faa-pagota e tusa ai ma le mataupu 58, parakalafa 1(a) ma le (b).

5. E tatau ona faailoa atu i le Vaega o le Faamasinoga o Uluai Suesuega o so o se talosaga mo le tatalaina le tumau ma e tatau ona faia fautuaga i le pulega agavaa i totonu o le Atunuu o lo o taofia ai. E tatau i le pulega agavaa i totonu o le Atunuu o lo o taofia ai ona tuuina atu le iloiloga atoatoa i ia fautuaga, e aofia ai so o se fautuaga i ni faiga e puipuia ai le sola ese o le tagata, a o lē i faia lana faaiuga.

6. Afai ua tuuina atu le tatalaina lē tumau o le tagata, e mafai e le Vaega o le Faamasinoga o Uluai Suesuega ona talosagaina lipoti faa-vaitaimi i luga o le tulaga o le tatalaina le tumau.

7. E tatau ona toe faafoi le tagata i le Faamasinoga i se taimi vave e mafai ai, i le taimi lava e poloaia ai e le Atunuu o lo o taofia le toe faafoi.

Mataupu 60

O uluai taualumaga i luma o le Faamasinoga

1. I luga o le toe faafoi atu o le tagata i le Faamasinoga, po o le tulai ai o le tagata i luma o le Faamasinoga i le loto malie po o e tusa ai o se tusi samania e tatau ona faamalieina le Vaega o le Faamasinoga o Uluai Suesuega, e faapea ua uma ona logoina le tagata i solitulafono ia ua tuuina ai, ma ana aia tatau i lalo o lenei Tulafono, e aofia ai le aia tatau e talosagaina ai le tatalaina le tumau, a o le i faia lona faamasinoga.

2. E mafai e le tagata ua noatia i se tusi poloaiga e pueina ai faa-pagota ona talosaga mo le tatalaina lē tumau a o lē i faia

le faamasinoga. Afai ua faamalieina le Vaega o le Faamasinoga o Uluai Suesuega e faapea o tuutuuga ua faatulagaina mai i totonu o le Mataupu 58, parakalafa 1, ua faamalieina, e tatau ona faaauauina pea le taofia o le tagata. Pe afai ua le faamalieina lava, e tatau i le Vaega o le Faamasinoga o Uluai Suesuega ona tatalaina le tagata, i le i ai po o lē leai foi o ni tuutuuga.

3. E tatau i le Vaega o le Faamasinoga o Uluai Suesuega ona toe iloilo faa-vaitaimi ana faaiuga i luga o le tatalaina po o le taofia o le tagata, ma e mafai ona faia faapea i so o se taimi i luga o le talosaga a le Faafoe Moliaga po o le tagata. E mafai ona ia fesuiaia ana faaiuga i le taofia, tatalaina po o tuutuuga o le tatalaina, i luga o ia toe iloiloga, pe afai ua faamalieina e faapea e manaomia ia suiga e pei ona tulai mai.

4. E tatau i le Vaega o le Faamasinoga o Uluai Suesuega ona faamautinoa e faapea o se tagata e lē o taofia mo se vaitaimi e le talafeagai, a o lumanai le faamasinoga, ona o le faatuai i se mafuaaga e lē taliaina e mafua i le Faafoe Moliaga. Afai e tulai mai sea faatuai, e tatau i le Faamasinoga ona iloilo le tatalaina o le tagata, i le i ai po o le leai foi o ni tuutuuga.

5. Afai e talafeagai ai, e mafai e le Vaega o le Faamasinoga o Uluai Suesuega ona tuuina atu se tusi poloaiga e pueina ai faapagota ina ia malupuipua le auai o se tagata o Ia lea ua tatalaina i tua.

Mataupu 61

Faamaoniga o moliaga a o le i faia le faamasinoga

1. I le noatia ma le fai fuafua i aiaiga o le parakalafa 2, i totonu o se taimi talafeagai i le tuanai ai o le tuuina atu o le tagata po o le tulai ma le loto i ai i luma o le Faamasinoga, e tatau i le Vaega o le Faamasinoga o Uluai Suesuega ona fofogaina le mataupu e faamaonia ai moliaga ia ua faamoemoe le Faafoe Moliaga ina ia faia se faamasinoga. E tatau ona

fofogaina le mataupu i le auai ai o le Faafoe Moliaga ma le tagata ua molia faaetulafono, e faapea foi lana loia.

2. E mafai e le Vaega o le Faamasinoga o Uluai Suesuega, i luga o se talosaga a le Faafoe Moliaga po o i luga o ana faitalia, ona faia se faatalanoaga o se mataupu i le toesea ai o letagata ua molia, ina ia faamaonia ai moliaga ia o lo o faamoemoe le Faafoe Moliaga ia faia ai se faamasinoga pe afai o le tagata ua na:

(a) tuusaunoaina ana aia tatau ina ia auai; po o

(b) ua sola po o ua lē mafai ona maua ma ua uma ona faatinoina laasaga uma talafeagai e faamautuina ai lona tulai i luma o le Faamasinoga ma ia faailoa atu i le tagata ia moliaga ma e faapea o le a fofogaina le mataupu e faamaonia ai na moliaga.

I lena tulaga, e tatau i le tagata ona tulai se loia mo ia pe afai ua fuafuaina e le Vaega o le Faamasinoga o Uluai Suesuega e faapea ua faia e tusa ai o le faamasinoga amiotonu.

3. I totonu o se taimi talafeagai a o lumanai ai le fofogaina o se mataupu, e tatau i le tagata ona:

(a) Tuuina atu i ai se ata o le pepa aloaia o lo o i ai moliaga ia ua faamoemoe o le Faafoe Moliaga ina ia aumai ai le tagata ia faamasinoina; ma

(b) ia logoina faamatalaga molimau ia ua faamoemoe le Faafoe Moliaga e faalagolago i ai i le fofogaina o le mataupu.

E mafai e le Vaega o le Faamasinoga o Uluai Suesuega ona tuuina atu poloaiga e faatatau i le faailoaina atu o faamatalaga mo faamoemoega o le fofogaina o le mataupu.

4. E mafai e le Faafoe Moliaga ona faaauau le suesuega, a o lumanai ai le fofogaina o se mataupu, ma e mafai foi ona teuteu pe faui i tua so o se moliaga. E tatau ona tuuina atu i le tagata se faasilasilaga talafeagai a o lumanai ai le fofogaina o so

o se teuteuga i po o le faauaina i tua o moliaga. I le itu o le faauaina i tua o moliaga, e tatau i le Faafoe Moliaga ona logoina le Vaega o le Faamasinoga o Uluai Suesuega i mafuaaga mo le faauaina i tua o moliaga.

5. E tatau ona lagolagoina e le Faafoe Moliaga, moliaga taitasi uma i faamatalaga molimau ua lava atoatoa, e faavae ai mafuaaga maumaututu e talitonuina ai e faapea, na faia lava e le tagata le solitulafono ua molia ai, i le taimi o le fofogaina o le mataupu. E mafai ona faalagolago le Faafoe Moliaga i pepa aloaia po o le oototoga o faamatalaga molimau ma e le manaomia le tãpã o tagata molimau ia sa tatau ona oo mai e molimau i le faamasinoga.

6. E mafai e le tagata, i le taimi o le fofogaina o le mataupu ona:

- (a) tetee i moliaga;
- (b) finauina o faamatalaga molimau ua tuuina atu e le Faafoe Moliaga; ma
- (c) tuuina atu o faamatalaga molimau.

7. E tatau i le Vaega o le Faamasinoga o Uluai Suesuega, i luga o le faavae o le fofogaina o le mataupu, ona fuafua pe ua lava faamatalaga molimau e faavae ai mafuaaga maumaututu e talitonuina ai e faapea na faia lava e lea tagata solitulafono taitasi ua molia ai. E tatau i le Vaega o le Faamasinoga o Uluai Suesuega, i luga o ana faaiuga:

- (a) ona faamaonia e faapea o ia moliaga e faasino i ai le suesuega e faapea ua lava atoatoa faamatalaga molimau, ma ia tuuina atu le tagata i le Vaega o le Faamasinoga o Iloiloga o Mataupu i luma o le Faamasinoga ua faamaonia;
- (b) ona teena le faamaoniga o na moliaga lea e faasino i lea e faasino i ai le suesuega e faapea e le o lava faamatalaga molimau;
- (c) ona tolopo le fofogaina o le mataupu ma talosagaina le Faafoe Moliaga ina ia iloiloia:

(i) le tuuina atu o nisi faamatalaga molimau po o le faatinoina o nisi suesuega e tusa ai o se moliaga faapitoa; po o

(ii) le teuteuina o se moliaga ona o faamatalaga molimau ua tuuina atu, e foliga mai ua faavaeina ai se solitulafono e ese ai e aofia i le puleaga faa-faamasinoga a le Faamasinoga.

8. Afai e teena e le Vaega o le Faamasinoga o Uluai Suesuega le faamaonia o se moliaga, e le tatau i le Faafoe Moliaga ona taofia mai talosaga e faia mulimuli ane mo lana faamaoniga, pe afai o le talosaga o lo o lagolagoina e faamatalaga molimau.

9. E mafai e le Faafoe Moliaga, i le faatagaga a le Vaega o le Faamasinoga o Uluai Suesuega mai le tuanai ai o se faaaliga i lē ua tuuaia, ona teuteuina moliaga, ina ua maea ona faamaonia moliaga ma a o le i amataina le faamasinoga. Afai o sailia e Faafoe Moliaga ina ia faaopoopo moliaga po o le suia o moliaga e sili ona matuia, o se fofogaina o le mataupu i lalo o lenei mataupu e faamaonia ai o ia moliaga e tatau lava ona faia. I le tuanai ai o le amataga o le faamasinoga, e mafai e le Faafoe Moliaga, i le faatagaga a le Vaega o le Faamasinoga o Iloiloga o Mataupu i luma o le Faamasinoga, ona faau i tua moliaga.

10. E tatau ona faamuta le aloaia o so o se tusi poloaiga ua tuuina atu, e tusa ai o so o se moliaga lea e le i faamaonia e le Vaega o le Faamasinoga o Uluai Suesuega, po o lea ua toe faau i tua e le Faafoe Moliaga.

11. Afai ua faamaonia moliaga e tusa ai ma lenei mataupu, e tatau i le Ofisa o le Peresetene ona faia se suesuega i le Vaega o le Faamasinoga o Iloiloga o Mataupu i luma o le Faamasinoga, i le noatia ma le fai fuafua i le parakalafa 9 ma le mataupu 64, parakalafa 4, e tatau ona nafa ma le faafoeina o taualumaga mulimuli ane ma e mafai ona faatinoina so o se galuega tauave

a le Vaega o le Faamasinoga o Uluai Suesuega lea e talafeagai, ma e ono mafai ona faaaogāina i na taualumaga.

VAEGA 6. O LE FAAMASINOGA

Mataupu 62

Nofoaga o le faamasinoga

Seia vagana ai ua faia se faaiuga e ese ai, e tatau ona faia Faamasinoga, i le nofoaga tutotonu o le Faamasinoga.

Mataupu 63

Faamasinoga a o auai ai le tagata ua tuuaia

1. E tatau ona auai le tagata ua tuuaia a o faagasolo le faamasinoga.
2. Afai e faaauauina pea ona faalavelave i le faamasinoga le tagata ua tuuaia, lea o lo o tulai i luma o le Faamasinoga, e mafai e le Vaega o le Faamasinoga o Iloiloga o Mataupu i luma o le Faamasinoga ona aveesea le tagata ua tuuaia ma e tatau ona faia ni aiaiga mo lea tagata ina ia usitaia le faamasinoga ma faatonuina loa mai fafo o le potu faamasino, e ala i le faaaogāina o fesootaiga faa-tekonolosi, pe afai e manaomia. O ia faiga e tatau ona faatoa faaaogāina lava i tulaga aliae mai e ese ai i le faamaonia e faapea e lē o atoatoa ona tapena isi fetuunaiga talafeagai, ma e na o sea vaitaimi e pei ona o lo o faamamaluina ai lona tulaga manaomia.

Mataupu 64

Galuega tauave ma malosiaga o Vaega o le Faamasinoga o Iloiloga o Mataupu i luma o le Faamasinoga

1. O matafaioi ma malosiaga o Vaega o le Faamasinoga o Iloiloga o Mataupu i luma o le Faamasinoga ua faatulagaina mai i totonu o lenei mataupu e tatau ona faatinoina ina ia tusa ai ma lenei Tulafono ma Tulafono Faafae o Tualumaga ma Faamatalaga Molimau.

2. E tatau i le Vaega o le Faamasinoga o Iloiloga o Mataupu i luma o le Faamasinoga ona faamautinoa e faapea ia faafoe ia sagatonu ma faanatinati se faamatalaga mo taunuuga lelei mo aia tatau a le tagata ua tuuaia ma ia amanaia le puipuiga o tagata ua afaina ma tagata molimau.

3. I le tuuina atu o se mataupu mo le suesueina, e tusa ai ma lenei Tulafono, e tatau i le Vaega o le Faamasinoga o Iloiloga o Mataupu i luma o le Faamasinoga ua tofia e tagofia le mataupu ona:

- (a) faatalanoa ma vaega auai ma ia avea sea taualumaga e pei ona talafeagai ai, e faagaoioia ai le faafoeina o taualumaga i le sagatonu ma le faanatinati mo se taunuuga lelei;
- (b) faia se fuafuaga o le gagana po o gagana e faaogāina i taimi o le faamasinoga; ma
- (c) i le noatia ma le fai fuafua i so o se isi lava aiaiga talafeagai o lenei Tulafono, aiaia mo le faailoaina atu o pepa aloaia po o faamatalaga e le i faailoaina muamua, le lava atoatoa mo le amataina o le faamasinoga ina ia lava tapena mo le faamasinoga.

4. E mafai e le Vaega o le Faamasinoga o Iloiloga o Mataupu i luma o le Faamasinoga, pe afai e talafeagai ai mo lona faagaoioiga lelei ma le sagatonu, ona faasee atu mataupu amata i le Vaega o le Faamasinoga o Uluai Suesuega po o, pe afai e talafeagai ai, i se isi faamasino o avanoa o le Vaega o Uluai Suesuega.

5. E mafai e le Vaega o le Faamasinoga o Iloiloga o Mataupu i luma o le Faamasinoga, pe a tusa ai, i luga o se faasilasilaga i vaega auai, ona faatonuina le tuufaatasiga po o le faataape e tusa ai o moliaga e faasaga i le toatasi po o le sili atu o tagata ua tuuaia.

6. E mafai e le Vaega o le Faamasinoga o Iloiloga o Mataupu i luma o le Faamasinoga, i le faatinoina o ana galuega

tauave a o lumanai ai le faamasinoga po o i le faagasologa o se faamasinoga, e pei ona talafeagai ai ona:

- (a) faatino so o se galuega tauave o le Vaega o le Faamasinoga o Uluai Suesuega ua faasinomia i totonu o le mataupu 61, parakalafa 11;
- (b) manaomia le auai ai ma molimau tusitusia a tagata molimau ma le tuuina atu o pepa aloaia ma isi faamatalaga molimau e ala i le mauaina mai, pe afai e talafeagai ai, o le fesoasoani a Atunuu e pei ona aiaia i totonu o lenei Tulafono;
- (c) aiaia ai mo le puipuiga o faamatalaga agatapuia;
- (d) poloaia le tuuina atu o faamatalaga molimau e faaopoopo i faamatalaga molimau ua maea ona aoina mai a o lumanai ai le faamasinoga, po o sa tuuina atu a o faagasolo le faamasinoga e vaega auai;
- (e) ua aiaia ai mo le puipuiga o le tagata ua tuuaia, tagata molimau ma tagata ua afaina; ma
- (f) tulafono faafoe i luga o so o se isi lava mataupu talafeagai.

7. E tatau ona faia le faamasinoga i se nofoaga lautele. E mafai e Vaega o le Faamasinoga o Iloiloga o Mataupu i luma o le Faamasinoga ona fuafuaina e faapea o tulaga faapitoa ua aliae mai e manaomia ai e faapea o nisi tualumaga ia faia i se tulaga faasaina mo faamoemoega ua faatulagaina mai i totonu o le mataupu 68, po o ina ia puipuia ai faamatalaga agatapuia po o faamatalaga maaleale e tuuina atu e fai ma molimau.

8. (a) e tatau i le Vaega o le Faamasinoga o Uluai Suesuega ona faitauina i le tagata ua tuuaia i moliaga ua faamaonia talu ai e le Vaega o le Faamasinoga o Iloiloga o Mataupu i luma o le Faamasinoga, i le amataga o le faamasinoga. E tatau ona faamalieina le Vaega o le Faamasinoga o Iloiloga o Mataupu i luma o le Faamasinoga e ia lava e faapea ua malamalama le tagata ua tuuaia i le uiga o moliaga. E tatau ona tuuina atu e le Vaega o le Faamasinoga o Iloiloga o Mataupu i

luma o le Faamasinoga i le tagata ua tuuaia le avanoa e tautino mai ai lona nofosala e tusa ai ma le Mataupu 65 po o le teena o le moliaga.

- (b) E mafai e le Faamasino o lo o tauaveina le faamasinoga ona tuuina atu faatonuga mo le faafoeina o taualumaga i le taimi o iloiloga, e aofia ai le faamautinoa e faapea ia faafoeina i se faiga e sagatonu ma le lē faaituau. I le noatia ma le fai fuafua i so o se faatonuga a le faamasino o lo o tauavea le faamasinoga, e mafai e vaega auai ona tuuina atu faamatalaga molimau e tusa ai ma aiaiga o lenei Tulafono.

9. E tatau ona i ai i le Vaega o le Faamasinoga o Iloiloga o Mataupu i luma o le Faamasinoga, faatasi ma isi mea, le malosiaga i luga o se talosaga a se vaega auai po o i luga o sana lava gaoioiga ina ia:

- (a) faia o se faaiuga i luga o le taliaina po o le talafeagai o faamatalaga molimau; ma
(b) faaogāina o laasaga uma e talafeagai ina ia tausia ai le filemu a o faagasolo se faamasinoga.

10. E tatau i Vaega o le Faamasinoga o Iloiloga o Mataupu i luma o le Faamasinoga ona faamautinoa le faia o se faamaumauga atoatoa o le faamasinoga, lea e iloa ai le tulaga sao atoatoa o taualumaga ma ia tausia ma puipuia ia saogalemu e le Resitara.

Mataupu 65

Taalumaga i luga o le taliaina o le nofosala

1. Afai ua faia e le tagata ua tuuaia se tulaga i lona taliaina o le nofosala e tusa ai o le Mataupu 64, parakalafa 8(a), e tatau i le Vaega o le Faamasinoga o Iloiloga o Mataupu i luma o le Faamasinoga ona fuafuaina pe:

- (a) ua malamalama le tagata ua tuuaia i le uiga ma taunuuga o le taliaina o le nofosala;

- (b) ua faia ma le loto malie e le tagata ua tuuaia lona taliaina o le nofosala, i le tuanai ai o faatalatalanoaga ua lava ma atoatoa ma le loia o lo o aveva ma ona sui; ma
- (c) ua lagolagoina le taliaina o le nofosala e faamatalaga moni o le mataupu o lo o aofia ai i totonu:
 - (i) o moliaga ua aumaia e le Faafoe Moliaga ma ua taliaina e le tagata ua tuuaia;
 - (ii) o so o se mataupu ua tuuina mai e le Faafoe Moliaga lea e fesoasoani i moliaga ma ua taliaina e le tagata ua tuuaia; ma
 - (iii) so o se isi lava faamatalaga molimau, e pei o le molimau a tagata molimau, ua tuuina atu e le Faafoe Moliaga po o le tagata ua tuuaia.

2. Afai ua faamalieina le Vaega o le Faamasinoga o Iloiloga o Mataupu i luma o le Faamasinoga e faapea o mataupu o lo o faasinomia i totonu o le parakalafa 1 ua faamautuina, e tatau ona ia iloiloina le taliaina o le faia o le solitulafono, faatasi ai ma nisi faamatalaga molimau faaopoopo ua tuuina mai, e faavaeina ai mea moni uma e manaomia e faamaonia ai o le solitulafono lea e faasino i ai le taliaina o le faia o se solitulafono, ma e mafai ona molia ai faaletulafono le tagata ua tuuaia i lena solitulafono.

3. Afai e le o faamalieina le Vaega o le Faamasinoga o Iloiloga o Mataupu i luma o le Faamasinoga e faapea o mataupu o faasinomia i totonu o le parakalafa 1 ua faamautuina, e tatau ona ia iloiloina le taliaina o le faia o le solitulafono e faapea e le i faia, ma i lea tulaga e tatau ona ia poloia le faaauauina o faamasinoga i lalo o tualumaga masani o faamasinoga ua aiaia e lenei Tulafono ma e mafai ona auina atu le mataupu i se isi Vaega o le Faamasinoga o Iloiloga o Mataupu i luma o le Faamasinoga.

4. Afai ua manatu le Vaega o le Faamasinoga o Iloiloga o Mataupu i luma o le Faamasinoga e faapea, e manaomia e tusa

ai ma le faia o le amiotonu, le tuuina atu o faamatalaga moni uma o le mataupu i le tulaga e sili ona atoatoa, aemaise ai o aia a tagata ua aafia, e mafai e le Vaega o le Faamasinoga o Iloiloga o Mataupu i luma o le Faamasinoga ona:

- (a) talosagaina e le Faafae Moliaga ina ia tuuina atu faamatalaga molimau faaopopo, e aofia ai molimau a tagata molimau; po o
- (b) le poloaia ina ia faaauau le faamasinoga i lalo o taualumaga masani o suesuega ua aiaia i lenei Tulafono, ma i lea tulaga, e tatau ona ia iloiloia le taliaina o le faia o le solitulafono e peiseai e le i faia ma e mafai ona tuuina atu le mataupu i se isi Vaega o le Faamasinoga o Iloiloga o Mataupu i luma o le Faamasinoga.

5. O so o se faatalatalanoaga i le va o le Faafae Moliaga ma le tagata tetee e uiga i fesuaiga o moliaga, le taliaina o le faia o se solitulafono po o le faasalaga e faaeeina atu, e le tatau ona noatia ai le Faamasinoga.

Mataupu 66

O le tulaga faatatauina o le lē nofosala

1. O tagata taitoatasi uma e tatau ona faatatauina e lē i nofosala seia vagana ai ua faamaonia i luma o le Faamasinoga, e tusa ai ma tulafono talafeagai.
2. O le tiute o le faamaonia o le nofosla o se tagata ua tuuaia, e fitoitonu lea i le Faafae Moliaga.
3. Ina ia faamaonia faaetulafono se solitulafono a le tagata ua tuuaia, e ao i le Faamasinoga ona talitonuina le nofosala o lē ua tuuaia i le tulaga ua matua leai se masalomia.

Mataupu 67O aia tatau a le tagata ua tuuaia

1. E tatau i le tagata ua tuuaia, ona agavaa i se fofogaina faalauaitele o le mataupu, i le iloiloga o so o se moliaga, ina ua amanaia aiaiga o lenei Tulafono, mo le fofogaina o le mataupu i se tulaga sagatonu ma le lē faaituau, ma faamalumaluga aupito mauualalo ua taua nei, i le atoatoa o tulaga tutusa:

- (a) ina ia vave ona faailoa ma ia auiliili le uiga, mafuaaga ma mataupu o aofia ai i le moliaga, i se gagana e malamalama lelei ma tautala ai le tagata ua tuuaia;
- (b) ina ia lava taimi ma nofoaga mo le tapenaga a le tagata tetee ma ia saoloto le fesoootaiga ma le loia ua faatuatuaaina e tusa o le filifiliga a le tagata ua tuuaia;
- (c) ina ia faamasinoina e aunoa ma le faatuai;
- (d) i le noatia ma le fai fuafua i le mataupu 63, parakalafa 2, mo le auai i le faamasinoga, e faafoe le tetee i moliaga o le tagata po o e ala i le filifiliga o se fesoasoani faaletulafono a Lē ua tuuaia, ia logoina, pe afai o Lē ua tuuaia e leai sona fesoasoani faaletulafono, o lana aia tatau ma ia i ai fesoasoani faaletulafono ua faamatuu atu e le Faamasinoga i so o se tulaga pe afai o manaomia le faia o le amiotonu, ma e aunoa ma se tupe totogi pe afai o Lē ua tuuaia ua leai lava se auala e mafai ona ia totogi ai;
- (e) o le suesue, po o ua suesueina, molimau e faasaga ia te ia ma ia tapā le auai ma le suesueina o tagata molimau o lo o fai ma ona sui i lalo o aiaiga lava ia e pei o tagata molimau faasaga ia te ia. E tatau foi i Lē ua tuuaia ona agavaa e faatu ni tetee i moliaga ma tuuina atu isi faamatalaga molimau ua taliaina i lalo o lenei Tulafono;
- (f) i le i ai, o le saoloto mai so o se tau, o le fesoasoani a se faamatala upu agavaa ma ia faaliliuga e pei ona tatau ona o faatasi ma manaoga o le tulaga

sagatonu, pe afai o so o se taualumaga o po o pepa aloaia ua tuuina atu i le Faamasinoga e le o i le gagana e pei ona malamalama ma tautala ai lē ua tuuaia;

- (g) e le faamalosia e molimau po o le ioeina o le moliaga faatasi ma le lē gagana, e aunoa ma le tautala ua avea ai o se tulaga amanaia i le faia o se faaiuga i le faamaonia po o le lē faamaonia o le moliaga;
- (h) o le faia o se faamatalaga tuufofoga pe tusitusia e aunoa ma se tautoga o lana tetee i moliaga; ma
- (i) ina ia le faaeeina atu ia te ia so o se fesuiaiga o le mamafa o le faamaoniga po o le matafaioi e teena ai.

2. I le faaopoopoga i so o se isi faaaliga ua aiaia i lenei Tulafono, e tatau i le Faafoe Moliaga, i le taimi vave lava e mafai ai, ona faailoa i le Tetee i Moliaga faamatalaga molimau o lo o umia e le Faafoe Moliaga, lea ua ia talitonuina ua faailoa ai po o ua foliga e faailoa ai le lē nofosala o Lē ua tuuaia, po o le tuumamaina o le nofosala o Lē ua tuuaia, po o e ono aafia ai le igoa tauleleia o faamatalaga molimau e faasino i moliaga.

Mataupu 68

Puipuiga o tagata afaina ma tagata molimau ma lo latou auai i totonu o taualumaga

1. E tatau i le Faamasinoga ona faia fuafuaga talafeagai e puipuia ai le saogalemu, tulaga manuia i le tino ma le mafaufau, mamalu ma tulaga patino o tagata aafia ma tagata molimau. I le faia o lea, e tatau i le Faamasinoga ona vaai totoa i itu talafeagai uma, e aafia ai tausaga o le matua, ituaiga e pei ona faamatalaina i le mataupu 7, parakalafa 3, ma le soifua maloloina, ma le uiga o le solitulafono, aemaise le faatapulaaina i, pe afai o le solitulafono e aafia i sauaga tau feusuaiga po o kenera po o sauaga e faasaga i tamaiti. E tatau i le Faafoe Moliaga ona faia ni fuafuaga aemaise lava i taimi o suesuega ma le faatinoga o se moliaga o ni solitulafono. O nei fuafuaga e

le tatau ona aafia ai, po o e lē ogatasi ma aia a lē ua tuuaia ma ia talafeagai ai ma le faamasinoga tonu ma le lē faaituau.

2. Ae vagana ai i le taiala faavae o le fofogaina lautele ua aiaia i le mataupu 67, e mafai e Loia o le Faamasinoga ona puipuia tagata afaina ma tagata molimau po o se tagata ua tuuaia, ona faia so o se vaega o taualumaga i mea pueata po o le faatagaina le tuuina atu o faamatalaga molimau e ala i le faaeletoni po o isi faiga faapitoa. E tatau i so o se fuafuaga ona faatinoina e faapitoa lava i le tagata aafia i sauaga tau feusuaiga po o se tamaitiiti o Ia lea o se tagata afaina po o se tagata molimau, ae vagana ai po o se isi lava mea e ese ai ua faatonuina e le Faamasinoga, i le amanaiaina o tulaga uma e aliae mai, ae patino lava i manatu o po o le tagata molimau.

3. Afai ua aafia aia tau le tagata lava ia o le tagata afaina, e tatau i le Faamasinoga ona faatagaina o latou manatu ma manaoga ina ia tuuina atu ma iloiloina i laasaga o taualumaga ua faatonuina e talafeagai i le Faamasinoga ma i le agaga o le aafia i po o e lē ogatasi ma aia tatau a Lē ua tuuaia ma ia talafeagai ma i se faamasinoga sagatonu ma e lē faaituau. O nei manatu ma manaoga e mafai ona tuuina atu e le sui faaletulafono o tagata afaina, pe afai ua manatu le Faamasinoga ua talafeagai, e tusa ai ma Tulafono Faafae o Tualumaga ma Faamatalaga Molimau.

4. E mafai e le Lala o tagata afaina ma tagata molimau ona fautuaina le Faafae Moliaga ma le Faamasinoga i luga o fuafuaga mo puipuiga talafeagai, fuafuaga o le saogalemu, faatalanoaga faufautua ma le fesoasoani e pei ona taua i le mataupu 43, parakalafa 6.

5. Afai o le faailoaina atu o faamatalaga molimau po o faamatalaga e tusa ai ma lenei Tulafono e mafai ona oo atu ai i se tulaga lamatia le puipuiga o se tagata molimau po o lona aiga, e mafai e le Faafae Moliaga, mo faamoemoega o so o se taualumaga ua faia i luma mai o le amataga o le faamasinoga, ona taofia so o se faamatalaga molimau po o faamatalaga ma a

Lē o le a ia tuuina atu se aotelega o ia mea. O ia fuafuaga e tatau ona faatino i se faiga e lē afaina ai i, po o e lē ogatasi ma aia tatau a lē ua tuuaia faapea se faamasinoga sagatonu ma e le faaituau.

6. E mafai e le Atunuu ona faia se talosaga mo faiga talafeagai ia ia faia e tusa ai o le puipuiga o ana tagata faigaluega po o sooupu ma le puipuiga o faamatalaga agatapuia pe maaleale.

Mataupu 69 Faamatalaga Molimau

1. A o le i faia se molimau, e tatau i tagata molimau taitoatasi uma, e tusa ai ma Tulafono Faafoe o Taulumaga ma Faamatalaga Molimau, ona tuuina atu se suesuega mo le moni atoatoa o faamatalaga molimau ua tuuina mai e tagata molimau.

2. O le molimau a le tagata molimau i se faamasinoga e tatau ona tuuina atu e le tagata lava ia, vagana ai o se isi faiga ua aiaia ai i fuafuaga ua faatulaga i le mataupu 68 po o i Tulafono Faafoe o Taulumaga ma Faamatalaga Molimau. E mafai e le Faamasinoga ona faataga le tuuina atu o faamatalaga molimau tuu fofoga po o molimau faamaumauina a le tagata molimau e ala i masini pue ata vito po o masini pueleo faatekonolosi e faapea ai o se faatomuaga o faamaumauga aloaia po o pepa tusitusia, le noatia ma le fai fuafua i lenei Tulafono ma ia tusa ai ma Tulafono Faafoe o Taulumaga ma Faamatalaga Molimau. O nei fuafuaga e lē tatau ona aafia ai po o e lē ogatasi ma aia tatau a Lē ua tuuaia.

3. E mafai e vaega auai ona tuuina atu molimau e talafeagai ma le mataupu, e tusa ai ma le Mataupu 64. E tatau i le faamasinoga ona i ai le pule faataga e talosagaina ai le tuuina atu o faamatalaga molimau uma, lea ua iloiloina ma talafeagai mo le faia o le faaiuga i le mea moni.

4. E mafai e le Faamasinoga ona faia le faaiuga i le talafeagai ma le taliaina o so o se faamatalaga molimau, i le faaaogāina, faatasi ma isi mea, le aogā lē tumau o faamatalaga molimau ma so o se faiga faaituau lea e mafai ai i lea faamatalaga molimau ona faia se faamasinoga sagatonu po o le fuafuaina lelei o molimau a tagata molimau, e tusa ai ma Tulafono Faafoe o Tualumaga ma Faamatalaga Molimau.
5. E mafai e le Faamasinoga ona amanaiaina ma tausia tulaga aloaia i agatapuia e pei ona aiaia i totonu o Tulafono Faafoe o Tualumaga ma Faamatalaga Molimau.
6. E lē tatau ona manaomia i le Faamasinoga ni faamaoniga o mea moni i le iloa lautele, peitai e mafai ona faaaogā ni faasilasilaga faaletulafono o ia mea.
7. O faamatalaga molimau ua maua e ala i le solia o lenei Tulafono, po o le amanaiaina o aiatatau faava o malo a tagata e le tatau ona taliaina pe afai:
 - (a) o le solia ua atagia ai masalosologa maumaututu i luga o le faatuatuaina o le faamatalaga molimau; po o
 - (b) O le taliaina o faamatalaga molimau o le a feteenai i ma o le a matuā faaleagaina ai le tulaga aloaia o tualumaga.
8. Pe afai e filifili i luga o le talafeagai ai po o le taliaina o faamatalaga molimau ua aoina e se Atunuu, e lē tatau i le Faamasinoga ona faia se faaiuga i luga o le faaaogāina o le tulafono a le Atunuu.

Mataupu 70

Soligatulafono e faasaga i le pulega o le faamasinoga tonu

1. E tatau i le Faamasinoga ona i ai le pulega faa-faamasinoga i soligatulafono ua taua mulimuli ane, e faasaga i le pulega o faamasinoga tonu pe afai ua faia ma le loto i ai:

- (a) le tuuina atu o molimau pepelo pe afai o i ai se noatiaga e tusa ai ma le mataupu 69, parakalafa 1, ina ia faailoa le mea moni;
- (b) le tuuina atu o faamatalaga molimau ua iloa e sese po o e tau faasese e le vaega auai;
- (c) o faiga tauvalea e faatosina ai tagata molimau, o faaluafesasi ai po o ua faalavelaveina ai le auai ai po o molimau a se tagata molimau, tetee atu e faasaga i se tagata molimau mo le tuuina atu o molimau po o le faaleagaina, suia po o le faalavelave i le aoina o faamatalaga molimau;
- (d) le faalavelaveina, taufaamatau po o faiga tauvalea e faatosina ai se tagata ofisa o le Faamasinoga mo le faamoemoe o le faamalosi po o le tauanauina o le tagata ofisa ina ia lē faatinoina lelei pe lē lelei o ona tiute tauave;
- (e) le tetee e faasaga i se tagata ofisa o le Faamasinoga i le faatinoina o tiute tauave o lena tagata po o se isi tagata ofisa;
- (f) le tauanauina po o le taliaina o se faiga faaoloataua i le aveai ai o se tagata maufi o le Faamasinoga i le fesootai ai ma ona tiute tauave aloaia.

2. O taiala faafoe ma taualumaga e faatonutonuina ai le faatinoga e le Faamasinoga o le pulega faa-faamasinoga i luga o soligatulafono i lalo o lenei mataupu e tataua ona faapei o ia taiala ma taualumaga ua tuuina atu mo Tulafono Faafoe o Taulumaga ma Faamatalaga Molimau. O aiaiga mo le tuuina atu o le lagolago faava o malo i le Faamasinoga e tusa ai o ana taualumaga i lalo o lenei mataupu e tataua ona pulea e tulafono faalotoifale a le Atunuu ua talosagaina.

3. Pe afai e faamaonia se moliaga, e mafai e le faamasinoga ona faaee atu se vaiitimi o le nofosala i le falepui i ia lē silia le lima tausaga, po o le sala tupe e tusa ai ma Tulafono Faafoe o Taulumaga ma Faamatalaga Molimau, po o faasalaga uma e lua.

4. (a) e tatau i Atunuu Auai taitasi ona faalautele atu ana tulafono tau solitulafono ia e faia ai faasalaga mo soligatulafono e faasaga i le faatuatuaina o ana ia lava suesuega po o taualumaga tau faamasinoga mo soligatulafono e faasaga i le pulega o le faamasinoga amiotonuu faasinomia i totonu o lenei mataupu, ua faia i totonu o le teritori, po o se tasi o ona tagataanu;
- (b) i luga o le talosaga a le Faamasinoga, i le a lava le taimi e avea ai e faapea ua tatau, e tatau i le Atunuu Auai ona tuuina atu le mataupu i lana pulega agavaa mo le faamoemoe o le faatinoga o se moliaga. O ia pulega e tatau ona tagofia ia mataupu i se tulaga mataalia ma faaaogā atoatoa punaoa talafeagai, e mafai ai ona faatino atoatoa.

Mataupu 71

Faasalaga o le amio le pulea i luma o le Faamasinoga

1. E mafai e le Faamasinoga ona faasala tagata ua auai o sē ua faia se amio le pulea, e aofia ai le faalavelaveina o ana taualumaga po o le fuafua e le tausisia ana faatonuga, e ala i faiga tau pulega na i lo le faa-falepuipui, e ui lava e lē tumau po o le tumau o le aveesea mai le potu faamasino, o se sala tupe po o isi faiga tutusa ua aiaia ai i totonu o Tulafono Faafae o Tualumaga ma Faamatalaga Molimau.
2. O taualumaga ia e faafae ai le faaeina atu o faiga ua faatulaga i le parakalafa 1, o faamatalaga ia aiaia i Tulafono Faafae o Tualumaga ma Faamatalaga Molimau.

Mataupu 72

Puipuiga o faamatalaga tau le saogalemu o le atunuu

1. O lenei mataupu e faaaogā i so o se tulaga pe afai o le faailoaina o faamatalaga po o pepa faamaonia a le Atunuu o le a, i le manatu o lena Atunuu o le a aafia aia tatau o le saogalemu o le atunuu. O nei mataupu e aofia ai le vaega ua aofia i totonu

o le lio o le mataupu 56, parakalafa 2 ma le 3, mataupu 61, parakalafa 3, mataupu 64, parakalafa 3, mataupu 67, parakalafa 2, mataupu 68, parakalafa 6, mataupu 87, parakalafa 6 ma le mataupu 93, faapea foi mataupu e tulai mai i so o se isi lava laasaga o tualumaga pe afai o sea faailoa atu ua avea ma mataupu.

2. O lenei mataupu e tatau foi ona faaaogāina pe afai ua lē taliaina le faia faapea e se tagata sa talosagaina e tuuina atu faamatalaga po o faamatalaga molimau po o ua tuuina atu le mataupu i le Atunuu i luga o le mafuaaga e faapea, o le faailoaina atu o faamatalaga e ono aafia ai aia o le saogalemu o Malo ma ua faamaonia foi e lea Atunuu e faapea, ua i ai lo latou manatu, o le faailoaina atu o faamatalaga o le a ono aafia ai aia o le saogalemu o le Atunuu.

3. E leai se mea i totonu o lenei mataupu e tatau ona afaina ai manaoga o agatapuia e faaaogāina i lalo o le mataupu 54, parakalafa 3(e) ma le (f), po o le faaaogāina o le mataupu 73.

4. Afai ua iloa e se Atunuu e faapea, o faamatalaga po o pepa aloaia a le Atunuu ua faailoaina atu po o e ono faailoaina atu i so o se laasaga o tualumaga, ma ua i ai le manatu e faapea o le faailoaina atu o faamatalaga o le a aafia ai lana aia tau le saogalemu o le Atunuu, o lena Atunuu e tatau ona i ai le aia tatau e faalavelave ai ina ia maua iugafono o le mataupu e tusa ai ma lenei mataupu.

5. Afai, i le manatu o se Atunuu, o le faailoaina atu o faamatalaga o le a aafia ai lana aia o le saogalemu o le Atunuu, e tatau ona faaaogāina laasaga uma e talafeagai e le Atunuu, i se gaioiga soofaatasi ma Faafoe Moliaga, le tetee i moliaga po o le Vaega o le Faamasinoga o Uluai Suesuega, po Vaega o le Faamasinoga o Iloiloga o Mataupu i luma o le Faamasinoga, po le a lava le tulaga e i ai e sailia ina ia foia le mataupu, e ala i auala o le galulue faatasi. O ia laasaga e mafai ona aafia ai:

- (a) fesuiaiga po o le faamalamalamaga o le talosaga;
- (b) se faaiuga ua faia e le Faamasinoga e uiga i le talafeagai o le faamatalaga po o faamatalaga molimau na sailia, po o se faaiuga i faamatalaga molimau pe, e ui ina talafeagai, e ono mafai po o ua maua mai i se punaoa e ese mai nai lo le Atunuu o lo o talosaga i ai;
- (c) le mauaina o le faamatalaga po o faamatalaga molimau mai se punaoa e ese mai, po o ua maua i se isi faiga e ese ai; po o
- (d) se maliiega i luga o tuutuuga e ono mafai ona maua ai i lalo o le fesoasoani e aofia ai isi mea, le tuuina atu o ootoga po o mea e toese, tapulaa i luga o le faailoaina atu, faaogāina o mea pueata i totonu po o taualumaga fai pito tasi, po o isi faiga e puipuia ai ua faatagaina i lalo o le Tulafono ma Tulafono Faafoe o Tualumaga ma Faamatalaga Molimau.

6. Pe a maea ona faia laasaga uma talafeagai e foia ai le mataupu e ala i faiga felagolagomai, ma pe afai e manatu le Atunuu e faapea e leai ni auala po o ni tuutuuga e ono mafai ai ona tuuina atu le faamatalaga po o pepa aloaia po o le faailoa atu e aunoa ma le aafia ai o aia o le saogalemu o le Atunuu, e tataua ona ia faailoa i lea taimi i Faafoe Moliaga po o le Faamasinoga, mafuaaga ua faamaotiina mo lana faaiuga, seia vagana ai o se faamatalaga maoti o mafuaaga e ono taunuu ai pe afai e talafeagai i sea tulaga e aafia ai aia o le saogalemu o le Atunuu.

7. Afai ua manatu le Faamasinoga mulimuli ane e faapea o faamatalaga molimau e talafeagai ma e taua mo le faamautuina o le nofosala po o le tulaga o le lē faamaonia o se nofosala o le tagata ua tuuaia, e mafai e le Faamasinoga ona faatino gaoioiga ua taua e faapea:

- (a) afai o le faailoaina atu o le faamatalaga po o pepa aloaia ua sailia e tusa ai o se talosaga mo le galulue faatasi i lalo o le Vaega 9 po o tulaga o

lo o aliae mai o lo o faamatalaina i totonu o le parakalafa 2, ma le faaaogāina e le Atunuu o mafuaaga mo le teena ua faasinomia i totonu o le mataupu 93, parakalafa 4:

(i) e mafai e le Faamasinoga, a o le i faia so o se faaiuga ua faasinomia i totonu o le faa-parakalafa 7(a)(ii), ona talosagaina nisi faatalatalanoaga mo le faamoemoe o le iloiloaina o le itu a le Atunuu, lea e mafai ona aofia ai, pe a talafeagai, le fofogaina o le mataupu a o pueina ata ma le faia pito tasi;

(ii) afai e faaiuina e le Faamasinoga e faapea, o le faaaogāina o le mafuaaga mo le teena i lalo o le mataupu 93, parakalafa 4, i tulaga ua aliae mai o le mataupu, ua le faia se gaioiga e le Atunuu o lo o talosagaina e tusa ai ma ona noataga i lalo o lenei Tulafono, e mafai e le Faamasinoga ona tuuina atu le mataupu e tusa ai ma le mataupu 87, parakalafa 7, ua faamaotiina ai mafuaaga mo lana faaiuga; ma

(iii) e mafai e le Faamasinoga ona faia sea faaiuga i se taunuuga o le faamasinoga o le tagata ua tuuaia, i le i ai po o le lē i ai o se mea moni, e tusa ona talafeagai ai i tulaga ua aliae mai; po o

(b) i isi tulaga uma lava ua aliae mai:

(i) poloaia le faailoaina atu; po o

(ii) i le tulaga na te lē poloaia ai le faailoaina atu, le faia o sea faaiuga i se faamasinoga o Leua tuuaia, i le i ai po o le lē i ai o se mea moni, e tusa ona talafeagai ai i tulaga ua aliae mai.

Mataupu 73Faamatalaga po o pepa aloaia a Isi-Vaega

Afai ua talosagaina e le Faamasinoga se Atunuu Auai ina ia tuuina atu se pepa aloaia po o faamatalaga o lo o i lana puipuibamalu, umiaina po o le pulea, lea na faailoaina atu i ai ma le talitunuina e se Atunuu, faalapotopotoga i le va o malo po o faalapotopotoga faava o malo, e tatau ona ia sailia le maliega a le vaega na faapogai ai i le faailoaina atu o le faamatalaga po o pepa aloaia. Afai o le vaega na faapogai o se Atunuu Auai, e tatau ona ia tuuina atu le maliega i le faailoaina atu o faamatalaga po o pepa aloaia po o le sagai atu e faia se faaiuga o le mataupu ua faailoa atu i le Faamasinoga i le noatia ma le fai fuafua i aiaiga o le mataupu 72. Afai o le vaega faapogai e le o se Atunuu Auai ma ua teena le faailoaina atu, e tatau i le Atunuu ua talosagaina ona logoina le Faamasinoga e faapea ua lē mafai ona ia tuuina atu pepa aloaia po o faamatalaga ona o se noataga sa i ai muamua o agatapuia i le vaega na faapogai.

Mataupu 74Manaoga mo le faaiuga

1. E tatau i le Vaega o le Faamasinoga o Iloiloga o Mataupu i luma o le Faamasinoga ona auai i laasaga taitasi o le faamasinoga ma i taimi uma o a latou fetufaaiga. E mafai e le Peresetene, i luga o le faavae e faasolo ai mataupu, ona faatulaga, faa-avanoa, le toatasi po o le sili atu o faamasino e fesuisui ai ina ia auai i laasaga taitasi o le faamasinoga ma ia fai ma sui o se sui auai o Vaega o le Faamasinoga o Iloiloga o Mataupu i luma o le Faamasinoga, pe afai o lena sui auai ua lē mafai ona faaauuina lona auai.

2. E tatau ona faavae le faaiuga a Vaega o le Faamasinoga o Iloiloga o Mataupu i luma o le Faamasinoga i luga o ana iloiloga o faamatalaga molimau ma tualumaga atoa lava o le faamasinoga. E lē tatau ona sili atu le faaiuga i mea moni ma tulaga aliae mai ua faamatalaina i totonu o moliaga ma so o se teuteuga i moliaga. Faatoa mafai e le Faamasinoga ona faia

lana faaiuga i luga o faamatalaga molimau ua tuuina atu ma talanoaina i luma o le Faamasinoga a o faia le faamasinoga.

3. E tatau i Faamasino ona taumafai ia ausia se maliega afaatasi i la latou faaiuga, ae afai e lē mafai, e tatau ona faaogāina le faaiuga a le vaega toatele o faamasino.

4. E tatau ona tausia iloiloga a le Vaega o le Faamasinoga o Iloiloga o Mataupu i luma o le Faamasinoga i se tulaga faalilolilo.

5. E tatau ona faia i se faiga tusitusia le faaiuga ma e tatau ona aofia ai se faamatalaga atoatoa ma mafuaaga o le taunuuga o suesuega a Vaega o le Faamasinoga o Iloiloga o Mataupu i luma o le Faamasinoga i luga o faamatalaga molimau ma faaiuga. E tatau i Vaega o le Faamasinoga o Iloiloga o Mataupu i luma o le Faamasinoga ona tuuina atu se faaiuga autasi. Afai e leai se maliega autasi, e tatau ona aofia i le faaiuga a Vaega o le Faamasinoga o Iloiloga o Mataupu i luma o le Faamasinoga, o manatu o le vaega toatele ma le vaega toaitiiti.

E tatau ona tuuina atu i totonu o le faamasinoga ua avanoa i tagata lautele le faaiuga po o le ootoga o lea faaiuga.

Mataupu 75 Tau mo tagata afaina

1. E tatau i le Faamasinoga ona faavae ni taiala faavae e faasino i tau e tuuina atu i, po o e tusa ai o, tagata afaina, e aofia ai tupe e toe totogiina atu, tau ma le toe faaleleia o le soifuaga. I luga o leni faavae, e mafai e le Faamasinoga i lana faaiuga, po o pe a talosagaina, po o i luga o sana lava gaoioiga i tulaga aliae mai e tulaga ese lava, faia le alafua ma le tulaga o so o se mea faaleagaina, leiloa ma faamanuaina ai le, po o e tusa ai o, tagata afaina ma le faailoaina o faavae taiala lea ua ia faaogāina.

2. E mafai e le Faamasinoga ona faia se poloaiga tuusao e faasaga i se tagata ua molia faaletulafono, lea ua faamaotiina ai tau i talafeagai e tuuina atu i, po o e tusa ai o, tagata afaina, e aofia ai tupe e toe totogiina atu, tau ma le toe faaleleia o le soifua.

Afai e talafeagai ai, e mafai e le Faamasinoga ona poloaia e faapea, o le tuuina atu o tau e tatau ona faia e ala i le Tupe Teu Faamavaega ua aiaia i totonu o le Mataupu 79.

3. A o le i faia o se poloaiga i lalo o lenei mataupu, e mafai e le Faamasinoga ona valaauina ma e tatau ona amanaia tagata o fai ma sui po o le avea ma sui o le tagata ua molia faaletulafono, tagata afaina, isi tagata o fia auai po o atunuu o lo o fia auai.

4. I le faatinoina o ona malosiaga i lalo o lenei mataupu, e mafai e le Faamasinoga, ina ua maea le faamaonia faaletulafono o se moliaga o le tagata e tusa ai ma le puleaga faa-faamasinoga a le Faamasinoga, fuafuaina pe, ina ia tuuina atu le faamamaluina o se poloaiga lea e ono mafai ona ia faia i lalo o lenei mataupu, e talafeagai lava ona sailia ni faiga i lalo o le mataupu 93, parakalafa 1.

5. E tatau i se Atunuu Auai ona tuuina atu le faamamaluga o se faiuga i lalo o lenei mataupu e faapei ai o lo o faaogāina aiaiga o le mataupu 109 i lenei mataupu.

6. E leai se mea o i totonu o lenei mataupu, e tatau ona faaliliuina e lamatia ai aia tatau o tagata ua afaina i lalo o tulafono faale atunuu po o tulafono faava o malo.

Mataupu 76

O le tuuina atu o faasalaga

1. Pe a tulai mai se moliaga ua faamaonia faaletulafono, e tatau i le Vaega o le Faamasinoga o Iloiloga o Mataupu i luma o le Faamasinoga ona iloilo le faasalaga talafeagai e faaeeina atu

ma e tatau ona amanaia faamatalaga molimau ua tuuina mai ma tusitusiga na faia a o faagasolo le faamasinoga lea e talafeagai i le faasalaga.

2. Ae vagana ai pe afai o le mataupu 65 e faaaogāina ma a o le i maea le faamasinoga, e mafai e le Vaega o le Faamasinoga o Iloiloga o Mataupu i luma o le Faamasinoga i luga o sana lava gaoioiga, ma e tatau, i le Faafoe Moliaga po o le tagata ua tuuaia, ona taofia se isi fofogaina o le mataupu e fofogaina ai so o se isi faamatalaga molimau faaopoopo po o tusitusiga talafeagai i le faasalaga, e tusa ai ma Tulafono Faafoe o Taulumaga ma Faamatalaga Molimau.

3. Afai e faaaogā le parakalafa 2, o so o se faamatalaga i lalo o le mataupu 75, e tatau ona fofogaina a o faagasolo nisi fofogaina o le mataupu ua faasinomia i totonu o le parakalafa 2 ma, pe afai e talafeagai, a o faagasolo so o se isi fofogaina faaopoopo o le mataupu.

4. E tatau ona faalauiloa le faaiuga i se tulaga lautele ma, pe afai e talafeagai ai, i le auai ai o le tagata ua tuuaia.

VAEGA 7. FAASALAGA

Mataupu 77 Faasalaga talafeagai

1. I le noatia ma le fai fuafua i le mataupu 110, e mafai e le Faamasinoga ona faaeeina atu se tasi o nei faasalaga i se tagata ua faamaonia faaetulafono sona moliaga i se solitulafono ua faasinomia i totonu o le mataupu 5 o lenei Tulafono:

- (a) Nofosala i le falepuipui mo se aofaiga o tausaga ua faamaotiina, lea e lē mafai ona sili atu i le tapulaa maualuga o le 30 tausaga; po o
- (b) O le nofosala i le falepuipui i le olaga atoa pe afai ua faamaonia i le mamafatu aiai o le solitulafono ma le tulaga aliae mai taitasi o le tagata ua

faamaonia faaletulafono lona moliaga i se solitulafono.

2. E faaopoopo atu i le nofosala i le falepuipui, e mafai e le Faamasinoga ona poloaia:

(a) Se sala tupe i lalo o le taiala faataatia ua aiaia i totonu o le Tulafono Faafaoe o Taulumaga ma Faamatalaga Molimau;

(b) Se faamatuuese o tupe maua, meatotino ma aseta sa maua tuusao mai pe leai foi mai lea solitulafono, e aunoa ma le aafia ai o aia tatau o isi vaega faamaoni.

Mataupu 78

Fuafuaina o faasalaga

1. I le fuafuaina o faasalaga, e tatau i le Faamasinoga, e tusa ai ma Tulafono Faafaoe o Taulumaga ma Faamatalaga Molimau, ona amanaia isi itu e tusa ai o le mamafa o le solitulafono ma tulaga aliae mai taitasi i le tagata ua faamaonia lona moliaga.

2. I le faaeeina atu o se faasalaga e nofosala ai i le falepuipui, e tatau i le Faamasinoga ona toese le taimi, pe afai e i ai, sa faaaluina muamua i le faasalaga e tusa ai ma se poloaiga a le Faamasinoga. E mafai e le Faamasinoga ona toese so o se taimi sa faaaluina i se isi faia e ese ai i le faasalaga e tusa ai o se amio o lo o taua i lalo o le solitulafono.

3. Afai ua faamaonia moliaga o se tagata i le sili atu i lo le tasi le solitulafono, e tatau i le Faamasinoga ona faasilasila maoti se faasalaga mo solitulafono taitasi ma se faasalaga tuufaatasi e faamaoti mai ai le aofaiga atoa o le vaitaimi e nofosala ai i le falepuipui. E lē tatau ona itiiti ifo lenei vaitami i lo faasalaga aupito maua luga taitasi ma e lē tatau ona silia i le 30 tausaga e nofosala ai i le falepuipui ai po o se faasalaga e nofosala ai i le falepuipui mo le olaga atoa ina ia ogatasi ma le mataupu 77, parakalafa 1(b).

Mataupu 79Faaputugatupe Faa-Tausi Mavaega

1. E tatau ona faavaeina se Faaputugatupe Faa-Tausi Mavaega e ala i le faaiuga a le Fono Aoa o Atunuu Auai mo le manuia o tagata ua afaina i solitulafono e aofia i puleaga faa-faamasinoga a le Faamasinoga, ma aiga o tagata ua afaina.
2. E mafai e le Faamasinoga ona poloaiina tupe ma isi meatotino ua aoina e ala i sala tupe po o le faamatuueseina ina ia faaliliuina, e ala i se poloaiga a le Faamasinoga, i le Faaputugatupe Faa-Tausi Mavaega.
3. E tatau ona faafoeina le Faaputugatupe Faa-Tausi Mavaega e tusa ai ma taiala faataatitia ia e fuafuaina e le Fono Aoa o Atunuu Auai.

Mataupu 80E le aafia le faaaogāina i le atunuu o faasalaga
ma tulafono a le atunuu

E leai se mea i totonu o lenei Vaega e aafia ai le faaaogāina e Malo o faasalaga ua faatonuina e tulafono a o latou atunuu, po o tulafono o Malo ia latou te le aiaia faasalaga ua faatonuina mai i lenei Vaega.

**VAEGA 8. TALOSAGA FAASAGA I FAAIUGA A LE
FAAMASINOGA MA ILOILOGA**Mataupu 81Talosaga e faasaga i le faaiuga e faamagalalo ai po o le faamaonia
o moliaga po o e faasaga i faasalaga

1. E mafai ona faia se talosaga faasaga i se faaiuga i lalo o le mataupu 74 e tusa ai ma Tulafono Faafae o Tualumaga ma Faamatalaga Molimau e faapea:
 - (a) e mafai e le Faafae Moliaga ona faia se talosaga faasaga i faaiuga i luga o so o se mafuaaga e faapea:

- (i) o se mea sese i taualumaga;
 - (ii) o se mea sese i faamatalaga moni; po o
 - (iii) faaletonu o le tulafono;
 - (b) e mafai e le tagata ua faamaonia lana solitulafono, po o le Faafoe Moliaga e avea ai ma sui o lena tagata, ona faia se talosaga e faavae i luga o so o se mafuaaga ua taua e faapea:
 - (i) faaletonu tau taualumaga;
 - (ii) mea sese o faamatalaga;
 - (iii) mea sese o le tulafono; po o
 - (iv) so o se isi lava mafuaaga lea e aafia ai le tulaga sagatonu po o le faatuatuaina o taualumaga po o faaiuga.
2. (a) e mafai ona faia se talosaga e faasaga i se faaiuga o se faasalaga, ina ia tusa ai ma Tulafono Faafoe o Taualumaga ma Faamatalaga Molimau, e le Faafoe Moliaga po o le tagata ua faamaonia lana solitulafono i luga o le mafuaaga e le tutusa le solitulafono ma le faasalaga;
- (b) afai i luga o se talosaga ua faia faasaga i le faasalaga ua manatu le Faamasinoga e faapea o lo o i ai mafuaaga e mafai ai ona faataatiaese moliaga ua faamaonia faaletulafono, atoa po o se vaega, e mafai ona ia valaauina e le Faafoe Moliaga faatasi ma le tagata ua faamaonia lana solitulafono e tuuina atu mafuaaga i lalo o le mataupu 81, parakalafa 1(a) po o le (b), ma e mafai ona tuuina atu se faaiuga i luga o moliaga ua faamaonia faaletulafono e tusa ai ma le mataupu 83;
- (c) e faaaogāina taualumaga lava ia pe afai e manatu le Faamasinoga, i luga o se talosaga toe Iloilo e faasaga i na o moliaga ua faamaonia faaletulafono, e faapea o lo o i ai mafuaaga e toe faaitiitia ai le faasalaga i lalo o le parakalafa 2(a).

3.
 - (a) seia vagana ua poloaia e Vaega o le Faamasinoga o Iloiloga o Mataupu i luma o le Faamasinoga i se isi faiga e ese ai, e tatau i se tagata ua faamaonia lana solitulafono ona tumau ai pea le taofia i totonu o le falepuipui a o faatalia se talosaga toe iloilo;
 - (b) e afai ua silia le taimi na taofia ai i le falepuipui se tagata ua faamaonia lana solitulafono ua faaeina atu i ai, e tatau ona tatalaina lea tagata i tua, ae vagana ai e faapea afai o lo o talosaga foi le Faafoe Moliaga, e mafai ona noatia ma fai fuafua le tatalaina i tua i tuutuuga i lalo o le faaparakalafa (c) o lo o taua i lalo;
 - (c) i le tulaga o se faamagaloga, e tatau ona tatalaina i tua Lē ua tuuaia i le taimi lava lea, i le noatia ma le fai fuafua i tulaga ua taua e faapea:
 - (i) i lalo o tulaga e ese ai, ma i le amanaia ai, e faasino tonu i ai ma ia avea faatasi ma ia mea, i le tulaga mautu o le lamatiaga e sola ese ai, o le ogaoga o le soligatulafono ua molia ai ma le tulaga fesiligia o le faamanuiaina o le talosaga toe iloilo, e mafai e Vaega o le Faamasinoga o Iloiloga o Mataupu i luma o le Faamasinoga, i le talosaga a le Faafoe Moliaga, ona faatumauiina le faasalaina o le tagata o lo o faatalia le talosaga toe iloilo;
 - (ii) o se faaiuga a Vaega o le Faamasinoga o Iloiloga o Mataupu i luma o le Faamasinoga i lalo o le faa-parakalafa (c)(i) e ono mafai ona talosaga faasaga i se faaiuga a le Faamasinoga ina ia tusa ai ma Tulafono Faafoe o Taulumaga ma Faamatalaga Molimau.
4. I le noatia ma le fai fuafua i aiaiga o le parakalafa 3(a) ma le (b), o le faatinoina o le faaiuga po o le faasalaga e tatau ona faataatia ese lē tumau a o faagasolo le vaitaimi faatagaina

mo talosaga toe iloilo ma mo le umi o le taimi o taualumaga o talosaga faasaga i faaiuga a le Faamasinoga.

Mataupu 82

Talosaga e faasaga i isi faaiuga

1. So o se vaega e mafai ona latou talosagaina le toe iloiloga o so o se faaiuga ua taua mulimuli ane e tusa ai ma Tulafono Faafae o Tualumaga ma Faamatalaga Molimau:
 - (a) o se faaiuga e tusa ai ma le puleaga faa-faamasinoga po o le taliaina;
 - (b) o se faaiuga e tuuina atu ai po o le teena o le tatalaina i tua o le tagata ua maea ona suesueina po o ua moliaina;
 - (c) o se faaiuga a le Vaega o le Faamasinoga o Uluai Suesuega e faia ai se gaoioiga i lona sogasoga lelei i lalo o le mataupu 56, parakalafa 3;
 - (d) o se faaiuga o lo o aafia ai se mataupu e faapea o le a iloga ona aafia ai le pulega sagatonu ma faavavevave o taualumaga po o le taunuuga e tulai mai o le faamasinoga, ma mo lea, i le manatu o le Vaega o Uluai Suesuega po o le Vaega o le Faamasinoga o Iloiloga o Mataupu i luma o le Faamasinoga e mafai i se faaiuga e faia i le taimi lava lea e le Vaega o le Faamasinoga mo Talosaga faasaga i faaiuga a le Faamasinoga ona tuuina faapitoa mai ai i luma taualumaga.
2. E mafai ona talosagaina se faaiuga a le Vaega o le Faamasinoga o Uluai Suesuega i lalo o le mataupu 57, parakalafa 3(d), e faasaga i le Atunuu ua aafia po o, le Faafae Moliaga i le faatagaga a le Vaega o le Faamasinoga o Uluai Suesuega. E tatau ona fofogaina le talosaga i luga o se faiga vave.
3. E lē tatau i se talosaga lava ia ona i ai aafiaga le mautinoa vagana ai ua faapea ona poloaia e le Vaega o le Faamasinoga mo Talosaga faasaga i faaiuga a le Faamasinoga i

luga o se talosaga, ina ia tusa ai ma Tulafono Faafoe o Tualumaga ma Faamatalaga Molimau.

4. O se loia a tagata ua afaina, tagata ua faamaonia faaletulafono le solitulafono po o se tagata loto lelei o lo o umia meatotino ua matuia le afaina ona o se poloaiga i lalo o le mataupu 75, e mafai ona talosaga faasaga i le poloaiga mo tau, e pei ona aiaia i Tulafono Faafoe o Tualumaga ma Faamatalaga Molimau.

Mataupu 83

Tualumaga o talosaga faasaga i faaiuga a le Faamasinoga

1. Mo faamoemoega o tualumaga i lalo o le mataupu 81 ma lenei mataupu, e tatau ona i ai malosiaga uma o le Vaega o le Faamasinoga mo Talosaga faasaga i faaiuga a le Faamasinoga o le Vaega o le Faamasinoga o Iloiloga o Mataupu i luma o le Faamasinoga.

2. Afai ua maua e le Vaega o le Faamasinoga mo Talosaga faasaga i faaiuga a le Faamasinoga e faapea e le sagatonu tualumaga o lo o faia ai le talosaga, i se tulaga e faapea ua afaina ai le faatuatua o le faaiuga po o le faasalaga, po o e faapea o le faaiuga po o le faasalaga o lo o talosaga le toe iloilo ina ua ogaoga le afaina i faaletonu o mea moni po o faaletonu o le tulafono po o faaletonu o tualumaga, e mafai ona ia:

- (a) toe suia po o le toe teuteuina le faaiuga po o le faasalaga; po o
- (b) poloaia o se faamasinoga fou a o le i faia i luma o le Vaega o le Faamasinoga o Iloiloga o Mataupu i luma o le Faamasinoga e ese mai.

Mo nei faamoemoega, e mafai e le Vaega o le Faamasinoga o Talosaga faasaga i faaiuga a le Faamasinoga ona toe faafoi se mataupu moni i le Faamasinoga na uluai faia e le Vaega o le Faamasinoga o Iloiloga o Mataupu i luma o le Faamasinoga ma toe lipoti mai e tusa ai ma lea tulaga, po o e mafai e ia lava ona tapa faamatalaga molimau e faia ai le

faaiuga o le mataupu. Afai ua talosagaina le toe iloiloga o le faaiuga po o le faasalaga e le tagata lava lea ua faamaonia lona moliaga, po o le Faafoe Moliaga e avea ai ma sui o lea tagata, e le mafai ona toe teuteuina mo lona tauleleia.

3. Afai o se talosaga e faasaga i faasalaga ua manatu le Vaega o le Faamasinoga o Talosaga faasaga i faaiuga a le Faamasinoga e faapea o le faasalaga e le o laugatasia ma le solitulafono, e mafai ona suia ai le faasalaga ina ia tusa ai ma le Vaega 7.

4. O le faaiuga a le Vaega o le Faamasinoga o Talosaga faasaga i faaiuga a le Faamasinoga e tatau ona amanaia e le vaega tele aiai o faamasino ma e tatau ona tolaulauina i totonu o le fale faamasino. E tatau ona taua mai ai mafuaaga ua faavae ai le faaiuga. Afai e le o maua le maliega autasi, e tatau ona aofia ai i le faaiuga a le Vaega o le Faamasinoga o Talosaga faasaga i faaiuga a le Faamasinoga ua manatu faaalua o le vaega aupito toatele faatasi ai ma le vaega toaititi, peitai e mafai e se faamasino ona tolaulauina se manatu e ese ai po o se manatu e tetee ai i luga o le fesiligia o le tulafono.

5. E mafai e le Vaega o le Faamasinoga o Talosaga faasaga i faaiuga a le Faamasinoga ona tolaulauina lana faaiuga i le lē auai ai o le tagata ua faamagaloina po o ua faamaonia lana solitulafono.

Mataupu 84

Toe faatonuina o moliaga ua faamaonia faaletulafono po o faasalaga

1. E mafai e le tagata ua faamaonia le solitulafono po o , pe afai ua maliu, o taitoalua, fanau, matua po o se tagata e toatasi o lo o soifua mai i le taimi ua maliu ai Lē ua molia o ia lea na tuuina atu i ai faatonuga tusitusia manino mai le ua molia ina ia tuuina mai sea talosaga, po o le Faafoe Moliaga e avea ai ma sui o le tagata, ona talosagaina le Vaega o le Faamasinoga o Talosaga faasaga i faaiuga a le Faamasinoga ina ia toe faatonu

le faaiuga mausali o le moliaga ua faamaonia faaletulafono po o le faasalaga i luga o mafuaaga e faapea:

(a) ua maua faamatalaga molimau fou e faapea:

(i) e le i tuuina atu i le taimi o le faamasinoga, ma o le le i tuuina atu o ia mea sa le i saofaga atoatoa ai po o se vaega i le itu na faia le talosaga; ma

(ii) e matua taua e faapea ana faamaonia i le faamasinoga, semanu e ono mafai ona taunuu ai i se faaiuga e ese ai;

(b) ua maua mulimuli ane e faapea o faamatalaga molimau e faia ai le faaiuga, ma faaaogāina i le faamasinoga ma na faalagolago i ai le moliaga ua faamaonia, e sese, faamalosia le faia po o le faaseseina;

(c) ua faia e se toatasi po o le sili atu o faamasino o i latou ia na auai i le moliaga ua faamaonia faaletulafono po o le faamaoniga o moliaga, i lea tulaga, se gaioiga sese matuia po o le soliga matuia o tiute tauave ua lava le mamafa e faamaonia ai le aveesea o lea faamasino po o na faamasino mai tofiga i lalo o le mataupu 46.

2. E tatau i le Vaega o le Faamasinoga o Talosaga faasaga i faaiuga a le Faamasinoga ona teena le talosaga pe afai ua ia manatu; e lē faavaea. Afai ua i ai lana faaiuga e faapea e tele itu taualoa o le talosaga, e mafai e ia ona, e pei ona talafeagai ai:

(a) ona toe tauaofia le Vaega o le Faamasinoga o Iloiloga o Mataupu i luma o le Faamasinoga;

(b) toe faavae se Vaega o le Faamasinoga o Iloiloga o Mataupu i luma o le Faamasinoga; po o

(c) toe faamautuina pulega faa-faamasinoga i luga o le mataupu,

faatasi ai ma le manatu, i le maea ai o le fofogaina o vaega, auai i le faiga ua faatulaga mai i Tulafono Faafoe o Taulumaga ma Faamatalaga Molimau, ua laugatasia ai i se faaiuga pe tatau ona toe faatonu le faaiuga.

Mataupu 85Tau mo tagata ua pueina faa-pagota po o se tagata ua faamaonia faaetulafono lona moliaga

1. So o se tasi o ia lea ua afaina i le pueina e le tusa ai ma le tulafono po o ua faasalaina, e tatau ona faamalosiā lana aia tatau i tau.
2. Afai o se tagata ua faamaonia le solitulafono e ala i se faaiuga mausali e uiga i se soligatulafono mamafa, ma pe afai ua toe suia mulimuli ane le faamaonia o lana solitulafono i luga o le mafuaaga e faapea ua toe maua mai faamatalaga moni fou e faaalā atoatoa ai e faapea e lē i sagatonu le faaiuga amiotonu, e tatau ona totogi atu tau i le tagata o ia lea sa mafatia i le faasalaga ona o le taunuuga o sea faamaoniga o le solitulafono e tusa ai ma le tulafono, vagana ai ua faamaonia e faapea o le tau ona faailoaina atu o faamatalaga moni e lē i iloaina i lea lava taimi ua faatatauina atoa lava po o se vaega ia te ia.
3. I tulaga faapitoa e aliae mai, afai ua maua e le Faamasinoga faamatalaga moni atoatoa e faaalā ai e faapea sa le i faataunuaina le faaiuga amiotonu, e mafai i lana lava faitalia ona tuuina atu tau, e tusa ai ma taiala ua aiaia i Tulafono Faafoe o Tulafono o Tualumaga ma Faamatalaga Molimau, i se tagata o Ia lea sa tatalaina i tua mai faasalaga i le maea ai o faaiuga mausali o le faamagaloga po o le faamutaina o tualumaga mo lea mafuaaga.

VAEGA 9. GALULUE FAATASI FAAVA O MALO MA FESOASOANI TAU PULEGA FAA-FAAMASINOGAMataupu 86Noataga lautele e galulue faatasi ai

E tatau i Atunuu Auai ina ia tusa ai ma aiaiga o lenei Tulafono, ona galulue punouai faatasi ma le Faamasinoga i ana suesuega ma moliaga o solitulafono i totonu o pulega a le Faamasinoga.

Mataupu 87Talosaga mo le galulue faatasi: aiaiga lautele

1. (a) e tatau i le Faamasinoga ona i ai le pule faataga e faia ai talosaga i Atunuu Auai mo le galulue faatasi. E tatau ona faaoo atu talosaga i auala faava o malo po o so o se isi lava auala talafeagai ua mafai ona filifili e Atunuu Auai taitasi i faamaoniga, taliaina, faamaonia po o le ulufale atu.

O suiga e faia mulimuli ane i le nofoaga atofaina e tatau ona faia e Atunuu Auai taitasi ina ia tusa ai ma Tulafono faafoe o Taulumaga ma Faamatalaga Molimau:

- (b) afai e talafeagai ai, e aunoa ma le aafia ai o aiaiga o le faa-parakalafa (a) e mafai foi ona faaoo atu e ala atu i le Faalapotopotoga a Leoleo Faava o Malo o Solitulafono po o so o se faalapotopotoga faaitulagi talafeagai.
2. O talosaga mo le galulue faatasi ma so o se pepa aloaia e lagolagoina ai le talosaga e tatau ona i ai i totonu po o le tuuina atu faatasi ma se faaliliuga i se gagana aloaia a le Atunuu o lo o talosagaina po o se tasi o gagana o lo o faaogāina e le Faamasinoga, e tusa ai ma le filifiliga ua faia e lea Atunuu i luga o saina, faamaoniga faaletulafono, faamaonia po o toe faaopoopoga.

O suiga e faia mulimuili ane i lenei filifiliga e tatau ona faia ina ia tusa ai ma Tulafono Faafoe o Taulumaga ma Faamatalaga Molimau.

- -
 3. E tatau i le Atunuu o lo o talosaga i ai ona tausia tulaga agatapuia o se talosaga mo le galulue faatasi, ma so o se pepa aloaia e lagolago ai le talosaga, vagana ai i le tulaga e faapea e talafeagai le faailoaina mo le faatinoga o le talosaga.

4. I le itu i so o se isi talosaga mo fesoasoani na tuuina mai i lalo o lenei Vaega, e mafai e le Faamasinoga ona faia ia laasaga e aofia ai tulaga e faasino i le puipuiga o faamatalaga, e pei ona mafai ona talafeagai e faamautinoa ai le saogalemu o le tulaga o le maloloina lelei o so o se tagata afaina, tagata molimau e ono aafia i, ma o latou aiga. E mafai ona talosagaina e le Faamasinoga e faapea o so o se faamatalaga ua faaavanoain i lalo o lenei Vaega e tatau ona tuuina atu ma tagofia i se faiga e puipuia ai le saogalemu ma le lelei po o le maloloina lelei o so o se tagata ua afaina, tagata molimau e ono aafia ma o latou aiga.
5. (a) E mafai ona valaauiina e le Faamasinoga so o se Atunuu e le o avea ma vaega auai i lenei tulafono e tuuina mai fesoasoani i lalo o lenei Vaega i luga o le mafuaaga autu mo na o se faatulagaga faapitoa, se maliega ma sea Malo po o so o se isi lava faavae talafeagai:
- (b) afai o se Atunuu e le o avea ma se vaega auai o lenei Tulafono, lea na ofi atu i se faatulagaga faapittoa po o maliega ma le Faamasinoga, ua le mafai ona galulue faatasi ma le talosaga e tusa ai o so o sea faatulagaga po o maliega, e mafai foi e le Faamasinoga ona logoina le Fono Aoa o Atunuu Auai po o, le Fono o Puipuigamalu, pe afai ua tuuina atu le mataupu e le Fono o Puipuigamalu i le Faamasinoga;
6. E mafai e le Faamasinoga ona t̄p̄ā so o se faalapotopotoga tau lotoifale o malo e tuuina atu faamatalaga po o pepa aloaia. E mafai foi e le Faamasinoga ona tapa mo isi ituaiga fesoasoani e ono mafai ona malilie faatasi i ai ma sea faalapotopotoga ma o lo o faapea ona tusa ai ma lona tulaga agavaa po o lana pule faataga.
7. Afai ua le mafaia e se Atunuu Auai ona tausisia se talosaga a le Faamasinoga e galulue faatasi ai e ese mai ai i aiaiga o lenei Tulafono, ua faapea ai ona puipuia ai le Faamasinoga mai le faatinoina o ana galuega tauave ma

malosiaga i lalo o lenei tulafono, e mafai e le Faamasinoga ona faia se sailiiliga i lea tulaga ma tuuina atu le mataupu i le Fono Aoa o Atunuu Auai po o, le Fono a Puipuigamalu pe afai ua tuuina atu le mataupu e le Fono o Puipuigamalu i le Faamasinoga.

Mataupu 88

O le avanoa o taualumaga i lalo o tulafono faaleatunuu

E tatau i Atunuu Auai ona faamautu e faapea o lo o avanoa taualumaga i lalo o a latou tulafono faale atunuu mo ituaiga galuega soofaatasi uma ia o lo o faamaoti mai i lalo o lenei Vaega.

Mataupu 89

Toe faafoi atu o tagata i le Faamasinoga

1. E mafai e le Faamasinoga ona faaoo atu se talosaga mo le pueina ma le toe faafoi atu o se tagata, faatasi ai ma faamatalaga e lagolagoina ai le talosaga ua faatulaga mai i le mataupu 91, i so o se Atunuu o le teritori lea ua mafai ai ona maua lea tagata ma e tatau ona talosagaina le galulue faatasi ma lea Atunuu i le pueina faa-pagota ma le toe faafoi atu o sea tagata. E tatau i Atunuu Auai, ina ia tusa ai ma aiaiga o lenei Vaega ma taualumaga i lalo o le latou tulafono faale atunuu, ona tausisia talosaga mo le pueina faa-pagota ma le toe faafoi.

2. Afai ua tuuina mai se luitau o se tagata na sailia mo le toe faafoi atu i luma o se faamasinoga faaleatunuu i luga o le mafuaaga o faiga taualoa o neb is in idem e pei ona aiaia i le mataupu 20, e tatau i le Atunuu ua talosaga i ai ona faatalatalanoa ma le Faamasinoga i le taimi lava lea, e faia se faaiuga pe afai na talafeagai le faaiuga e taliaina. Afai e taliaina le mataupu, e tatau i le Atunuu o lo o talosaga i ai ona faagasolo le faatinoga o le talosaga. Afai o lo o faatalia se faaiuga e taliaina ai, e mafai e le Atunuu o lo o talosaga i ai ona tolopo le faatinoga o le talosaga mo le toe faafoi o le tagata seia vagana ua faia se faaiuga a le Faamasingoa i luga o lona taliaina.

3. (a) E tatau i Atunuu Auai ona faatagaina ina ia tusa ai ma ana tulafono o taualumaga faaleatunuu, o le feaveaiga o le tagata ua toe faafoi atu i le faamasinoga e se isi Atunuu, seia vagana ai pe afai e ui atu i lea Atunuu o le a faalavelaveina po o le faatuai ai o le toe faafoi atu.
- (b) O se talosaga e faia e le Faamasinoga mo le uia e tatau ona faaoo atu ina ia tusa ai ma le mataupu 87. E tatau ona aofia ai i le talosaga mo le uia o se isi Atunuu mea ua taua e faapea;
- (i) se faamatalaga o le tagata ua feaveaia.
- (ii) se faamatalaga auiliili o faamatalaga moni o le mataupu ma o latou uiga faaetulafono; ma
- (iii) se poloaiga mo le pueina faa-pagota ma le toe faafoi atu;
- (c) e tatau i tagata ua feaveaia ona taofia i le falepuipui a o faagasolo le vaitaimi e uia ai;
- (d) e le manaomia se faatagaga pe afai ua feaveaia le tagata i luga o vaalele ma e le o faatulagaina lona tulaeleele i le teritori o le Atunuu e uia;
- (e) afai ua tulai mai ua tulaeleele ae le i faatulagaina i le teritori o le Atunuu e uia, e mafai e lea Atunuu ona manaomia se talosaga mo le uia mai le Faamasinoga e pei ona aiaia i le faaparakalafa (b). E tatau i le Atunuu e uia ai ona taofia le tagata o lo o feaveai seia vagana ua mauaina le talosaga e uia ai ma ua aloaia le uia, ina ia aiaia e faapea o le taofia mo faamoemoega o lenei faaparakalafa e lē mafai ona toe faaopoopoina i luga atu o le 96 itula mai le taimi ua tulaeleele ai e aunoa ma se faatagaga seia vagana ai ua mauaina le talosaga i totonu o lea taimi.
4. Afai o le tagata na sailia ua maea ona faia faasaga i ai taualumaga po o le faia o se faasalaga i totonu o le Atunuu o lo o talosagaina, mo se solitulafono e ese mai lea ua sailia ai le toe faafoi i le Faamasinoga, e tatau i le Atunuu ua talosagaina, i le

maea ai ona faia lana faaiuga e tuuina atu le talosaga, ona faia se faatalanoaga ma le Faamasinoga.

Mataupu 90
Talosaga faafinai

1. E tatau i se Atunuu Auai lea ua mauaina se talosaga mai le Faamasinoga mo le toe faafoi atu o se tagata i lalo o le mataupu 89, pe afai ua ia mauaina foi se talosaga mai so o se isi lava Atunuu mo le aumaia po o le tuueseina o le tagata lava lea mo le amioga lava lea e tasi lea o lo o tulai mai ai le mafuaaga o le solitulafono lea o lo o sailia ai e le Faamasinoga le tagata ia toe faafoi atu, ina ia logoina le Faamasinoga ma le Atunuu o lo o talosagaina e uiga i le mea moni.

2. Afai o le Atunuu o lo o talosaga i ai o se Atunuu Auai, e tatau i le Atunuu o lo o talosaga i ai ona tuuina atu le faamuamua i le talosaga mai le Faamasinoga pe afai:

(a) sa faia e le Faamasinoga, ina ia tusa ai ma le mataupu 18 po o le 19, se faaiuga e faapea o le mataupu o lo o sailia ai le toe faafoi ua taliaina ma e faapea o lo o amanaia i le faaiuga le suesuega po o moliaga ua faia e le Atunuu o lo o talosagaina e tusa ai o lana talosaga mo le aumaia po o le tuueseina atu; po o

(b) e mafai e le Faamasinoga ona faia le faaiuga ua faamatalaina i le faa-parakalafa (a) e tusa ai o le faasilasilaga a le Atunuu ua talosagaina i lalo o le parakalafa 1.

3. Afai e le i faia se faaiuga i lalo o le parakalafa 2 (a), e mafai e le Atunuu o lo o talosagaina, i lana pule faitalia, a o faatalia le faaiuga a le faamasinoga i lalo o le parakalafa 2 (b), ona faagasolo le tagofiaina o le talosaga mo le aumaia atu ma le tuueseina atu o le tagataa seia vagana ua faia se faaiuga a le Faamasinoga e faapea ua taliaina le mataupu. E tatau i le Faamasinoga ona faia lana faaiuga i se tulaga faanatinati.

4. Afai o le Atunuu o lo faia le talosaga o se Atunuu e le o avea ma Atunuu Auai o lenei Tulafono, e tatau ona ave le faamuamua i le Atunuu o lo o talosagaina pe afai e lē o i lalo o se noataga faava o malo e aumai ai po o le tuueseina o le tagata i le Atunuu o lo o talosaga, i le talosaga mo le toe faafoi mai le Faamasinoga, pe afai ua faia le faaiuga a le Faamasinoga e faapea ua taliaina le mataupu.

5. Afai e le i faia se faaiuga o se mataupu i lalo o le parakalafa 4 ina ia taliaina e le Faamasinoga, e mafai e le Atunuu o lo o talosaga i ai, i lana pule faitalia, ona faagasolo ona tagofia le talosaga mo le aumaia po o le tuueseina atu mai le Atunuu o lo o talosaga.

6. I tulaga pe afai e faaogā le parakalafa 4 seia vagana ai e faapea o le Atunuu o lo o talosaga i ai o lo o i lalo o se noataga faavao o malo e aumaia ai pe tuueseina atu le tagata i le Atunuu o lo o talosagaina, e lē o se Atunuu Auai i lenei Tulafono, e tatau i le Atunuu o lo o talosaga i ai ona faia le faaiuga e toe faafoi le tagata i le Faamasinoga po o le aumaia po o le tuueseina atu o le tagata i le Atunuu o lo o talosaga le faia o lana faaiuga, e tatau i le Atunuu o lo o talosaga i ai ona iloiloitu ita talafeagai, e aofia ai ae le faatapulaina i:

(a) faasologa o aso o talosaga;

(b) aia a le Atunuu o lo o talosaga e aofia ai, pe afai e talafeagai, pe na faia le solitulafono i lona teritori ma le tulaga o tagatanuu o tagata ua afaina ma le tagata ua sailia; ma

(c) o le tulaga e ono mafai ai ona toe faafoi atu i se taimi mulimuli i le va o le Faamasinoga ma le Atunuu o lo o talosaga.

7. Afai ua toe taliaina se Atunuu Auai lea na taliaina se talosaga mai le Faamasinoga mo le toe faafoi o se tagata, se talosaga mai so o se Atunuu mo le aumaia po o le tuueseina atu o le tagata lava lea mo amioga e ese mai nai lea na faavae ai le solitulafono lea o lo o sailia ai e le Faamasinoga le toe faafoi atu o le tagata:

- (a) e tatau i le Atunuu o lo o talosaga i ai, pe afai e le o noatia i lalo o se noataga faava o malo e aumaia po o le tuueseina atu o le tagata i le Atunuu o lo o talosaga, ona tuuina atu le faamuamua i le talosaga a le Faamasinoga;
- (b) e tatau i le Atunuu o lo o talosaga i ai, pe afai o lo o noatia i lalo o se noataga faava o malo e aumai po o le tuueseina atu o le tagata i le Atunuu o lo o talosaga. I le faia ai o lana faaiuga e tatau i le Atunuu o lo o talosaga ona iloilo itu talafeagai uma, e aofia ai ae le faatapulaaina i itu o lo o faatulaga mai i le parakalafa 6, ae peitai e tatau ona tuuina atu iloiloga talafeagai i le uiga moni e fesootai ai ma le mamafa o le amioga o lo o fesiligia.

8. Afai e tusa ai o se faasilasilaga ua faia i lalo o lenei mataupu, ua faia e le Faamasinoga se faaiuga o se mataupu ina ia taliaina, ma pe a ua teena le aumaia ma le tuueseina atu mulimuli ane i le Atunuu o lo o talosaga, e tatau i le Atunuu o lo o talosaga i ai ona logoina le Faamasinoga e uiga i lana faaiuga.

Mataupu 91

Mataupu o talosaga mo le pueina faa-pagota ma le toe faafoi

1. E tatau ona faia se talosaga mo le pueina ma le toe faafoi atu i se faiga tusitusia i le tulaga i mataupu faanatinati, e ono mafai ona faia se talosaga i so o se faiga e mafai ai ona faaoo atu se faamaumauga tusitusia, ae vagana ai e faapea e tatau ona faamaonia le talosaga e auala atu i le faiga ua aiaia i le mataupu 87, parakalafa 1 (a).
2. I le tulaga o se talosaga mo le pueina ma le toe faafoi atu o se tagata lea ua tuuina atu i ai se tusi poloaiga e pueina ai e le Vaega o le Faamasinoga o Uluai Suesuega i lalo o le mataupu 58, e tatau ona aofia ai i le talosaga po o le lagolagoina o le talosaga e ala i:

- (a) faamatalaga e faamatalaina ai le tagata o lo o sailia, ia atoatoa mo le faailoagofieina o le tagata, ma faamatalaga e uiga i le nofoaga e ono mafai ona maua ai;
 - (b) se ata o le tusi poloaiga o le pueina faa-pagota; ma
 - (c) pepa aloaia, faamatalaga tusia po o faamatalaga e pei ona mafai ona talafeagai e faamalieina ai manaoga mo le faagasologa o le toe faafoi atu i le Atunuu o lo o talosaga i ai ma isi Atunuu, ma e tatau, pe afai e talafeagai, ona itiiti ifo lona mamafa, i le amanaia ai o le uiga moni e ese mai ai o le Faamasinoga.
3. I le tulaga i se talosaga mo le pueina ma le toe faafoi atu o se tagata ua maea ona faamaonia lana solitulafono, e tatau ona aofia ai i le talosaga po o le lagolagoina e:
- (a) se ata o so o se poloaiga o le pueina mo lena tagata;
 - (b) se ata o le faaiuga o le moliaga ua faamaonia faaletulafono;
 - (c) faamatalaga e faamatalaina ai e faapea o le tagata na sailia o le tagata lava lea o lo o taua i totonu o le faaiuga o le moliaga ua faamaonia faaletulafono; ma
 - (d) afai ua faasalaina le tagata na sailia, o se ata o le faasalaga na faaeeina atu i ai, ma i le itu i se faasalaga e nofosala ai i le falepuipui, o se faamatalaga o so o se taimi ua maea ona faataunuuina ai le faasalaga ma le taimi o lo o totoe e faataunuu ai le faasalaga.
4. I luga o le talosaga a le Faamasinoga, e tatau i se Atunuu Auai ona faatalanoa le Faamasingoa, i se tulaga lautele po o le faia e tusa ai o se mataupu maoti, e uiga i so o se manaoga i lalo o lana tulafono faale atunuu lea e mafai ona faaaogāina i lalo o le parakalafa 2 (c). A o faagasolo le faatalanoaga, e tatau i le Atunuu Auai ona fautuaina le Faamasinoga e uiga i manaoga faapitoa o lana tulafono faale atunuu.

Mataupu 92Pueina faa-pagota i luga o aiaiga

1. I mataupu faanatinati, e mafai e le Faamasinoga ona talosagaina le pueina faa-pagota i luga o aiaiga o le tagata o lo o sailia, a o faatalia le tuuina atu o le talosaga mo le toe faafoi atu ma pepa aloaia e lagolagoina ai le talosaga e pei ona faamaoti mai i le mataupu 91.
2. E tatau ona faia le talosaga mo le pueina faa-pagota i luga o aiaiga o tagata i so o se faiga e mafai ai ona faaooina atu ai se faamaumauga tusingusia ma e tatau ona aofia ai;
 - (a) faamatalaga e faamatalaina ai le tagata o lo o sailia, e atoatoa lelei ina ia faigofie ona iloa ai le tagata, ma faamatalaga e uiga i le nofoaga o lo o i ai lea tagata;
 - (b) se faamatalaga sao o solitulafono ia o lo o saili ai le pueina faa-pagaota o le tagata ma faamatalaga moni ia ua molia ai i le faia o lea solitulafono, e aofia ai, pe afai e talafeagai, le aso ma le nofoaga na faia ai le solitulafono;
 - (c) se faamatalaga o le i ai o le tusi poloaiga e pueina ai po o se faaiuga o le moliaga ua faamaonia o le solitulafono e faasaga i le tagata o lo o sailia; ma
 - (d) se faamatalaga e faapea o le a mulimuli ona tuuina atu se talosaga mo le toe faafoi atu o le tagata o lo o sailia.
3. O se tagata o ia lea ua pueina faa-pagota i luga o aiaiga e mafai ona tatalaina mai le taofia i le falepuipui pe afai e le i mauaina e le Atunuu sa talosaga i ai le talosaga mo le toe faafoi faapea ma pepa aloaia e lagolago ai le talosaga e pei ona faamaoti mai i le mataupu 91, i totonu o le taimi tapulaa ua faamaoti mai i Tulafono Faafoe o Tualumaga ma Faamatalaga Molimau. Peitai, e mafai e le tagata ona tuuina atu lona maliega i le toe faafoi a o lumanai ai le mutaaga o lenei vaitaimi pe afai e faatagaina i le tulafono a le Atunuu o lo o talosaga i ai. I sea tulaga, e tatau i le Atunuu o lo o talosaga i ai ona faagasolo loa

le toe faafoi o le tagata i le Faamasinoga i se taimi vave lava e mafai ai.

4. O le itu moni e faapea o le tagata sa sailia ua tatalaina mai le taofia i le falepuipui e tusa ai o le parakalafa 3, e le tatau ona taofia ai le pueina faa-pagota mulimuli ane faapea le toe faafoi o lena tagata pe afai ua auina atu i se aso mulimuli ane le talosaga mo le toe faafoi ma pepa aloaia e lagolago ai le talosaga.

Mataupu 93

Isi faiga o le galulue faatasi

1. E tatau i Atunuu Auai, e tusa ai o aiaiga o lenei Vaega ma i lalo o taualumaga o tulafono a le atunuu, ona tausisia talosaga e faia e le Faamasinoga ina ia tuuina atu fesoasoani ua taua mulimuli ane e fesootai i suesuega po o le faia o moliaga:

- (a) le faailoagofieina ma nofoaga o lo o i ai tagata po o nofoaga o lo o i ai meataitasi;
- (b) le faia o faamatalaga molimau, e aofia ai faamatalaga molimau i lalo o tautoga, ma le saunia o faamatalaga molimau, e aofia ai manatu tau tomai faapitoa ma lipoti talafeagai i le Faamasinoga;
- (c) le fesiligia o so o se tagata sa suesueina po o ua molia;
- (d) le faaooina atu o pepa aloaia, e aofia ai pepa aloaia tau faamasinoga;
- (e) faafaigofieina o le auai atu o tagata i le loto malie e avea ma tagata molimau po o tagata tomai faapitoa i luma o le Faamasinoga;
- (f) le siitia lē tumau o tagata e pei ona aiaia i le parakalafa 7;
- (g) le suesueina o nofoaga po o fale, e aofia ai le toe eliina o tino maliu ma le suesueina o tuugamau;
- (h) le faatinoga o le sueina ma le faoa faamalosi;
- (i) le tuuina atu o faamaumauga ma pepa aloaia, e aofia ai faamaumauga ma pepa aloaia;

- (j) le puipuiga o tagata ua afaina ma tagata molimau faapea le tausia saogalemu o faamatalaga molimau;
 - (k) le faailoagofieina, tulituliloa ma le taofia po o le faoa faamalosia o tupe, meatotino ma aseta ma mea sa faatino ai solitulafono mo le faamoemoe o le faalēaogāina loa, e aunoa ma le afaina o aia tatau a isi vaega o lo o galulue i le agaga lelei; ma
 - (l) so o se isi lava ituaiga fesoasoani e le o faasaina e le tulafono a le Atunuu o lo o talosaga i ai, ona o se manatu ia faafaigofie le faia o suesuega ma le faia o moliaga o solitulafono i totonu o le lio o puleaga a le Faamasinoga.
2. E tatau i le Faamasinoga ona i ai le pule faataga e tuuina atu ai se faamatalaga mautinoa i le tagata molimau po o se tagata tomai faapitoa e tulai i luma o le Faamasinoga e faapea e le molia, taofia pe noatia o ia i so o se tapulaa o saolotoga tau le tagata lava ia e le Faamasinoga e tusa ai o so o se gaoioiga po o se mea ua le faia a o lē i tuua e lena tagata le Atunuu o lo o talosaga i ai.
3. Afai o se faatinoga o se faiga maoti tau fesoasoani ua auiliili mai i se talosaga sa tuuina atu i lalo o le parakalafa 1 e faapea ua faasaina i le Atunuu o lo o talosaga i ai ona o se taiala faavae faaletulafono o lo o i ai e faasino i le faaaogāina lautele, e tatau i le Atunuu o lo o talosaga i ai ona vave faatalanoa le Faamasinoga e taumafai e faia se faaiuga o le mataupu. A o faia faatalanoaga, e tatau ona iloilo pe mafai ona faatino le fesoasoani i se isi faiga po o le noatia ma fai fuafua i ni tuutuuga. Afai e maea faatalanoaga ae lē i foia le mataupu, e tatau i le Faamasinoga ona faia fesuiaiga i le talosaga e pei ona tatau ai.
4. E tusa ai o le mataupu 72, faatoa mafai e se Atunuu Auai ona teena se talosaga mo fesoasoani, i lona tulaga atoa po o sona vaega, pe afai o le talosaga e faatatau i le tuuina atu o so o

se pepa aloaia po o le faailoa atu o faamatalaga molimau e fesootai i lona puipuigamalu i totonu o le atunuu.

5. A o le i teena se talosaga mo fesoasoani i lalo o le parakalafa 1 (i), e tatau i le Atunuu o lo o talosaga i ai ona iloilo pe mafai ona tuuina atu le fesoasoani i le noatia ma fai fuafua i tuutuuga ua faamaoti mai, po o le tuuina atu o le fesoasoani i se aso mulimuli ane po o i se isi faiga e mafai ai ona faia, ae vagana ai e faapea afai e taliaina e le Faamasinoga po o le Faafoe Moliaga le fesoasoani i le noatia ma fai fuafua i tuutuuga, e tatau i le Faamasinoga po o le Faafoe Moliaga ona tausisia lena.

6. Afai ua teena se talosaga mo se fesoasoani, e tatau i le Atunuu Auai ona vave logoina le Faamasinoga po o le Faafoe Moliaga i mafuaaga mo lea teena.

7. (a) e mafai e le Faamasinoga ona talosaga se fesiitaiga le tumau o se tagata o lo o taofia i le falepuipui mo faamoemoega o le faailoagofieina po o mo le mauaina o ni faamatalaga molimau po o isi fesoasoani. E mafai ona siitia le tagata pe afai e faamalieina tuutuuga ua taua e faapea:

(i) ua tuuina mai e le tagata i lona loto malie lona maliega i le fesiitaiga; ma

(ii) ua malie i ai le Atunuu o lo o talosaga i ai i le fesiitaiga, i le noatia ma le fai fuafua i ia tuutuuga e pei ona malilie i ai le Atunuu ma le Faamasinoga.

(b) e tatau i le tagata ua faia i ai le fesiitaiga ona taofia pea i le falepuipui. Afai ua faamalieina faamoemoega o le fesiitaiga, e tatau i le Faamasinoga ona toe faafoi le tagata i le Atunuu o lo o talosaga i ai e aunoa ma le faatuai.

8. (a) e tatau i le Faamasinoga ona faamautu le tulaga agatapuia o pepa aloaia ma faamatalaga, vagana ai ua manaomia mo suesuega ma taualumaga ua faamatalaina i totonu o le talosaga;
- (b) e mafai e le Atunuu o lo o talosaga i ai, pe afai e tatau ai, ona auina atu pepa aloaia po o faamatalaga i le Faafoe Moliaga i se faiga agatapuia. E mafai e le Faafoe Moliaga ona faaaogā loa ia pepa aloaia ma faamatalaga i le na o le faamoemoe o le maua ai o ni faamatalaga molimau fou;
- (c) e mafai e le Atunuu o lo o talosaga i ai, i lona lava manatu po o i luga o se talosaga a le Faafoe Moliaga, ona tuuina atu lona maliega i le taimi lava lea i le faailoaina o ia pepa aloaia po o faamatalaga. E mafai loa ona faaaogā e avea o faamatalaga molimau e tusa ai aiaiga o le Vaega 5 ma le 6 ma ina ia tusa ai ma Tulafono Faafoe o Tualumaga ma Faamatalaga Molimau.
9. (a) (i) i le tulaga e faapea ua mauaina e se Atunuu Auai talosaga faa-finau, e ese mai i talosaga mo le toe faafoi po o le aumaia po o le tuueseina atu o tagata solitulafono, mai le Faamasinoga ma mai se isi Atunuu e tusa ai o se noataga faava o malo, e tatau i le Atunuu Auai ona, i le feutagai ai ma le Faamasinoga ma le isi Atunuu, ona faamalieina talosaga uma e lua, pe afai e tatau ai, e ala i le faataatia ese po o le faapipii atu i ai o tuutuuga i se talosaga e tasi:
- (ii) i le lē usitaia o lena, e tatau ona faia se faaiuga i talosaga faa-finau ina ia tusa ai ma taiala faavae ua faavaeina i le mataupu 90.
- (b) afai o le talosaga mai le Faamasinoga e faatatau i faamatalaga, meatotino po o tagata ia e noatia i le pulega a se isi Atunuu po o se faalapotopotoga

faava o malo i lalo o se itu lelei o se feagaiga faava o malo, e tatau i Atunuu o lo o talosaga i ai ona logoina le Faamasinoga ma e tatau i le Faamasinoga ona faaoo lana talosaga i le isi Atunuu po o faalapotopotoga faava o malo.

10. (a) e mafai e le Faamasinoga, i luga o se talosaga, ona galulue felagolagomai ma tuuina atu fesoasoani i se Atunuu Auai o lo o faatinoina se suesuega i se po o se faamasinoga e faasino i le amioga lea e faavae ai se solitulafono i totonu o le puleaga a le Faamasinoga po o lea e faavae ai se solitulafono ogaoga i lalo o tulafono faale atunuu o le Atunuu o lo o talosaga.
- (b) (i) o fesoasoani ua tuuina atu i lalo o le faa-parakalafa (a) e tatau ona aofia ai, i luga o isi mea:
- a. le faaooina atu o faamatalaga tusia, pepa aloaia po o isi ituaiga o faamatalaga molimau sa maua i le faagasologa o se suesuega po o se faamasinoga sa tauaveina e le Faamasinoga; ma
 - b. le fesiligia o so o se tagata sa taofia i se poloaiga a le Faamasinoga;
- (ii) i le tulaga o fesoasoani i lalo o le faa-parakalafa (b)(i)a:
- a. afai sa maua mai ni pepa aloaia po o isi ituaiga o faamatalaga molimau ona o le fesoasoani a se Atunuu, e tatau ona manaomia le maliega a lena Atunuu i le faaooina atu o ia pepa aloaia po o isi faamatalaga molimau;
 - b. afai o ia faamatalaga tusia, pepa aloaia po o isi ituaiga o faamatalaga molimau sa tuuina atu e se tagata molimau po o se tagata

tomai faapitoa, e tatau ona noatia ia faamatalaga tusia, pepa aloaia po o isi ituaiga o faamatalaga molimau i aiaiga o le mataupu 68.

- (c) e mafai e le Faamasinoga, i lalo o tuutuuga ua faatulaga mai i totonu o lenei parakalafa, ona faatagaina se talosaga mo fesoasoani i lalo o lenei parakalafa mai se Atunuu e le o se vaega o lenei Tulafono.

Mataupu 94

Tolopoina o le faatinoga o se talosaga e faasino i se suesuega po o se moliaga o lo o faagasolo pea

1. Afai o le faatinoina vave o se talosaga o le a faalavelaveina ai se suesuega po o le faia o moliaga o se mataupu e ese mai nai le mataupu lea e faasino i ai le talosaga, e mafai e le Atunuu o lo o talosaga i ai ona tolopo le faatinoina o le talosaga mo se vaitaimi e malilie faatasi i ai ma le Faamasinoga. Peitai, e lē tatau ona umi atu le tolopoina nai lo le taimi ua fuafuaina e faamaea ai le suesuega e faasino i ai po o le faia o moliaga i totonu o le Atunuu o lo o talosaga i ai. A o lumanai ai le faia o se faaiuga ina ia tolopo, e tatau i le Atunuu o lo o talosaga i ai ona iloilo pe mafai ona tuuina atu le fesoasoani i le taimi lava lea i le noatia ma fai fuafua i ni tuutuuga maoti.

2. Afai ua taliaina se faaiuga e tolopo ai e tusa ai o le parakalafa 1, e mafai e le Faafoe Moliaga ona sailia ni faiga mo le tausia saogalemu o faamatalaga molimau, e tusa ai o le mataupu 93, parakalafa 1(j).

Mataupu 95

Tolopoina o le faatinoga o se talosaga e faasino i se faafinauga mo le taliaina e le Faamasinoga

Afai o i ai se faafinauga mo le taliaina o lo o iloiloina e le Faamasinoga e tusa ai o le mataupu 18 po o le 19, e mafai e le Atunuu o lo o talosaga i ai ona tolopo le faatinoga o se talosaga

i lalo o lenei Vaega a o loma se faaiuga a le Faamasinoga, se i vagana ua poloaiina maoti e le Faamasinoga e faapea, e mafai e le Faafoe Moliaga ona tulituliloa le aoina o ia faamatalaga molimau e tusa ai o le mataupu 18 po o le 19.

Mataupu 96

Mataupu o le talosaga mo isi ituaiga fesoasoani i lalo o le
Mataupu 93

1. O se talosaga mo isi ituaiga o fesoasoani ua faasinomia i totonu o le mataupu 93 e tatau ona faia i se faiga tusitusia. I le tulaga o mataupu faanatinati, e mafai ona faia se talosaga e ala i so o se faiga e mafai ai ona auina atu se faamaumauga tusitusia, ae vagana ai e faapea e tatau ona faamaonia le talosaga e ala i le fesootaiga ua aiaia i le mataupu 87, parakalafa 1(a).
2. E tatau ona aofia i le talosaga e pei ona talafeagai ai po o ia lagolagoina e vaega ua taua e faapea:
 - (a) se faamatalaga puupuu ma manino o le faamoemoe o le talosaga faapea le fesoasoani ua sailia, e aofia ai le faavae faaetulafono ma mafuaaga mo le talosaga;
 - (b) sa tele faamatalaga auiliili e mafai ona maua e uiga i le nofoaga e maua ai po o le faailoagofie ai o so o se tagata po o se nofoaga lea e faapea e ao ona maua pe faailoagofie ai ina ia mafai ona tuuina atu le fesoasoani o lo o sailia;
 - (c) se faamatalaga puupuu ma manino o mea moni tatau o lo o faavae ai le talosaga;
 - (d) mafuaaga mo ma auiliiliga o so o se taualumaga po o se manaoga e mulimulitaia;
 - (e) se faamatalaga e ono manaomia i lalo o le tulafono a le Atunuu o lo o talosaga i ai ina ia mafai ai ona faatino le talosaga; ma
 - (f) so o se isi lava faamatalaga talafeagai ina ia mafai ai ona tuuina atu le fesoasoani o lo o sailia.

3. I luga o le talosaga a le Faamasinoga, e tatau i se Atunuu Auai ona faatalanoa le Faamasinoga i le tulaga lautele po o e tusa ai o se mataupu maoti, e faatatau i so o se manaoga i lalo o le tulafono a lona atunuu lea e mafai ona faaaogāina i lalo o le parakalafa 2(e). A o faagasolo faatalanoaga, e tatau i le Atunuu Auai ona fautuaina le Faamasinoga e uiga i manaoga maoti o le tulafono a lona atunuu.

4. E tatau i aiaiga o lenei mataupu ona faaaogā foi, pe afai e talafeagai ai, i se talosaga mo fesoasoani ua faia i le Faamasinoga.

Mataupu 97
Faatalanoaga

Afai ua mauaina e se Atunuu Auai se talosaga i lalo o lenei Vaega lea e faasino i le faailoaina o faafitauli e ono faalavelaveina ai pe taofia ai le faatinoga o le talosaga, e tatau i lona Atunuu ona faatalanoa le Faamasinoga e aunoa ma le faatuai ina ia mafai ona foia le mataupu. O ia faafitauli e ono aofia ai, i luga o isi mea:

- (a) le lē lava o faamatalaga e faatino ai le talosaga;
- (b) i le tulaga o se talosaga mo le toe faafoi, o le mea moni e ui lava i taumafaiga aupito sili, ua le mafai ona maua le tagata o lo o sailia po o e faapea o le suesuega sa faia ua maua ai le faaiuga e faapea o le tagata o lo o i le Atunuu o lo o talosaga i ai ua manino mai e le o le tagata lea o lo o taua lona igoa i le tusi poloaiga; po o
- (c) o le mea moni e faapea o le faatinoga o le talosaga i le faiga o lo o faatino ai i le taimi nei o le a manaomia ai le Atunuu o lo o talosaga i ai ina ia solia se noataga tau feagaiga sa i ai lea sa faia e tusa ai o se isi Atunuu.

Mataupu 98Galulue felagolagomai e tusa ai o se tuusaunoaga mai puipuiga mausali ma maliega ina ia toe faafoi

1. E le mafai e le Faamasinoga ona faagasolo se talosaga mo le toe faafoi po o se fesoasoani lea o le a manaomia ai le Atunuu o lo o talosaga i ai ina ia galue i se tulaga e le ogatasi ma ana noataga i lalo o tulafono faava o malo e tusa ai o le Atunuu po o puipuiga mausali tau le va o malo o se tagata po o se meatotino a se isi Atunuu, se i vagana ua mafai e le Faamasinoga ona maua muamua le tulaga o le galulue felagolagomai o le isi lena Atunuu mo le tuusaunoaina mai puipuiga mausali.

2. E le mafai e le Faamasinoga ona faagasolo se talosaga mo le toe faafoi lea o le a manaomia ai le Atunuu o lo o talosaga i ai ina ia galue i se tulaga e le ogatasi ma ana noataga i lalo o feagaiga faava o malo lea e manaomia ai le maliega o se Atunuu o lo o auina atu ina ia toe faafoi se tagata o lena Atunuu i le Faamasinoga, seia vagana ai ua mafai e le Faamasinoga ona maua muamua le lagolago a le Atunuu o lo o auina atu mo le tuuina atu o le maliega mo le toe faafoi atu.

Mataupu 99Faatinoga o talosaga i lalo o mataupu 93 ma le 96

1. O talosaga mo fesoasoani e tatau ona faatinoina ina ia tusa ai ma taualumaga talafeagai i lalo o le tulafono a le Atunuu o lo o talosaga i ai ma, vagana ai o lo o faasaina i sea tulafono, i le faiga o lo o faamaoti mai i le talosaga, e aofia ai le mulimulitaia o so o se taualumaga ua faatulaga mai ai po o ua faatagaina ai tagata ua faamaoti mai i le talosaga ina ia auai i na fesoasoani i le faagasologa o le faatinoga o le talosaga.

2. I le tulaga o se talosaga faanatinati, o pepa aloaia po o faamatalaga molimau ua tuuina atu e tali atu ai e tatau, i luga o le talosaga a le Faamasinoga, ona auina atu i se tulaga faanatinati.

3. O tali mai le Atunuu o lo o talosagaina e tatau ona auina atu i la latou gagana ma le faiga masani.

4. E aunoa ma le aafia fua o isi mataupu i totonu o lenei Vaega, pe afai e tatau ai mo le faatinoga manuia o se talosaga lea e mafai ona faatino e aunoa ma so o se faiga faamalosia, e aofia ai aemaise lava le faatalanoaina o po o le tusia o faamatalaga molimau mai se tagata i se faiga e le faamalosia, e aofia ai le faia faapea e aunoa ma le auai o e o i ai le pule faataga a le Atunuu Auai o lo o talosagaina pe afai e talafeagai mo le faatinoina o le talosaga, faapea le suesuega e aunoa ma ni fesuiaiga o se nofoaga o tagata lautele po o isi nofoaga o tagata lautele, e mafai e le Faafoe Moliaga ona faatino sea talosaga i se faiga tuusao i le teritori o se Atunuu e faapea:

(a) afai o le Atunuu Auai o lo o talosagaina o se Atunuu o lo o i le teritori lea ua tuuaia e faapea sa faia ai le solitulafono, ma ua i ai le faaiuga e taliaina ai e tusa ai o le mataupu 18 po o le 19, e mafai e le Faafoe Moliaga ona faatino tuusao sea talosaga i le maea ai o faatalanoaga uma sa mafai ona faia ma le Atunuu Auai o lo o talosagaina;

(b) i isi mataupu, e mafai e le Faafoe Moliaga ona faatino sea talosaga i le maea ai o faatalanoaga ma le Atunuu Auai o lo o talosagaina ma i le noatia ma le fai fuafua i so o se tuutuuga tatau ai po o atugaluga sa laga e lena Atunuu Auai. Afai ua faailoa manino e le Atunuu Auai o lo o talosagaina faafitauli e aafia ai le faatinoga o se talosaga e tusa ai o lenei parakalafa, e tatau ia te ia, e aunoa ma le faatuai, ona faatalanoa le Faamasinoga ina ia foia le mataupu.

5. O aiaiga e faatagaina ai se tagata e tautala pe suesueina e le Faamasinoga i lalo o le mataupu 72, ina ia talosaga mo le toe iloiloaina o tapulaa ua faatulaga ina ia taofia ai le faalauiloa o faamatalaga agatapuaia e fesootai i le puipuigamalu i totonu o le atunuu, e tatau foi ona faaogā i le faatinoga o talosaga mo fesoasoani i lalo o lenei mataupu.

Mataupu 100O tau

1. O tau masani mo le faatinoina o talosaga i totonu o le teritori o le Atunuu o lo o talosagaina e tatau ona totogi e lena Atunuu, ae vagana ai tau ua taua mulimuli ane, lea e tatau ona totogi e le Faamasinoga:

- (a) o tau e faasino i femalagaiga ma le puipuigamalu o tagata molimau ma tagata poto faapitoa po o le fesiitaiga i lalo o le mataupu 93 o tagata o lo o taofia i le falepuipui;
- (b) tau o le faaliliuupu, faamatalaina o uiga o upu ma le taina faalomitusi;
- (c) femalagaiga ma tau o le tausiga o faamasino, le Faafoe Moliaga, le Sui Faafoe Moliaga, le Resitara, le Sui Resitara ma le aufaigaluega o so o se lala o le Faamasinoga;
- (d) tau o so o se manatu tau poto faapitoa po o lipoti e talosagaina e le Faamasinoga;
- (e) tau e fesootai i le felauaiga o se tagata ua toe faafoi i le Faamasinoga e se Atunuu sa taofia ai i le falepuipui; ma
- (f) i le maea ai o faatalanoaga, so o se tau e le masani ai e ono faia ona o le faatinoga o se talosaga.

2. O aiaiga o le parakalafa 1 e tatau, e pei ona talafeagai ai, ona faaaogā i talosaga mai Atunuu Auai lea e faia i le Faamasinoga. I lea tulaga, e tatau i le Faamasinoga ona ia totogiina tau masani o le faatinoga.

Mataupu 101Tulafono faafoe o tulaga faapitoa

1. O se tagata ua toe faafoi i le Faamasinoga i lalo o lena Tulafono e le tatau ona faia i ai se feteenaiga, faasala pe taofia mo so o se amioga sa faia a o lumanai ai le toe faafoi, e ese mai nai le amioga po o le faasologa o amioga lea e faavae ai solitulafono lea ua toe faafoi ai le tagata.

2. E mafai e le Faamasinoga ona talosagaina se tuusaunoaga o manaoga o le parakalafa 1 mai le Atunuu lea na toe faafoi maia le tagata i le Faamasinoga ma, afai e tatau ai, e tatau i le Faamasinoga ona tuuina atu faamatalaga faaopoopo ina ia tusa ai ma le Mataupu 91. E tatau i Atunuu Auai ona i ai le pule faataga e tuuina atu se tuusaunoaga i le Faamasinoga ma e tatau lava ona faia faapea.

Mataupu 102
Faaaogāina o fuaitau

Mo faamoemoega o lenei Tulafono:

- (a) “Toe faafoi” o lona uiga o le faaooina atu o se tagata e se Atunuu i le Faamasinoga, e tusa ai o lenei Tulafono;
- (b) “Aumaia po o le tuueseina atu” o lona uiga o le faaooina atu o se tagata e se tasi Atunuu i le isi Atunuu e pei ona aiaia i feagaiga, maliega po o tulafono a atunuu.

VAEGA 10. FAAMAMALUINA

Mataupu 103
Matafaioi a Atunuu i le faamamaluina o faasalaga o le
nofosala i le falepuipui

- 1. (a) o le faasalaga o le nofosala i le falepuipui e tatau ona faataunuuina i totonu o le Atunuu ua lautogia e le Faamasinoga mai se lisi o Atunuu ua latou faailoa i le Faamasinoga lo latou naunau e talia tagata ua faasalaina;
- (b) i le taimi ua tautino ai le naunau o lea Atunuu e talia tagata faasalaina i le falepuipui, e mafai e se Atunuu ona aumai ai ma tuutuuga o lona taliaina e pei ona ioeina e le Faamasinoga ma ina ia tusa ai ma lenei Vaega;

- (c) o se Atunuu ua lautogia i se mataupu maoti e tatau ona vave ona logo le Faamasinoga pe na te taliaina le tofiga a le Faamasinoga.
2. (a) o le Atunuu e faamamaluina e tatau ona logo le Faamasinoga mo so o se tulaga e aliae mai, e aofia ai le faataunuaina o so o se tuutuuga ua ioeina i lalo o le parakalafa 1, lea e ono ogaoga sona aafiaga i tuutuuga po o le toe faaopoopo o le taimi e nofosala ai i le falepuipui. E tatau ona 45 aso o le faasilasilaga lea e logoina ai le Faamasinoga ma so o se tulaga aliae ua iloa po o ua vaaia. A o faagasolo lenei vaitaimi, e le tatau i le Atunuu o lo o faamamaluina ona faia ni gaoioiga e ono afaina ai ana noataga i lalo o le mataupu 110;
- (b) pe afai e lē mafai ona ioeina e le Faamasinoga tulaga aliae mai ua taua i le faa-parakalafa (a), e tatau i le Faamasinoga ona logoina le Atunuu o lo o faamamaluina ma faagasolo loa ina ia tusa ai o le mataupu 104, parakalafa 1.
3. I le faatinoina o lana pule faitalia e faia ai se filifiliga i lalo o le parakalafa 1, e tatau i le Faamasinoga ona amanaia vaega ua taua:
- (a) le faavae taiala e faapea e tatau i Atunuu Auai ona fefaasoai le matafaioi o le faamamaluina o faasalaga o le nofosala i le falepuipui, ina ia tusa ai ma faavae taiala o le faasoatutusa, e pei ona aiaia i Tulafono Faafae o Tualumaga ma Faamatalaga Molimau;
- (b) le faaaogāina o tulaga faataatitia lautetele o feagaiga faava o malo ua taliaina o lo o pulea ai le vaaiga o pagota;
- (c) manatu o le tagata ua nofosala i le falepuipui;
- (d) le atunuu o le tagata ua nofosala i le falepuipui;

- (c) isi lava mea moni e faatatau i uiga o le solitulafono po o le tagata ua nofosala i le falepuipui, po o le lelei ona faamamaluina o le faasalaga o le nofosala i le falepuipui, e pei ona talafeagai ai i le lautogia ai o le Atunuu e faamamaluina.
4. Afai e leai se Atunuu ua lautogia i lalo o le parakalafa 1, e tatau ona faataunuu le faasalaga o le nofosala i le falepuipui i se falepuipui ua faaavanoa e le Atunuu talimalo, ina ia tusa ai o tuutuuga ua faatulaga mai i feagaiga a Ofisa Tutotonu ua taua i le mataupu 3 parakalafa 2. I sea tulaga, o tau e faatulai mai i le faamalosia o se faasalaga o le nofosala i le falepuipui e tatau ona totogi e le Faamasinoga.

Mataupu 104

Suiga i le Malo ua lautogia e faamamaluina faasalaga

1. E mafai e le Faamasinoga, i so o se taimi, ona faia se faaiuga ina ia siitia se tagata o lo o falepuipui i se falepuipui o se isi Atunuu.
2. E mafai e se tagata o lo o nofosala i le falepuipui, i so o se taimi, ona talosaga i le Faamasinoga ina ia siitia ese mai le Atunuu o lo o faamamaluina ai le faasalaga.

Mataupu 105

Faamamaluina o le faasalaga

1. I le noatia ma fai fuafua i tuutuuga e mafai e se Atunuu ona faamaoti mai ina ia tusa ai ma le mataupu 103, parakalafa 1(b), e tatau ona noatia Atunuu Auai i le faasalaga o le nofosala i le falepuipui, lea e le tatau ona toe faia i ai ni fesuaiga.
2. Na o le Faamasinoga lava e tatau ona i ai le aia tatau e faia ai se faaiuga i so o se talosaga mo le toe iloiloina ma toe faatonu. E lē tatau i le Atunuu o lo o faamalosia faasalaga ona faalavelaveina le faia o sea talosaga e le tagata nofosala i le falepuipui.

Mataupu 106Vaavaaia o le faamamaluina o faasalaga ma tuutuuga
o le nofosala i le falepuipui

1. O le faamamaluina o se faasalaga e nofosala ai i le falepuipui e tatau ona noatia i le vaavaaiga a le Faamasinoga ma e tatau ona ogatasi ma tulaga faataatitia o feagaiga o malo ua taliaina lautele e pulea ai le tagofiaina o pagota.
2. O aiaiga o le nofosala i le falepuipui e tatau ona pulea e le tulafono a le Atunuu o lo o faamamaluina ma e tatau ona ogatasi ma tulaga faataatitia o feagaiga faava o malo ua taliaina lautele i le puleaina o le tagofiaina o pagota, ma e leai se tulaga e tatau ai i se aiaiga ona sili atu pe itiiti ifo lo latou tulaga manuia nai lo aiaiga ia o lo o maua ai avanoa o pagota sa faamaoniaina moliaga i soligatulafono tutusa i le Atunuu e faamamaluina ai
3. O fesootaiga i le va o se tagata ua faasalaina ma le Faamasinoga e le tatau ona faalavelaveina ma e agatapuia.

Mataupu 107Fesiitaiga o le tagata ina ua maea le faasalaga

1. I le maea ai o se faasalaga e mafai e se tagata e le o se tagatanuu o le Atunuu o lo o faamamaluina, e tusa ai ma le tulafono a le Atunuu o lo o faamamaluina, ona fesiitai atu i se Atunuu lea ua noatia na te talia o ia, po o i se isi Atunuu ua i ai lona maliega e talia o ia, i le amanaia ai o so o se manaoga o le tagata ina ia fesiitai atu i lona Atunuu, seia vagana ai ua faatagaina e le Atunuu o lo o faamamaluina, le tagata ina ia tumau pea i totonu o le teritori.
2. Afai e leai se Atunuu e totogiina tau e tulai mai le fesiitaiga o le tagata i se isi Atunuu e tusa ai o le parakalafa 1, o ia tau e tatau ona totogiina e le Faamasinoga.

3. I le noataia ma le fai fuafua i aiaiga o le mataupu 108, e mafai foi e le Atunuu o lo o faamamaluina, e tusa ai ma tulafono a lona atunuu, ona toe aumaia faanatinati po o i se isi faiga e ese ai, le tagata i se Atunuu lea sa talosaga ina ia toe tuueseina po o le toe aumaia o le tagata mo faamoemoega o le faamasinoga po o le faamamaluina o le faasalaga.

Mataupu 108

Tapulaa i luga o le moliaga po o faasalaga o isi soligatulafono

1. O se tagata ua nofosala i le falepuipui o le Atunuu o lo o faamamaluina e lē tatau ona noatia i se moliaga po o se faasalaga po o le toe tuueseina atu i se isi Atunuu mo so o se amio sa faia a o lumanai ai le auina atu o lena tagata i le Atunuu o lo o faamamaluina, ae vagana ai o sea moliaga, faasalaga po o le toe tuueseina atu ua uma ona faamaonia e le Faamasinoga e ala i le talosaga a le Atunuu o lo o faamamaluina.

2. E tatau i le Faamasinoga ona faia se faaiuga o le mataupu ina ua maea ai ona fofogaina manatu o le tagata ua faasalaina.

3. E tatau ona faamuta le faaaogāina o le parakalafa 1 pe afai o le tagata ua nofosala o lo o tumau pea i lona loto fuatiaifo mo le silia i le 30 aso, i le teritori o le Atunuu o lo o faamamaluina ina ua maea lona faasalaga atoa sa faaeeina atu e le Faamasinoga, po o ua toe foi atu i le teritori o lena Atunuu ina ua maea ona ia tuua le atunuu.

Mataupu 109

Faamamaluina o sala tupe ma fuafuaga e faamatuuese ai

1. E tatau i Atunuu Auai ona faamamaluina sala tupe po o le faamatuuese ua poloaia e le Faamasinoga i lalo o le Vaega 7 e aunoa ma le faalēaogāina o aia tatau o isi vaega faamaoni, ma e tusa ai ma le tualumaga o le tulafono a lea atunuu.

2. Afai ua le mafai e se Atunuu Auai ona faamamaluina se poloaiga mo le faamatuina ese, e tatau ona ia faia ni fuafuaga ina ia toe maua mai ai le tau aoga o tupe maua, meatotino po o aseta ua poloaiina e le Faamasinoga ina ia faamatu ese, e aunoa ma le faalēaogāina o aia tatau a isi vaega faamaoni.

3. O meatotino, po o tupe maua o le faatauina atu o meatotino moni po o, afai e talafeagai, le faatauina atu o i si meatotino ia e maua e se Atunuu Auai e ave o taunuuga o lona faamamaluina o se faaiuga a le Faamasinoga e tatau ona faaliliuina atu i le Faamasinoga.

Mataupu 110

Toe Iloiloga a le Faamasinoga e uiga i le faaitiitia o faasalaga

1. E le tatau i le Atunuu o lo o faamamaluina ona tatalaina i tua se tagata a o lumanai le faamutaina o lona faasalaga sa faasilasilaina e le Faamasinoga.

2. E na o le Faamasinoga lava e tatau ona i ai lana aia tatau e faia ai se faaiuga i so o se faaitiitiga o faasalaga, ma e tatau ona faia se faatonuga i luga o le mataupu ina ua maea ona fofogaina lea tagata.

3. Afai ua maea le lua vaetolu o le faasalaga o se tagata, po o le 25 tausaga i le tulaga o le nofosala i le falepuipui mo le olaga atoa, e tatau i le Faamasinoga ona toe iloilo le faasalaga ina ia fuafuaina ai pe tatau ona faaitiitia. O le a lē tatau ona faia lea toe iloiloga a o le i maea i lena taimi.

4. I lana toe iloiloga i lalo o le parakalafa 3, e mafai e le Faamasinoga ona faaitiitia le faasalaga pe afai ua ia maua e faapea o lo o i ai se itu se tasi po o le sili atu o mea ua taua e faapea:

- (a) o le vave usitaia ma le faaauauina ona usitaia e le tagata o le galulue faatasi ma le Faamasinoga i ana suesuega ma moliaga;

- (b) o le lotofuatiaifo e fesoasoani o le tagata ina ia mafai ona faamamaluina faaiuga ma poloaiga a le Faamasinoga i isi mataupu, aemaise ai o le tuuina atu o fesoasoani i le sailia o aseta o lo o noatia i ni poloaiga o sala tupe po o le faamatuu ese po o faiga e toe faaleleia ai ia e mafai ona faaaogā mo se manuia o i latou ua afaina, po o
 - (c) isi itu o lo o faavae ai se suiga manino ma taua o tulaga ua aliae mai e atoatoa ina ia faamaonia ai le tatau ona faaititia o le faasalaga, e pei ona aiaia i totonu o Tulafono faafoe o Tualumaga ma Faamatalaga molimau.
5. Afai ua fuafuaina e le Faamasinoga i lana uluai toe iloiloga i lalo o le parakalafa 3 e faapea e le talafeagai ona faaititia le faasalaga i ni vaitaimii atofaina ma faaaogā ia taiala faataatitia e e pei ona aiaia ai i totonu o Tulafono faafoe o Tualumaga ma Faamatalaga molimau.

Mataupu 111
Solaaga

Afai ua sola se tagata ua molia mai le nofo puipuia ma sola ese mai i le Atunuu o lo o faamamaluina ai le moliaga, e mafai e lena Atunuu, ina ua tuanai ai ona faatalatalanoa ma le Faamasinoga, ona talosagaina le toe aumaia o lea tagata mai le Atunuu lea ua maua ai lena tagata e tusa ai o faatulagaga o lo o i ai nei i le va o malo po o ni malo e sili atu, po e mafai ona talosaga e faapea ia saili atu le Faamasinoga e toe aumaia lea tagata, e tusa ai ma le Vaega 9. E mafai ona ia faataunuuina ina ia faaoo mai le tagata i le Atunuu lea sa faia ai le faasalaga po o i se isi Atunuu ua faatulagaina e le Faamasinoga.

VAEGA 11. FONO AOA O A ATUNUU AUAIMataupu 112Fono Aoao a Atunuu Auai

1. Ua faavaeina nei se Fono Aoao a Atunuu Auai i lenei Tulafono. E tatau i se Atunuu Auai taitasi ona i ai sona sui e toatasi i totonu o le Fono Aoao, o ia lea e mafai ona i ai, faatasi ma nisi o suitulaga ia te ia, ma ni tagata faufautua. O nisi Atunuu ia sa latou sainia lenei Tulafono po o le Tulafono Mulimuli e mafai ona avea ma tagata e mataituina tualumaga i totonu o le Fono Aoao.
2. E tatau i le Fono Aoao ona:
 - (a) iloilo ma faaogā e pei ona talafeagai ai, fautuaga a le Komisi o Uluai Tapenaga;
 - (b) ona tuuina atu se vaaiga aoao o faafoega i le Peresetene, le Faafae Moliaga ma le Resitara e uiga i pulega a le Faamasinoga;
 - (c) iloilo lipoti ma galuega faatino a le Ofisa Tutotonu ua faavaeina i lalo o le parakalafa 3, ma faia ni gaoioiga e talafeagai e tusa ai o ia mea;
 - (d) iloilo ma faia se faaiuga o le tala o tupe mo le Faamasinoga;
 - (e) faia se faaiuga pe suia, ina ia tusa ai ma le mataupu 36, le fuainumera o faamasino;
 - (f) iloilo e tusa ai o le mataupu 87 parakalafa 5 ma le 7, so o se fesili e faatatau i le lē mafai ona galulue felagolagomai;
 - (g) faatino so o se galuega tauave ina ia ogatasi ma lenei Tulafoano po o Tulafono Faafae o Tualumaga ma Faamatalaga Molimau.
3. (a) e tatau ona i ai se Ofisa Tutotonu o le Fono Aoao e aofia ai se Peresetene, o Sui Peresetene e toalua ma sui usufono e 18 e filifilia e le Fono Aoao mo vaitaimi e tai tolu tausaga.

- (b) e tatau i le Ofisa Tutotonu ona i ai se tagata e avea ma sui auai, na te faamaumauina, i le tulaga maoti, se faamaumauina i le tulaga maoti, se faasoasoaga tutusa o sui auai o atunuu o le lalolagi ma le lava aotatoa o tulaga ua faaaogāina ai faiga faaletulafono autu o le lalolagi.
- (c) e tatau ona fono le Ofisa Tutotonu i taimi talafeagai, peitai a itiiti mai e tasi i le tausaga. E tatau ona fesoasoani i le Fono Aoao i le faataunuaina o ana matafaioi tauave.
4. E mafai e le Fono Aoao ona faavae ni ona lala faalefaalapotopotoga e pei ona talafeagai, e aofia ai se vaega tutoatasi e vaavaaia le faiga o asiasiga, iloiloga ma suesuega a le Faamasinoga, ina ia faamalosia le tulaga atoatoa ma lona tamaoaiga.
5. E mafai e le Peresetene o le Faamasinoga, le Faafoe Moliaga ma le Resitara po o latou sui ona auai pe a talafeagai ai, i fonotaga a le Fono Aoao ma le Ofisa Tutotonu.
6. E tatau ona fono le Fono Aoao i lona nofoaga autu po o le Ofisa Tutotonu o Malo Afaatasi, e tasi i le tausaga ma, afai ua manaomia se tulaga e aliae mai, o le a faapea ona faia ni fonotaga faapitoa. Ae vagana ai e ese le tulaga ua faamaotiina mai i totonu o lenei Tulafono, e tatau ona taloina e le Ofisa Tutotonu ni fonotaga faapitoa i lona lava faitalia po o e ala i le talosaga mai o le tasi vaetolu o Atunuu Auai taitasi.
7. E tatau i Atunuu Auai taitasi ona faia se palota e tasi. E tatau ona faia taumafaiga uma taitasi ina ia maua ai se faaiuga autasi i totonu o le Fono Aoao ma totonu o le Ofisa Tutotonu. Afai e le mafai ona maua se faaiuga autasi, ae vagana ai ua aiaia i se isi tulaga e ese ai i totonu o le Tulafono:
- (a) o faaiuga o mataupu taua e ao ona faamaonia e le aofaiga aupito toatele e lua vaetolu o i latou o lo o auai ma palota ae vagana ai e faapea o se aofaiga aupito toatele aiai o Atunuu Auai o lo o

maua ai le aofaiga o sui e mafai ai ona faia se palota;

- (b) o faaiuga o mataupu o tualumaga e tatau ona faia e se aofaiga aupito i toaitiiti o Atunuu Auai o lo o auai ma palota.
8. O se Atunuu Auai lea e i ai ni ana aitalafu e le i totogiina o lana saofaga tau tupe i tau o le Faamasinoga, e le tatau ona palota i le Fono Aoao ma le Ofisa Tutotonu pe afai o le aofai o ana aitalafau e tutusa pe silia le aofaiga o saofaga ua tatau ona totogiina mai ai mo tausaga atoatoa e lua talu ai. E mafai e le Fono Aoao, e tusa lava po o le a le tulaga e i ai, ona faatagaina se Atunuu Auai e palota i le Fono Aoao ao aia e palota i le Fono Aoao ma le Ofisa Tutotonu pe afai ua faamalieina o ia e faapea o le lē mafai ona totogi e mafua mai ona ua le mafai e le Atunuu Auai ona faafoe.
9. E tatau i le Fono Aoao ona faaaogāina ana ia lava tulafono faafoe o tualumaga.
10. O gagana aloaia ma gagana o galuega a le Fono Aoao e tatau ona tutusa ma gagana o lo o faaaogāina e le Fono Aoao a Malo Afaatasi.

VAEGA 12. TUPE

Mataupu 113

Tulafono Faatonutonu tau Tupe

Ae vagana ai ua aiaia maoti i se isi faiga e ese ai, o mataupu tau tupe uma e faasino i le Faamasinoga ma fonotaga a le Fono Aoao a Atunuu Auai, e aofia ai lena Ofisa Tutotonu ma ona lala, faale faalapotopotoga, e tatau ona pulea e lena Tulafono ma Tulafono Faatonutonu tau tupe ma Tulafono Faafoe ua faaaogāina e le Fono Aoao a Atunuu Auai.

Mataupu 114
Totogiina o tupe alu

O tupe alu a le Faamasinoga ma le Fono Aoao a Atunuu Auai, e aofia ai lona Ofisa Tutotonu ma ona lala faale faalapotopotoga, e tatau ona totogiina mai faaputugatupe a le Faamasinoga.

Mataupu 115
Faaputugatupe a le Faamasinoga ma le Fono Aoao
a Atunuu Auai.

O tupe alu a le Faamasinoga ma le Fono Aoao a Atunuu Auai, e aofia ai lona Ofisa Tutotonu ma lala faale faalapotopotoga, e pei ona aiaia ai i le tala o le tupe ua faaiugafonoina e le Fono Aoao a Atunuu Auai, e tatau ona tuuina atu mai alatupe ua taua e faapea:

- (a) saofaga fuafuaina e faia e Atunuu Auai;
- (b) faaputugatupe e tuuina atu e Malo Aafaatasi, e noatia i le faamaoniga a le Fono Aoao o Malo Aafaatasi, e faapitoa lava e faasino i tupe alu ua faatupulaia ona o mataupu ua faatoai atu i le Fono tau Puipuigamalu.

Mataupu 116
Saofaga e faia i le lotofuatiaifo

E aunoa ma le aafia o le mataupu 115, e mafai e le Faamasinoga ona talia ma faaaogā, e avea o faaputugatupe faaopopo, ni saofaga o le lotofuatiaifo mai Malo, faalapotopotoga faava o Malo, tagata taitoatasi, faalapotopotoga tuufaatasia ma isi itutino ua tuufaatasia faaletulafono, e tusa ai ma taiala faataatitia talafeagai ua faavaeina e le Fono Aoao a Atunuu Auai.

Mataupu 117
Fuafuaina o saofaga

E tatau ona fuafuaina saofaga a Atunuu Auai e tusa ai ma se fua faatatau a Malo Aafaatasi mo ana tala o tupe masani ma fetuunai ai e tusa ma taiala faavae lea o lo o faavae ai lea fua faatatau.

Mataupu 118
Sueina faa-suetusi o tusi i tausaga taitasi

E tatau ona sueina faa-suetusi faamaumauga, tusi ma teugatupe o le tausaga a le Faamasinoga, e aofia ai ana faamatalaga tau tupe faaletausaga, e se suetusi o lo o galue tutoatasi.

VAEGA 13. O FUAIUPU FAAIU

Mataupu 119
Foia o Feeseeseaiga

1. So o se feeseeseaiga e uiga i le galuega tauave faa-faamasinoga e tatau ona foia e ala i se faaiuga a le Faamasinoga.
2. So o se isi lava feeseeseaiga i le va o Atunuu Auai e lua po o le sili atu e faasino i le faauigaina po o le faaogaina o lenei Tulafono lea e le mafai ona foia e ala i ni feutagaiga i totonu o le tolu masina talu ona amata faamamaluina, e tatau ona faaoo atu i le Fono Aoao a Atunuu Auai. E mafai e le Fono Aoao lava ia ona taumafai e foia le feeseeseaiga po o e mafai ona ia faia ni fautuaga i nisi o auala e foia ai le feeseeseaiga, e aofia ai le tuuina atu i le Faamasinoga Faava o Malo o Faaiuga Amiotonu ina ia ogatasi ai ma tulafono a lenei Faamasinoga.

Mataupu 120Tuusaunoaga

E leai ni tuusaunoaga e faia i lenei Tulafono.

Mataupu 121Teuteuga

1. Ina ua faamuta le fitu tausaga mai le amata faamamaluina o lenei Tulafono, e mafai e so o se Atunuu Auai ona talosaga ni teuteuga i lea Tulafono. O le lomiga o so o se teuteuga ua talosagaina e tatau ona faaooina atu i le Failautusi Aoao o Malo Aafaatasi, o ia lea e tatau ona faasalalauina loa lava lea talosaga i Atunuu Auai uma.
2. E le tatau ona sili atu i le tolu masina mai le aso o le faasilasilaga, e tatau ai i le Fono Aoao a Atunuu Auai i lana fonotaga e sosoo ai, e ala i se aofaiga aupito i toatele o i latou o lo o auai ma palota, ona filifili pe tagofia le talosaga. E mafai e le Fono Aoao ona tagofia tuusao le talosaga pe taloina se Fono o Toe Iloiloga pe afai o le mataupu o lo o aafia ua faapea ona faamaonia.
3. O le faaaogāina o se teuteuga i se fonotaga a le Fono Aoao a Atunuu Auai po o se Fono o Toe Iloiloga lea e le o maua ai se aofaiga e fulisia i ai e tatau ona manaomia ai le aofaiga aupito i toatele o le lua vae tolu o Atunuu Auai.
4. Ae vagana ai ua aiaia i totonu o le parakalafa 5, e tatau ona amata faamamaluina se teuteuga mo Atunuu Auai uma i le tausaga e tasi talu ona tuuina atu pepa faaletulafono o faamaoniga faaletulafono po o le taliaina e le Failautusi Aoao o Malo Aafaatasi e le fitu-vae-valu o atunuu ia.
5. O so o se teuteuga i mataupu 5, 6, 7 ma le 8 o lenei Tulafono e tatau ona amata faamamaluina mo Atunuu Auai ia ua latou taliaina le teuteuga i le tausaga e tasi talu ona tuuina atu a latou pepa faaletulafono o faamaoniga faaletulafono po o le

taliaina. E tusa ai o se Atunuu Auai e lē o taliaina le teuteuga, e lē tatau i le Faamasinoga ona faatino lana pulega faa-faamasinoga e uiga i se solitulafono ua aafia i le teuteuga pe afai e faia e tagata o lena Atunuu Auai po o i lona teritori.

6. Afai e taliaina se teuteuga e le fitu-vae-vlau o Atunuu Auai e tusa ai ma le parakalafa 4, e mafai e so o se Atunuu Auai na te le i taliaina le teuteuga, ona alu ese mai lenei Tulafono i le aloaia ai i lea lava taimi, e ese mai i mataupu 127, parakalafa 1, peitai e noatia i le mataupu 127, parakalafa 2, e ala i le tuuina atu o se faasilasilaga e le sili atu i lo le tasi le tausaga talu ona amata faamamaluina lea teuteuga.

7. O le Failautusi Aoao o Malo Aafaatasi e tatau ona ia faasalalauina i Atunuu Auai uma so o se teuteuga ua taliaina i se fonotaga a le Fono Aoao a Atunuu Auai po o i se Fonotaga o Toe Iloiloga.

Mataupu 122

Teuteuga i aiaiga o uiga masani tau faalapotopotoga.

1. O Teuteuga i aiaiga o lenei tulafono lea e i ai uiga masani tau faalapotopotoga, ia ua taua, mataupu 35, mataupu 36, o parakalafa 8 ma le 9, o le mataupu 37, mataupu 38, mataupu 39, parakalafa 1 (uluai fuaiupu e lua), 2 ma le 4, mataupu 42 parakalafa 4 i le 9, mataupu 43 parakalafa 2 ma le 3, ma mataupu 44, 46, 47 & 49, e mafai ona fautuaina i so o se taimi, e ui lava i le mataupu 121 parakalafa 1, e so o se Atunuu Auai. O le faamatalaga o so o se teuteuga ua fuafuaina e tatau ona tuuina atu i le Failautusi Aoao o Malo Aafaatasi po o i isi tagata ua lautogia e le Fono Aoao a Atunuu Auai o ia lea e tatau ona faasalalauina vave lea faamatalaga i Atunuu Auai uma ma isi vaega e auai i le Fono Aoao.

2. O teuteuga i lalo o lenei mataupu lea e le mafai ona maua i ai se maliega autasi e tatau ona taliaina e le Fono Aoao a Atunuu Auai po o e le Fonotaga o Toe Iloiloga, e ala i le lua vae tolu o Atunuu Auai. O ia teuteuga e tatau ona faamamaluina

mo Atunuu Auai uma i le ono masina talu ona taliaina e le Fono Aoao po o, i le a lava le tulaga e i ai, e le Fonotaga.

Mataupu 123
Toe Iloiloga o le Tulafono

1. I le fitu tausaga talu ona amata faamamaluina lenei tulafono, e tatau i le Failautusi Aoao o Malo Aufaatasi ona taloina se Fonotaga o Toe Iloiloga e iloiloaina ai so o se teuteuga i lenei tulafono. O ia iloiloga e mafai ona aofia ai, ae le faatapulaaina i, le lisi o solitulafono o lo o i totonu o le mataupu 5. E tatau ona avanoa le Fonotaga mo i latou o lo o auai i le Fono Aoao a Atunuu Auai ma i luga o tuutuuga lava e tasi.

2. I so o se taimi e maea ai, i luga o le talosaga a se Atunuu Auai ma mo faamoemoea ua faatulaga mai i le parakalafa 1, e tatau i le Failautusi Aoao o Malo Aufaatasi ina ua faamaonia e se vaega fulisia o Atunuu Auai, ona usua se Fonotaga o Toe Iloiloga.

3. O aiaiga o le mataupu 121 parakalafa 3 - 7, e tatau ona faaaogā i le taliaina ma le faamamaluina o so o se teuteuga o le tulafono lea e iloiloaina e le Fono o Toe Iloiloga.

Mataupu 124
Aiaiga tau Soloaiga

E ui lava i le mataupu 12 parakalafa 1 ma le 2, o se Atunuu Auai i lenei Tulafono, e mafai ona tautino e faapea, mo se vai taimi e fitu tausaga talu ona amata faamamaluina lenei Tulafono mo le Atunuu o lo o faasino i ai, e na te le taliaina le puleaga faa-faamasinoga a le Faamasinoga e faasino i le faavasegaina o solitulafono ua taua i le mataupu 8, pe afai o se solitulafono ua tuuaia e faapea sa faia e ona tagataanuu po o i totonu o lona teritori. O se faaaliga manino i lalo o lenei mataupu e mafai ona toe faui i tua i so o se taimi. O aiaiga o lenei mataupu e tatau ona toe iloiloaina i le Fono o Toe Iloiloga e usua ina ia tusa ai ma le mataupu 123 parakalafa 1.

Mataupu 125Saini, faamaoniga faaletulafono, taliaina, faamaoniga
po o le auai ai

1. E tatau ona avanoa lenei Tulafono mo le sainia e Atunuu uma i Roma, i le nofoaga tutotonu o le faalapotopotoga o Taumafa ma Faatoaga a Malo Afaatasi, i le aso 17 Iulai 1998. A maea lena, e tatau lava ona avanoa pea mo le sainia i Roma i le Matagaluega o Mataupu tau le Va i Fafu a Italia seia oo i le aso 17 Oketopa 1998. Ina ua tuana'i lena aso, e tatau lava ona avanoa pea le tulafono mo le sainia i Niu Ioka, i le Nofoaga tutotonu o Malo Afaatasi, seia oo i le aso 31 Tesema 2000.
2. E noatia le Tulafono i faamaoniga faaletulafono, taliaina po o le faamaoniga e ala i Atunuu ua sainia. O pepa faaletulafono o faamaoniga faaletulafono, taliaina po o faamaoniga e tatau ona faatoai atu i le Failautusi Aoa o Malo Afaatasi.
3. O lenei Tulafono e tatau ona avanoa ina ia auai atu ai Atunuu uma. O pepa faaletulafono o le Auai e tatau ona faatoai atu i le Failautusi Aoa o Malo Afaatasi.

Mataupu 126Faamamaluina

1. O lenei Tulafono e tatau ona amata faamamaluina i le aso muamua o le masina ina ua tuana'i le aso lona 60 talu ona faatoai le pepa faaletulafono lona 60 o le faamaoniga faaletulafono, taliaina, faamaoniga po o le auai, e tatau ona amata faamamaluina le Tulafono i le aso muamua o le masina ina ua tuana'i le aso lona 60 talu ona faatoai e sea Atunuu ana pepa faaletulafono o le faamaoniga faaletulafono, taliaina, faamaoniga po o le auai.

Mataupu 127Toe faauiese

1. E mafai ona toe faauiese se Atunuu Auai, i se faasilasilaga tusitusia e faa-tuatusi i le Failautusi Aoao o Malo Afaatasi, mai i lenei Tulafono. E tatau ona amata faamamaluina le toe faauiese i le tausaga e tasi ina ua tuanai le aso na maua i le faasilasilaga, ae vagana ua faamaoti mai i le faasilasilaga se aso mulimuli ane.

2. E le tatau ona tuusaunoa se Malo, i luga o se mafuaaga o lona faauiese, mai noataga e tulai mai lenei Tulafono a o avea o ia o se Atunuu Auai i le Tulafono, e aofia ai so o se noataga tau tupe lea e ono faatulai mai. O lona faauiese mai e le tatau ona aafia ai so o se lagolago i le Faamasinoga e tusa ai o suesuega o solitulafono ma tualumaga e faasino i le tiute tauave o le Atunuu ua toe faauiese ina ia lagolagosua faapea tiute ia na amatalia a o lumanai le aso lea sa amata faamamaluina ai le toe faauiese, e le tatau foi ona ia faalavelaveina i so o se auala le iloiloga o lo faaauau o so o se mataupu ua amata ona Iloilo e le Faamasinoga a o lumanai le aso lea ua faamamaluina ai le toe faauiese.

Mataupu 128Mataupu faamaonia

O le uluai ata o lenei Tulafono lea e taufai faamaonia uma ai gagana Arapi, Saina, Peretania, Falani, Lusua ma Sepania, e tatau ona faatoai atu i le Failautusi Aoao o Malo Afaatasi, o Ia lea e tatau ona lafoina atu ata ua faamaonia o le Tulafono i Atunuu uma.

I LE MOLIMAU E FAAPEA, o i latou ua sainia suafa iinei, i le tuuina i ai o le pule faataga e o latou Malo, ua sainia ai lenei Tulafono.

FAIA i Roma, i lenei aso 17 Iulai 1998.

**O le Tulafono o Faamasinoga a le Lalolagi mo Solitulafono Faava
o Malo 2007 o lo o faafoeina e le Matagaluega o Faamasinoga
ma Pulega tau Faamasinoga**

**Lolomiina e le Failautusi o le Fono Aoa o Faitulafono,
i le pule a le Failautusi o le Fono Aoa o Faitulafono.**